



近

代

詩

鈔

中

陳衍編輯

商務印書館發行



80787345

吳觀禮

觀禮字子儻浙江仁和人同治辛未進士官翰林院編修有圭竄詩錄

石遺室詩話圭竄橐筆從軍晚始登第詩宗唐調古體多今樂府七言律專用少陵諸將法然感事之作非有注莫明也故不多錄

上巳後一日同人重泛湘湖遂至義橋

鳥語頻催宿醉醒載攜筆研汎湘船遠山如夢黏雲碧稗柳初絲隄地青天補重三留客兩人來第一望湖亭與君省識東風面更對花枝倒醖醞

上恪靖伯

世會際貞元盛業幹窮變蠢爾刑天舞起乘有虞倦山嶽配昊宰早毓濟時彥進取希古狂多能若少賤書生昔謀國運籌平患難大勢如指掌全楚先衛扞辭賞追魯連擲筆哂維翰萋斐彼何人忠佞本冰炭慷慨將赴闕堅剛挺百鍊吳越妖祲纏東南孰與奠先帝能官人明遠弗庸譖被命遂視師感恩再三歎艱苦空幟中將士相詔勸經營廿六州奇勳成血戰擊楫吞氐羗聚米羅郡縣從容講富教所至拯民墊賤子乘槎來豈屑浮榮戀表正治象與功高純節見昌期蔚龍從雲霄仰鴻漸體公平生心相從訖荒甸

嘉應班師鏡歌

金盤保珽師回金盤嶺率師來七載徂征五行省東南澄鏡無纖埃嘉應湖州作戰場殘寇并滅歸堵康

賊雜

大慙先摧李鐵槍以次削平黃與汪允哉末劫在錢塘

嘉應州有錢塘

父老歡迎竊相語元戎勳業照今

古嗚呼父老今快觀豈知在山雲早爲天下雨

嘉湖作戰場末劫在錢唐皆恣緯家言

偏將軍

街亭敗績幼常死不私朋友法應爾斬王失機老鶴河拜表糾慝妻不阿豈有專將任守戰有過畏令天下見元戎任過恥分謗胡弗自陳乞嚴譴自從黃巾瀆妖氛大槍銅馬猶紛紛諸將討賊功罪分鈇鉞不用頻書勳刑賞忠厚邁夏殷聖德寬大無深文深宮宵旰方憂勤詔書婉切寧忍聞烏庠詔書婉切不忍聞優容豈獨偏將軍

過馬嵬坡

翠鬪匆匆過馬嵬梨花落盡佛堂開如何龍武隨西幸却似韓擒鐵騎來
華清歌舞悅宸顏國是何勞罪玉環但視前星耀靈武未應女禍例驪山
南內傷心鎮淚垂荒坡一竊死生離秦陵割愛虛妃寢淒絕當年薦荔支
古驛斜陽幹掩扃海山何用訪僊靈天留香土於幽魄差比明妃冢獨青

雨中發昭化度天雄關

西來入棧已千里履險若夷陂若平大風亂流渡枯柏細雨捫級過葭萌天雄關下草泥滑杉檜夾道如將迎山僧送我登小閣直下可蹴漢壽城嘉陵谷水徑隴蜀桓水一綫來西傾到此合流益東去夜雨涼迸危灘聲北望巖岫黯無罅雲氣一白烘初晴我行將踰五十日縱有風雨無羈程開雲自亡有默鑒叱馭敢謂憑愚誠古今利鈍類如此功業強半由天成險夷平陂亦無定非皆人力能經營

題何愷堂跨駝雪征圖

太行巖稟寒雲傾溱沔流澌聲此我當時雪征處不圖君實先我行我猶磨盾倚戰馬君乃覓騎不得跨駝行兼程轉十萬餉辭錦城馳七千里來神京艱難饋運事恆有胡爲拮据勞苦冒雪揮雙旌著鞭高據馳峯橫是時翠華駐行營羽書徵餉如徵兵麻糝未遂杜陵志米囊要竭韓混誠藉無候人橐駝一繭足奚惜窮榛荆能充此念赴忠義視性命直鴻毛輕古今臣子急難盡如此何論渭橋申約澶淵盟使旋至蜀不言瘁鸞栖枳棘時久平畫師拂絹素殷勤重寫生吁嗟乎能圖踢雪千里足誰貌乘風萬里情

冢婦篇

門祚本寒素質陋長善愁託身適貴族甲第連朱樓先後衆娣姒什伯親疎儔冢婦主中饋明慧稱才優戚姑有喜怒一意承溫柔溫柔豈不懿所願無疊尤任勞先任怨匪但心休休馨腥久相習早辨薰與蕕况今衰多難舊業蕪田疇我居介婦未疏迷空涕流鞠凶伊可畏未陰亟綢繆求賢庶自輔爲爾歌好述有姆倘善教引近爰諮謀資沅富蘭芷明珠在炎州光氣世寶重紉佩懸巾韞小姑髻諸婦或恐志不侔

和衆與推挽竊願從之游門庭既清肅內寧無外憂冢婦爾毋怠墜宗實爾羞

小姑歎

入門爲幼婦稽首歌姑恩三日會廚下諸妯爲我言家世守先業田園甲幽燕無端遘苗害彫敝年復年
冢婦自明慧嬾漫思避喧小姑育南土于歸家太原稍知道塗事臧獲交稱賢歸寧侍阿母中饋同周旋
初云佐筐錡已乃操筭鍵事事承母命處處蒙人憐深潭不見底柔荑故爲妍女巫託靈談靈止糜金錢
人或爲姑語善遣離堂前非無姊妹行遠嫁多在邊舍旃勿復道何以祈安全諸妯語未終我憂泣涕漣
思欲諫冢婦室遠情未聯小姑初見我頗若親嬋娟苦口倘能語諸妯寧憚煩陰雲羃檐際隱隱聞杜鵑
徘徊就私寢終夜不成眠

天孫機

少小織縑素稍長裁錦緋貧女無早嫁爲人作嫁衣紛然理邊幅刀尺從指揮細意重熨帖服成架梳揮
嫁者亦殊貴冠帔緞紉珠瓊女紅乃嫺習鍼神世所稀納徵羅綵幣鸞鳳行雙飛心苦意尠暇拾我襄閨幃
度我鴛鴦譜文理窺精微作別送之子楊柳何依依一朝被召出棘牆桑四圍春蠶食葉盡絲朝副綉
美人職染采聲悅揚芳菲知我事紡績問我天孫機天孫亦何巧經緯分當幾天吳與紫鳳怒倒辨是非
我陋不足道景賢陳所希請師女公子德音期無違

鄰家女

小時門前劇女伴相頡頏隣家久洽比歡如姊妹行西隣早奉帝華冠七寶璫倩盼自矜寵意態殊飛揚
良人稍裁抑悲啼毀容妝因緣復助遜低首含悽涼悽涼固自喻願我何莊莊東隣儼班左絳紗懸洞房
時還佐中饋有無勞黽皇周旋舊儔侶厚貌逾尋常貌厚倘可語敷枉言其詳昔聞漆室女愛時獨傍徨
亦有馮婕妤奮身熊敢當縱非主內政求賢慎扶將入門易見嫉子云戒其傷亦勿取容悅爾麇徒熏香
泠泠洞簫賦笑我耽篇章不望琥珀佩矧彼玆與璜人言同社燕後先成鳳皇西飛高舉趾東飛鳴鏘鏘
同聲庶賀世可以協歸昌

快哉行

素王道莫容由求良可使魯衛皆宗盟政亦兄弟耳使授賢任能戎狄是膺宜莫我敢承天誘其衷夾輔
王室桓文故不道何有戰國七暉臺敢謀鼎聲教鬯儒術

赫赫安昌侯乃戴佞臣頭有詔葺壞檻佞臣寧弗羞使漢皇震怒一旦黜張禹天誘其衷直臣氣吐豺狼
當道狐狸跳梁慷慨發幽憤寧惟爾張綱使漢皇動色下詔諸郡國天誘其衷盡去民賊賢者在位能者
在職

草廬定大計種桑貽後嗣集思勝參署攻闕教七萃難難屯渭上大星遽夜墜蔣琬保涪始失地利沓中
漢壽嗟姜與費使饋運不窮與齡延鞠躬天誘其衷宮府合一國賊滅仇恨雪攻心蚤平蠻四方以無拂
漢祚萬年長不絕

郭李佐中興藩鎮功是賴末懲藩鎮強乃以爲大害使內則相長源召敬輿贊皇枋太宰屠強藩稟子奪
流寇亦自無含元受朝貢大哉王會圖天誘其衷世得輔臣豈有青羸遠上劍門豈有飛雀凍死紇真
驅車北邙下不見獨樂園惟餘資治編一鑑萬古懸使司馬久相遼夏焉敢抗天誘其衷汴京人物無恙
囚首治經術創貸青苗錢辨姦著私論先識悲老泉使范卿封事遂稱上意天誘其衷俾翰林草制彼呂
若蔡惡得而逞志

長脚南來議和浙臉無如九哥太師冠錯摺樣六州大錯則那使施校蚤刺檜竟中要害天誘其衷秦頭
決去日在東

河朔億萬義民箠食壺漿犒軍縛虎害忠蓋騎驢悽老臣使金牌十二趣沂中錡前聽節制天誘其衷誓
復侵地大書鄂王飛殲女真鐵騎策勳飲至黔婁終窶死萊蕪釜生魚屈平與杜甫忠愛徒區區霍寇嗟
未學導亮嗤才疏使陷者平缺者補天誘其衷位置得所文章事業光燄燭萬古

瞿鴻璣

鴻璣字子玖號止庵湖南善化人同治口口口進士官至工部尙書協辦大學士諡文慎有瞿

文慎公詩選

石遺室詩話公詩條違妥貼完好者不勝錄錄其較有意致者若干首

內十種花寓宅

地隙將花補春深及雨鋤亦知同傳舍強欲作吾廬心與幽香靜窗分遠翠疏可能歸學稼_臨耨樂田居

題劉君浯溪釣隱圖

浯溪岸曲迴明漪古木蔽崖陰倒垂風吹釣船自來去幽意獨寫無人知白鷗與我同浪迹手持釣竿坐盤石日暮空歸亦自佳本不取魚唯取適

書感

夏口雲屯百勝兵乘威不下武昌城江流半壁雄天塹援絕孤軍逼敵營國勢可爲誰坐失王師此出竟何名苞桑至計憑元輔搖足安危視重輕

七日伯嚴招集樊園探梅限七言肴韻

春來未識如新交人日出訪郊西郊羅浮縞衣忽到眼一笑媚嫵開林梢初尋籬角露冷豔斷橋野水輕冰膠參差繞屋三十樹疏影破空橫凍蛟海旁蜃市金碧氣徒眩俗目紛喧呶樊山寄廬獨娟好園亭到處合紅苞坐看香雪噴成海直擁仙雲圍作巢偶從人外憩清絕得此佳趣知天教陳遵愛客續嘉會乘興招賞羅杯肴欲將畫意寫蕭澹未盡詩妙空推敲關山莫憶斷魂日且向天涯隨結茅傾觴痛飲蕩塵抱不爾正被梅花嘲

展花朝日超社第一集樊園看杏花歌限東韻

春寒不出栖樊籠花朝十日拋愔愔窺園尋賞得幽快一洗霧眼披塵胸主人健步若飛鞚我亦恣遊龍
去筇踏青導路引入勝杏花五株開滿叢三英高蹇兩離立染作淺絳淺深紅紫羅香囊赤玉佩文采照
耀瓊霄中火齊駢穿珠百琲木難密裏錦千重珊瑚海氣豔爛漫膩脂山色嬌丰茸半酣微帶清露泫競
吐更教晴霞烘錯疑梅萼留晚發卻笑桃李輸華穠鄰家玉蘭亦自媚視此纔堪成附庸好向江南聽春
雨肯將仙子嫁東風暗吸花光入襟袂遠浮花氣搖簾櫳移時飽看未忍去勝友畢至驚相逢同是貞元
一朝士曲江來往懷前蹤江頭蒲柳依然綠千門空鎖明光宮故園開徧不可到繁英飄泊紛西東天涯
坐對轉惆悵徒餘泥雪隨飛鴻張鐙舉酒免花惱惟當痛飲浮千鍾殷勤園丁莫折賣有意護惜憑天工

甲寅三月三日補松招飲樊園新居看碧桃花

去年三月斜橋西衣上紅沾杏花雨樊園此時未有園今日樊園成地主一塵買得遠塵囂半畝平分學
農圃不種桑麻種花竹穿林百鳥來歌舞柳條婀娜拂金縷柏葉鮮妍張翠羽碧桃六樹傾城立粉白脂
朱嬌欲語笑倚春風醉半酣然照晴雲豔初吐先生好花如好詩意奪化工天可補移根幾口便爛漫特
與幽居生媚嫵元都觀裏空無存度索山前杏何許乞栽獨送浣花村入畫真成輞川墅延陵父子雅好
事求友嚶鳴欣得所山陰脩禊第二春從借行廚飲吟但武陵仙源那得入問津疑復逢漁父海瀕一日
不還鄉歲歲來尋此花鵑行看十丈出垂簷高放紅霞滌庭戶莫教損折問公幹酒興不空須記取花下

飛觴酌歸更肯夜遊還秉炬

樊山有詩留別同社索和與乙庵同次原韻

從來樂道不憂貧天問終難測蓋渾昨夜微霜催客子明年春草憶王孫飄萍聚散真無定蟠木輪囷自有根夢裏東華風景異銅駝應感止車門

盟主風騷上將壇朋簪頻盍笄皮冠逍遙豈待培鵬背造化奚爲弄鼠肝別意去隨江水盡無心出作岫雲看掉頭巢父歸應早東海珊瑚拂釣竿

題顧眉生繡畫封侯圖

宣武坊南認故巢

香邑京會館即雙芝麓故宅

當年金屋此藏嬌卻憐辜負香衾甚新接鸚行事早朝

割肉餘恩逮細君金章新渥照青春應輸象服傳佳話不改香山舊告身

之麓正室童夫人以曾受明朝封辭不受封顧途得封見畫微錄

樊山書言胸中一塊不舒已五日不作詩走此廣之

岷山西來大江水萬怪中含怒濤起日夜奔流無息時滾滾君詩亦如此才豪筆快信有神日作千篇更逾美書來告我意不適五日無詩真罕矣問君耽吟胡乃爾謂言此中橫塊壘怪君平生能忍事腹大不減囊有底足容世人數百輩滿貯羣書三萬紙雲夢芥吞全盡竹石槎牙消不滓會當傾吐出芒角化作風雷驚俗耳一朝看解十二牛迎刃直入忘骸脾維摩示疾本無疾胸次天開伸妙理我昨病胃得暴

下蕩滌朽腐霍然已兩心莫逆笑相視南華頗信輿憐祀袖中驪珠肯見貽火急報詩遲送似

讀伯嚴金陵寓廬諸作感題

寒燈悄讀散原詩碎雪穿窗墮鬢絲亂後溪山窮造化幽情難語暮鴉知

乙卯二月予還湘省募散原亦返峭廬適同輪舟乃彼此不相遇悵然久之抵滬晤散原言發南

昌時方意歸途邂逅有詩見憶爰和此篇

雲迷宰木連山岡清明淚灑遊子裳感君昨歲已上冢念我久客從還鄉同舟並發不自意共一老禿須
扶將峩峩巨艦失交臂判隔戶牖藏蠹房初聞喜躍繼悵悵咫尺離合成參商誠通肝膽絕楚越不見蔑
面庸何傷回帆邂逅入夢寐握手袖眇瓊瑤章懸求友聲出巖谷春風簧囀清吭峭廬誦芬慕前烈隴
岡樹表今歐陽吾翁執友愴宿草兩家舊德俱義方百罹流徙詒餘痛濁世禮壞川無防墓門斧棘鬱松
柏歲寒晚節敦偕藏抱殘各守遺經意忍肌濡煦聊徜徉

藝風社集展禊屬題余澹心先生巾箱圖圖爲楊惲合作

我從湘上來夢繞西巖宿起尋蓮社約柴桑酒新漉芳辰展禊事藝叟招近局持示巾箱圖澹心澹於菊
言從武夷頂棲隱青溪曲過江風景異山帶前朝綠懷古立蒼茫詩成唾寒玉幽情建業鍾獨寐槃阿軸
椎髻與蓬頭妻兒從耕牧西亭爲寫真南田爲畫屋孤標夔三絕仙骨無由俗出處各薰蕕驥尾慙芝麓
遙羨畫中人移居追抱朴海濱寄遺民復此踰高躅代謝成古今傷春共歌哭流風如可起把臂潛空谷

送伯嚴還金陵散原精舍

舉世共安託，憐君聊復歸。悠悠大江水，歷歷故園扉。雨砌花垂晝，風簾燕怯飛。淵明北窗下，猶有酒觴揮。

節庵和前詩至並餉桂味荔支答謝

白玉丸盛露，一囊荔支香。帶木犀香江，珞比俊評終。欠味敵君詩，若箇長。

節庵歸自焦山屬爲海西庵僧慧松寫詩因作此

眼底金焦幾變遷，舊遊如夢夢如煙。幽情付與葵霜老，古寺殘陽聽暮蟬。

辟世高人故隱居，瓜牛今日更無廬。石門夜話尋禪榻，一葦江天縱所如。

歲晏盛寒泊園枉過縱談有感

窮陰地裂屋廬寒，溫以深談出肺肝。噫氣怒號爭萬竅，孤雲絕壁阻千盤。神山似欲昇鼉采，平海還應靜

激湍。塊圪大鈞憑自幹，斗杓春轉步檐看。

三月晦日泊園招看芍藥以三月正當三十日起句不拘體

三月正當三十日，分陰珍重惜餘春。芳園一寫遨頭快，深院幾叢婪尾新。粉蕊黃絲猶有態，衰顏白髮只

傷神。維揚舊夢成零落，並是年時雅集人。

理安寺

山行宵無路，盡被侵。柁占叢桂，繚連蜨。淮南無乃僭，金風散天馥。吹襟想清豔，欲返秋懷悲。轉惜春遊欠。

理安存紺宇望古發深念季宋儒效微不如三尺劍茫茫橫江流何處見天塹且說三乘法真空依淨梵
香積分伊蒲老甘蔬筍壓游情鍾王蹟石墨照翠燭

泛西溪至交蘆菴

西溪狹如溝小艇僅容槳攜家促膝坐踞曲不可仰微風吹一葉穿影亂菰蔣汎淺出虹橋底磨石瀨響
童孫初識船嘔吐惡搖蕩樊籠銳欲脫推篷感其顛強挾遊蘆庵林壑接幽敞趣怡戴奚畫靈肅杭厲饗
庵舊藏戴文節奚鐵生畫 清堂燕留客野蔌飽僧餉與人遲失期花隴欠一賞灑然羞歧路薄暮理歸榜
卷祠杭大宗厲樊樹木主 虛舟觸無心何礙適莽蒼重來看秋雪留待攜壺往

法相寺老樟

掀天古樟老氣凝屈鐵作幹嵌金繩戟髯山立巨無霸控射強弩橫修肱太陰倒垂雲雨黑霹靂破裂龍
雙騰寒芒凜凜鱗甲動遁避不敢棲鴉鷹我尋山寺訪神物拄杖逼視愁攀登從來不材赦斤斧有用幸
免誠天矜風霜千禩鍊堅節閱劫世遠忘衰興佛燈隔院照遺蛻不死能陪長耳僧

張佩綸

佩綸字幼樵號蕢齋直隸豐潤人同治辛未進士官至翰林院侍讀學士有蕢齋集

石遺室詩話黃齋詩才力富有用事穩切與張文襄並驅中原未知鹿死誰手惟文襄雖頗更憂患抑鬱不得大行其志然數十年外疆圻而內樞府事業爛然其感喟尙在表中令李贊皇之間黃齋則獲罪遣戍所處視瓊儋柳永殆有過無不及而詩筆剴健所謂精悍之色猶見眉間與悽惋得江山助者兼而有之豈真愁苦之易好歟抑亦蘊積有素而遇景觸事乃恣所發揮淋漓盡致歟

讀管子十首

制度雜王霸名論出孝宣豈伊德升降良由運推遷豕韋與大彭荒眇世不傳古今論霸術惟仲開其先桓盛不與子貳室重耳賢霸心生桑下殆感齊姜言畏威能威民已得管之全內政善隱寄示信在伐原遂修怙荆功主盟百餘年徵管例徵禹生才非偶然

器小設或問魯論意未申善叩得由賜反復稱其仁黜仲自孟始意非抑齊人楊朱道塞路竊管淆其真見列子楊朱篇焉知降大任與政在得民關市罷正布荒亡警游巡道約而言要頗近七篇醇實予文不予吁嗟

不召臣

前功師伊呂末派近關老班志列道家秉執固有道隋唐史識陋源流不深致廁之申商間牛驥乃同阜成宣後無才上中配顛天蘭臺豈無徵定論著人表

建策官山海富強及百世陋哉桑大夫利競權酷細賢良辨廷中鹽鐵固無弊近來國用薄獨謹牢盆稅

形色昧非人算學流四裔出金助蚩尤兵勝雍狐芮吾師復鐵官要令器械利有事簡軍資無事效會計
量人治軍舍支濼詳書涂片言扼兵要料敵在察圖頗疑地圓篇一一紀方輿傳者失其本九地矜闔廬
沛公赤帝子劉秀亦伏符論功首蕭鄧形勢收寰區千秋一畫地博陸分賢愚案行武侯壘瀟灑洪規模
兪兒贊右涉老馬爲前驅異說勿夸尙坐使軍謀疏

代狐魯梁綈作計太瑣瑣石壁亦寓言所謀未必果輕重師其意交鄰權也可不憂用在賓當使利歸我
貧者弱之原猾夏啓周禍大府算錢刀小農察瓠菘我時問市政深懼術中墮吳語爾何人倔彊聊江左
大庖有不豆大勇有不鬥垂死論相材惜哉朋不壽飛鴻苦參差郭狗欲狂走想見君臣間公誠盡匡救
平生爲國詘墮淚聆遺奏明允論已苛吾不取嘉祐

誰爲齊威優猶勝劉玄德一朝堂阜囚覺沐浴高國三顧雖頻煩東行慨孝直臨危寄大事荆亡蜀剪翼
森森軍令篇流恨街亭効散關自燿師渭南終少食流涕寫六韜不到嗣君側

先主與後主勅丞相寫申韓管子六韜各一通未送

道試殺杜參青宛記張儼默

牧民有常經大哉國維四子厚何偏宕廉恥屬之義強用後世語謬解古文字謂非管子言四維止於二
得無有激云禮樂爲虛器時令與斷刑大率皆此類端明雅者柳不以夢得比太息置斯文正俗有深意
嶽嶽房梁公豈屑事章句誰削博士名強託文昭注唯公天下才帷幄參謀慮一編疑得此奚取河汾沂
貞觀四部書學士廣論著冲遠左氏學士助穀梁疏二家頗採擷箴起寧與預公亦登瀛洲了不問訓故

徒勞輯管書豈若訂管誤賢者合識大吾曹分蟻蠹

居庸

落日黃沙古候臺清時詞客幾人來八陁列戍風雲闊重譯通商鎖鑰開暮獸曉禽催旅夢長槍大戟論邊才從今咫尺天都遠疲馬當關首屢迴

夢所寄詩六絕依韻答之

薊樹東枝塞柳西一封上谷載青泥壯夫肯恥長城窟考牧猶肥馬萬躡
名聲韁鎖誰羈絡勳業彤娘亦等閒使借築巖成大隱敕兒家事莫相關
流傳臣亮街亭表天鑒春秋督咎心未學鳳雛輕一死平生梁父恨孤吟
絳侯不解結袁絲劉柳從來善退之恩怨一身何足校羣公平賊是匡時
熏盡牙香典賜裘椰冠學士配軍頭故人書到渾無酒寂寞溪山感獨遊

拈詩已訝筆如神夢赦難分想與因卻笑拾遺膠漆地頻年關塞憶纍臣

謂洪琴西及余

出次察罕陀羅海五月二十六日都統急劄追還記事

子公棄敦煌恐爲遺虜笑方揚邳支功宜得長安召嗟余衣偏衣崎嶇事閩嶠未獲襄老尸恥作孫歆報
無赦有新條懷懷十行詔時部章軍務獲告戍員不準沿途督撫援恩餘生隨地適書題安絕徼邊風五
月春肺疾差堪療牛牟雜羊芊伴我書聲好策杖一泉清排闥萬山繞雄鎮足懷荒孤亭頗遮要尺寸我

所爭固合永歌歎俄羅斯欲得此爲商肆余以察罕要隘力爭罷議深宵劍篋鳴豈有餘光燿無端萬國客叩門集羣噪頗疑雞
林賈領略詩中妙掘鼠方苦飢豈懼丁零盜一障山頭斬偶人都象肖匈奴倘尋仇亦足快讒媚議和既成孤拔
以喪告有傳其斃於馬江者日本游歷使赫田順向造余求見却之則以書白此事蒙古王軍府重防閑
公及各國商賈踵門者日數十人聲下流言都統恐滋事始援烏魯木齊例追還張家口
何人走相告夜半火符來候吏咄賀弔差如嶺外流不次得遷調行屋初安牀橫峯正支竈囊中錢已空
改計翻悔懊可憐檻中狙朝暮任顛倒僮奴理歸裝作意相慰勞姑逐旋風飄倘迴太陽照便是刀環徵
萬事那人料

寄題子涵槐陰靜憩圖次韻

瓜廬深築麕籬編玉割溪藤付巨然把臂更誰修竹坐疲形寄我槁梧眠清池過雨嫩隅樂祕室生雲脈
望僊爭似圖中能憩靜澄心未易遣諸緣

塞上秋熱用王荊公韻

木柴僵落百草摧禾麻殘立如枯骸邪氣襲逆中結轡忍汗不待七發枚焦頭頗苦張火繖炙膚無乃團
冰臺大漠驕陽四千里沙石爛熳如燒灰使者飲泉渴不擇候吏背血誰矜哀九邊畏官甚於魃豈待荒
旱生椎埋我知酷虐匪天意道逢牛喘猶低回東南更聞厄霖潦憂勤何日堯眉開太息年時論邊事疏
成殿閣涼風來壬午夏都下不雨塞上亦早余請祈禱振貸疏上而是日大雨京師傳以爲笑

竹坡見夢用杜工部夢李白韻

朔風吹雁聲到耳能酸惻欲繫一紙書朝書暮遠息十年京洛塵斷續難尋憶吾心定所居何假端著測攬鏡須髮霜突烟面目黑何有胥靡徒肖形商翼翼故人尙神遊蒼然寫邊色冷冷十弄琴覺後誰摹得鬼神焉能通通者思之至縱復遽遽化難忘戀戀意猶矜冬未老相見他年易側聞張羅門秋深無爵墮今寂昔豈喧往來祇同志苦記憂國尙較閑居悴醉者全其真德人固無累勿似瀆上葦夢中更爭事

和東坡石炭

石炭卽今所燒之煤注家引漢地志隋王邵論陸游老學庵筆記頗詳備矣余更

以水經注豫章記及宋人雜著證之石炭卽煤無疑竊意說文無煤字炭从岸省聲卽是石炭許訓燒木餘乃引申義史漢紀竇廣國至宜陽爲主入山作炭岸崩盡厭臥者少君獨脫此卽北方取煤穴山被厭非燒栗薪也周禮掌炭之炭物鄭注謂山澤之農所出亦不專指木炭後世傳以伐薪所爲者謂之炭而石炭轉假矣煤字名之失其義矣坡公以石炭冶鐵作兵犀利勝常形諸篇什至今日而石炭之用繫於軍國誰謂文忠僅詩人哉余辛巳之冬嘗和此篇及謫塞上石炭出察罕者直昂臭惡礦且告竭乃復續一詩前章覲復中國治邉之利後章深慨邊方食用之艱亦庶幾杜陵負薪白傳賣炭云爾

雷斧擊崖聲股斷防風骨節顛項盪海國機心鑿竅開怒艦飛車妾畔免厚坤富媪蘊陰陽預韜蛟龍鑪底炭壇升黑玉甃有文頊積青金焰不散西北家家足炊爨周後非圖請傳看歐冶辭燭亟物色折蘭盧侯斬銳悍炎炎火山石可焦

水經灑水下火山出
石炭火之熱同燒炭

錚錚鐵山戈乃鍛漆身颯面人作勞何苦穰奴求阿段

今冶卯皆用秦君不見塞南童土樵採斷樵子號寒衣至斲方筐拾得馬通歸
西爲卯人故云
莫山宛延上者金銀下瑞炭單于不知利有孔但逐水草牛羊散土人然石火風腥夜氣神苗更誰看
五
千山榮雜代貉莫笑巖頑與石悍人居未稠地寶闕誰遷程卓業冶鍛鷓鴣斑斑胡桃文貴官燒木論條
段

奉懷河南公入覲

嚴程孤抱指天閭奏罷民艱髻已霜深夜疏燈論大漠去年並馬入明光與歌秦樹嵩雲外客夢鴻妻霸
子旁苦憶祁公書下酒博浪不中分滄浪

夢所過塞上留宿劇談戲成四絕

登音自是斷經過未覺龍門勝雀羅稍惜故人留宿地我非荷篠卻橫戈

東坡人厄我天窮變滅分明海市風僥倖洞簫狂道士姓名不入黨碑中
夢所嘗夢已爲東坡所夢之道士後身余使閩時爲君書登州

海市詩於扇頭以爲今日流落之識

伏波那冀雲臺畫越石終遲廣武鞭萬事讓人先著去更爭盧後與王前

口不談兵頗自韜對牀微覺意蕭騷歸心切切謀田舍尙說元龍意氣豪
夢所謂余豪氣未減

北海軒

黃能突羽淵絕倒文學書
文學與王期書語 我笑王會稽迷謬東冶餘覲顏就朝列並肩華子魚男子貴自立萬

口任毀譽鳥林蒙衝艦官渡辟歷車羣雄迭強弱那復關孫吳吾今不復敗百折意自如稽天卷巨浸坐譚豈良圖吁嗟諫用兵意與方平殊

中郎徙朔方側睨王智舞惜哉北海尊不作北道主契丹門三蘇官轍限定武惜哉中山膠不入捫馬乳遐方草昧開韻事吾曹補徙所卽嵩邛偏裔今齊魯嬾隨李將軍短衣看射虎

始得伯潛書時築室石鼓山中以詩寄懷

十年同夢躡天梯

在部時有同游石鼓山之約

自屏尊疊急鼓鼙一觸網羅江水闊幾回書札塞雲迷

君先寄三書均未達

閒琴

自理龍潛聽裂素難投蠹壤題已是結鄰乖夙約放歸我亦澗于西

雁

一雁何殊色空羣世所驚蕭條仍北鄉薙瘁爲南征叫旦冰難解悲秋月自明主人終不殺矜惜尙能鳴行列由來整臨江急陳開滄洲非信宿衡浦豈驚迴雪爪深誰辨風毛逆不摧楚鳧兼越乙無迹任疑猜今日桑乾曲橫飛帶晚暉驚弦渾欲墮帛敢求歸飢擇中原粟寒催絕幕衣輕鷗同拍水閒在早忘機枉嫁燕山婿東西未有家也甘遵渚陸終是隔風沙病榻繁砧杵嚴城咽鼓笳可憐無夢到零落水荳花

書記泉

太保來相宅上都同澗灑至今祕玉尺龍岡自宛延荒巖豈黎水野語未必然靈源亦久涸爲我重涓涓蒙正與井冽殆得易理全惜哉藏春集孟卿偶失編人知太保頓不知書記泉風流尙未沫名與南屏傳

距察罕陀羅海上五里而近有泅流兩則障旱則出蒙古謂之蘇吉水亦曰黍礫水相傳劉乘忠初欲定部於此繼而改卜上都其東一峯削立曰太保頓蓋劉所憩息處余因悟乘忠初名聰書記蘇吉黍礫皆書記之語轉耳光緒乙酉五月出塞道曠適此水復出似徧飲騎從因以餘瀝濡筆記此

張口

馮翊莫忘祖沮陽宜建侯誰喚張張口應非柳柳州斂祖儒守上谷魏張太封沮陽侯有作隱語稱余為張口者故戲及之

鎮遠城樓

坐久童山碧來頻塞草青三年兩不厭邊色際空冥

別子莪

我歸君待滿獨客強支持朋舊驚俱逝羈窮惜暫離尙憐須藥物稍喜及瓜期莫羨生還早無家淚暗垂

歸次居庸

當路泉鳴積翠環盧公隱迹白雲間如何海內於人望祇占軍都半畝山
八達嵯峨勢建瓴誰云設險有常形一篇痛哭昌平記字字堪當劍閣銘
建武深資大耿兵控弦萬騎即長城徙民關內如何策豈獨輪臺悔易生
今日居庸國北門春風散作九邊溫醉中未覺從軍久虎嘯蛟歎賸夢痕
山程曙色警荒雞芳草年年舊轍迷緩鞚歸來鶯燕樂風光流轉帝城西

追悼

腸斷魂消未死前，更無人處有啼鶻。浮雲幻盡三年態，朝露虛留一夢緣。耿耿望夫真化石，深深埋玉早成煙。衾裯動鬱山河恨，儻結來生更惘然。

夢所招余過郡欲補重九登高之約，王總兵可陞聞守有客攜酒就飲，亦無忤也。醉中口占示夢所

菊天日日皆重九，霜圃留花况未開。落帽豈宜戎服集，繞籬恰有白衣來。誰知殘照蜚狐口，不減西風戲馬臺。便與邊庭留故事，詞宗武庫忝恭陪。

光緒甲申二月十八日子涵招同人小集槐蔭精舍談宴甚洽，叔憲爲圖張之，未幾余銜命入閩，遽成遠別，燈前酒後惘惘如夢，輒賦兩絕。

俯仰之閒迹已陳，錯疑高會動星辰。披圖欲擬西園集，誰補雲鬢翠飾人。軍籌頓輟別筵開，輦下高朋數舉杯。不是酒人間聚散，歸期遠近問庭槐。

取雲泉寺雙泉煮茶山僧請詩

罷民渴馬天猶憐，長城之下往往泉。義鞭鄒律不到處，中有太古藏凌堅。中穴終年凝沍何人佩刀斫石骨，兩穴

鍾乳時涓涓，異出同味冽可食。冷脂下滴珠空濺，種落嗜茶別有意。酪奴誰沃清流煎，賜雲腴臍殘餅。矜惜自守，輒鑪前腸胃瑩澈本無垢，投以嚴苦彌疏宣。微嫌破睡夜悲角，坐令耿耿心憂邊。山僧頗憾泉未顯，無乃窟處甘幽偏。伴愚辱谿固不夢，流髓匪石誰與僊。強將洞酌立名字，恐有好事頑巖鑄。羹豎就

飲野禽浴兩忘清濁全其天

書子雋同年再送柳堂侍御詩後卽疊原韻

徙薪誰令計蹉跎張目其如世事何
直恃狼隲方互市不煩敕勒獨騰歌
徒邊回鶻屯居雜出塞明駝道
死多月自右旋將離畢幾人先見雨滂沱

聖朝行儉雉裘焚絕域羈縻自古聞
盡說中興飛白水固應重譯拱青雲
精兵百戰疲荒徼轉饟經年給
戍軍誰有罪言堪納甌一時愁絕杜司勳

袴褶曾馳萬馬閒玉堂還校蠹書殘
竟疑高密期文學終恃長沙策
治安西限榆關亭候減東觀蓬島海
天寬不須遠問敦煌戍戊巳新增校尉官

形勢猶來根本重艱難須仗計謀深
直將慷慨憂時淚遠託踟躕惜別心
天下安危關將相斯人氣節竟
山林定知獨舞誰爲屬一劍如龍匣底吟

子涵訊余再次韻寄之

謫居學易革初編靜堦弭兵燧不然卻聽旃廬橫
吹合記聯文簞曲肱眠道南通共疎公瑾天末如何夢
謫仙稍喜塞塵微雨洗尋碑山寺得僧緣

再用子雋同年韻贈別柳叟

著書歲月未蹉跎歸臥空山比二何
便出函關韜隱跡不勞燕市激悲歌
夢依魏闕鄉心緩詩入中條險

語多宛合楚騷忠愛意河流一派達黃沱

蘭自當鋤蕙未焚書生垂老直聲聞思歸許逐還鄉水養望期爲出岫雲偶話金鑾從野父看攜藤杖揖將軍袖中合有屯田策嬾向轅門更紀勳

家居鞏樹隴雲間三徑重尋菊未殘好擁皋比開樸陋願憑鸚鵡問平安河魚入饌常殮美渭竹連畦隙地寬莫竟還朝陽墜笏便同表聖住王官

昏嫁才看塵累盡放歸終羨主恩深干將千淬□□古瑟一彈生道心似悔柏臺留諫草遠從槐市振儒林天涯猶有比隣意倘許傳箋鬥苦吟

程頌藩

頌藩字伯翰號葉廬湖南寧鄉人同治癸酉拔貢官戶部七品小京官

寄諸弟

少小苦失學悠悠遂中年經訓昧率循文辭參蟬螭桃李非不妍飄忽隨風煙松柏秉冬心歲寒柯葉全所以古達人聞道甘忽焉白日不我貸浮薄送華顛嗟余悔之晚陳箴如扣槃重以生事迫憂虞日相煎回思家塾中青燈几榻聯此境我不再羣季無棄捐長吟表衷曲目斷西南天

梁編修鼎芬以言事去官歸廣東瀕行贈詩

入谷聖者歎棲直大雅憂王霸共縣躓乾坤遂沈浮披腹叫閭闔拂衣歸林邱富貴亦何有風雲不相求
亮哉歲寒節一胸爭千秋鄉國波濤深賈胡腥羶稠永言根柢潔毋嬰面目柔重巒養玉氣清淵淬吳鉤
再出昌華風終窮歸魯叟霜威颯京洛長亭西日適世局多蒼茫大道無阻修勉旃天地心寄訊楚粵郵
典衣

典衣不忍別袖墨十年痕羈旅况相恤冰霜定客魂敢忘慈母線不識富兒門忽作大裘想彌天萬族溫

葉大莊

大莊字臨恭號損軒福建閩縣人同治癸酉舉人官邳州知州有寫經齋初稿續稿

靖江縣廨西園有屋十數間具花石之勝大人治此修葺落成賦詩紀之八首錄一

竹亭

風泉不定鳴天籟無人籟日影下亭輒亭小竹漸大

往洪垞看桃花宿小金山寺

蒼苔題字不知年聽雨來登小閣眠張墓曹園紅雪外午橋丁坂綠雲邊借鑄煮粥憐僧病著屐尋花笑

我頗爲愛山光不能去討春記泊塔湖船

滕縣道中

乳鳩啼井邊社燕掠朝煙漠漠柳陰兩人耕水上田嶽雲青滿縣祠樹碧參天四月荷花岸無風耀野船

吳江舟中三首錄二

我行秋盡向水涯烏桕結子如梅花稻芒隨波出小港里許知有農人家秋陰冥冥半在水忽露夕陽映樹底水窗烏帽填詞人不知身在畫圖裏我家書堂吹江風霜落橘柚黃而紅小奴拽梯婢攜籠算錢販粥來園翁主人卻在松陵中昨夢已到崎江東今年我歸大作社黃羊白酒祠社公

孤月溶溶波底生繁星點點林外燐二三更無人行水際蕭緘多秋聲秋聲忽遠復忽近汀雁檣鳥不定鳴曼吟幽嘯孤亭發細聽非笛亦非箏悄然吹竹作裂帛秋墳葉落詩魂驚西風滿城水拍岸湖燈散盡天將明

嚴瀨舟中三首錄二

昨日露落榭葉黃悵然西望江茫茫今日微雪山益悄姣如梅花呈縞妝新安之水趨富陽桐江到海經錢唐我從錢唐逆流上水落灘高百尺強丁丁樵響隔叢木了了人語穿修篁上灘日暮水邊飯畫眉聲裏鳴漁榔炊煙濃逾林影淡風色暗激川波光天寒歲晚在驛路提壺勸我傾芳觴

桐君留客三日雨我愛晚晴更韶嫵紅霞翠靄光有無一峯缺處一峯補林迴路轉兩崖高下有白石細

可數有時峯峯竦對峙白者是雲碧是樹下灘舟語上灘舟今夜鷓鴣源裏住蘭溪女兒船爲家越州美酒杭州花行行且止瀧七里一月渠儂在瀧裏蘭溪女兒慣如此

村居書事四首錄二

東越分明兩傳垂風流老輩是吾師誰能有意翻閩派不贗唐詩贗宋詩

田券山租訟縣堂鄉人俎豆愧難當一弓怕占隣翁地不遣藤花覆過牆

初春北上繇運河至袁浦雜作三首錄一

女郎祠下又黃昏野水今年齧廟門向晚湖雲多似墨方春岸樹尙如髭書燈不改爲兒樂布被還思與弟溫偏是五更眠未得沙禽將子叫莎村

往遊葵窩喜其山水幽邃有卜居之志疊芸敏韻寄之

山居飲水頸多癭綠雪閉門不知冷洞中雲氣太古天生計人家一春茗我行得此書報君已詫仇池在人境瘦妻早辦鹿皮裙要與先生事幽屏名茶苦酒資嚼咀難字異書共詳省非關林枕方求棲不聽谷音自生靜移居錦里果園坊作畫輞川斤竹嶺料量挈室將成行摒當棄官又何猛天然福地何熙熙如此好山無等等喜從村學論迂疏肯對園翁誚獷殘綠晚課乘杼聲炳燭宵劬泥書影君能招隱偕渡江舴艋西風兩頭打人問何處無鹿門床下輩行再拜請他年買紅壻阿巽酒缸香壓缺瓜艇

芸敏同居法源寺累月初夏余先出都作此爲別

四月南風雨新霽，麥花初飛柳條曳。短衣匹馬走關河，回首舳舨在天際。故人落落金閨彥，橫槩論才雄。一世手校華林七錄書，石渠輪筆先承制。國家右文邁前古，漢學經生持絕詣。曠代承明著作家，盧錢王紀今誰繼。佛樓燈光暗高樹，日日繩牀坐談藝。詩派商量摘句圖，碑林校證題名例。明知春盡將首塗，強爲藤花三日憩。吾窮去矣固其所，斷翮湖天叫棲戾。君胡亦復厭長安，金爵月明愴分袂。無田栖栖安得歸，不飲兀兀甚於涕。帛槌茶磨清江居，自釀社錢作春祭。早晚題詩寄水莊，儀禺絕憶吾家弟。潦倒殘吟冷醉身，寥天海氣吹妖蜮。

晚歸下崎過亡友陳君南村舊宅

槿樊殘照掠林鴉，屋角山光一桁斜。水寺魚王喧晚鼓，墓田蛋女醉寒花。癸辛巷尾潛夫宅，丁卯橋頭用晦家。幾度經過歸不寐，西風腹痛雨如麻。

葵窩二首

永嘉山藉謝詩顯，冉氏溪緣柳記佳。爲問葵窩雙澗水，可能屬我寫經齋。

苔牆榕徑關單椒，時有銀釵喚賣樵。日午山花紅的皪，無風流出至元橋。村有至元年造橋

遊潘氏園望隔溪諸山

春江彎環在堂坳，衆峰拔地凌巉巖。我乘小艇撇波至，遠見煙火烘檐茅。菜花含黃簇田舍，柳莢曳翠圍漁壩。滄翁積錢造此屋，卜地何必求近郊。鄰人到門互揖讓，村犬見客爭咆哮。隔溪諸山好，屏幃雲涵霧。

番排杯梢高困大廈萬層架寸樹尺瀑一幘包天都福庭定何地脫離塵埃辭喧呶吾閩豈無仙窟宅未
遇韓杜來推敲可知天意忌雕鑿要使渾樸留瘠境桑經鄙注不到處如此勝處尋常拋天然遇我信非
偶遺以水石增吟鈔近聞國事日益急昔者議款今議勦軍符昨傳到海上徵索礮石需箭籛有人上書
奉宣室雪恥願撲師初爻小儒恨不與金革鹿場町嘔歌蠹蝟却來山村討花事正是穀雨清明交

湖裏閒行三首錄二

雪後湖埂土更肥寒鴉飛上竹枝扉彎彎菜稜新黃色已有村娃上髻圍
山茶明豔野梅幽林外諸峰睡俯頭溪確無人間不運碎冰隨水越畦流

荔支爲風雨所敗

海上鬱蒸熱愈厲颶風挾雨來何銳荔園百樹損紅綃半委頽牆半傾砌初疑昨夜山水發空林盡作波
濤勢又疑峰飛入雲去緊守明燈一窗閉曉來崖際行掃除縛架支棚奈無計養痾避地求此山何事不
爲天所貫竟拋藥碗毀茶鐺奪吾尤物真堪涕有如好女初長成空谷無人識佳麗明知妙質終遭侮強
暴周南宜頌繫以此咎天天不鑿銜冤論擬歸何例清時久罷紅塵貢瘡痕那憂爲政弊山顛水際可憐
人蔡譜蘇詞消侘傺野人懟我作詩苦感召因詩如獲戾南村北村富貴家輸與楊盧雄一世

溪堂閒居六首錄一

微波無力不生鱗却似將春尙未春祇好入詩休入畫畫來愁絕水邊人

西溪穫早稻再疊前韻

一九涼月懸林梢，幾株檉柳搖湖樸。幽人愛眠眠不得，于田未曉鄰翁譏薄畝。下隄四五頃，高山麓。低溪切連村，初陽打枷響。岸僮裹飯青箬包，彼量此車悉嚴整。沿畦接畛無混淆，碌碌忙時桔槔靜。榕陰一架懸瓜匏，古云收穫如寇至。况乃荔雨梅風交，豚蹄迎尸預開社。鴨脚款客先盈庖，帶經而鋤決冊曬。如我難解俗人嘲，嘉禾滿篝互額手。早完并稅寬鞭敲，昔年濫叨大官米。浮沈人海嗟漚泡，東臯課耕得清暇。醉歌元豐何歡呶，夜深蚓竅狀寒瘦。不師韓愈師孟郊。

游古靈村四首

水折峰盤別有天，連岡茶筍不論錢。園林見說梅如雪，正要山中住一年。
石峭溪幽境益真，橋闌井甃字猶新。此村豈止饒林壑，九百年前大有人。
山光長傍古靈祠，谷鳥巖花盡入詩。潘柄鄭潛居尙在村，中訪得宋元碑。
山程佳處耐閒行，一石都堪悅我情。古樹蓬科多不識，可能強派是何名。

石壁客店

衆峽束迴溪，風湍互跳旋。嶄嶄斗絕壁，綠削缺瓜面。單椒聳千尋，秋色麗丹絢。磯底伏潛流，琮琤聲一片。
羊腸在其上，宵窳祇如線。客店懸崖孤，居停信云善。竹燈酌新篘，濡染到詩硯。昨雨今初晴，舟行路尤便。
下灘不用篙，上灘不須繚。十里方廣巖，廿里永福縣。

竹山

叢岡上無巔細路入昏霧產竹不知年居人抱綠夢磊砢疊孤崖硃豁深洞盡爲竹填塞彌望密無空
規地營竹廬竹瓦亦竹棟巖火竹篝燃潭泉竹笕送曉行不逢人但聽竹雞啼暗溪鳴潺潺竹風入骨凍
秋深伐竹賣陰谷忽發幪山僮走相告竹鱸巨如甕

崔家莊

任是倪黃意境殊林枯篠禿晝來無嶽光含雪迎班馬河響捎風叫老鳥人近聖居孤學抱天闕魯望衆
靈趨雲端只尺登封境刺促行塵但首塗

齊河大風晚始得渡

萬斛危檣箭脫弦河聲如鼓震遙天臨流誰勸君無渡薄醉休驚我欲眠小屋雪深炊餅大孤村風勁酒
旂偏解寒一夜紅爐火未到晨星又著鞭

吳門舟中雜憶前人往事沿途所歷共得五首錄一

夫婦能文總可人仲姬清照妙無倫千秋韻事歸天水更有寒山一段春

蠓磯夫人祠

兵火歸魂附所天神風夢雨苦難全劉郎浦口秋潮滿目斷江東下水船

去秋喪練伏處悽然適丁馬江之變俶玉避地來居以詩相挑不敢奉和今乃追答來意二

敝廬校禮臺垂成同谷羌村夢屢驚只算寒山尋拾得一無人處兩人行

俶玉病起詣補園歸作疊韻

買山但費四萬錢便賦子美滄浪篇君詩神妙由於天有子何用愁無田比來移居在層隩一巖陡絕雙橋連霜紅奩主頗相似大彌細彌俱象賢俶玉病餘近媿奩前步飯飽寫經齋裏眠吾家書籍五萬卷手藝花木三十年小山叢桂枉招隱無客來賞秋林煙雙驂執訊問園價乞歸未允中心懸去年親串間來此寇退近已攜家旋自知所居太寥閔祇許攷士窮餓鑄君如淨契到瓶鉢王裴淡對孤雲圓

重陽前一日柬俶玉

竹村亂定始移家容易秋光到水涯弟子幼卿從問字故人魯直許評茶重陽明日偏無雨寒露先期却有花不識扁舟歸也未晚沾還擬鬪尖叉

俶玉答詩疊韻

山居求伴禮爲羅讀畫弦詩不及他夜意微涼生水木秋聲漸老出煙蘿津梁疲極何堪想坊市囂然最怕過覓覓填詞好天氣一年愁算此時多

俶玉愛余西溪諸詩將續前游因索同作

巖靜非春叫畫眉隱居只愛此村宜閩川不識歸何傳首帖誰云是此詩潭底苦從無處賞山頭瘦許有

人知流傳一卷君將去樂得游方作導師

夜聞風雨訊俶玉嬾巖

吹花細雨濕空池突起顛風欲曉時想得巖居呼驥子亞濤教誦老夫詩

俶玉近喜放翁詩索和疊韻

龜堂名句教驕兒大與田家即事宜退谷休官約元結上洄求友狎楊儀孤雲淪淪榕陰市寒雨昏昏橘
隱籬此際欲謀三日醉西風鐵馬問行師

秋盡從文山歸過開化禪院

葦白吹花上竹林霜激湖水夜寒深亂山遙看孤帆去野寺閒攜短策尋農歉稻香傷夏潦僧憇茶話賞
秋陰不煩俯仰論陳迹緊記風光恰在心

偶柬俶玉索和

高風如此媿相形嬾出何嫌竹戶扃隣叟具饗求起病女奴辭直請傳經填詞韻必厲樊榭篆字方同江
艮庭煙柳寒漪秋欲去水邊宜夢不宜醒

寒夜與芭嶼叔殷訪俶玉歸過裏坵登眺

霜後何曾上野航橋林入望更青蒼黃泥近在臨臯宅玄灑來登華子岡宵索柴荆初熟睡寒漁竹火自
成行山中事事皆堪喜况得貧交樂不忘

叔殷期往塔湖枕上聞知阻游興

井鳩晨勃溪霧裏遠聞雞已是終朝雨將花打作泥春江桃外漲曉路竹邊迷又失同遊約山行笑屢稽
磬盪再約遊聽水齋六月十八日往憩半山亭作

書至先將出峽聞僧云到寺夜初分棲遲佛地緣何密版築山齋績太勤堅坐願聽無盡雨孤行似逐不
歸雲盤陀祇合吾儕據牽牽誰期竟及君

水退磬盪拏舟枉視

傳呼有客泛輕航熟眼村翁識侍郎一漲望衡知共被兩家插架喜無妨雨來不已吟坡老水大如斯過
子桑却與山中添故實吾廬受凍屬尋常

往游洪塘沿路卽目三首

荔子深冬綠不凋酸風昨夜送吟船橫江兩塔如鍼小分壓洪塘上下潮
啜茶來叩竹間門風色吹寒到小軒花坨灣灣三十六每家屋角有山礬
寒漪風定不生波一派筩籬帶女蘿半是漁郎半花匠此村怪得熟人多

自題陽崎石刻記後

廟礎親撫天福字橋闌試拓戒圓銘吾村古刻殊堪愛好築陽岐兩石亭

今午橋此吾村
兩古刻也并記

晉天福□年石礎在狀元境前
宋元祐□年尼戒圓募造橋卽

春雨閒居招俶玉

滿山寒雨杜門居，睡到無聊起校書。
人日草堂題句後，玉壺茅屋買春初。
李花綻白梅相似，菜甲含黃柳不如。
出郭風光君愛否？總期發興賃籃輿。

沙溪道中去臘與俶玉芸敏同行時芸敏爲其亡妻卜兆尤愛黃店之勝因憶及之

迦陵雪後記同遊，黃店山光把汝留。
誰想墓田禪智寺，別營書屋水明樓。
陳氏二孺所居悼亡期近何曾睡，遠上風多不定愁。
行遇周家墳柏飲，蚍蜉身世一無求。

秀嶺客店

兩店依松一蓋欹，秋陽熱到谷中遲。
淪茶過客投錢飲，賣飯村娃數米炊。
人語漸幽禽不避，樵踪太峻虎難追。
停輿笑我匆匆甚，吮墨還留壁上詩。

桐江舟中漫成寄蘭溪補堂明府

水遠山平去路長，夢殘擁被曉天涼。
平生聽遍江南舫，第一關心是富陽。

初春絲漚上又赴金陵

吳淞皺得碧鱗鱗，岸柳檣花取次新。
雪後玉屏千萬樹，春來畫舫兩三人。
一官等是浮家客，四部常隨隱學身。
欲往欲歸無不可，此行也懶謝江神。

驛程雜詠四十三首錄三

尋常風俗亦何奇莞爾尼山意可知同是舞雩游事異願爲曾點願樊遲
南峰墨淡北峰濃忽露斜陽挂古松雨脚先行吾在後上坡下嶺緊相從
牛毛細雨送征羈班馬長鳴早發天甫上山程青滿眼岱宗相見轎窗前

清明寓齋聽雨

及親三釜歎無期丙舍年光媿馬醫春日田園經眼處清明邱壟上心時逍遙率府緣何事留滯蘇州却
爲誰又見寒廚換新火小樓聽雨誦坡詩

長千里劉氏園與于民官解甚近衝泥往遊二首

補官得近雨花臺無主山多對閣開光緒江甯丞壁記放衙劉氏小園來

上冢

去時手栽松青蔥覆連壟開門蒼鼠竄蛛網丙舍拱祭田先薄正色笑九原奉果能誓墓還餘生亦勿痛
近村數里船來往風力勇家人除墳牆壓屋山氣洶墜花拾歸擔瓶盆兩頭重塔湖綠如蝱新筍嫩可供
陽羨道中

、路入漁洋詩句中銅官射鴨竹枝弓落燈門巷家家雨襍被江程夜夜風似雪溪光成罨畫方春花信在
空濛忍寒來訪靈雛拍滿意填詞作寓公

叔伊寓高昌廟過訪貽詩疊韻

縣廳沒事返便睡魚菜何以娛嘉賓淋浪密雨響窗格寒禽叫水湖亭澗衝泥巷南越巷北談碑校藝今
無倫枇杷初黃芍藥老香車大道馳麟輻名姬論錢值千萬貧嫁斯養尋常人東風捲地不動塵華燈顧
曲櫻桃唇馬蹄不到人跡少君家獨樹柴門春諸郎讀書墨滿案瘦句喜作無病呻手搜女真蒙古事字
仿劉懿兼刁遵謂子忍飢困州邑烏帽雪鬢常參晨行將投劫去晞髮衣囊漁具荒江濱外集論詩記甲
子內景受道持庚申漫承桂段曲爲比一派家法真斷斷沒敝令長定何職中天萬古雙嶼岫

再疊山谷過家上塚韻送幾道回里秋試錄一

過家

村人迎歸船書篋兩奴運晚潮風又熟到門廿里近荔支惜已遲龍眼燄不盡蛤田蛋屋間浪花綠接畛
數千橘柚林園翁半族親望衡是茅齋魚飯過勿晒西隣井竈存話舊視衰鬢豆棚瓦燈光急雨忽數陣
涼宵思歸人汎汎白鷗信權作到家看鄉語教僮齷夜來玉屏館落葉積成寸

劉大受

大受字紹庭福建侯官人同治癸酉舉人江西候補知縣

石遺室詩話君學長經史詩不多作如危樓恐出鶴雀上倒影直浸蛟龍潭荒灣漲落妨頽岸

高木煙深壓小邨皆佳句也

不得家書甚久書來云內子得小疾心頗憂之復書作此

家書不來六十日終日望書如有疾今朝書到却生愁病妻服藥晝掩室自言已占无妄喜恐慰離人語
非實挑燈作書欲相報破窗秋風入我筆聲聲絡緯吟頽牆單衾輾轉中夜長卷帷微歎霜月落關河欲
曙天蒼茫

借讀彭澤縣志又綴一律

形勝休云僻一隅由來陸口壯東吳縣移舊治蒙彭蠡江界中流割小孤

楊郎山夜即事

雲陣欲東下急風爭向南精靈戰雷電蛟鱷拔湫潭斷港羣舟拜中流大浪甜艱虞更留滯水宿况真諦

黃遵憲

遵憲字公度廣東南海人同治癸酉舉人官湖南按察使有人境廬詩集

石遺室詩話公度詩多紀時事惜自注不詳閱者未能盡悉如書憤有云一自珠崖棄紛紛各
效尤言失膠州而旅順大連灣威海衛廣南灣俱去也又如何盟白馬無故賣盧龍言光緒二
十二年使俄密約也又乍聞祆廟火已見德軍旌言因殺二教士而失膠州也又竟聞秦失鹿

轉使魯無鳩言各國勢力範圍圖也感事有云誰知高后垂簾事又見成王負屣時九鼎齊鳴
驚雉雥千金懸格購龍醫又剛聞赤板連名奏便召長槍第六郎珠襦武帳諸臣侍亟詔明晨
幸未央又五百控弦謀刼制一丸進藥失先嘗傳書信口訶西母改制稱尊託素王又金甌親
卜比公卿領取冰銜十日榮東市朝衣真不測南山鐵案竟無名又父子相從泣獄扉老翁七
十荷征衣一家草索看生縛三寸桐棺待死歸又心肝誰奉藏衣詔骨肉難徵對簿詞又柏人
誰白孱王罪改子終傷慈母恩金玦雁涼含隱痛杯弓蛇影負奇冤言戊戌八月事也已亥雜
詩有云案頭英鷲門前戟豈有籟籟覆庾冰言奉命出使駐上海道公所或言康梁匿焉上海
道蔡鈞派兵圍守大索之邇際事用得甚趣臘月二十四日詔立皇嗣感賦有云十世忽遭陽
九厄再傳失紀仲壬年又先皇遺恨鼎湖弓世及家傳總大公誰誤禮經爭繼統妄拚尸諫效
孤忠又怪事聞呼奈何帝侂詩敢唱厲憐王庚子元旦云承天仰看金輪轉震地訛傳玉斧聲
漢厄愁看正月卯代來幾協大橫庚言訛傳景帝被害等事也初聞京師義和團事感賦有云
今日黃天傳角道非徒赤子弄潢池又九百虞初小說流神施鬼設詔兵謀又儘將兒戲塵羹
事付與尸居木偶人述聞有云狂喝雉盧天一笑怒訶狗脚帝三拳又螟蛉果贏終誰撫猿鶴
沙蟲總可哀又說有蒼天不死方盜泉一飲衆皆狂鬼吏三官明作賊神兵六甲解擒王又一
拳打破舊山河兩手公然斗柄接火焚祆廟連烽燧轍涸羈臣乞海波又合縱敢拒三天下雲

恥將尋九世讎再述有云誓師仗鉞大王雄虐使連聲冒宋虜寇來直指齊雲觀兵起誰張救
日弓又剛聞窮海通飛雁翻又穹廬縱盜羊又朝議正爲劉氏袒里優忽唱李公顛諭勦義和
團感賦有云自天下降愚黔首爲帝驅除比赤眉三用韻酬仲闕有云國人競看天魔舞帝女
難言神鵠祥今尙拳拳持璽綬人言籍籍撲縑囊又常璧咸尊十阿父折筆思服小單于四用
前韻有云歸元纁篋催函送計口緡錢責幣償五用前韻有云今日家居誰撞壞老身社飯自
思量又掩抑魚軒賦載驅吞聲在野鴿踈踈扈行尙縱花門賊入衛難徵竹使符七用前韻有
云夢鸚終悔臨朝武氏螭應編異姓王賜劍乍悲吳命短執戈又弔楚辭殤又六宮亦寫零丁
帖九牧旁觀罔兩圖皆言拳匪之亂也又羣公四首有云羣公袞袞各名聲一死鴻毛等重輕
事事太阿權倒授人人六等罪分明又甲仗空迎回紇馬聯軍入保定 血衣竟染漢臣鞭操戈
逼父心先死聯軍入城後徐承煜以保家全宗逼乃父桐自經死 按劍呵人目尙懸殺許侍郎袁太常之詔實出啓秀手監視行刑者即徐承煜 又各
戴頭顱萬里行九州無處可偷生上尊猶拜養牛賜五鼎先看福鹿烹莊王在蒲州趙舒翹英年在西安皆賜死 又
銜刃尙希忠傳蓋棺免索太師頭剛殺李秉衡皆自盡 六等定罪略謂啓秀徐承煜皆爲聯軍所拘後
皆伏法八國各以兵押送毓賢成新疆行至蘭州伏法廷雍爲聯軍所誅餘賜死遣戍有差

雜感

大塊混沌渾渾旋大圓隸首不能算知有幾萬年義軒造書契今始歲五千以我視後人若居三代先

俗儒好尊古日日故紙研六經字所無不敢入詩篇古人棄糟粕見之口流涎沿習甘剽盜妄造叢罪愆
黃土同搏人今古何愚賢即今忽已古斷自何代前明窗敞琉璃高爐爇香煙左陳端溪硯右列薛濤箋
我手寫我口古豈能拘牽即今流俗語我若登簡編五千年後人驚爲古玩爛

代柬寄詩五蘭谷並問諸友

覆地桐陰綠中爲人境廬剛柔分日課兄弟各頭居草草常留飯匆匆亦讀書近來仍過我見我衰師無

三十初度

學劍學書無一可摩挲兩鬢漸成絲爺娘歡喜親朋賀三十年前墮地時

遣悶

花開花落掩關臥負汝春光奈汝何天下事原如意少眼中人漸後生多聲聲暮雨蕭蕭曲去去流光踏
踏歌今日今時有今我茶烟禪榻病維摩

錫蘭島臥佛

大風西北來搖天海波黑茫茫世界塵點點國土墨雖曰中國海無從問禹跡近湖唐南蠻遠遼漢西域
舊時職貢圖依稀猶可識自明遣鄭和使節馳絡繹凡百馬流種各各設重譯金葉鑄多羅玉環獻摩勒
每以佛光明表頌帝威德蘇祿率羣臣淳泥挈盡室闌斑披繡縵扶服拜亦忝是雖蠻夷長竊號公侯伯
比古小諸侯尙足稱蒲壁其他鳥了部爭亦附商舶有詔鎮國山碑立高百尺以此明得意比刻之累石

及明中葉後朝貢漸失職豈知蕞爾國既經三四摘鉄圍薄福龍大半供鳥食我行過九真其次泊息方
婆羅左右望羣島比蟻蝨咸歸西道主盡拔漢赤幟日夕興亡淚多於海水滴行行復行行便到獅子國

登巴黎鐵塔

塔高法國三百邁突當中國千尺人力所造五部洲最高處也

拔地嶮然起峻崢嶸百丈自非假羽翼孰能躡履上高標懸金針四維挂鐵網下豎五丈旗可容千人帳
石礎森開張露闕屹相向遊人企足看已驚眼界創懸車倏上騰乍聞轆轤響登塔者皆坐飛車旋引而上人已不翼
飛迥出空虛上並世無二尊獨立絕依傍即居最下層登眺之處分爲三層其最下層高五十五邁突當中國十六丈四尺高已莫能抗蒼

蒼覆大圓森芒列萬象呼吸通帝座疑可通胼蟹自天下至地俯察不復仰但恨目力窮更無外物障離
離畫方罫萬頃開沃壤微茫一線遙千里走河廣宮闕與城壘一氣作蒼莽不辨牛馬人沙蟲紛擾攘我

從下界來小大頓變相未知天眼闕么麼作何狀北風冰海來秋氣何颯爽海西數點烟英倫鬱相望緬

昔百年役西歷一千三百餘年法國絕嗣英王以法王四世非立外孫欲兼王法國法人不允遂開戰爭凡九十餘年世謂之百年之役裂地爭霸王驅民入鋒鏑傾國

竭府帑其後拿破崙蓋世氣無兩勝尊天單于敗作降王長歐洲古戰場好勝不相讓即今正六帝各負

天下壯等是蠻觸爭紛紛校得喪嗟我稊米身尪弱不自量一覽小天下五洲如在掌既登絕頂高更作

凌風想何時御氣游乘球恣來往扶搖九萬里一笑吾其儻

三哀詩 袁爽秋京卿 吳季清明府 唐毓丞明經

士生板蕩朝非氣莫能濟國家有妖孽尤貴養正氣公官典客時正值艱難際初言義和拳本出大刀會
先皇鑄九鼎早既斥魍魅明明白蓮教遺孽傳苗裔邪術金鐘罩不過弄狡獪宗社三百年豈可付兒戲
繼言諸大國各有白馬誓預儲大萬金始可戮一士矧持英籙來堂堂大國使一客不能容反縱癩犬噬
問罪責主人將以何辭對封事兩留中痛哭再上疏彼賊敢橫行實挾朝貴勢奈何朝廷尊公與匪人比
盲師糊塗相驕將偃蹇吏擲國作孤注作事太憤憤速請黃鉞誅無得議親貴幸清君側惡斧鉞臣不避
當璧天子父不敢爲尊諱天潢盜弄兵語直斥王字嗚呼批鱗難況觸投鼠忌朝衣縛下獄衆口咸詬詈
白刃露霜鋒黃巾走塵騎阿師呼大兄紅帶夾道侍謹譚殺二毛萬頭相傾擠公甫下囚車拜問臣何罪
刑官縱馬來大罵囚無禮豈容發口言指天復畫地呼天聲未終滾地頭已墜惡耗四海傳何人不雨淚
識公十數年相見輒倒屣追述潘鄧說許我以國器公贈詩有云孺初伯訥兩孤標說士推君器後凋之句同輩六七賢推公最強
記喜談佛老學語我求出世知公真名士不獨善文藝未知比干心竟爲直諫碎我實知公淺負負心內
婉馬關定約後公來謁大吏青梅雨脩脩煮酒論時事公言行篋中攜有日本志此書早流布直可省歲
幣我已外史達人實高閣置我笑不任咎公更發深喟今日讀公疏倘得行公意四百五十兆何至貽民
累不獨民累社中國咸受惠卽彼附賊徒亦緩須臾斃斥公助逆人黃泉見亦悔蒼蒼天九重今尙浮雲
蔽痛公不言隱開卷輒流涕盜首旣伏誅知公不爲厲定爲社稷憂騎龍謁天帝

李肅毅侯挽詩四首

駱胡曾左凋零盡大政多公獨主持萬里封侯由骨相中書不死到期頤繫弧卒挽周衰德華衰優增漢

舊儀賜方龍補服歷來漢官所未有他如賞紫官牒牙牌書不盡蓋棺更拜帝王師

連珠巨礮後門鎗天假勳臣事業昌南國旌旗三捷報北門管鑰九邊防平生自詡楊無敵諸將猶誇石

敢當何意馬關盟會日眼頭鉛水淚千行

畢相伊侯久比肩外交內政各操權撫心國有興亡感量力天能左右旋赤縣神州紛割地黑風羅刹任

飄船老來失計親豺虎却道支持二十年公之使俄羅斯也遵憲謁於滬上公見語曰連絡西洋牽制東

可得也

九州人士走求官婢膝奴顏眼慣看滿篋謗書疑帝制一牀踞坐罵儒冠總無死士能酬報每駁言官吏

耐彈人哭感恩我知己廿年已慨霸才難光緒丙子余初謁公公語鄭玉軒星使許以霸才

王秉恩

秉恩字息存號雪岑四川華陽人同治癸酉舉人官廣東按察使

石遺室詩話雪岑精目錄校勘之學書籍外收藏金石字畫甚富相識三十年未嘗偶齒及詩

屢索亦重閉不肯出近始得其題圖二絕句固雅音也

題顧景炎晴窗讀畫圖

花覆疏櫺畫正長
牙籤屨屐待平章
池荷萬柄千竿竹
舉似家風秀野堂
水木清華罨碧楹
玉山雅集最知名
千秋遺韻留圖繪
不媿風流繼阿瑛

鐵齡
齒

鐵齡字西湄滿洲人同治癸酉舉人官戶部員外郎有東園詩存

九月十五日夜宴意園丁亥

園林水木湛清華
此是平泉右相家
六曲屏風八尺褥
高燒絳蠟照黃花

題易實甫觀察順鼎巫峽窺天圖

長卿詞賦銷沉後
又見眉州父子間
中有諸侯老賓客
浣花溪水劍南山
山水方滋一事無
蠶叢才過問魚鳧
登高不作閒遊覽
萬里籌邊打箭鏺

景蘇來緘以噶扎拉參呼圖克圖羅漢圖屬題并序

華蓋刺麻呼圖克圖字也同治年間與俄人戰於阿爾泰山智略過人英人窺兩藏識者謂刺麻可以制之比來京師且二年窮困以老安禪五臺非其志也

西龍橫尊桑扶紅楊枝十番回華風蠻王鬼伯頭如蓬三十二相摧神工中有至人方雙瞳轉旋四大相
磨礪須彌一芥空復空軍前飛錫猶撥醴祿祠無敢專其雄坐見西海雲腫臃祖師西至非匆匆扶掖入
貢甘泉宮蔡州遠見裝元戎江山半照成大功誰謂造物哀龍鍾肌鷹虎紛相從我見維摩病時容健
談猶說千巖熊太行絕頂青濛濛手種蘆荀完神叢嬰兒千乳佛力洪終以五技嗤颺颺題圖應笑東坡
公未涉禪悅心忡忡吁嗟猛將藏良弓功無橫草羞終童末二指劉淵亭軍門

譚宗浚

字叔裕廣東南海人同治甲戌榜眼官雲南糧道有荔村草堂詩鈔

石遺室詩話嶺南詩人首推宋芷灣叔裕宦迹與相似詩亦祈嚮之集中有效芷灣體讀芷灣詩集諸作

黔陽舟次

臥疾黔陽瘴癘侵蕭蕭猿嘯出空林若非逐客千行淚未必灘流爾許深

何事

何事鹽車困絕塵來牛去馬儻前因愁中山水都增恨夢裏鄉園未算真作郡但能驕路鬼歸田終擬誓

江神本來未是嵇康懶惜此千秋有事身

大惡灘

茲灘以惡名畏路自終古若匪灘上行蛟龍執子侮凌兢入破舟八九陷水府譬登百仞梯又值萬鈞弩
勢逾鑿空奇力抵衝鋒苦距山妨後巉順溜指前武哀鳴地爲愁側墮天盡俯長林况蕭慘日炙歷晨午
噴泉色紺藍極望似虻蠱嗟嗟大化中芸生盡羈旅栖鳥猶返巢遊備輒思渚物性戀故居人情怨離緒
匪蒙高厚恩詎肯涉斯土一奏武溪深長歌淚如雨

黃石灘

客感千萬緒客程千萬灘遙程有時到積感何時完奇哉黃石下石勢叢叢攢水作逆飛電風搖無定瀾
其清第漢涌其險逾海翻窈深匿阱窞叩動驚巖巒乃知鬼神幻不許乾坤寬居人設樸汕累石殊鬱盤
洄洄蓄泄雨洶洶吟淒湍閭閻擅私利徒旅增愁歎獨有避讒客輿感忽無端人心實險阻行路良非難

寶洞灘 俗名俄鬼灘

寶洞狹於洞怪石橫豨豸奇在石能語大聲塞噲呿岸搖風更簸峽陷雷逾轟拗迫怒光上虛無哀籟繁
淒淒旅懷惡簌簌客淚傾靜思忽一悟破涕歡戚并往年羅浮住飛瀑長琤琤灑然濯百慮若聽鈞天鳴
胡爲此灘上瑟縮神屢驚水聲豈有別無乃心所呈遇歡聽自愜觸感悲旋生曷若姑置之無虧並無成
冥然守雌牝外物安能櫻

文德關

青天到黔小一綫橫微茫餘地皆羣山嶽岑勢開張其狀或釜甑其尖猶劍鋸連肱列遠巘樹頰撐崇岡
天公不能限任彼低與昂脈絡無紀極日月廻厥光我欲躋其顛矯首望故鄉越岡樹蕭瑟銅柱波飛揚
朱崖屹鼇背隱隱鄰扶桑豈不思遠涉關河阻無梁驚風忽吹鬢零雨頻霑裳如何膺劇任戚戚偏憐傷
遠遊令人瘦歡樂寧久長

張百熙

百熙字楚秋湖南長沙人同治甲戌進士官吏部尙書諡文達有退思集

衡陽舟次

城郭日初夕關河秋欲霜人隨湘水遠天帶嶽雲涼疏柳依荒渡寒花隔故鄉離心與飛雁一夜過衡陽

謁少陵先生草堂兼展陸放翁遺像

成都舊茅屋遺構識幽栖亭閣地俱古江山風始淒百花一潭近萬竹四松齊四松萬竹公詩不見杜陵叟夕陽

空鳥啼

配食劍南老始聞嘉慶朝可憐心激壯猶見髮飄蕭舊國東歸晚中原北望遙英靈定何在杯酒一和招

黃嗣東

嗣東字小魯湖北漢陽人官陝西督糧道有魯叟詩存

山樓飲集分韻得見字

衡廬各千仞滄桑閱萬變人生醉非夢道窮節迺見龍飛歲乙巳陸沈挽江甸鎖鑰繫孤注冰心抱一片
軒冕南極通載路謳歌遍十月十一日楚醴接瑤讌醉歸日未晡飄風冷然善陟彼崇府山拳石大如硯
仰窺星可數俯視江如練乾坤一草廬磐谷若驛傳長嘯餐落英觥觥集羣彥晚菘匪井李不足充三咽
武夷老經師石道行廚羅珍饌盍簪朋不速投轄客爭羨睥睨數千載咳唾十萬卷手中寸鐵無酒酣騁白
戰清唳遼海鶴謂李翮飛南樓燕謂陳蜀市無白頭蜀人陳伯完匡山有真面七子盡湘纍一經傳楚諺
龍性葉難馴龜卜易亦倦茲會十三人儒冠世所賤閉門造軌轍披襟雜狂狷衆芳豈不美故人獨戀戀
張侯孝宗友元龍湖海選嶽嶽兩人豪瑣瑣在烟簪長途須努力不負名山錢

張景祁

景祁字蘇甫浙江錢唐人同治甲戌進士官福建連江知縣有篔雅堂詩

閒情八首和曝書亭韻錄一

夜祝星輶漢影流
甘瓜同向玉泉浮
離騷名字箋香草
阿酷心情妬石榴
不見東南飛孔雀
誰知西北有高樓
瑣窗六扇冰紋格
衣桁藏鏡尙記不

過木棉庵遺址

半閒堂上秋蛩鬪
木棉庵中神虎吼
一椎忽出朱亥袖
撲殺此獠不汝宥
天水已碧龜鼎淪
禍機先伏由蔡秦
以國餌敵誰敢瞋
惜哉不遇鄭虎臣

丙申早春感興

衰病經年霜鬢稀
又春新柳帶煙肥
花前掃徑非緣客
夢裏還鄉也當歸
徙燕塵梁空閱世
馴鷗滄海久忘機
不愁寒雨連江暗
準備輕蓑問釣磯

自題攜幼入室有酒盈尊照像

淵明處士風千古
解組歸來事農圃
笑看稚子候柴荆
愛比庭前松菊撫
提攜入室觴滿引
一醉陶然樂無忤
我今綰綬逾廿年
霜鬢飛蓬滿塵土
久聞蕭艾翳三徑
那得田園供二誦
兩兒侍我絕可憐
大甫十齡小僅五
冥頑恰類草木姿
松未成鱗菊纔吐
長兄遠宦次兄殂
繞鄰牽衣暗酸楚
厭親紙筆慕黎粟
責子詩成笑何補
韓公喜聞了瑟僂
坡老自傷祝魯聰
魯聰明貴壽早天
定豈羨高車大門
戶牀頭有酒撥甕

雲花下攜雛傾瓦甌玉山醉倒顧而笑或令整巾或搥股作獅子跳蠟鳳嬉強效尊前彩衣舞謹呼聒耳生厭憎猶勝趨轅聽衙鼓還鄉亟買下墜田插架更羅羣玉府可耕可讀任所好爲爾經營意良苦衰年形役不自惜祇盼兒曹能繼武童時告誡爾莫知長大成材吾豈覩不如作達且快意日日持杯泛清醕

宋李易安居士石刻畫像石高五尺上書雲巢二隸字下書辛卯九月德父易安同記今藏東武

王氏仍園中

蓬萊郡守神仙眷燕寢凝香啓雲幔檢書淪茗角勝負笑比高柔供愛玩縱橫圖史束緗縹慧眼紛披過千卷歸來堂上壁吟箋漱玉新詞壓蘭畹乘龍夫婿相門子豔福雙修才調擅芝芙兆夢播佳話金石留題佐名宦寫生者誰周昉徒文采風流掃釵釧雲巢大書記合筆摹泐螭碑拓鵝絹獨憐生小便工愁麝墨含淒揮玉腕嬌花寵柳寓閒情寶枕紗廚動幽怨簫臺鳳去幾何時晚景桑榆丁喪亂臺榭山上望不極肯逐飛蓬共流轉微雲翳月豈足汗翠袖禁寒良可惋人生榮悴等夢境畢竟清名屬才媛拜瞻遺像墨緣緜香爇金猊手重盥只愁瘦損舊風神簾外黃花淚痕泣

王舟瑤

舟瑤字玖伯浙江黃巖人有天台游草

度斷橋觀銅壺龍游澗水珠簾諸勝

石梁極大觀，卽下無足觀。豈知過斷橋，別自覩一格。古澗漾瀟瀟，連秋泉唾寒。碧衆石束奔，湍盤瀉瀉一隙。聲聲玉漏催，點點銅壺滴。遠拖練一條，俯睇厓半壁。曲折狀蜿蜒，斑駁勢分拆。矯然神龍游，一一見爪跡。掉尾下深淵，噴沫散珠液。顆顆跳輕圓，汨汨來絡繹。絲絲龍梭穿，細細鮫人織。如下水晶簾，似碎蒼玉壁。以此方石梁，未易輕排擊。譬彼文章家，宗派各分析。賈馬逞雄才，匡劉爛經籍。一陰與一陽，曲異而工敵。是間屐齒稀，急爲闡幽寂。

天山雜詩

太白有書堂，其來亦已古。集有曉望篇，不獨夢游睹。我讀少陵詩，壯游亦自數。剡溪蘊秀異，歸帆拂天姥。壯游詩中語 迺知二詩人，夢魂戀茲土。曷不結一龕，合祀李與杜。名山藉點綴，風雅倩誰補。

東南數名山，台宕名相耦。昔作雁宕游，生面開未有。鬼斧與神工，雕鑿殊不醜。今茲見天台，魄力何雄厚。譬彼大作家，海涵而地負。神龍掉尾行，天馬橫空走。既不受羈繫，亦復脫科臼。昔僅窺賀全，今迺睹韓柳。絺章琢句徒，終落小家後。

陳書

書字伯初號俶玉又號木庵福建侯官人光緒乙亥舉人官直隸博野縣知縣有木庵先生集石遺室詩話兄詩天才超逸胸中不滯於物故與摩詰樂天東坡爲近中間爲後山放翁誠齋爲陸魯望皮襲美而終依歸於老杜論詩宗旨屢見於集中諸作雅不以空言神韻專事音節者爲然批點山谷全詩詩境益謹嚴益闡肆善說杜詩有人人熟讀而莫究其作何語者一經說解聞者豁然生平所作斷自杭州以後約二千首余先擇數百首刻之蓋山谷精華錄之意云

節署西軒雜詩

缺月疏桐夜已秋分明是夢在杭州涼風也慮愁人覺紙帳微微一動鉤
牽牛泣露花綻皂莢臨風葉葉齊紅蓼一枝非水國撩人午夢夕陽西
乍可歸時底不歸眼前光景與心違可憐擁髻沉吟夜曾識能看幾落暉
聽鼓夢回殘月上吹燈人臥綠陰中幽蟲不識悲秋苦一味淒清唱曉風

曉起思作家書用東坡百步洪韻寄仲叔二弟

津亭東望生風波隕陽西下無停梳幾回思歸歸不得日手短墨窗中磨偶逐閒遊訪水利六井塞斷亡
東坡涼風八月兼夜至一洗花港稀留荷句留爲此直無益顧戀豈復緣梨窩平生出門罕窮獨豪氣畫
壁歌黃河此行有若隨嫁媵詩懺恰應烏投羅三楹樓下鼠窺殞夜見漆色黃成駝嚴官之途始畏絕縮

足退食甘委蛇著書未半忽昏臥仰見梁燕先辭窠起來繞屋喚傭僕立意作達微亡何蒼苔泠泠秋雨下不飲恐被少陵呵

登吳山晚宿卓氏園

江南南渡古愁多、落木園亭奈晚何、萬戶昏煙沉夕幘、半天涼露耿星河、笛聲淒切花間語、安思蒼茫醉後歌、憶春前一惆悵、安仁衰鬢怨蹉跎、

寄芸敏京師

北雁不來秋雨稀、湖雲銜日遊人歸、軒窗臥愁詩又瘦、稻梁熟鬻難肥、去年花黃蝴蝶飛、登堂別君觴交揮、討書製序石林至、丰彩映壁如雲暈、我今不樂辭庭闈、君復流連淹帝畿、僧房獨榻亦何有、垂橐勿怨緇、沾衣春來襪被還、相依西山日落煙、霏霏驂鸞夜靜呼靈妃、詩成且復忘朝饑、人生何處更稱意、看取滄桑日夜非

過城南始聞雁

落照沈沈白雁哀、城南地僻長蒿萊、壞牆古樹誰家館、無數煙痕隔水來、

石門遇操舟者

行過石門鎮、剛逢舊日舟、如飛雙槳去、似載儂愁

除夜

病已淒然忽在斯湖頭風物渺難知雷峰塔夜如磐黑可是幽魂獨往時

沈愛蒼補官京師將行送之以詩兼寄芸敏

郎君列宿應郎官處士星微顧影單春韭未生疏別酒齊竿尙遠媿彈冠中年性命思朋友獨夜風霜惜羽翰倘見吾鄉陳左海爲言相憶勸加餐

葉臨恭見過旣去擬作論詩僅得六首

萬派同流學海瀾豈知古調是重彈更相爲笑都無當止作貧兒暴富看
八代文章枉起衰馬班爛調豎儒知由來耳目爭新樣不廢江河果是誰
焚書豈識更求書萬古洪流到石渠黔首不曾愚一箇翻教人世重鈔胥
博奕能消飽食身一般無益敵精神翰林土地倡家柳各有千秋抹淚人
當時雅頌萃承平捷徑終南結伴行今日妝成屬天寶不應情性太憨生
新城長水名家子要好貪多亦自佳若使編詩容諫諍盡刪蜀道削風懷

病起補園歸二鼓矣不寐與臨恭

俶玉先生無一錢近愧招隱書連篇感君意氣薄雲天一硯改作陶江田楞岩左側三間屋花樹頗足供
流連鄉人愛客屢饋遺比似與塊誰歟賢我生磨蝎隨處有二豎纏苦三句眠起來看物若隔世老母重
見兒生年一家歡喜恣溺愛飽啖不絕廚中煙猪肝豈但累吾友半喘時復勞懸懸山人不死定非福螳

磨猶欠千盤旋信知作達亦無益子之所慎吾當鑄中秋已過重陽去敢道明月今宵圓

十七夜三鼓猶不寐再疊前韻

君詩萬選如青錢一日願受詩一篇羸師往往故挑戰奪牛豈必由蹊田白楊招隱近何妥滄海求師得成連綠榕城郭攜家走當時頗覺惟汝賢材美奚但樹百穫格老有若蠹三眠寫經解經復有此三絕直可娛歲年秋早清晨登隴首晚晴墟里上孤煙山莊半作書畫舫玉屏山色中流懸爰居避風偶然至豈識鐘鼓終迴旋我詩遠遜君詩好肝腎幸不窮鏤鐫與君共行陶江派璇源玉水隨方圓

光緒甲申年賃屋陶江山上開戶通道人多笑之自秋徂冬未有改也

谷風茅屋兩間餘山海昏昏讀我書信知作計誰憑準看過桃花再卜居

傭工拾薇爲人所借入城去煮飯澆畦復勞鄰曲取水爾

茲鄉非於陵灌園乃伯子蓋祿慕萬鍾需次住甫里甫里何峩峩居山劇山址願得種茯苓上壽阿驪齒彼僮愿吾愛署約笑無理放傭去賺錢不作先生恥城闌暮色闌由來尙無止

戲述

吟詩爲生涯課子作活計子長著父衣詩淡得禪意
有花名月季月月皆有花不費買花錢花長住我家
爾梅不學好種爾已三年持較東家園鄙不值一錢

逐貧揚子雲送窮韓退之我欲更著述此中無立錐

十一月十八日叔弟來隔宿奉母回城中燈下作

無月人定後掩卷殊寂寥骨肉四五人疎葉依長條山頂絕僻靜闢茅結松寮抱疴連五旬近來始和調
老人畏山居親串隔迢遙衰年罕怡悅念之爲心焦萱草不忘憂何從獻芻蕘叔也昨病歸書來屢見邀
幸已久霍然重過溪上橋春日隔宿奉籃輿入城始今朝而我當居守枯禪戀團瓢小子日課完觀書坐
深宵妻孥靜無語一僮睡思饒明蟾過既望霜天不容招聊復託吟咏蠟梅香氣驕

臘月二十六日聞長門法船大至制府出城矣老母居城中遣拾薇往迎大眉猶病山妻亦病晚
飯使阿昔執爨僕自爲炊三彌奔走供七箸天氣大寒雨不止關柴門須冒雨以棹櫓代傘飯
訖點茶插花挑燈作詩紀之

八歲女兒能執爨九歲男兒助炊飯大兒十六病臥床時時渴飲煩水漿山妻寒疾頭擁被不飲不食悄
如寐老母攜婢居城中作書往迎付傭工海門今晨忽聞警大礮連聲震山頂黃昏雨中關柴門頭戴棹
櫓如覆盆稚子大笑作達語挑燈讀書意容與

人日雨

天公絕不苦漣湍坐困游山謝客兒多事催成人日句有誰肯寄草堂贊頻呼淪茗妻還笑強與論文子
忍飢客餉波羅含兩種豈知頃豆落爲其

初夜

蟲聲初夜靜新月一鉤懸儘得銷魂意偏知欲暮年蔬畦鋤自潔野屋住能身世虛相惜移時總可憐
避地三楹屋依山半畝庭獨居嘗夜氣暗坐玩春星蟋蟀何曾蟄棠梨或是醒和予惟稚子大彌縣試入城犀角
眼中青

夜讀劍南集卽傲其體自題所居

矚出偏云爲課兒村貧故與癖相宜女童授業當傭直病戶酬勞饋士儀綠橘四垂中有屋黃花再見未
編籬放翁詩派吾能學此日忘憂家有師

答臨恭

偶然問答託神形不擬詩來款竹扁寫意蟲魚非注雅驚心山海不溫經縣官手段武虛谷教諭頭銜宋
旣庭落向水邨覓秋興止宜同醉莫同醒

寫意

強名避地學邨居占得園林半畝餘客每厭來緣路遠花猶懶種闕籬疏教書意切兒成鈍角藝心閒友
屢齟更取許書作消遣有時剩義與爬梳

臨恭隔溪相送從新橋歸

手中朱老一枝花臨恭隣人歸對溪光似若耶昨日兒童看我過隔林指道伯初家

夜坐

強半春光去草堂，撩人猶有橘花香。
風簾燈火觀書夜，十萬蛙聲作雨涼。

乙酉重九日

細草黃牛努力輕，秋原晚稻拂雲平。
過橋潮小上弦月，落帽風微重九晴。
三面窗虛忘久坐，一枝花好憶長生。
閒居課業依然懶，不及柴桑更愛名。

新歲二日雨中與芸敏

焚香止欲速花開，煖氣先從斗室回。
賞雨迎春成故事，拏舟訪戴向誰來。
郊居寡業何能久，子職中年愈不才。
白馬青衫吾老矣，讓人襍被上金臺。

見山吟

舉頭見山多可厭，我今何故同俗情。
是山不合長在眼，是我過負愛山名。
因知世閒無好醜，得意須作珠掌擎。
及其既厭等糞壤，過盛當殺真堪驚。
四時速速更變換，造物見解殊高明。
祇我於中復有說，物本無味味在心。
心中好高道山好，心中好潔道水清。
此說之外復有說，有餘不足相將迎。
心中偏仄愛山爽，心中崎嶇愛水平。
百千萬億各言說，一椀水作數椀盛。
我今見山如見道，閉門山色光晶瑩。

月下

杪秋天氣似初春，月色蟲聲儘可人。
遠火依山微出沒，薄陰貼地甚調勻。
去年陶水方求友，此際烏峰又

置身獨倚闌干三歎息居然老矣是何因

十九夜

城中都睡盡而我獨憑欄月淡如人寡松香覺歲寒試愁渾不似是夢恁將殘逝者二三子西山誠考槃

十月五日下午山載花晚歸

籬邊不作瓶中供還向人間買菊花載上肩輿趁斜日似邀俗客到山家

西樓夜坐

江山信美非吾土一壑一邱聊置身靜夜西樓半輪月煙莎蟲語悵懷人

絕好樓臺如此夜愁來不共好人居可憐一種閒風月拋却青春十載餘

送贊虞入都

中年閒別最傷神况復留連近十旬出處艱難勞顧問知交寥落發輪囷商量文字寒更轉點勘穹蘇上

藥親裁爲老萊寫庭誥一函從此蔚家珍

劉特舟刺史以詩約攜酒來園次韻答之

知君欲以詩相慶百忙下約期舖糟不思官身爲官束那得睥睨矜情豪我昨過江作熱客至都觀劇鼓

掌聽罵曹夜闌不寐燃燭坐怪異拉雜談諸臬辨明辭去載輿渡塔山登眺輕移金塔恨無謝句足攜

取仰天止有頭頻搔歸來兩接酒徒束葉南亦招飲怪哉有意困饕餮我自於中有部署右手持杯左手整葉

夢得與劉夢得各以半日陪題糕采石爛醉亦何有落水肯惜敝緇袍使君赤緊有神術堆案一了如牛毛能來共飲信快事莫學清靜誇醇醪山中兒童好看客車蓋可以光蓬蒿

和特舟同年韻並約少文方伯爲是夕園中之游

山人不覺官人熱把酒相邀當邀月朋交小集劉淮南園林借住陶彭澤虛名客坐空一甞佳餉詩筒得三絕我詩苦澀乏仙骨不願飛昇乃拔宅明經止合謁李賀晚達惟應比高適西風送涼兼送抱短衣掩骭不掩拙起來據案和君詩宿墨重研凹處凸晨曦射窗如晤舊朗影照人想濯魄定知今夜十分圓那有纖塵溷澄澈道人能來共斟酌主客圖中永朝夕當令一笛傍花陰夜靜吹教山竹裂可無折柬約裴王煦萬子莊或有新詩壓元白人生良會頗不易九日驅馳一日得鳳翽來從雙鳥飛狐裘與立百鶉結金丹不換少壯心醜顏便駐中年色是周是蝶總忘身愛馬愛錢各成癖酒酣挽君吟向天呼作玉盤月不識不須好事繪作圖不須好名鐫之石平生但羨孔北海酒滿尊中常請客

登樓

樓下兒女語居然成世閒元龍豪氣盡百尺但蕭閒

逆旅

我於一家中逆旅之主人客居過信宿有時涉月旬本來是秦越聚久且成親主人遂忘懷規之殊頻頻厥初但愛護厥既生怒噴強弱雜言色巧僞紛笑嘖客若未有往姑將貌隨循主人行且去客主主人賓

客笑主人愚主人良謂真

晚歲

晚歲覬多詩自云學樂天樂天有何好有意都能言長言及千字短言數十言非博老嫗解但取妙心宜不敢示才人不敢示少年才人嫌才拙少年謂力愆年才與我同自然道我賢所以白同調當時惟有元夜起

老懷尋得白詩看不寐挑燈起夜闌一學便能非勝處心情可想近衰殘
不眠漸覺夜添寒對燭誰憐此影單堪怪伊曹能渴睡聰明容易蠢真難

竊仁約遊不能踐

多謝先期約懶雲劇令展轉至宵分料量語默都難事斟酌徒與益寡欣冷到李瓜真可已意闌泉石欲何云南檐自有涼風至不道南檐亦屬君

作詩

作詩未必輸古人傳詩未必到細民國風十二多顯者考亭作傳休斷斷

十四日夕奠畢見月有感

吾孫三歲母去世比我三歲凋祖慈可憐寒門止如此多閱年所嗟無裨中年親眷半鬼錄似去舊識增新知要談故事開口止况爾寒陋俗人嗤弟輩讀書不作官兒輩讀書情亦闌老人也作拋書想博來明

月今宵看前時看月母健在抱持當戶驚春寒母今一去不復返兒今頭白徒盤桓三郎昨日寄書至苦說無聊難位置索詩藉作閒中遣詩苦非甘汝何利無非晤語難其人還覓池塘春草思我詩與弟不同科老面頰唐皴若禪二唐置我應無地兩宋名家豈足多和陶一什望跋尾家集流傳煩疊疊國朝徵略敘詩人不省詩人今復幾

夏夜少睡月登我堂昔東坡居嶺南誦杜子美四更山吐月殘夜水明樓稱爲絕唱作詩五首以次句爲韻因仿爲之

一更山吐月照我晚堂餐恰對東南角能輝苜蓿盤納涼先祖背透朗欲瑩肝觸鼻晚香玉濃香不肯殘
二更山吐月白與天河瀉西樓一線光南樓半角下稍遲景不華微臙妝欲卸吹燈且拋書未須勤乙夜
三更山吐月倦臥正欲起憚暑喜夜深暗坐意亦美光明未大減冷落竟如此童僕不忍驚煎茶自汲水
四更山吐月殘魄冷嬾嬾怖上空樓去還依曲檻迎欲眠聞雁過漸急覺蟲鳴窗紙微微白初疑曙色明
五更山吐月依樣一銀鈎指似初三夜如何分外幽曙星聊憶識曉岸莫題愁自笑無惊甚空成趙倚樓

與弢菴夜談

貪涼初夜垂簾坐新月辭人早上樓斜漢漸中秋指顧空階如掃露沈浮咫聞乍愛貞元士癖好誰甄雅故流落與閒中商句法定交京兆馬籠頭

行西湖憶芸敏

奏懇西湖陳侍御湖頭宿草幾經年可憐侍御歸天上何日湖中水接天

呈弢菴

元祐諸公天人姿慶歷聖德天所毗既清海甸卷懷已不殫厥鏗焉施爲鄉黨風流要人紀文獻掩昧煩探披泉虛石貯蓋可負况詠華黍賡參差青春登朝強仕歸猿鶴歡喜迎龍夔摩崖浯溪興不衰老於文學今其誰溫良顏色入座有時以句法相質疑龍章鳳姿愛鼈跛亂頭粗服參旄髯東屯西瀼隔還往歲四五至窮昏曦坐公聽水之齋思松篁琴筑彈流淅山輿踏月夜半至挾卷報道詩尋驛

次弢菴雪詩韻

種梅十二庭際登下上移掇千回語南中天熱花不大烘動變見如優曇停詩五閱月晦朔空有情愴臨花潭任從妻孥笑才盡對樹但若枯禪參北風釀寒三日緊凍嶮瘦峭盆中嶮山廚半夜僕化去仰面似發紅砂醅蹇人喪斧何足數爲爾一慟悲能餽鵝毛暗墜那覺冷悄悄爾垂翅如窮鶴小兒開門詫奇睹著屐徑出尋山三我年似汝劇豪壯狂走詎識家無擔祇今瑟縮尖叉手啓宇安敢矜襍檻梅花恐作馬耳設彷彿落魄逢何戡雪豈於人有彼此所見各異猶龍談先生寄詩當問訊欲動猩嗜掀眉旋新裁述雪益蒼秀中有至味逾元醴村翁擊壤祝豐歲叩缶政自和雅南恨無侍兒煮雪喫坐使羔美嘲茶甘

寒宵早睡含真詩叩戶而至索和就蓆上和之

夜寒疑復有雪至獨寐潑水衾尤諳燈前閱歷識春至晚課罷誦慵瞿曇縮頭擁絮天不許叩戶聲急驚

寒潭席門月暗斷人跡此際誰氏君其參靈心忖度識八九合有冰霰投空噉含真先生夜無睡綠鬢假寐噴顏齡定知山人溫足臥擁鼻未必吟聲簡以詩作難半夜至俊翻故故凌逃鶴果然百戰健無匹辟易當使北者三天公玉戲本常事少見竟若圭難擔開函讀詩手僵絕破睡起坐衣披襟入室逼人乃至此挑戰自取戈矛戡當仁不讓吾豈敢老生抖擻翻常談秉燭侍兒解顏色笑口屢動頭微髭可憐歲事堂堂去勞酒不見罇中醇六花何時更惠顧茗飲具備硯北南吾廬不愁更凍破詠雪味敵甘茶甘

聞特舟以酒食至

裹飯時時問子桑使君古誼豈能忘柴門却掃非天意漆室悲吟少報章蜀道艱難歸隱志草堂情話固窮方明年大有離惊在太姥峰高不可望

君將之任福甯

哀榕樹三月初一日展墓出郊作錄寄含真

石齋先生作榕頌向來未覩榕敝形飾雄恃暖作盤鬱氣態欲奪松柏青可憐一寒乃如許一望霜葉排零星江城畫裏失點綴焦墨赭石紛林垆龍眼橄欖駢首盡三者無辜遭天刑本來得地天不管氣數移易艱難丁含真先生昨語我先醒此樹能亭亭地氣果然能張王或恐人傑救地靈今朝掃墓出城始我墓祇有松娉婷南人切莫效榕樹坐使先哲言非經

解哀榕

前者曾爲哀榕辭譏訶南人如自譏南人得勢自栩栩南樹得暖亦輝輝一昨弢庵過語我榕今復活子

吾誣吾言信齒莽茲樹非扶疏死中求活誰能如

漁洋精華錄

一代唐音起射洪不爭才力盡沈雄于公陰德瑯琊蔭想見昇平氣象同

二月十九日夜向晨矣夢中得窗暗二句醒續成之

曙烏啼月四更時獨枕惺惺足寤思窗暗似無朝旭望春寒漸有綠陰思高居大士閒龍象異榻山妻夢
屢屢披袂白雲清不捲覺來只合趾離知

臥成

除却自然無可樂幾曾樂近自然來樓臺得月還思伴欄檻歸春亦費栽中酒與胸增壘塊聚書爲古作
輿儻惟餘睡味深堪旨那有閒房著不才

雜成

閉戶尋詩睡思閒中物色止悠悠老傭愛雨憑階祝小雀巡蟲竟院遊山色懶於登閣望花光唯以拓
窗收起看斜景曾逾尺大好風墮莫漫愁

不爭

不爭閒氣身心泰禍福從渠我豈知閉却紗幮作螢苑星星明暗伴天隨

讀坡詩送李公擇邇年朋友之感益難爲懷與弢菴逾歲不至用蘇韻成詩

村郭一牛鳴罕見定何由邇來友朋緣命豈與仇謀及門唯問字來去非麾留故物絕留遺何從覓暗陬
入春已及半寒氈坐可收耕夫且無偶安用沮溺伴東坡天下士彭城路交酬尙懷寂寞感如聞涕泗流
况子寒皸躡同羣驂與騶玉川信怪物頗復自知不中年范希文時時抱先憂那得從牛醫春陰吟到秋
吐涎暫自溼綠壁看蝸牛細雨著纖草風光在牆頭

除夕用東坡常州夜宿韻

不飲何因得酒悲鄉心於我直幾微非緣兒女能相慰正恐田園未算歸老去論兵空氣壯悶來發難亦
知稀修蛇赴壑年年事南斗於今止暫依

零雨東山豈我徂許多柳雪尙征途祭詩此夜爲新客爆竹何妨辟畫符寫意頻添古商陸爭新惟鬪白
髭鬚誰知酒渴思逃席多謝殷勤爲點酥

題舊本張皋文詞選二十年前李宜人日未嘗去手也

三絕韋編人已老青編粉指更茫然柳花風調何堪憶傍路拋家止可憐

臥聞

行歌戴月北方風曲老聞聲假寐中芍藥憶開聽榜夜櫻桃愁對選花叢廿年風味初如夢一枕情懷盡
惱公祇恐失眠仍早起攪人春睡醒匆匆

四更睡醒見月

半夜拓窗臥月光潑水來無心看久矣忽見此佳哉慘淡向人白幽奇使我猜蟲聲始如沸更鼓四聲催

元武湖荷花

又向浮生一問津菱歌漁唱渺前塵自開自落無人管讓與蘆花高隱人

秋海棠

秋海棠開白露初他鄉蟋蟀歲云除武陵池上青青柳搖落江湖我不如

爲他

爲他百草憂春雨山谷遺言致足思抱甕從今少蘇息松陰靜處立些時

晚步庭中 八月二十二日

日晚偶來庭際始知天在吾頭海上家山何有木落白門已秋

避飲

變味變貌非所持有憂側席吾亦宜况茲爲客缺奠醑結髮恩誼能無悲貴離賤別事則一恨我驅去非緣饑靜極生動偶然出運數合爾何由彌莊叟欺人云作達安知淚下如縷絲

萬事不足言但少所投人身如倦翮鳥眠食皆勞神兒女我所勤焉輸肝膽親百忙尙自可一靜殊逡巡往日念家術謀歸祇幾晨如彼行路人晚煙睇城闔又如渴戰士望梅口生津有米未卽炊饑腸肯吟呻我今一念及茫茫浩無垠不如夜臺下相逢三葦巾

盡除

盡除才氣寫新詩不取心靈兒女詩要識古人深到處絕無門徑把人窺

須知

須知皆可絃歌旨不是鋪攤街賣區絕倒雁門行太守壓城雲氣半模糊

示墩谷

棗下雖垂非纂纂花前屢舞更僂僂豈嘗老我愁何遜頗爲旁人笑泰顛臥酒頻移花近榻忍寒還聽坐
專氈句成自取挑燈看不似誠齋定不然

壁間懸竊仁畫

含真廢老半身枯擦擗相憐一世無寄畫時余丁艱寒食梨花留苦語不堪重讀向江湖

雨中憶福州舊居

大似福州雨兼旬生夏寒早憂西郭水屢發北門歎池柳垂垂重山槐簸簸殘雙驂武陵外泛宅幾時安

枕上

涼颼穿帳夜真良巷出居人語未央客思移燈轉深宵蟲聲在壁極微茫河星漸淡月知上瓶水初冰花
弄香開著西窗蘇病息不應遽喚黑甜鄉

長句效誠齋體

無伴終朝影答形有程閒日史兼經微陰稍得支秋燥小睡尤宜補夜醒讓畔自饒人長厚閉門長覺世
安寧憑他喚作村夫子止聽浪浪瀉水瓶

有酒何妨斟酌之滑稽無乃笑鷗夷放過愁陣高擡手弄出神通大作詩竹戶詎忘鷄喔喔芝田亦恐鶴
纍纍東坡早歲懷齊物只博逍遙渡海時

短檠燈行喜可知飯餘重續四聲詩酸鹹嗜好還吾炙排比鋪張炫汝師馬肆講殘勤亦倦虎溪過去笑
能追柴門月色荒寒久正逐江開又甚時

晤愛滄歸計始決

日日思歸未得歸得歸轉覺重依依多情親舊三年聚永訣門庭一慟非秋燕巢痕勞睇視冬蔬旨蓄絕
單微猶憐修儼相攜處還逐江頭旅雁飛

古鏡有駸背印文不可辨

當時發紅面見骨惟有汝明珠散掌中玉臺落何許武都擔土明月空文房一日三磨礱春坊有字樞不
得碧繡無言古苔色

闕題

汝等何由及坦之今來嬾放少爲詩二千一百東坡集尙有七年未可知

歸計將成怯情轉甚

極望山梁振羽翰，巢林棲舍意難安。三年城郭迷華表，再過園林冷食單。出口暄寒愁問答，刺心慰藉甚
嘲嫻支離骨態新。來倍饒與旁人注目看。

傲少陵戲爲六絕句元韻

稱宋宗唐止要成，先須體淨次縱橫。前賢心苦分明在，敢信才難阻後生。
萬卷有神粗亦好，豈成下筆不能休。規模畢竟緣根柢，尤曲君看據上流。
樂天體物精千鍊，下視盧仝僕命騷。可怪譚言宗竈嫗，肯容流派溷吾曹。
酒態支離壓孟公，仙心縹緲託師雄。青蓮自有華嚴界，誰遣探尋向此中。
聖處功夫獨此人，向來都邑不成鄰。韓潮蘇海依稀似，更許吾宗步後塵。
箋疏百氏益滋疑，學究功臣更是誰。正坐用心初不細，譬如漢宋訟經師。

憶筍

北嶺嶺頭筍，怒生榕陰萬戶。午餐情春分去，穀已滿地。穀雨鬪長齊，入城

讀樂天詩

豁達古人偏遇蹇，止緣心地占便宜。可知富貴天非惜，况擅文章數自奇。放到楊枝身可死，葬將元九語
尤悲大年畢竟歸。和厚如此蕭疏一向疑。

添衣

短檐暗坐必添衣小室明燈暑亦微老去見書生畏憚倦餘登榻得飯依最饒佳趣無過夢要驗寬懷總在肥事事英雄都讓盡但生髀肉願仍違

子夜

暗坐遙聞子夜歌涼棚殘月一痕多狸狔也愛人稀少循着廊沿緩緩過
漸有蟲堪聽分明覺是秋豈須看歷日桐葉下心頭
裘糜聞炭氣暗度過堂風可坐直須坐催人曉日紅
空屋南檐下貪涼老媪眠教伊暗迴避笑我太流連

八月朔日

釀秋晴雨雜蒙迷送日閒忙絕町畦意懶並難料骨董影衰常恐近玻瓈開簾風肯徐徐入揮塵蟲方唧唧啼憶得中秋在家日上樓看塔響胡梯

三日

稍晴日作新鮮意便有中秋景象來只是無方堪答付閒庭權當妙高臺

題淮雨集

淮雨聲聲歲又闌兒嬉造物太無端讀書種斷真堪惜慰友詞窮有至難他日水沈憶西閣一時元鬢凋
南冠懷王覺寤嗟何及豈信興亡屬子蘭

倦極欲寐閱官書却醒

官書却睡真堪哂無數塵煩不放人絕倒溟藩寓書至教尋官趣語尤新

三月二十八日

鳴鳩有意催春種旭日光中喚婦勤省識甘霖在呼吸焚香先作曉窗雲

但道

但道飢寒能逼人飢寒強半是良民命宮鬼柳生難挽天性擣蒲死亦親共識國僑爲衆母豈知陽虎本
家臣可憐水懦真成狎積重何方與徙薪

初夜

祇餘看月吏真廉也被風狂禁制嚴初夜對燈還獨坐臨眠把韻又重拈未行兒輩心先恐欲話歸期口
已箝不值文錢是科第牙牌排悶爲伊占

半夜雨

二十幾旬無此聲聞聲感激涕縱橫風馳電掣惟恐盡海倒江翻只要傾不睡拚教兩夜永遲明看取一
池平奮心得隴真堪笑移向春前萬寶成

腹中

腹中有獄市亦自不可擾閒雜來見聞積聚豈能了置之不思慮過則無繳繞自然心太平何取誦集蓼

滿地

滿地風波無路行風波多處且偷生明年未濟終義易倘許滄浪一濯纓

下旬

下旬無月初夜靜還覓青燈坐到眠枕簟易涼休憚暑雲山無分且隨緣幾多恩愛施兒輩有限精神答
俸錢都是捫心惆悵處敢將辛苦惜殘年

安排

安排房闔差堪坐纍卵其如世事何鐘鼓衣裳皆入室驢騾犢特盡登陀早知使鶴原無用更識教孫計
則那自夏徂秋瞻印處昊天惟有醉顏酡

九月壬辰

風掃殘枝作許光人閒但道是摧傷陽春已有萌芽在且向冰天睡一場
屈原賈誼最傷心無補危亡無病吟知否堯夫救新政一分寬處一分金
東舍南窗絕可人黃棉鎮日肯相親冬寒也要人料理紙閣蘆簾莫染塵
坐老堯年一匹夫偶然浪跡落江湖因緣遂竊倉頭米還許巢由洗耳無

敬兒束裝不能視之作此兼寄仲常家弟

汝歸闢草萊我行問松菊高尚足耽期以免覆餗故山如天高姑縱送汝目平生萬里心一飯三顰蹙

事窮學無功體憊志不縮願化木石腸返顧仍是肉生機留一線使我去可卜首陽久懷哉寄語告阿叔

病中移花榻前

親炙梅蘭共起居他年妻子不相如休官喫緊都緣此愛惜分陰喘嗽餘
十載孱軀困遠游翻緣病骨得歸休暗中香氣知含笑悟是生還在福州

買花

東風吹落瓶中花病客厭雨生嗟呀將錢買花亦孤注親戚時有停炊家

聽水齋詩卷題辭

滄趣樓同聽水齋江山正喜屬吾儕詩篇在手人如玉不是春秋日亦佳

戲爲絕句傲杜老

漫興尋花老不聊尙餘酒美得相招儂今終歲不把盞日出茶湯空自料

叔伊將歸陽崎遂由彼候船行遽有別意作詩示之

空堂夜涼生行子已卜日武昌婦持家陶江兒當室此閒先寢在四海慰接膝何物名當歸定促行李疾
稻粱累鳧雁終歲不得逸笙簧計已非琴瑟守專一我無遲暮心子有固窮質仰睇天際雲聚散焉用必
時時御風行猶勝縮地術

八月十四日始詣地藏寺林宜人殯宮用元微之遺悲懷韻一首

九年死去吾方返一慟心飛願尙乖
隔歲始攜扶病杖此生長負隱居斂室家
可嘆非甚楚醒夢何曾離
大槐我亦向來艱一飽誰脩功德問僧齋

負暄

移花南檐下與花共負暄
不緣昨宵霜那得今朝溫
得溫殊念寒出門遣童孫
殘年如返照冷淡對荒村

下簾

下簾托樹影縛架豎花枝
不有閒經緯應無著意時

枕上作

好潔愛花非福相故知老病分之宜
若教結習消除盡百歲康強欲底爲

臂痛

臂痛須防指不仁偏睡年餘右臂艱於屈伸右脅貼席每咯血甚
千文一日敢辭勤胸中畫意如山積
止當南田讓與人

說偈

一笑門前似虎溪三年來木庵出戶可指數也
却從人境得幽栖可中明月生
公法無價清風魏國題六十八年蠶續
尾二千餘首麝遺臍不須昨日龍興寺
今日還知是水泥

止管

止管吟詩妻子咎我無妻者不妨吟
生愁造物相猜忌除却將何寄此心

淮北山蘭香甚

淮北山蘭賣百錢儘饒各種鬪鮮妍建州一向多高貴我是鄉人不謂然

拔可將歸福州以詩贈行

李生庭闈人遭困乃彌粹子身學作客屈曲自行意我知李生賢才藝特幟志告歸出天性真語動涕泗
鄙人孤生初重疊皆此類體羸氣自豐培養在寸地惟迂能制心貴道祇三事覲面卽前緣敢以老自棄
贈言吾分耳歸思不可弭

杜村相驗

亭午迎春入須臾出郭行輿寬嫌易睡郊迴喜初晴減從仍非少攜糧詎是輕涸河沿樹見殘雪近邨明
踢凍玻璃碎迎新紫翠綳有喪爲匍匐辛辛苦促前征

讀蘇詩

過子從東坡過嶺誦陶什我從兩男兒槐黃時候急乃翁不遇時瘠土變巖邑皇皇顧日影憂來重足立
不如謫海外寬閑許戴笠徵發苦煩苛錙銖盡俸入可憐未半年負債如拾級平生齋鹽心對此殊岌岌
家弟寄書來貧病老交集口中汁無多聊用更相溼兩兒赴京兆行李困供給成名焉用之仕路但壁立
歸耕無一頃茅屋何處肯無緣比惠州捲卷五情澀

卽事

杏子單衫未著身堆盤杏子小勻勻縣城不認端陽節藥店分香亦可人

甲申

貧家晚嫁事難言豈復溪邊山下村莫憶他年苦腸斷人生結髮有家門

八月十五夜

天子蒙塵我守官中秋月色好誰看若爲袖得吳剛斧收拾瓊樓玉宇殘

晦夜

一院明窗無月夜四郊多壘有花時凝思身世長如夢怪事兵戈尙坐詩瑣細儘須堅道力諸餘只好斷情絲天涯兄弟遙相念爲問漁竿何處持

王衍

王衍須知是可人不愁石勒起風塵雲天寡色歲將晏水日相鮮花有神左道過車多乞客南來瞻馬盡王臣買羊沽酒容料理緩急還須仗老身

重九夕作

厚地高天聽沸羹却從如礪見重陽身衰敢意明年健足冷先知今夜霜太華清鐘無限思橫汾秋雁不成行月明試上金臺望多少離人怨去鄉

陳豫

豫字仲常號良叟福建侯官人光緒乙亥舉人

古屏山行

天風吹崑崙飄下衆芳繁墜澗石無主辭山泉有源澄潭私自瑩幽響若爲吞慚愧奔波客栖栖不足論

黃燾

燾字欣園後改名育韓福建永福人光緒乙亥舉人官廣西容縣知縣

石遺室詩話欣園多填詞少作詩有之亦往往詠物託興余絕愛其春陰絕句末云無情最是欄干外明白楊花點點飛可謂有神無迹詞亦有警句云銀釭椎碎玉連環相思解也難

寒菜

斷齋况味十年難風露秋來飽一餐末下鄉心商食譜吳興秋思動園官英雄冷落門長閉地主清貧鐵柱彈騰臬京華梁肉輩不知人世有酸寒

萍

江湖生世慣浮家點點春心蘸落霞桃葉託根三尺浪柳棉幻相半堤花碧痕飄泊隨魚蘊翠影零星上
釣叉楚尾吳頭歸未得年來蓬梗尙天涯

林葵

葵字怡庵福建閩縣人有鴛鴦藤館詩鈔

石遺室詩話怡庵詩境清真長於白戰絕句最工得力於放翁後村句如鄉信未開參喜懼客
邊無事不艱難家貧最苦無昆季親老何堪久別離曳裾早覺依人誤看鏡翻驚作客肥不敢
殘宵耽睡味倚門慈母眼長醒皆真摯語

小春

坏土生青草光陰度小春汝完身後事我益眼前貧岸柳思眉黛山花憶笑頰也知新調好恐遜舊時人

人日

春想吾廬滿閒庭綠漸加樽開人日酒梅帶去年花福慧消文字牢愁迫歲華登高乘薄醉更飽晚山霞

寄內

吳淞一水苦相思，萬里鄉園夢到遲。
算汝星宮張角甚，嫁夫貧賤又分離。

寄雜事附家書末三首錄一

柳條細葛翦裁新，宜稱思量別後身。
一種癡情應自笑，天涯例作寄衣人。

玉山江行

江村秋晚正收絲，兒女全家十頃田。
寫出太平耕織景，黃茅亭子白蘋天。

黃渡

頂湖艇子盪還停，如鏡波光掩畫屏。
一帶叢蘆晴雪裏，花頭小立墨蜻蜓。

晚泊

水碧霞明落照間，柳陰停舫客心閒。
此行差慰平生願，看遍江南雨後山。

秦淮雪泛

瘦損垂楊縷縷殘，雪天裘馬醉遊寒。
平生最負秦淮月，閒煞青溪好畫欄。

秣陵留別

青袍平揖許鰈生，裘帶威儀座上傾。
自笑十年盤膝坐，杜門只解避公卿。

五更

寒柝秋笳遞惡聲，山營蹋壁臥縱橫。
五更劍氣催人起，看得長庚出海明。

幕中不寐起視殘月斂影西下悵然有感

軍柝聲沈海月收片城斗絕注橫流神區古號籌邊地聖代今防下瀨秋坐甲久深姑米計琉球爲鳴靜
爭洗格登羞伊犛爲柳渾慚愧知何事只爲平涼抱切憂。

遊句驪王宮感事六首

守舊平章讜直言此中功罪亦難論感時根觸孫劉事生子無端似犬豚

宮牆劫火乍經餘猶見宜春舊日書宜春帖尙白五律一首旁署翰苑某某獻不敢風前談往事倚欄惆悵李鴻臚鴻臚卿李公引觀王

宮凡所經輒聞歎息

樓臺金碧倚雲明殘雪松枝冉冉晴不惜朝寒織手凍御溝一片搗衣聲

粉淚倉皇聞道馳珠襦零落出龍墀軍中未遇陳元禮僥倖梨花尺組時兵變後左翊贊閔應植匪妃從閒道避長湖浣村去京二百餘

里應植妃族人也

娥眉制勅寶宮開將種由來有禍胎風月外家銷歇盡瓊臺愁絕鳳歸來妃氏閔累世將相兵變誅夷殆盡妃好干國政也

萬里滄溟積水東片帆來去借雄風眼中無限銷沈事不爲斜陽過故宮謂庚申時事

寄謝葉鶴舫都戎惠酒

昨夜登樓看太白兵氣全銷酒星赤倚劍思翻北斗杓天漿百丈傾瓊液平明布被猶擁脊僮僕歡呼似
奇獲報我將軍送酒來寒駝流汗牛成瘠攬衣出戶折高屐照眼瓶壘羅五石得意何須握虎符搜珍不

數陳螭壁回思大雪如拳夕凍壓甃牆過一尺畢卓鄰家盜未能醇醪公瑾嗟何擇謂周彥升往者艱難今者
適非謀一醉無良策螃蟹猶如酒國春鯁魚况有糟邱癖糟復惠呼童滌罍夜張席翦燭成詩岸巾幘
多謝故人萬斛情明朝付與南陽驛

壬午除夕

滄海橫流過女真歲闌彈鋏未歸人東風暖續三山夢快雪晴融八道春通夜爆聲中壘靜排空燈影大
旂新行年最愧同坡老可似毗陵野宿身東坡先生有三十九歲除夕常州野宿詩

銅雀津

水碧山寒展畫屏數聲柔櫓隔江聽分明似我洪塘上只欠前林橄欖青

南陽道中遇雪

去年潮落船敲側海灘蹶行泥雪今年重到馬山坡雪花團野光疑月天然景色圖難成駝鈴牛鐸寒
無聲北風倒捲若塵灑深者直與藍輿平酒微裘薄急當去暝色蒼蒼失前路醇醪晚酌念周郎去歲彥升同行
起撫道旁老松樹

騎牛

疾風如雪如沙塵五步之外昏無人輿人中路行復止欲進不進意逡巡忽然頓輿逋其三日暮途遠殊
不堪棄輿且復上牛背雪深路窄循深潭山郵燃炬險相送予足已僵予手凍饑腸雷轉火入頰帽簷墮

雪膚忘痛牛蹶簸趨澗冰人且瑟縮牛誰矜騎牛之技吾固善兒時攀角能超騰何圖異國今復爾客
路艱難竟如此行當歸畫六橋圖一枝橫笛煙村裏

失題

酒情最記月明宵打槳秦淮不頂潮今日熟聽笳鼓競那知更有白牙簫

水口

小屋編如挂壁燈巖巖叢樹翠層層商量欲入雲林畫官鼓津船劇可惜

生日偶成

散步長廊興不孤晚晴霜菊瓦盆蘇近來止酒添吟思大好溪山壽老夫

建溪舟行

小舟狹而長人如坐竹籜船頭置六櫓郭索行蟹脚舟子戒偏頗避就有斟酌常恐觸淺灘轉作無底棗
忽然水聲號亂石疑斧鑿鐵紋鐵色透泥土那可託巖巖作陰翳欲落復不落撐以青虬枝多年挂猿獾
篙眼如蜂窠深可巢燕雀安排類人力高擬建飛閣百重恣旋轉山與水相錯迴看過時路心目同驚愕
胡爲不行陸安穩躡草屨固知舟行險奇境未可卻陂陀得沙嘴午飯一晌泊捩舵入煙中微陽澹無著

建溪曉發

放溜扁舟下奔流激箭東岸低篙眼密灘急槳聲雄新樹濃交蔭陰巖險壓篷裝繇猶未換曉怯麥秋風

寄希村六兄

客感荒溪上，寒燈獨坐遲。雪深懷舊夜，酒薄憶君時。鸞鳳清聲老，乾坤傲骨支。擁書長避俗，高臥是吾師。歲事門關逼，支持計又疏。孤山憐一鶴，建水盼雙魚。歸櫂春糧薄，離家酒卷虛。敵裘休更典，春雪滿階除。

易順鼎

順鼎字實甫，又字中實，自號哭庵。湖南龍陽人。光緒乙亥舉人。官廣西右江道。有集。

石遺室詩話實甫幼有神童之目，稍長有才子之稱。自謂張夢晉後身，詳其所作題張夢晉畫折枝長卷詩序中。又自謂張船山張春水後身，以爲王子晉。再世爲王曇首三世，爲夢晉四世。爲船山五世，爲春水實則春水及見船山焉。得爲其後身，不過文人結習託所心好者，以自夸異耳。君於學無所不窺，爲攷據爲經濟爲駢體文爲詩詞生平詩將萬首，與樊榭山布政稱兩雄。惟樊榭山始終不改此度，實甫則屢變其面目，爲大小謝，爲長慶體，爲皮陸，爲李賀，爲盧仝，而風流自賞，近於溫李者居多。雖放言自恣，不免爲世所訾，警然亦未易才也。其集名甚多，曰丁戊之間行卷，曰摩圍閣詩，曰出都詩錄，吳船詩錄，樊榭山沌水詩錄，蜀船詩錄，巴山詩錄，錦里詩錄，峩眉詩錄，青城詩錄，林屋詩錄，游梁詩牘，廬山詩錄，曰宣南集，嶺南集，甬東集，四魂集，四魂

外集鶴園詩事蓋足跡及十數行省一地一集也

、送王子能以懃夢湘以懃兄弟返山左

落花風不往嘶騎又天涯破篔安吟草殘鐙選夢華春餘鶻有泪客久燕無家後夜愁煙雨明湖萬柳斜
、爲有

爲有江湖輿抽帆暝不辭秋痕雙鬢換客夢一鷗知楓冷如中酒蘋香欲上詩湘靈堪晤語弭節未嫌遲
曉行

黃葉聲中催酒醒回頭煙水失孤篷關山仍與客燕左星月似隨余馬東殘夢不離秋草綠故人猶翦夜
鐙紅謂曾懃垂楊未是江南岸何處旗亭唱曉風

余我如通守招同家大人暨雪澄次香諸君集龍岡書院再展重陽芷漭亦在坐

榕陰回馬動寒森菊老萸荒徑幾條天影四青穿檻入秋魂一碧倚雲招湖山有福詩人聚官吏無猜酒
陣驕好向行滕添畫本此身終擬混漁樵

春寒

澹澹松間雲濛濛花外雨溼光轉絲簾隔夢無處所積爲空水氣暗碧動窗戶新落一痕缺已有嫩寒補
孤行近池竹粉墮衫色古高樓攔層陰壓重覺花苦江遠見白沙煙中片帆舉春山疑擁鬢神共暮天語
吹嵐欲成波黃霧樵路阻萬態互踰踰半晴猶齟齬閉門習堅坐冷思窄襟聚詩屋縱冥搜飛愁遍春宇

籬根夜火青似話潮生渚
暝宿楚江曾風鏡照羈旅

春晴同次香夢巖諸人遊城外二首

如夢春雲送出城碧天
落色染新晴靡蕪客路
初行馬楊柳人家欲住
鶯劫後風花留黯澹愁
邊煙草費分明倦遊總
憶江南好黃蝶飛來話
隔生

短隄新漲翠平腰一翦
輕寒草路銷江樹碧稀
如有待野花紅極轉無
聊春痕在水愁雙燕人
影兼雲想六朝只惜東
風好村郭不曾商略酒
旗飄

宵臥聞雨聲爲桃花憂甚枕上得詩四章

朝陰休洗紅暮賦怎生黑
李易安詞獨自怎生得黑寒響被池寬溼光
鏡路窄露井迷蝶蹤風
廊斷蜻翼隔夢一重簾
如聞花太息

二分瘦骨瘦一尺高鬢
高疑聞北渚泣欲補東
風騷幸勿綠珠隊甯爲
紅拂逃玉驄感舊住銀
蠟憐新燒化身爲一雲
誓補恨天漏減齒得千
日冀延香國壽更修四
聖祠位次百花右風伯
暨雨師雷神兼電母是
當貯金屋而乃泥中投
生憐翠袖薄坐恐紅霞
收非僅惜豔冶竊欲噉
靈修嚮來讀青史常替
英雄愁

三月三日我如世丈招同諸君往遊龍岡余以疾未赴口號十章志悶卽呈錄二

戊寅上已兼清明愁似一江春
水生余侯招我城西行我辭
以疾行不得茶煙藥煙成一
國禪榻東風忽如客

鼎也生平真可憐京華兩度清明天會上孤亭望鄉國斜陽一綠心茫然苦求進士終未進倦遊遍值文
園病生與東風不同命

十九日池上風雨作

近山狂翠奔撲簷遠山漸失空青尖此時鴉飛不得過天半雨脚垂如簾春雷蓄勢方隱隱迸力一聲風
破頂餘威尙壓花幾重花膽無多莫驚損迴身卻走掩鏡光恐有急電來搜窗

園居雜詩

雨後春更幽吟聲閉花緊習靜恒掩扉堅與薄寒忍餘諷竹響富孤行落氣引蹤迴知有窮意涉悟無盡
東風自來去萬物遂加損晴雷觸念起天末來隱隱一碧忽過牆泥根迸新筍

種竹不嫌多買花不辭費疊石設高想鑿泉具深意每於官廨區而有吾廬志人我見兩忘但覺光景貴
視官同傳舍吏治由此廢若以久暫論百年終失位渺軀非我有亦寄宇宙內文章徒殉人豈與身附麗
降心謀飲啖過飽無餘味田園偶雄據終爲他人贅君看癡祖龍夢想存萬世一旦贈漢高受之不知惠
何如園中客徑詣花下醉

三竿兩竿竹四尺五尺牆倚竹立牆脊面面東風當牆外半畝園茅屋皆花香一嫗滌器坐一兒眠夕陽
一翁行灌花久與花氣忘呼翁索殘朵他語未及詳恆葩豈足戀戀此幽意長翁今食帝力幸已鬚眉蒼
生子子生孫相勉爲善良

鳴笳散清曉一兩江上寒昔送阿父行芳草催春殘東風日夜綠吹夢何時還似聞負弩過犵鳥顏皆歡
驛路題詩處桃花開百蠻馬蹄踏雲響翠擁牂牁關回首榕邊樓月明千里煙應憐小兒女太息方未閒
願隨鴉陣黑飛度天西山

驅車九州行夢寐常母側園居日夕佳快此停征轍春風吹慈顏一笑花竹活青陽煙景富幽賞若爲設
天恩信高厚寸草心亦達忽忽兒心驚稍稍母髮脫所恃神明固寒暑安能奪兒身願爲籐扶母終歲月
母壽如春山年年生綠髮

秋懷詩

居幽遂成嬾冷若霜後花低頭理破書滿屋秋聲遮尋常所經處舉足疑天涯與賞旣蕭索兼之煙景差
豈知意造境更比人間奢遊仙不藉枕攬勝無須車三山與五嶽縹緲雲爲家孤行九州外海水飛紅霞
七歲唸高軒十三賦洪都才奇豈不重所得徒區區嗟余亦早薦夙竊神童呼人事戰天稟智慧相驅除
百垢積山淵能使珠玉枯閉門習故藝忽忽如亡逋乃知少年技未足終身娛坐恐雕蟲疲一朝成老夫
學道悔不堅易爲哀樂用兩度江南遊華年酒邊送未暇悲南朝吾生亦如夢煙月雖連天暗泪滴花凍
酒罷促迴船獨對秋江慟

吾詩耽冷趣白日常冥搜下筆幽想來奔赴萬古愁竹屋一鐙青夜寒睡未休有時不自主身被精靈收
無人大荒外隻影貪清遊借茲空際濤吹我胸中秋吟成似初悟顧影疑浮漚萬山煙雨深獨立天西頭

雜言

繁花不開春之福好月不圓秋之祿美璞不斲玉之壽高才不達士之富

江岸曉望一首有序

初陽寓林奇亦未顯遠水辭郭荒白與依泯泯者沙坐暎乎寒波隴隴之霧懸綴於曉樹竹籬
茅舍參伍左右瓜田芋區重疊東西晨景致佳惜雖切吟髓殊艱畫手耳

嘶騎尋煙破寂寥幾家野竹縛籬腰林含旭影爲紅勒沙寫寒光但白描秋樹關山孤雁度曉風江店一
旗飄遭逢只乏荆關手清景沉薶恨轉饒

開泰朱孝子詩六章

乾隆六年春王二月蠡彼媿徒挺灾於粵五開崗苗乘間嘯發山烽照天天爲熱中有孤兒挺奇節
兒有母年七十餘兄弟五其四若無母驚顧惟季子俱寇深矣負母而趨

天寒日瘳丁丁崖兒身蔽母頭顱開砍之不死賊復回留汝生命何爲哉頸血滴入山泉哀天寒日瘦丁
丁崖

兒逾時而蘇矣傷十日而復矣緊母與兒痛定而哭矣天之冥冥匪無燭矣人之錚錚愧彼欲宓矣
母九十八歸於墟兒五十四眺於廬哀毀滅性隨以殂蠻天萬古山蒼蒼前三百年有太常忠臣孝子同
流芳

孝子誰朱其姓邑庠生名文籍

冬日漫興東張子蕃

滿庭霜翠紛可掃暗葉棲潭碧雲槁兀坐冥搜不出門摩圍山人抱書老少年各誇好身手山人得閒如得寶行年二十箭過眼閱歷方知無事好長安卿相殊逼人一旦北風吹馬倒平生擇術恥哺啜飲水餐英吾事了無才獨爲天所寵以春相醉秋相飽是時人海秋已盡猶有殘聲流浩浩萬籟百泉枯不得併作一濤響虛窈蕭然坐此世情澹靜夜把酒臨疎篠與鶴相對同性息壤盟言在三島殊鄉沆瀣遇張子忍涕爲余說江表揚州石城久蕭瑟苦把青燐換文藻昨夜夢入江南村落月金盆澹橫曉孤山荒寒人跡絕清淚冰入湖天悄逋仙故宅在何許文采風流嘆今少他年清游恐無地生苦太遲愁太早何人補種舊時梅萬點繁花插晴昊

初春集古歡閣用舊作春寒韻

蠻山迴春恣活綠未因雨江光忽中開露此招提所高雲似吾輩不速爭入戶名場汨清興此境天所補快關夕陽色曾來換今古人生有權會稍敵憂患苦題襟者數子鸞鳳見軒舉風林倚烏帽倦學嫺隅語詩情闢康莊萬翠失其阻寒紅斂初媚春誘意猶齟何爲勞東望興象已冥聚山城轉忘寂皞然一春宇短冕浴苔波新水初識渚無爲負煙景百年同寄旅

題子蕃蜀絃集

錦城絲管最無愁，獨抱離絃蜀國秋。那怪詩心兼甫白，浣花居後夜郎流。

花朝榕江山寺

湘春綠隔漳江，迢萬里東風轉玉簫。有酒翻憐非故國，無花不信是今朝。山城驟暖綿爭卸，僧壁曾題粉亦銷。奈爾前村挑菜女，亂隨黃蝶過溪橋。

容舸春日

疎雨不連晝，靜花方獨春。因之臨水屋，時有脫巾人。樓影得雲幻，潭光存月真。蓬蓬詩夢暖，一徑綠杉新。

寒食

客子望春春可憐，落花芳草愁連天。斜陽官道過嘶馬，欹樹小橋來喚船。悵然卻歸索愁句，孤鶯坐雨垂楊偏。遠色濛濛不可極，百蠻一綠寒無煙。朝來借火新煙出，夢斷江南賣餠陌。小桃自碧山鵲紅，萬里天西作寒食。

春日園居偶興

一帶樓窗捲舊紗，日長睡起正思茶。天初過雨碧藍色，春在滿園紅白花。柳浪聞鶯詩世界，梨雲訪蝶夢生涯。年來懶問江南酒，支竈桐陰汲井華。

桃李花下

春風自東來，吹我桃李花。一株如白雪，一株如紅霞。紅白互相間，陋室成豪華。重重裏豔錦，中有花神家。

朝見蝶徙宅夕見蜂開衙攀附在時勢中藏詎能嘉殘英忽紛飛四顧春有涯重經綠陰底寂寂無喧嘩
來時浮雲浮去時斜照斜何如大堤柳秋盡猶藏鴉

秋日野興

霜痕染遍古蠻州信馬吟楓作冷遊古井微波如我定寒山老樹向人秋寺飛蝙蝠鐘初動江立鷗鷺網
未收喜值天涯清暇日仲宣何事賦登樓

西施曲

西施未嫁誰云冶春風不到蓬門下若耶溪上浣紗人諸暨村中賣薪者朝從波底羨鴛鴦暮入雲端栖
鳳凰一身偏受恩千百萬口爭言豔寡雙富貴居然一朝有香名藉甚千秋後故國飛殘茂苑花行人憶
殺蘇臺柳從來貧賤幾人傳寶劍沉埋珠棄捐越溪尙有如花女不遇吳王空自憐

平望

笠澤扁舟第一程鱸鄉亭下獨含情眺來平楚蒼然色聽到中吳白者聲宋書樂志有白者歌即白苧也鶯脰湖光穿樹
溼虹腰橋影貼波明舵樓大好移家住酒美魚香飽越羹

三生石

夢裏還將舊夢尋吳山越水淚痕深亡姊真一子降鸞言余前生爲張夢晉千人石與三生石知我南來一片心

黃篷湖權歌湖上有黃篷山卽陳友諒起兵處

黃蓬湖上山如髻漁父生兒思作帝堪笑紛紛鷓蚌爭那見蔥蔥虎龍氣鄱陽血戰遊魂苦轉眼漁兒又
俘虜揭竿漫擬夥頤王銜壁終歸隆準主黃屋何如一綠叢滿湖明月扣舷歌世間那有白頭賊惟有漁
翁頭白多

松滋渡

紗帽隨鷗鳥

杜子美句

漁歌激楚辭

孟襄陽句

詩人何處所惆悵過松滋

虎牙灘

自昔稱西塞荆門對虎牙山形原護楚江勢漸迷巴怪石臨灘正崩崖壓樹斜承平渾失險弔古一長嗟

遊峽州三遊洞

江迴灘始高峽轉山更密小船似鷗鳧破浪雙槳疾三遊洞壑古探勝今方必昔賢偶停舟枯僧還築室
危磴趾不雙空巖響非一怪石常倒懸行人盡斜出峽中一綫天到此驚俱失鍾乳如柱垂歲久洞門窒
不知何年苔濃綠過佛膝卻愁佛坐處終古黑如漆陰崖見題字秉燭讀難悉道人開山窗知有雲外日
忽聞聲洶疑疑是江奔汨見谿不見江峰影鬱崿峯想當月上時谿響增慄慄幽寒無人境未死身已畢
何年借茅庵於此拾橡栗野童若猿麋見客驚欲逸慎勿相憎嫌終當結儔匹

題三遊洞

元白停舟地蘇黃著屐區鴻泥唐逮宋烏道蜀通吳高浪雷霆鬪陰崖日月通清遊成獨往足傲昔賢無

蝦蟇石

萬山排如碧玉簪，一水灑作真珠簾。洞天深黑何潭潭，驪宮鼻息風雷酣。太陰不死元氣含，其中石壽逾彭聃。衣箔帶藻被荇薄，綠蘿毛髮垂鬢鬖。沙明聚族或蚌蝸，巖幽託宿多鶉鴝。人言地道通荆南，松滋縣西苦竹庵。安能秉燭窮所探，溯源直破天局函。千年長生金背蟾，狡獪學彼龍衆髯。祇與過客供饕貪，春芽試煎清且甘。不解作霖吾亦慙，蒼生久渴將何堪。

西陵峽中詩

朝辭下牢城，暮宿西陵嶂。楚山何鬱盤，岷江始奔放。大舸觸懸流，輕帆破高浪。陰崖互虧蔽，照水皆千丈。仰聽清猿啼，俯視遊鱗漾。浮嵐異采色，怪石多形像。碧樹綿冬春，朱華歷弦望。垂藤盡倒生，飛瀑無相讓。絕壁見樵歸，虛巖答漁唱。離離白雲外，蔚蔚青霞上。網罽備諸氣，瑰璋非一狀。不緣寓賞真，將疑雅記妄。適意已可操，耽幽神所貺。平生獨往情，誰能共逋蕩。

舟中望雪短歌

微霰江上飄，林霏已先結。森然見諸峯，不辨雲與雪。遙看峰缺處，高鳥明還滅。三峽一萬山，寒光無斷絕。

新灘

左灘如青龍，右石如白虎。龍爪攫虎頭，虎牙齧龍股。一龍欲蜿蜒，萬虎相齟齬。十里先飽聞，當前復驚視。人怒尙難犯，况犯兩雄怒。舟師爾何爲，孤注真莽鹵。冰雪搏天衢，雷霆穿水府。長年絕叫呼，挽卒紛偃偻。

安危百尺纜，勇怯三通鼓。向天舟忽仰，據地人皆俯。進寸退反尋，完十壞猶五。發船未及卯，出坎已逾午。
龍門與官漕，險自南宋古。新灘南曰龍門北曰官漕見陸務觀入蜀記或言此潭下血肉積腥腐，得魚詎敢餐，恐有魂一縷。千
年老物怪，殺人終不吐。誰揮孝侯劍，還借秦皇弩。平生愛九折，詎擬輕一賭。示暇坐胡牀，中乾仍不武。卻
顧舟中人，五色都無主。外物豈滑和，臨風想神禹。見呂氏春秋淮南子

香溪曲仿庾體

香溪碧水浸明沙，漢時生女獨如花。西蜀文君休濯錦，東越夷光罷浣紗。古老相傳爭豔絕，行人每過盡
咨嗟。溪頭舊日產明君，秣歸居處尙有村。未作內家妃，赤帝卻同公主嫁。烏孫將身自請向胡去，縱不承
恩還報恩。從此高名齊日月，誰言弱質少風雲。掖庭待詔那能久，異域闕氏差不負。終看白璧報單于，合
輦黃金謝延壽。萬里風高雪倒飛，聞道龍沙去打圍。琵琶自向胡天聽，環珮猶乘漢月歸。試看溪邊水綠
處，應憐冢上草青時。當時若向香溪沒，萬歲千秋誰得知。

除日遊玉虛洞

東風吹客來香谿，小船漾入青玻瓈。沿谿諸山並幽峭，縹緲想見仙靈棲。玉虛之洞在何許，山深歲久居
人迷。春來腰脚仍健在，何惜一日窮攀躋。行逢野叟作前導，穿林越澗如奔鹿。峰回路轉石磴古，茅屋漸
遠空聞雞。回看來處翠微隔，身後頓失從行奚。山天冥冥日色瘦，似有青兕黃熊啼涼颿。倒吹薜蘿動幽
禽，墜葉聲同淒危崖。積土起千仞，天意只許通逶迤。蹄靈區豈惟樵跡絕，猿鳥欲度皆無蹊。蛇行直上不敢

顧失足一跌身成鷲入山更愁歸路斷人倘去我青冥梯藤陰蔽虧忽微缺望見洞口才如望平生探奇不計險直破巖腹穿其臍曠如奧如乍驚絕崑崙一角誰所封沉沉法王大宮殿可以敷坐千閣黎天龍架屋雲作頂懸空不假棟與析舉頭森然見萬佛勢欲起立相扶攜何來西方老尊宿向我合眼龐眉低或如旛幢如葆蓋或如孤塔干雲霓或如瑤華或芝草攢巖簇爭排擠或如龜龍與鸞鳳如虎如象如狻猊最奇二石圓對缺一日一月生東西凝觀始歎造化巧此豈人力能劖劖鑿破混沌聖所懼無乃刻露傷天倪谿衍中通一罅黑持照百怪無靈犀但聞噌吰應人語似宣佛號千聲齊誤疑空壁有人在其名曰皴傳可稽苔痕滴乳翠盡裂石上隱見前賢題僅存百字辨兩宋刮目恨少金爲鑿惜哉奇寶尙多有半蝕翠蘚蕕青泥坡公出峽竟未至寤寐形狀猶餘悽我來絕幽詫奇勝便思誅茅還杖藜洞天亦知春已到細草抽甲舒新萋卻憐船中正除日俗累那得拋周妻仙人倘來乞靈藥爲我醫俗煩刀圭蒼煙四合白日暝溪聲送客歸來兮

歸州

人鮮甕高連水門姊歸城冷過山村魚龍寂寞青春早猿鳥淒涼白日昏南國遺墟初問俗東家故宅與招魂秋收官米五千石見陸務觀入蜀記歲賦男錢二萬緡見范至能吳船錄古郡僅如吳下戶居民誰是楚王孫莫欺士女無先達猶有王嬌並屈原

陸務觀入蜀記極言巴東白雲亭之勝今訪之不得悵歎賦此詩

白雲亭子天下無，巴東峽裏夔巫千歲危。柯虎伸爪四時飛，瀑龍垂胡登臨輸與鑑湖客。今日荒亭已無迹，江山寂寞我來遲。惟見青天片雲白。

、巴東秋風亭懷寇萊公題二十八字

學術深時心術亡，澶淵相業自堂堂。諸公解讀霍光傳，更請從頭讀孔光。

舟中書事

幽絕夔巫道，扁舟拓水窗。千崖分作峽，萬壑合成江。樹隱棲猿一，波明去鳥雙。客懷殊不惡，高詠壓奔瀧。

望巫山

瑟瑟三分水，茗茗十二峰。日光明素瀑，嵐色茂青松。神女今何在，巫咸不可逢。惟應雲氣異，縹緲見行蹤。

、瞿塘行

兩崖插空起如削，一綫青冥瞰荆鄂。巫峽千帆地底來，岷江匹練天邊落。西來萬派氣何驕，一柱雙門橫截腰。關隨象馬爲開閉，石與魚龍爭長消。孤根突出三篙水，峽轉舟輕初邈迤。慘澹猶驚虎穴旁，空濛漸度猿聲裏。黑石黃嵌俱有情，白鹽赤岬更相迎。昔愁豔預如拳大，今見瞿唐似掌平。

、晚泊廣溪峽口題壁

青壁無梯響杜鵑，兩崖交壓客帆偏。風雲猿鳥三分地，星斗魚龍一寸天。陣磧久迷臣亮後，江流猶想帝堯前。時清不用觀形勝，奇絕山川付酒邊。

白帝城懷古

縹緲江樓聽鼓笳，荒城日落望三巴。
漢朝未改黃皇室，蜀土終成赤帝家。
飛鳥啼猿爭絕巘，臥龍躍馬共寒沙。
淒涼獨有東屯老玉殿，空山想翠華。

、淫預石歌

眼中見峽不見江，崩崖隔斷天爲雙。
青天只在峽門外，峽底窺天如坐窗。
眼中見石不見峽，十萬雲根皆倒插。
中橫一石怒當關，氣與江流起相壓。
鼉靈鑿後此獨存，題爲淫預知何人。
西帝丸泥分劍閣，南天砥柱並荆門。
太陰慘澹西來水，奪路奔流初順軌。
蛟龍誤觸亦成鸞，鳥雀驚飛盡遺矢。
辛苦當時笑井蛙，塘終被漢兵遮江關。
今日無都尉，萬里風煙合一家。

下巖

王右丞有燕子龕禪師詩卽此山谷集作萬州下巖在雲陽縣西五十里

小佛纔寸餘，大佛過十丈。
何人鑿翠壁，幻此莊嚴相。
古木皆倒垂，泉聲落其上。
底用更誅茅，雲崖幽可傍。

、三峽竹枝詞九首

無義灘高自可愁，峽州幾日上歸州。
三朝三暮黃陵道，不聽猿聲亦白頭。
峽山遮月月難來，溪女踏歌歌莫哀。
郎似西陵峽中月，一生相見不多回。
香溪人去幾時歸，萬里龍沙雪打圍。
溪上老翁愁欲絕，女兒生得似明妃。
神女詞前愁殺儂，巫山十二美人峯。
而今神女依然在，行雨行雲何處逢。

紫鳳天吳五色明白鹽赤甲兩邊晴吳娘莫便誇針線唾盡紅絨繡不成
兩邊山木合山谿路過雲安古縣西上峽可憐人欲老那堪重聽子規啼
江州人去一年餘不見狂夫尺鯉書借問江州墮林粉比儂顏色竟何如
水遠山長思若何竹枝聲裏斷魂多千重巫峽連巴峽一片渝歌接楚歌
楚客扁舟抱一琴千峯月上綠蘿深莫彈三峽流泉操中有哀猿冷雁音

道中絕句

暝風著樹已先溫吹落梅花是淚痕絕好東川正月半柳還魂處客銷魂

將抵順慶作

芳草初生客路幽短衣驕馬一吳鉤杜鵑聲裏青山遠行盡巴西到果州

題嘉陵驛

春風如夢草萋萋萬里巴山更向西不許行人頭不白嘉陵江上杜鵑啼

順慶府

嘉陵春水碧如油漠漠孤城水上頭山色連雲來劍閣江聲流月下渝州人家古木啼鵑靜官路殘梅過
馬幽依舊詩翁題句處半天高柳小青樓半天高柳陸放翁果州詩也

渡涪江

空江綠浸梓州天，細雨冥濛喚渡船。
內水波光連外水，東川山色合西川。
魚邊蜀雪乘春下，鴉背秦雲帶
暝還。匹馬梁州人萬里，憐余照影欲華顛。

題道旁紅梅

豔色空絕世，荒山猶冠春。
頽顏不可犯，似遇高唐人。

過駟馬橋題詩

武皇好武不好文人，奴牧豎皆紛紛。
當時上林無狗監，漢家詞賦誰淩雲。
相如落魄求皇操，獨有文君賞
才調。一別琴臺酒市壇，終持使節靈
關道。意氣相知還慷慨，龍門史筆
共軒昂。良禽擇木古來有，呂尙奸
周尹就湯文園異日俱遲暮。
放誕風流恐非故，白頭悽斷茂陵人。
黃金卻憶長門賦，富貴區區安足論。
文君情勝漢家恩，高車駟馬終何物。
不及臨邛一犢揮。

司馬相如

賦筆徒聞冠兩京，朱絃纔識倦遊情。
梁園雪與文園雨，便爲相如送一生。

詠牡丹和真一子韻

絕代天人不肯狂，生來流麗更端莊。
春從此外看無色，雲在空中聽有香。
七寶樓臺臨閬苑，六宮粉黛避
昭陽。雙修福慧須珍重，合把優曇供法王。

三疊韻

才似青蓮未許狂，漫將宮體學韋莊。聖皇合作中州氣，仙佛分來上界香。地脈幾時通洛土，天彭一朵壓河陽。羣芳國主應遺恨，不遇陳芳國裏王。

雙溪橋

雪浪不可束，雙溪如雙龍。羣山盡東奔，怒挾十萬松。危橋勢孤立，左右驚濤春。風雷起虛無，翠壁破幾重。雲光化爲石，與木爭橫縱。上有千年苔，春雨洗更濃。臨流絕猿鳥，澗氣寒於冬。杳然入深樾，頓失漚蚪蹤。寺樓猶動搖，梵響方從容。羅陰上初月，轉見西南峯。山居若浮海，坐與虛舟逢。微吟伴僧定，縹緲寥天鐘。

題峨眉金頂寺閣用韓昌黎題衡嶽寺門樓韻

平生壯遊邁，謝公欲從域。外窺寰中東，遊泰山仰天笑。七十二代非，英雄崆峒著。履僅黃帝禹迹亦，到流沙窮周家六葉差。不弱瑤池八駿如，追風何人鑿海收。四洲蓬萊轉與崑崙通，竭來峨眉望西極。雲氣挾我身，行空雪山嵯峨落。窗外界天一白難消融，逕乘飛龍越夏甸。直叱神虎開秋宮，不周山連日入處。黑水染作桃花紅，茲山登臨信奇絕。靈氣默感交余衷，海內八山三在夷。恨未祭秩儕桓躬，嚴遵主治。葛洪枕中觀成功方今人主。佛書以東方爲人主，西方爲寶主。在震旦，金天殺氣消腫臙。一人中立四天下，會看西嶽還稱東。

發成都西門作

又著青鞋出錦城，筇枝入手壯懷生。纔知天上三霄路，只隔人間兩日程。蜀國山如圖畫好，秋空雲似客

裝輕郵丁走卒遭逢慣况有羣仙把臂迎

卽事

巢父生平喜掉頭時人多事苦相留萬牛不挽山林興一鶴飄然天地秋世外無朋甘獨往雲中有姊定

同遊謂真子明朝已在青城上醉撥煙嵐看九州

范石湖以生辰宿丈人峯余宿常道觀亦生辰也因記以詩

少年遊屐徧峨眉只負江山不負身難學仙人忘甲子尙憐騷客降庚寅掃除白髮三千丈消受黃精五百春我與石湖同一笑青城峯上過生辰

小朝陽洞

飛樓懸絕壑雲臥復天行不辨松杉底惟聞風雨聲靜觀虛白見枯坐大丹成始信巖棲客心猶向日傾

遊青城山雜詩

梁州山水奇弱冠夢遊熟昔賢王羲之李固輩慷慨思入蜀華陽黑水間靈氣久蟠伏天半望峨眉雲霞如在目微生獨何幸邁古追高躅昨日觀雪山今來訪江濱青城列仙儒招我雲際宿如聞鸞鳳聲長嘯相追逐萬里飽看山西行果奇福

連峰望不極上有軒轅臺當時訪道處輦路生青苔萬乘降空山本爲巡狩來茲山作西嶽疆宇何雄恢羣后歲一朝想見明堂開寧封亦賢人存問及草萊彼哉道家流附會真堪哈聖皇日以遠茫然使心哀

世間妄男子乃有稱天師前者爲道陵後者爲謙之經衰聖教寢術異奸民滋遂令角魯輩頸血汚潢池
白日不中天化爲魅爲魍人神一雜糅立見三苗時後來胡神興誕妄非所思源從大秦教名襲臨苗祠
堅冰由履霜空穴招潛颺我來天師洞攬勝翻嗟咨重黎不可作顓頊生何遲

生年未三十足迹徧九州維梁喜重蒞補作岷峩遊高冠切青雲雄劍斷江流男兒肉飛仙何用車前騶
黃唐待人致松喬非我求君子營八垓小人守一邱誓令碧海清不遣蒼生憂功成未華髮長揖追巢由
自青城歸過笮橋登玉壘關觀岷山大江作歌

羣山如虎江如龍浩浩來自蠻夷中虎頭一掉盡西顧獨有龍身趨向東壯遊頗類太史公遠尋禹迹瞻
岷峩還訪離堆拜秦守一杯酌汝真英雄危橋十丈連彩虹雄關千尺摩青空玉壘山前望秋色浮雲蒼
莽來無窮西南萬古青濛濛鳥飛不到人能通便當倚劍臨崆峒長歌直挂天山弓江流入海何怱怱壯
年一去如飄蓬人生流落豈天意竟欲散髮馮夷宮蓬萊煙開桑樹綠海水日出桃花紅此亦足以開心
胸遺世獨立飛仙同胡爲撫膺坐浩歎憑闌萬里生悲風青城山赤岸水知我行歌會至此神遊八極非
偶然虎嘯龍吟爲君起

湖中作

積水浮千里孤舟絕四鄰不知青嶂遠漸與白漚親多病思遺世長愁畏見春風濤甘獨往龍性豈能馴

莫釐峯

昔聞太湖水今上草蘆峯分野中流變山川
倒景重天晴見吳越日暮起魚龍縹緲遙相望
風濤送晚鐘
於東山往西山經湖中一首

孤帆將何之若若適西山濤驚岸崩奔浪疊島回環
陰崖杳青翠陽峯匿朱殷舍舟薄曲汜杖策叩幽關
回顧望中流風波何險艱蕭條天地外窈冥洲渚間
山川變形色日月若改顏微命雖如絲倒景尙能攀
孔父居東夷太伯竄荊蠻方懷耦仙聖豈懼罹神姦
茲區旣靈曠愉悅勝憂患嗟彼臥佛疲欣此倦鳥還
丹心照炯介元鬢孰爲斑

丙戌十二月二十四日雪中遊鄧尉

石壁寒雲上佛龕誅茆僧去剩空庵極天風色無人畫
付與漁家一片帆
種梅餘地種桑麻籬落寒香四五家却笑避秦人太俗
谿邊只解種桃花
湖天光景入空濛海立雲垂暝望中記取僧樓聽雪夜
萬山如墨一燈紅
爐火無溫被欲冰僧眠佛默喚難臆夜深恐有蛟龍起
吹我還元閣上燈

絕句五十五首錄七

露初星晚薄寒侵有月無人夜氣深不待牆頭風竹掃
流螢一點是秋心
十二日與吳興君夜坐所見如此
可中亭下種花農斟酌橋邊賣菜傭如此斜陽宜著我
伍員簫與伯鸞春
十四日吳興君談虎邱棧觸書此
海內知名馮夢華才人垂老作探花傾城已嫁休嫌晚
猶勝潯陽抱琵琶
十八日馮夢華同年來書

徐熙知我念家山畫出紅樓一兩間身是南唐李鍾隱怕聞簾外雨潺潺二十二日檢篋得徐花農太史所贈小慶聽雨圖悵然題此

意氣酬恩視所遭夷門弔古客心勞曾經埋過英雄地馬勃牛溲分外高初三日書感

人間不過隔關山天上樓臺遠莫攀今夜舉頭惟見月才知最遠是人間夜坐十一日

曾坐匡廬聽夜鐘玉淵潭水似飛龍今宵欲夢棲賢寺月到橋邊第幾松十四日夜坐憶廬山舊遊悽賢寺外潭水深碧無底相傳以爲龍湫大石橫臥皆宋人題刻水從石罅一落千丈如怒雷暴雨之聲夾潭老松蔽虧余嘗坐石上窺月寺僧不來山鬼相語人間無此境也

題張夢晉畫折枝長筵寄宗室伯羲祭酒

伯羲祭酒得明張夢晉歲寒三友圖卷適吳仲飴太守自都旋汴伯羲遂以此卷託仲飴寄余蓋京師故人多知余爲夢晉後身也光緒癸未之歲余嘗遇李仙于并門李仙作詩贈余初書云吹笙王子乞食張郎時在旁者俱不知張郎爲誰惟余嘗見黃九煙所作張靈崔瑩合傳髻髻記有乞食事因爲諸人之李仙繼書云葆其虛靈戒其顛狂優曇首出後事方長勿求仙籙且盡人綱書畢又書云前王後王堂堂乎張笙聲縹緲簫韻淒涼月明虎阜花暝吳閶前塵隱約云胡可忘至此始決其所言爲夢晉問後王爲誰曰詩中曇首句已明示矣問崔瑩事則不啻但稱家君爲六如後身與三十年前呂仙語合它語甚多不備記前後身之說於古有之雖涉荒渺非盡妄也惟夢晉天才雋逸下筆成文詩畫流傳俱臻能品其風情才調洵足傾倒一時自顧荒倉何堪竊比則亦昔人所云姑妄言之姑妄聽之而已然有可怪者三有相似者

五夢晉名不甚著知者寥寥以此爲言似非作僞可怪一也夢晉之母夢周靈王太子晉而生夢晉故字夢晉名靈又夢晉與優人作子晉跨鶴劇其事俱載九煙傳中此云吹笙王子亦儼以緜嶺昇仙太子爲夢晉前身語旣相符似非鑿空可恠二也且六如之說三十季前呂仙言之三十年後李仙言之夢晉與六如以師友而爲父子情事宛然可恠三也余自少時未至吳越卽結想吳中山水若有宿緣其相似一也少作文字喜用乞食語意中時以不能學古人乞食爲憾屢爲父師所訶終不肯改其相似二也自稍有知識卽時涉冥想妄意它日落魄乞食或能遇一紅顏素心人以爲知己未讀夢晉傳時已如此其相似三也少作又喜用春人語華陽王君雪澄嘗戲呼余爲易春人其相似四也余幼時了了頗竊鄉里之譽義寧陳丈右銘謂此子似徐文長家君甚不悅其言然陳丈固頗精人倫鑑者文長夢晉本一流人長老談言不無微中其相似五也余旣不知六法所見畫亦絕少夢晉所畫迄未一見至其詩爲世傳誦者僅高樓明月清歌夜知是人生弟幾回一篇然能誦此詩者多而知爲夢晉之作者少明詩綜采夢晉詩裁一二首惟載其臨終絕筆云垂死尙思元墓麓滿山寒雪一林松讀其詩爲之泫然欲涕後取九煙傳再閱之乃知夢晉實爲崔瑩死瑩亦竟爲夢晉死六如合葬之於元墓九煙生國初距彼時未遠必非妄言惜遇李仙時記憶不詳未深問也乙酉入蜀觀劇優人演所謂才人福者生旦二脚登場則夢晉與瑩儼然夫婦此吳中當有之劇不知蜀中何時有之何

人爲之且所演情節又多附會與本事不合丙戌至吳求觀此劇反無有每經行鄧尉元墓與山塘七里間忽忽如有所失與元墓山靈約他日必埋骨於此適七歲兒阿仁病殤遂葬之聖恩寺旁以盟息壤焉丁亥入都晤番禺張延秋年丈問余曰小說有名何必西廂者子見之乎卽子前生事也亟走廠肆詣翰文齋託書賈韓姓覓此書果得之蓋明末國初人所作以前之崔張不如後之崔張之發情止義故名何必西廂所載夢晉詩與九煙所載相同其詩云才子風流第一人願隨行乞樂清貧入宮祇恐無紅葉臨別題詩當會真和之云地老天荒兩恨人淚珠枯盡海蛟貧馬嵬異代甘同葬不學三郎負太真夫瑩與夢晉不過文字知己一見之緣而至以身許之九死不悔雖以宸濠之凶餓不能加於一弱女子卒完白璧歸死吳下其慧心奇節可以驚風雨而泣鬼神矣漢青士太守言龔在崇樸尙書齋中見六如所作崔瑩小像粗服亂頭啼妝黯淡侍女十數輩左右環立皆宮人妝蓋初入寧藩邸中時事非婁妃保護必殞身藩邸不能與夢晉終古同穴矣今此畫像尙在尙書家惜無由得之夢晉此圖作于正德庚午在未遇瑩以前伯義自千里外舉以相贈意殊可感故詳載其事自題八絕乞憐才闡幽之君子爲之題咏亦以報故人之殷殷云己丑歲暮

月下仙人萼綠華
棹紅竹翠影交
加凌寒寫出真標格
不是徐熙沒骨花

紙尾親題正德年
虎邱別墅印文鮮
山塘萬古春愁海
誰遣名花一泊船

瑩泊舟山塘始爲夢晉所見故其時事約略在此一二年間也

雙墳元墓記曾尋如雪梅花一尺深絕代佳人爲死友天荒地老歲寒心
吳下狂生跌宕才早年情死亦堪哀此圖卽是三生石使我茫茫萬感來

黃茆熨斗記曾看過眼煙雲付達觀夢到昔年呼酒處一天風色太湖寒

吳中某宦家藏六如黃茆熨斗柄小景後有夢晉題跋以居

奇索重值竟不能購費君西齋警假撫一幅相贈亦未攜之行篋中

梁園歲暮正無聊魂斷江南不可招慙愧故人千里意汗雲燕雪寄迢迢

飄零墨淚却灰餘知己生平幾六如曠代何人能鑒賞憐才更有畢尙書

卷首有畢沉小印始曾入靈巖山館耶

時颿文雅未須稱數有封章在中興聖主卽今前席待豈容苟相老蘭陵

述災一百韻

孤城懷於秋五月寒欲臘極西天本漏其南海爲欲雙江勢騰洶一雨愁雜選白氣裹虹腰黑光穿月脅
碧莽積颿屯黃蘆苦霧貼窪沼增皓澹復垣倒鏗搗泥青頻曳龜石綠漸居蚰黥凝孤光暗淒逼萬響答
橫肱謝斲簞入手厭湘窺院寒催授衣廊溼阻鳴屨舞紅一架變凝黛四峯合樓登屐忽覓庭過裳須拔
坳慮牆縫鬆漏猜瓦紋圻晨餐快烹鱸夜話愁翦蠅睡密鼠窺鏡浴疎蝨緣褶琴潤兩三絃書爛四五夾
松光欲到枕薜意如滿匣憊留草襪襍娟改葩鞞鞞僵綠眠冷螢壞紅泣幽蝶殷殷雷終朝杲杲日半雲
稍稍谿壑盈忽忽蘆舍壘荒荒城市晚袞袞波濤杳儻如雲車馳統如雷鼓磕洶如萬馬奔沸如羣雁嘖
如鷹胸離講如虎瞑突柙觀臺訝今庫臨澮忘昔狹水貧悼鳧雁山富誇蜃蛤黃雲翳龍岡白日沈雉堞

蘆中窮伍胥桑下餓靈輒移家具隨身感事泪棲睫綠髮曠嬌嬰赤脚走健妾堂虛猶掩扉室罄但提植
宛轉波流觴倉黃道拾餘沙蟲萬族聚人豕一樓雞踞屋肩作梯燎衣指爲筵或爲白鷗泛或爲蒼兕涉
濡首或旣濟重腿或屢蹠散疑喪家狗聚類點軍鴿命輕波力衝魂重濤聲壓波心客尋街樹頂僧據塢
西廡倏東移右牖轉左闔雞犬醉逐桴魚龍飽爭榻商真抱柱信士亦操舟業祇陰賴尾魴誰唱綠頭鴨
城腰圍短蓬屋脊過輕牒紙窗帆影出石路篙響挾濁如北渡河清如東泛響曠如遊五湖隘如入三峽
搖手如應關銜尾如放閘數壁蝸淫淫毒窳跼跼憂來纏中腸溼極到左胛難作拔宅謀且臨借船帖
欲往嗟無梁不遷特有謀鴻哀殷借籌魚賤罷彈鋏頗聞遺老言昔在宣宗葉灾奇彼蒼忍性懦斯民狎
身經記能悉事往談尙怯或耄遺其藤或倪失其鞞或奴覓其筐或婢捐其襦或農亡其鋤或婦棄其籛
或沈戰場戈或沒蒙塾笈或浮卜肆簾或汨沙門牒或漂戲人藁或洗鮫客篋漢殿猶存魯周鼎重定邨
何因鬼國偏亦復天災疊空房少完籽極浦多遺襍使君幸慈賢爲政不茸闕發粟師汲黯繪圖宗鄭俠
積誠上蒼穹流惠下白蓋分憂急民瘼悔禍緩天頰露坐思幹旋風餐飲歇嗚嗚方今西北旱重以東南乏
屯膏始密岱竭澤將濟潔煙屋停晨炊霞塍斷春籜綠林有萑苻赤畝無菽荅村春夜火收野哭秋燐踏
白骨飽餘喘黃埃甘一呷何從覓糜粥不暇具棺窆悠悠民力窮歷歷灾區匝朝臣徹婢阿疆吏戒譴諸
執令中興辰翻慮內亂甲宮廷久憂勤寔遊會安怙紅粒頌太倉素膳設深閣減餐富民劬納諫求政愜
頻勞罪己詔屢見言事筭皇圖謹中外國典重禘禘尤宜豁冤獄勿使舞文法九州日彫劫羣公事調燮

競和清廟鼎爭刻巨川楫措施稍無乖感應自然捷亟思報昇平相與振疲茶吏當倦催科民迺勤舉錫
行看蒼赤蘇坐下青黃接飢溺禹稷憂早潦堯湯劫矧茲鴛僻區未覩休和洽蠻江黑還灣屹峒青岌業
馬去天梯縣鴉來鬼門插東里方用鄭西門善治鄴地形良險要人事貴祇協九拜初陽升一掃愁雲颯

集玉谿生四首

颯颯東風細雨來長眉畫了繡簾開莫將越客千絲網用盡陳王八斗才海闊天翻迷處所廊深閣迴此
徘徊蓬山此去無多路青雀西飛竟未迴

睡鴨香鑪換夕熏雲屏不動掩孤嘯紅樓隔雨相望冷錦瑟驚絃破夢頻刻意傷春復傷別可堪無酒又
無人空留暗記如蠶紙半爲當時賦洛神

月姊曾逢下彩蟾慢妝嬌樹水晶盤蝶銜紅蕊蜂銜粉犀塵埃玉辟寒何處更求迴日馭孤星直上相
風竿豈知一夜秦樓客相見時難別亦難

六曲連環接翠帷日西春盡到來遲深知身在情長在莫遣佳期更後期誰與王昌報消息非關宋玉有
微辭昔年曾是江南客濩落生涯獨酒知

青玉峽龍潭

蒼崖天所圍徑轉吐雄瀑靈山孕真源金膏出其腹奔雲從空來數里勢屢曲意嫌鴻濛隘未肯受迫束
化工惜元氣萬古與之畜跌爲孤潭幽神物有起伏紆向平川餘響夏寒玉誰云一泓窘百寶可沐浴

倒穿大瀛底日月入亦綠地深雲霞多自暮抵朝旭如聞清猿啼下飲澗水淥茲區實琴德冥接軒與頊
遂令遺世士無言轉溫肅鷲痕洗春苔萬石盡可讀我遊豈云屢終老難壓足若有離騷人攀蘿照奇服
噴雪亭瀑

驚雷破山龍衙衙數里已聞飛瀑譁隔山兩重可望見猶被青嶂微相遮連岡疊嶺起又伏其徑屈曲常
山蛇先聞絕境早神往一旦得路如奔轍適逢峻壁梯磴險以手代足相鈎爬滿山石鏡亦可悅日光照
耀瑩丹霞三步回看五步坐遠衙鄱嶺明金沙力窮足繭瀑始出兩谷跌斷中豁舒觀龍垂胡各叫絕乃
歎述者言非夸泣珠恍探泉客窟織綃疑入鮫人家細如煙紈襲霧縠危若冰柱轉雪車何年共工陷鼇
極海水傾向東南斜九州天驚雨脚逗袖手頗復哀神媧青霄倒垂星宿海客欲往泛愁無槎力穿深潭
九地破對足或抵歐羅巴橫飛水氣百步外色有騰綠兼蘋蘩淒寒頓成滿臙粟奇幻疑是雙眼花石梁
界空何代造我意未較天台差其旁獨樹張大蓋太古冰霰融根芽得非神葆苗五葉否則奇卉開三極
小僮相從頗解事支爐煮瀑烹新茶瀑似天龍下聽講我如佛坐圍袈裟更從石屋訪遺迹殘甃壞蘚空
盤蝸士有山林往不返問名與氏知誰耶吾儕疏懶本天放晚殉一壑非窮奢奔馳不歸少至老人海一
墮終無涯誅茅枕流願莫遂相對惟有長咨嗟

游棲賢寺

山響溪所爲兼以雨鳴葉鬢外如已秋涼痕在雙頰犖确石磴古客步履蹀躞林隨大壑轉徑與奔湍接

澄潭綠涵空俯視戲魚妾玉淵阻磐陀草際成暗涉棲賢昔雄刹佛力久疲茶寺門虛無人寒此松萬鬣啼樹驚早蟬依花感遲蝶殘僧三兩輩爲我啓箱篋畫圖天人師龍象猶震響更傾頻伽瓶舍利髮可貼想見毛孔中四大海水攝試觀起滅雲旋失屏風疊幻幻真亦幻屢劫同一霎冥思發悲悟廣殿風獵獵却尋前路歸衝泥濕幽屨

萬杉寺五爪樟

萬杉化去無一杉惟有寺前老樟在樟分五體共一本身歷百齡更千載旁達澗壑根已深直干霄空氣不餒雲垂太陰逗雷霆風翻白日動光彩危柯半入煙冥冥細葉還鋪雪醴醴化人偉奇丈六身猛士雄健尺八脰全張數爪鱗之而俯視衆木形傀儡古來賢豪誰撫摩其人已死不相待惟有五老之奇峯共對青天無倦怠雖言乾坤要支柱未免得罪庸與猥下穿已愁傷富媪上擎又恐妨真宰獨立無友大哉警衆人皆忌甚矣殆自恃刀斧莫能入皮堅有類披鐵鎧大材詎肯腐山林神物猶思避盭醢吾聞豫章生七年便可與龍門滄海何況此樹世希有壽過凡樟逾百倍願爲樓船擊西夷知君九死終不悔

棲賢澗石歌

棲賢澗谷有奇石倒臥青冥神所擘鼇背驚翻海水飛龍髯陡接天雲立奔霆日夜搖撼之萬古空山皆霹靂跌勢紛如矢墜空涓流巧作珠穿隙其旁清穩百盤陀倚澗臨流可敷席水石相遭豈不平自從天籟發噲咄道人兩耳癡聾久問是水鳴還石鳴試撫孤琴動山響方知水石兩無聲

題第六泉

靈樹道溉得天全那要供渠蟹眼煎誤識人間老桑苧幾回封寄九江船

山中觀物雜詠

澗失女猿久千錢新贖歸莫啼深峽樹防濕定僧衣籠檻刑應免山林事已非主人蔬果儉恐爾亦難肥

猿

一尺仙人掌殘魂詎自嗟榮華儕蠹菌斷爛委蟲沙大化原無昧微生共有涯支離吾欲懺截臂問三車

仙人掌
已斷

百草未成腐流螢何遽多隔闌吹不度當澗墜如何微物關秋氣空山映晚醅誰持白日照仙魅在巖阿

螢火

讀漸西樊山兩家詩如遊名山如讀異書如聞鈞天廣樂之音樂而忘死雖有駟馬高蓋不如坐
進此道也兩家集中相唱和有此篇暇日輒仿其體用其韻卽題其集

近來海內論詩筆漸西樊山皆第一奇絕蘇黃並世居然元白同時出松古怪耶松清奇花富貴兼花
隱逸湧現都成菩薩蠻奉持可當波羅蜜有如一雙延津龍又如四百羅浮峯時隱時現露其爪乍合乍
離雲滿胸樊如桃源人境窮袁如箭栝天門通樊如錦帆泛苕淞袁如青鞋登攝鍾樊如珠光吐蚌童袁
如劍氣騰猿公樊如霜醉楓林楓袁如雪壓蔥嶺蔥樊如春澆竹葉春袁如冬飲麥門冬樊如金鋪綠蕪

合袁如石磴蒼苔封肝脾萬遍韓萬本肺腑一掩杜一重荔支瑤柱足大嚼金齏玉髓非常供吁嗟乎帝
城好春一百五桃花亂學天魔舞海上桑生水作塵天邊榆墜星如雨西方白帝牙怒張東海青童鬣瀟
鼓漸西漸西方持三百六十祀日齋樊山樊山所居八萬四千脩月戶釣鼈一一辦虹竿下馬雙雙成露
布九十九年龜返君五月五日梟祠父狎海鷗如石季龍笑閻羅是韓擒虎傾玉尊倒芳醕前年去年大
雪聞鶴言今日明日不雨有蚌脯左挹浮邱右洪匡朝發瀛洲夕懸圃回向人天能秀師一瓢弱水黃梅
乳

再疊前韻奉龔樊山

陌上花開緩緩歸江邊樹發詠垂垂義山錦瑟中年感伯玉胡琴幾日搥臨去秋波四壁畫干卿春水一
池吹人間欲往真無地歧路窮途盡可悲

留別重黎二首用重黎原韻

歲月堂堂去可驚闌干花亞柳條輕銷魂日遠長安遠回首波明太液明五柞長楊纔走馬雙柑斗酒好
聽鶯誰憐北海琴尊側少箇狂奴禰正平

留別樊山二首用前韻

驪歌欲唱客心驚已辦征裝似葉輕北雁西鳥傳樂府南狐東馬在承明歸來故國丁威鶴老去詩人子
野鶯雙鬢不堪臨水照玉河新漲縠紋平

尊前傷別復傷春，笛步旗亭惜撫塵。宰相虛心延國士，詩篇脫手似天人。衣襟杜牧歌金縷，袍感王維唱鬱輪。攜得溫家新體去，天涯一讀一回嚶。

借朱古微學士張次山通參遊西山絕句

無六七童五六冠，有三二別四三壺。華山睡漢知天下，洛水行窩著老夫。昨遊翠微挾鄭子，今來潭柘偕張朱。莫道王城是人海，萬人中有幾人俱。阜成門外慈悲院，祭酒篇中十四人。今日朝賢風味減，令人惆悵永和春。道旁高冢漫傷懷，我道佳城亦復佳。勞是紅塵逸黃土，死埋猶覺勝生埋。南人好用鹿眼籬，北人好用虎皮牆。人家最好依山住，只少寒梅吐暗香。

重九前一日漢上酒樓獨飲

細雨溟溟江漢寬，楚天無際倚闌干。水爲萬古無情綠，酒是千齡不老丹。故國魚兼蓴菜美，新霜人共菊。花寒樓船樓閣俱雄壯，黃鶴黃龍醉裏看。

襄陽題壁

山南東道有唐樓，此是中原第一州。上將兵威漢華夏，名家史筆晉陽秋。詩人絕憶槎頭釣，佳客誰陪峴首遊。欲訪龐公無處所，卻疑上冢未回舟。

登萬壽閣和樊樊山韻

咫尺瓊霄警欬通，仙人手把碧芙蓉。
瑤池雪作簾前水，玉井花爲檻外峯。
三輔黃圖天下壯，九州黛色此間濃。
明朝更訪希夷去，一睡千年學五龍。

偶集唐人句

腰垂錦帶佩吳鉤，盡日凝眸嶽色秋。
詞客有靈應識我好，雲無處不遮樓。
河山北枕秦關險，故國東來渭水流。
風景蒼蒼多少恨，秦中自古帝王州。

遊驪山浴溫泉作

九龍呵護玉蓮房，來試銷魂第一湯。
何忍呼他爲禍水，尙思老我此柔鄉。
雪寒繡嶺無松柏，春暖華清有海棠。
至竟人生不孤負，風流行樂李三郎。

灞橋

已覺川原氣鬱蔥，客來折柳莫怱怱。
流殘清霸無情水，畫出阿房不霽虹。
風雪詩催驢背上，關河人老雁聲中。
長安日近翻惆悵，走馬天涯是轉蓬。

自襄樊至西安道中絕句

龍性從來不可馴，男兒何恨在風塵。
虬髯客與鳶肩客，都是當年逆旅人。
鬱勃胸中萬古愁，短衣來看茂陵秋。
藍田射獵青門飲，訪故將軍與故侯。
卅年雙脚九州塵，底事西行不到秦。
說著長安先色喜，前身應是漢唐人。

臨潼曲

漢家奕葉多朱邸，帝胄天潢盛蘭綸。復道惟吹子晉笙，當筵不設申公醴。陰陰芳樹蕙蘭叢，換骨神方藥轉通。後堂茉莉陳金鳳，別館櫻桃石季龍。菜魔米教兼兒戲，斬木探丸徧都市。絳帕朝天授道書，黃巾柄國操軍事。邊烽幾日照神京，禦敵曾無六甲兵。朝唱白華楊叛曲，夕歌青草董逃行。六宮九廟俱灰燼，荆棘銅駝誰召釁。毀室鴟鴞不避名，問安鸚鵡無窮恨。楸枰一局竟全翻，僅鋼高牆是國恩。人快然臍郢塢路，敵求函首玉津園。珊瑚玦碎金鞭折，骨肉馳驅同不得。大夏西行駝足明，延秋東望烏頭白。蛾眉皓齒舊椒房，雨散雲分各一方。落花不返岐崔宅，飛燕難尋王謝堂。阿監相逢年十九，天涯共折臨潼柳。定子霞邊枉斷腸，秦宮花底空回首。從來富貴近凶門，破國亡家不保身。淮南雞犬歸無路，漠北牛羊愁殺人。

白牡丹

絕代佳人出若耶，一生惟浣越溪紗。誰將秋夜團圓月，化作春朝富貴花。人愛點塵紅不染，天生美玉白無瑕。太真浴罷華清後，竟體纔餘雪縠遮。

再疊前韻奉富樊山

陌上花開緩緩歸，江邊樹發詠垂垂。義山錦瑟中年感，伯玉胡琴幾日槌。臨去秋波四壁畫，千卿春水一池吹。人間欲往真無地，歧路窮途盡可悲。

歲除前一夕爲仿蘇題羅兩峯鬼趣圖

君爲芥子園中客仿蘇頌生同赴芥子園夜飲而以此圖留我伴花之寺裏僧
黑夜白堆三尺雪紅窗綠殺一痕鏡低回姓字百餘輩感慨乾坤十八層
如此銷寒良不惡題詩呵硯已成冰

再送樊山

白登臺上問單于應有名王負弩趨猿鳥簡書猶畏葛牛羊盜案並徵蘇雁門
集好題都刺蠻部詩將繡聖俞一事煩君親酌酒明妃青冢尙存無

抱冰師相移居賦呈二首

丈八溝邊尺五莊鷗波明瑟似汀鄉遠過喬木三槐宅待看新荷萬柳堂
宰相樓臺無地起神仙官府近天忙衣冠豈但乾嘉盛已覺風流到順康

天光雲影共清虛彷彿澄懷舊直廬亭上有蝦兼有菜濠邊非我亦非魚
嘗括蝦我二字爲聯此聯即用師舊句也久嫌寶帶圍腰重獨著深衣造膝餘
四裔那知詩思好但言郭令在中書

上已後一日出都道中卽事

屈指征程兩日纔便看草長與花開高臺愛妾須臾見那要邱遲苦費才
韓嬰曾說桃花水孔叟還存芍藥詩今日獨來溱洧上不知誰與贈將離

光孝寺訪虞仲翔祠作

嶺表孤忠亦可哀生無媚骨莫言才君如黃鶴仙人去我作青蠅弔客來
訶子陰連菩薩國桃榔雨暗越

王臺硯池注易留殘黑好把寒泉薦此杯有洗硯池

遊白雲山絕句

四十八節桃榔樹數千萬茱萸蒲花五百餘磴濂泉寺一兩三杯蒲澗茶

初七日紀遊四首

彈弓牀對貴妃牀粵中戲園男女分左右坐男坐彈弓牀女坐貴妃牀不似滬上之男女雜坐也曾作西關夢一場前有觀劇竹枝詞今夜東關

重聽曲前塵影事有滄桑

照霞樓題壁

高樓十日飲平原何止淮陰一飯恩酒有聖賢仙佛意琴爲名士美人魂錦屏坐久花都熟畫檻憑多月亦溫惆悵天風吹鬢短祇留春夢一場痕

再題照霞樓壁二首

萬千鐙外見漁舟三四更時聽粵謳簾影亞花花亞檻帆痕遮柳柳遮樓雙雙翡翠雙雙燕六六鴛鴦六六鷗收盡珠江無限景屏山閒坐當閒遊

焚香讀畫每終朝度曲評花更徹宵仙佛詩心名士酒英雄劍膽美人簫夕陽已過剛新月微雨初收又晚潮合寫海天霞唱本他年回首再魂銷

羚羊峽謠

羚羊峽口雲不開，客船盡在羚羊隈。
船如香象渡河去，山似羚羊挂角來。
端州已有羚羊峽，廣州又有五羊城。
石化爲羊羊化石，仙人定是黃初平。

別端州酒舫

羚羊峽裏月模糊，彷彿黃陵聽鷓鴣。
媚臉秋波金雁驛，韋莊詩十日醉眠金雁驛，臨歧無限臉波橫。詩心夏水石魚湖。元結詩石魚湖

似洞庭口夏水欲滿君山青胡銓妓席平生險，陶穀郵亭一夜無。
欲壁巒箋寫幽恨，卅年雙淚海波枯。

鼎湖下院

碧溪如畫掩禪關，小艇搖人第幾灣。
一樹綠能遮兩岸，點塵紅不到深山。
花源正恐重來誤，竹院聊貪半日閒。
更喚笳將尋寺去，疎鐘聲在白雲間。

沖虛觀游朱明洞天

昔年訪衡嶽，洞天號朱陵。今年訪羅浮，洞天號朱明。
南方秉火德，佐命鍾炎精。兩山本相望，玉柱通金庭。
甘泉有題字，石上莓苔青。是時在朱夏，草木爭蕃生。
一徑如綠天，赤帝不敢賴。萬古日無色，四時泉有聲。
其上築石室，孤坐誰櫻寧。丹留稚川竈，花落東坡亭。
請題赤城賦，更誦黃庭經。

躡分霞嶺是南北兩山分界處頗似廬山吳鄣嶺

天上一片霞，何年破爲兩。却疑仙霞影，飛落閩與廣。
霞出行人下，行人出霞上。崎嶇歷千盤，空闊收萬象。
喘息爭云疲，靈景孰暇賞。茶亭似吳鄣，還作鐵闌想。
吳鄣有鐵闌此無之人言上青天，我笑不可仰。自從五嶽來，此

嶺平如掌却憐世上人頃已判霄壤天將霞開闔人與雲來往正有天風來吹雲作奇響

酥醪觀後多古松萬翠如海松下有朝斗逍遙二石臺

斜陽化爲月走入萬綠中綠亦化爲海日入不得紅亭午疑夜遊但見光朦朧檜柏化荇藻滿地相橫縱
萬翠合萬綠遮遍南西東北面獨少缺斗臺類崆峒上窺北斗星下對羅浮峯臺旁有石壇異花開幾叢
仙人可圍棋又可傾玉鍾下有千年苔上有千年松呼松掃落花不必煩奚僮我有青玉棺洗以瀑如龍

廬山青玉峽瀑布下有米南宮題第一山擊巢
字余嘗臥山字中間一畫內因戲呼爲青玉棺

題酥醪觀釀泉

北有酥醪觀南有賣酒田我疑羅浮君乃是古酒仙靈山能醉人與酒同芳鮮我本不善飲見山輒流涎
人醉醉以酒我醉醉以山天以色香味凝結成山川精華所沐浴一日一月專芬芳所醞釀萬草萬木全
可使百慮蠲可使百疾痊此山名酥醪此水名釀泉安期與神女會飲嘗留連至今一滴髓萬衆飲不乾
琪花開其上仙蝶飛其間星辰亦貪飲夜半爭下天待其竊飲時我欲抱以眠試招安期生更約李青蓮
一飲三百杯一醉三千年

撥雲寺

羅浮撥雲寺以雲作天地見雲不見山見山不見寺我今來此寺見寺不見人豈惟不見人且並不見雲
僧去寺已廢雲去山空存是時日亭午天將萬山吐雲盡化爲翠翠化石與土空翠滿萬山而雲無處所

山中多松枝松下有竈釜豈惟烹澗泉亦可溫酒脯坐待白雲來和飯一齊煮

登古瑤臺

浮山爲我足羅山爲我目已摩羅浮頂更穿羅浮腹來登古瑤臺瑤臺石何蟲連天十萬峯波濤互起伏
羅列如兒孫此是祖母緣翠色玉有名祖母緣者天於九州外特闢此苑囿蓮花作部落芙蓉爲種族彷彿穆天子
羽璫覽羣玉軒頊通我靈秦漢無我福蕩然青天開白雲爲我褥莊周化蝴蝶張果作蝙蝠初平跨黃麟
桂父騎白鹿獨惜有娥女無處求芳躅李白惟大叫韓愈將痛哭其下玉屏風錦繡萬花谷上有篆籀文
萬古不可讀

浮山絕頂作

羅山真若羅浮山真若浮此語無人道道破天爲愁請君看浮山浮空跨蒼虬起伏真波濤出沒如瀛州
此山本飛來偶落南海陬至今尙欲動龍吟回其頭未甘作天柱頗似輕神州豈欲返會稽還復經閩甌
鎮之須六鼉挽之須萬牛山若語余曰君讀鸞賦不其生兮若浮其死兮若休不以生自寶故養空而遊
太虛以爲海元氣以爲舟山於大海中亦是一浮漚左當拍洪厓右更挹浮邱嵇康性如龍杜甫身如鷗
小住吾爲佳吾盍亦少留

拜松拜瀑歌

見佛不拜見松拜松不歡喜佛不怪米顛拜石我拜松松與石原同一輩何可一日無此君不以三公易

其介一拜此松參天黛秦耶漢耶忘年代再拜此松似華蓋赤日行空不能曬三拜此松壓衆籟海水天風聽澎湃四拜此松多節概萬雪千霜皆戰敗十圍綠玉鱗之而丈六黃金身不壞閱人多矣孰如髯其氣浩然羞等噲肅毅剛直與貞介以謚此松差不愧孔曰人之生也直孟曰直養而無害莊曰受命於天獨易曰積小以高大仁者不憂勇不懼義可勝欲敬勝怠我對此松敢不敬松對青天亦無懈我已拜松更拜瀑瀑亦如松可敬愛請君試望白水門渾似天紳垂玉帶松如千丈蒼龍立瀑如萬丈玉龍挂我作拜松拜瀑歌此圖萬古無人畫

下飛雲至酥醪山行詰曲戲作

仙山如金丹何止經九轉百折而千回一往或兩返已行卍字巖更歷之字澗水似讀回文山如書小篆蟲爲詰屈書鳥作鈎轉轉松以直爲佳山以曲爲善一笑拐灣多神仙不能免

又戲作口號

一筆一墨復一硯一笥一笠復一扇一茶一蔬復一飯一雲一石還一松一澗一瀑還一峯一寺一橋還一鐘

因讀瞎堂詩遂以廬山與羅浮相比更及義眉南嶽

我讀瞎堂詩一半在羅浮一半在廬山廬山我舊雨羅浮我今雨俱是瞎堂禪請以廬山勝比諸羅浮勝而作如是觀飛雲似五老瑤臺似天池鐵橋似鐵船沖虛似歸宗酥醪似石佛水簾似玉川奇哉白水門

頗似黃巖瀑又似三疊泉白鶴似白鶴而有五龍潭則又似開先黃龍似黃龍而有龍珠潭則又似棲賢
華首似海會竇積似化成撥雲似青蓮我曾遊峨眉更以峨眉言黃龍似雙溪酥醪似伏虎華首似萬年
我曾遊南嶽更以南嶽箋朱明似朱陵酥醪似方廣華首似華嚴一石爲一嶽一雲爲一天一峯爲一佛
一松爲一仙美哉羅浮勝勿向世人傳

由天童下院登小舟往天童道中作

鶴以青松爲世界鷗將白水作家鄉化身願作韋馱好半日天童半育王天童韋馱最靈俗言其半
月住天童半月住育王

由天童過杜孝子祠訪靈峯育王兩寺紀遊

小市天童近荒祠孝子存山猶鄧縣地人有衛王孫山民史姓尙多
皆史彌遠後花外聞吳語溪邊見晉村翻教武陵

客認此作桃源

天童山中月夜獨坐

青山無一塵青天無一雲天上惟一月山中惟一人
此時聞松聲此時聞鐘聲此時聞澗聲此時聞蟲聲

摘句

捲風荷自弄搖雨竹能言誠齋雨
後作十三篇在雄才杏五百賢多舊俗醇佳人解舉鴻前案高士都乘蠡後
舟不見夫差消夏返徒聞句踐祭秋來姑蘇
懷古十家九魚店五里一虹橋吳中書事二
首用人韻無邊野色朱公冢不

斷江聲白帝城荆州懷古四首春似中唐晚人如小杜狂詠芍藥和眞一子韻五嶽外留餘氣厚九州西見此山高峨眉登眺作

十里白雲如墮海半天紅葉欲燒樓雨後返常道觀帝廷神助無蒼水戰國人才有白圭天王擲牝黃金賤使者

刑牲白壁勞感事八首北海知劉豫州否南朝有李侍郎無千里青瑤徒有卓滿江紅曲竟無飛一雙不借隨

腰脚十萬橫磨照膽肝潯陽親舍初發感懷四首雲從武帝祠邊散雨自文王陵下來潼關道中二首天寒酒醒柳邊岸人遠

曲終江上峯無可奈何是花落不如休去爲霜濃八疊韻賦別意人情史權輸脫脫世傳歌曲勝圓圓再壽樊山疊前韻

新詩白傅裘千丈謝表東坡帶有餘雲中賀樊山投皖北道衣白山人陪綠野契丹國主問黃州樊山以新除皖北道暫留行在紀恩

詩二首見示卽和其韻奉贈慶歷相才儲軾輟興元軍事論城琳陸宣公有論以渾瑊易李楚琳狀年少已過誰看玠霸才

無主獨憐琳樊山疊韻舍余因再疊韻奉盒

繆荃孫

荃孫字筱珊號藝風江蘇江陰人光緒丙子進士官翰林院編修有藝風堂文

石遺室詩話藝風博極羣書精於目錄之學生平著述等身詩最少作在漫存文中

癸丑二月樊圃探杏限東韻

江南二月披和風樊圃花事春融融主人好花兼好客樓臺虛敞閒庭空花光炤眼紅不定山杏絢爛疏

離東消息早知新雨足色香恰好斜陽烘小正特書園有見道園細譜風入松穿林蠟屐有餘興百步芳草青蒙茸座上名流皆舊雨恍如身到長安中論齒不才忝居首飄蕭白髮真衰翁黍離麥秀歌慷慨畫禪書蠹談從容張鐙賭酒足豪放輿酺一往拈詩筒新詩明日駱驛至景文開府當同工他時結實應餉

我異種或出蓬萊宮

藝文類聚
有蓬萊杏

詠史

龍子作事非尋常腸肥腦滿琅琊王殺一漢耳天子弟誰知此漢非僉荒交手卽亂軍自潰王命懸於斛律光家家作主尙不免保母猖獗宰相盲桃枝慣作如許事光亦血染涼風堂大家甘作龜茲國此王此相同淪亡

嗚呼亂世人道窮以人爲糧口腹充惜哉高陽七十翁一死乃與醯雞同沐猴而冠甫脫口韓生命盡鼎鑊中周苛紀信兩烈士廿赴火燄成長虹太公登俎幸而免杯羹分我驚愚蒙睢陽巡遠則曰忠大業昂瓊則曰凶盜跖肺肝猶不足逆賊朱粲雙眼紅吁嗟乎世間怪事無不有敲骨吸髓言之醜可憐鳳翔三歲圍城中人肉賤於狗

朱溫圍鳳翔三年城中人肉價百二十狗肉價三百

陳琇瑩

琇瑩字芸敏福建侯官人光緒丙子進士官兵科給事中

石遺室詩話君幼穎異博極羣書踰冠入詞林所祈嚮在陳左海孔奩軒孫淵如然敵精力於小楷律賦試帖詩體羸善病未四十而卒詩宗浙派未大成

夜過伯初見三彌案頭有司馬景和碑內夾和杜五古一首三彌作也喜而賦贈將索損軒同年和以張之

故人有子字三彌七歲能爲五字詩三彌七歲詠蚊有縣官無汝肥句肯共而翁逃宋派不妨學杜得其皮避兵也畧陶江集臨帖居然北魏碑致語寫經老居士他年三舍避偏師

論詩寄蘭生

燕瘦環肥各賞音偶於浙派見精深論詩未信卷蔬語樊榭何人更鑄金
三朝選本亦區區七子松陵枉並驅一例詩翁饒派別故應擇石勝歸愚

題徐仲眉落葉庵詩榻

西風一夜篔簹谷紙窗燈火團詩屋消寒排日分賦詩繞榻梅花正奇馥秋因社長南州徐家法淵源出
落木胡床十載坐談兵競病吟成掩枚速拂衣歸來事高臥一枕寒雲薦秋菊蕭蕭黃葉聲打門借榻何
人陳獨漉茶夢平分病叟禪筆談偶續稽神錄嗟余襍被事遠遊頻年愧爲浮名逐衙齋風雨憶聯床說
劍論詩豈三宿茶煙窺簾晝悵悵劇話舊遊總根觸樊川老去愁鬢絲佛火半龕慣幽獨

余類歲在郡皆獨居法源寺

楊銳

銳字叔嶠四川綿竹人光緒丙子舉人官內閣中書加四品卿銜參與新政有說經堂詩草

石遺室詩話叔嶠遺詩一卷多擬古之作少自寫性情者殆散佚而非全豹也茲選其最工者

數首

臘月十五夜月

錦官城裏暫停鞍紅粉樓頭獨倚闌
一十二回明月夜可憐都向客中看

定興道中

自入燕幽地平沙不見春日高塵過馬天闊樹如人驛路遙通薊河流併向津慚非游俠客長劍亦妨身

石壁精舍還湖中作

物象湛清華天氣日夕霽霽曠非一時行客歡游詣山將衆壑昏水與長空逝峰翠澄餘曛湖雲歸夕麗
巖傾落照留谷轉涼飈厲俯磴瀉幽襟臨湍散風袂初探稍有得漸進遂真契何當謝組來及此關常閉

謝章鋌

章鋌字枚如福建長樂人光緒丁丑進士官內閣中書有賭棋山莊集

石遺室詩話先生爲人深於情又喜山水遊遊必有詩以出遊嶺南後爲勝入秦入贛更勝體格在張亨甫林歐齋閒有柳花句云十日東風五日雨二分流水一分塵甚見雅切黃巖觀瀑云匡廬瀑布天下奇界破青山非惡詩吾亦云然但一條二字實粗耳自天遊巖至玉柱峯云茲山孕靈秀純乎以骨勝一巖一文章一石一天性卓越令人驚清淨使我敬其氣各自奇其勢若相競有時孤峯轉恍疑兩岸迸寫九曲山勢甚肖

嶺南雜詩

江東烽火滿危橋江東橋在漳州都轉風流剩酒瓢知守齋頭芳草歇奔波誰與念松寥知守齋龍溪鄭都轉雲麓吟詩處都轉索善張

亨甫亨甫遊嶺南都轉視之極厚亨甫自號松寥山人

三家最勝屈翁山後起無如宋芷灣更有桐華老詞客吳石華心香焚徧鷓鴣斑

孟塗慷慨賦高軒卻有尙書聽直言一瞬南園三十載海濱消長幾潮痕孟塗遊嶺南上書於廣督蔣

粵秀芝蘭費校量圖經百卷認丹黃張侯楊去後陳侯恭甫出絳帳巍巍學海堂楊菴任香山鶴山有德政能造士廣志曾經恭甫參

定二君
皆閩人

偶念吳天章傳青主遺事感作

詩髓誰探第一籌
崔邴相遇亦低頭
桃花依舊河魚上
目斷崑崙九派流

王漁洋嘗謂吾門人極多然得髓者天章也門前九派黃河水

萬點桃花尺半魚天
章句漁洋極欣賞

賣藥溫書自往還
忽逢顧怪一開顏
汀茫未起先生倦
門外何人是傅山

亭林猶介絕俗人目為顧怪至陽曲多寓傳青主衛生堂藥室

中一日晚起青主叩門曰汀茫已久先生尙未起耶亭林不解青主笑曰先生講古音不知古音天音汀明音茫耶

過灞橋

壞園無主野花開
馬足飛蓬轉怒埃
忽憶烏衣堂上客
欲將開府換池臺

灞橋縣丞署在水中央環以垂楊萬縷吾鄉王文勤公過其地

笑曰官若可求吾願以巡撫換分縣也

贈王華州舜臣

太華分支處橫琴
對翠微簿書留道氣
山水悟禪機
城有新茅屋
官如大布衣
前身或摩詰
筍蕨共忘饑

登嶽

華嶽如高人
壁立謝俗戀
其外削而文
其中隘以辨
萬石壘
天骨石石元氣鍊
旁絕草木扶下視
風雲賤
金帝總西成
玄宰待殷薦
倘非真積心
何由萬物奠
聯峯入地肺
崛起各生面
依依傍固不須秋
實吁可羨

由閩王徧蒼龍嶺入金鎖關

閻羅力量薄，劈石未成路。怪龍愛人騎，張鱗出烟霧。削脊起天半，諸崖絕回互。杌檉踏虹橋，寸跬不容誤。平生少機心，當得山靈護。趨險鸚魅逃，助順蛟螭悟。一愼息百憂，凌虛作細步。天關忽撤鎖，虎豹不我怒。萬松奏清籟，貺客先韶濩。試問玉井蓮，花開當幾度。金仙若有言，相逢惜遲暮。

由東峰至落雁峰

忽逐飛雁同，高舉眼底何。曾有險阻諸，峯俯首一峯。尊清渭濁河，渺何許。金銀宮殿接上方，空中偶墜仙人語。不知前身果何屬，笑折蓮花問玉女。洗頭盆小天池枯，但見危梁竄蒼鼠。禮官威儀有盛衰，神靈真氣無消沮。小草都因雨露奇，野人輒覺鬚眉古。吁嗟我本謝家孫，到處當爲青山主。如何作詩不驚人，欲追李白尋初祖。

玉女宮

元君玉女皆帝孫，玄牝交爲天地根。東生西成陽歸陰，坤厚載物神功尊。岱宗未登華嶽溪，毛我欲羞蘭蓀。首陽對面若逃避，大河一氣相吐吞。遙拱金精爲左輔，秀色悅眼煙霞溫。明星當戶照粧鏡，綠鬟盪手蓮花盆。鞭龍駕鳳朝玉闕，石馬夜叫羣靈奔。婦人主財古有語，醴泉肯使恩膏屯。村姑閨彥俱誦德，越險跪拜勤朝昏。下看湘妃折斑竹，上引西母開金罇。雲裳霧鬢隱環珮，碧霞或亦停瑤軒。時時二女接顏色，峯頭曉掛扶桑暎。

劉十一筠川

永松

新構館舍曰得過草堂索詩作此

蹤跡頻年感逝波眼前興廢竟如何秋風吹夢藤花下一曲池欄夜月多

筠川前於蔚廬治池欄遊同輩落之芭川詩所謂一欄興廢關

何事憐取臨風共倚人今芭川去而池欄亦毀矣

移花補竹見精神小築三間擁百城卻憶臺江李公子他生辛苦乞聰明

筠川置書極多欲以臺江李星村此世真堪為性命他生能否

得聰明句為楹帖

一自

一自歐陽詹起海濱春雲秋日若為妍晉江王慎綵筆銷沈後不見梅崖又百年

海內談詩小草齋曹徐里社自分題東來蹋月支提下尚有崔郎共馬蹄

先方伯在杭先生到寧德與崔西叟刺史稱莫逆同遊太姥窰

童

王仁堪

仁堪字可莊福建閩縣人光緒丁丑狀元官蘇州府知府

雲門同年以排律贈行倒疊來韻奉答

三十年前我入秦太平文物盛京塵蟲沙轉眼成殘劫驂篠逢君信宿因張旣治稱三輔最法才表樹百城新桑麻敦勸邠岐俗花木平章鄂杜民天末故人望雲樹日邊好信聚風蘋壺觴近局招邀易絲竹中

年氣誼真有約海王村日涉大難花市宅成鄰謂瑞安師弟及爽秋令史一麾江國符新授千里陽關酒暫親西笑有人待鳧鳥南遷促我判烏巾循良久已齊龔召侍從何堪玷濟恂許國微忱共披寫寵行佳什喜紛綸得逢今雨長相憶此去青雲各致身玉井生蓮君比潔金山有帶我非貧分飛爲謝鶴鴻侶報稱寧區蟻蝨臣回首觚稜惟見月掉頭玉勒且尋春從知吾輩孤行意一種羈愁莫向人

疊韻贈悉伯

聯綴珠英句言尋玉樹春旗亭禁尾酒塵市素心人整轡先花發編詩與歲新一縑酬一卷莫笑寫官貧

楊文瑩

文瑩字雪漁浙江錢塘人光緒丁丑進士官翰林編修貴州學使有幸草亭詩鈔

過自怡軒題壁

城東舊夥名流宅兩耳喜無塵市喧花木能令人悟道讀書何必不窺園

述難十二首并序

咸豐庚申二月賊肉薄城下先母高太恭人謂吾婦虞曰城若破男兒當爲宗祀計吾與若婦人有死而已二十七日昧爽城陷母率婦若女及諸從婦沈屛後河鄰人駭救以起匿後園薪

屠中園與屋隔一牆家人咸集於此未幾賊入屋聲鼎沸已而寂然時從兄文鋈已仰藥遽語衆曰賊卽來不免生而辱孰與死作乾淨鬼乎吾且火矣衆皆曰諾遂縱火舉家死之嗚呼痛哉先是城陷時同產弟文鑾忽失所在有謂其奔門富一橋而東者文鑿急追還之道遇弟徬徨方相挽忽聞後呼殺妖聲甚厲遂與弟疾奔里許投水中文鑿遇一水姓業治銅者救免而弟竟死嗚呼痛哉三月三日城復文瑩從賊中逸出見從兄文斌相抱而哭哭且問文斌蓋當火發時挈一弟文蔚踰垣而出者故知家人殉難事如此日月不居倏逾半載祥琴未鼓自非歌時然悲憤填膺今我不述恐一旦朝露溘至後且無有知之者昔人謂長歌之哀過於慟哭豈不信哉又所謂窮天下之聲盡天下之辭無以寫其哀傳其酷者也

城崩壞雲黑震地萬家哭同沈屋後河母先諸婦續鄰呼駭相揉起入後園伏園與屋隔牆賊尙莫余毒金陵賊久踞兇狂鑿轍覆焉知吾州城唾手得恢復疇昔母有言闔門義不辱兄文鑿復激成之遂付一炬

酷同死難者二十七人悲哉不孝人七日夢方覺

抹命亂如麻弱弟文鑿賊奔市我追弟過橋殺妖聲大起賊呼殺人曰殺妖豺虎四面噪安得有生理但求無飲刃

兩赴清冷水二月廿七日投光王閣蕩廿八日投元吉當後蕩光王閣蕩與弟同投某遇救而弟竟死而我乃獨活弟其長已矣初亦不甚悲我活須

臬耳吞錢復經樹在元吉當中遇揀後事輾轉不得死弱翅飛不高遂落樊籠裏廿八日晚被擄入演教寺前香店香店賊所館也

賊縱羈我身心豈甘賊從三日餓不食庶希棄蔬蹤中有同羈人賈酒翁張姓大義責藐躬男兒宗祀計出竄

儻得逢不逢死未晚何渠溝瘠終曠若發我矇一飯心更雄詰朝賊果遁詭說富春攻三月三日晨張提督玉良攻克省城

師從武林門入賊聞之驚走詭曰去也富陽上下城距十里爾時某亦未知也

白刃脅我走驅出望江闔踰山不擇路亂石森嶙岫茲苦夙未歷顛頓血兩跟撫瘡少逡巡賊怒向我瞋

急翻下石壁心已無此身旁睨沮洳間臥一無頭人急倒緊相倚僞爲二尸陳庚申上巳日是我再生辰

九死得一生迫欲問家室心如投涪湯恨不著翅歎入城氣慘悽初四日晚冤魂翳白日充棟高積屍橫

衢赤流血亦憂家上城聞道傍語上牛城人家匙有完者定多凶少吉巷口遙見牆望猶未全絕并命焦土中到眼那忍

說呼天天不聞一慟腸幾裂

阿兄文鑿垣出數日匿蓬蘢我從賊中來互抱痛號叫比鄰圭華中或未遭剽盜聞我家有人咸來相慰

勞謂此忠骸堆見之心震悼天陰防雨至意欲代理料重念長者門昊天胡不弔傳炊種豈絕庶幾一人

到油亦擔擔清絮亦斤斤縞嗟茲附身物具備無待告長跪謝鄰翁大恩何以報

火著王母衣世父負之走閒關達桐鄉幸得脫虎口其時世父身焦爛及兩肘百藥無一效安得盧醫手

兄侍逆旅中文奎先有奉稅仗朋友我聞急趨視已落三日後

有弟文鳳城破日跟蹤先出門今踰夏涉秋生死無由聞或言九龍崗罵賊喪其元及問言此者亦非所

見親身縱不得脫蠟書豈難傳宿昔文字飲蛋距吾兩人此生恐不再何處招君魂

有妹年十一性貌頗淑端拈鍼更弄翰晨夕承母歡每聞風鶴警掩袖泪汎瀾問母蘇常路到此程若干

母輒謾相慰收淚聊復安至竟罹此厄念之酸心肝

賊中甫逸出夜夢母若妻所居非故廬狀亦如平時母言汝弟在蓋念文變水中屍也汝速呼之歸妻方理髮坐不

語但目眙避地赤亭山舟已江口維尊長信他說定計遂游移胡不力勸成悔恨無窮期

求死兩入水三婦使吾生一爲食貧婦其二乃可驚初入水未久竹竿牽衣升光王閭水姓婦人賣舊銅器爲活命其徒以竹竿曳

救欲再救弟弟已沒翌日入水深兩目殆已瞑了不知所以闖然臥中庭婦一老一少大牀扶我登靚飾和且莊儼

處世承平及我易服出牀上衣甚多卸濕衣著黑布袍而出邈無跡與聲始知是典所羊市街元吉當西直金剛寺巷衆散門嚴扃後有小門半開

中無一人俛仰念先德至今心忤忤

我雖喪家狗未肯爭骨棄故人謂我才可以掌書記薦之入軍營營列蛟龍地江明府榮光結水營於富春江號宜武水軍筆

墨固無靈殺賊萬一冀東船箏語哀西舫粉光膩依人鳥亦窮聊爲乞米計禍災信可樂大快將軍意統謂

領某副將一昏導百玩兵事付兒戲窮人登酒坐痛甚鍼氈置亦知妨衆驩臨觴淚難制

江郎山

突兀鼎足立天生三偉人一峯皋陶面鏡下瓜削新一峯伊尹背植鱗曲而伸一峯古弼頭尖拔筆嶙峋

高皆六百丈四空無所因笙簫度絕頂月夜仙遊頻風香蘭墮花大與梔子倫富人昔好奇閣道思飛身

家傾事不就鑿竅壁鱗鱗上有一池水傳恐非其真地志云絕頂有一池

自休寧至彭澤山行句餘得絕句十二首錄三

登涉路斗折十步三彎環峯側梅花開可望不可攀
平州縱遐矚懸嶠切冥際縹渺飛樓丹恆有驚落勢
彩翠遠奪目石林斜照開借問行路人此爲新婦山

彭澤野望

澤國春來早東風草怒抽我從羣嶺出今見大江流水氣昏漁市松聲冷佛樓前程吳入楚更買木蘭舟
石鐘山彭氏紺園別業

森森彭蠡口奔放吞天廓石鐘山鑿之萬古此鎖鑰四面壁斗絕大帥來相度江湖歸擁抱神鬼助開鑿
磴級引雲蟠軒牕分岫拓簷梅倚叢篠階芸拱紅藥脩然裘帶人吟賞坐對鶴中有飛捷樓危礎冠厓嶸
聞當落成日金陵巨愁縛諸樓此最高長虹手可攬俯聽鞞鞞聲風水石相薄八百年以前有人舟夜泊
寄顧隲民觀察吉林

西谿曲

書生無意建旂旄吟飲何如舊日豪聞說松花江上路年來犢價貴於刀
西谿何所有一庵荒山陲獨遊遊不厭旁人笑且疑庵破屐到稀杭厲於此祀老僧不看經運水搬柴耳
谿繞秦亭麓支自南湖分餘杭一夜雨溪水來如雲疏林豁晴昊地僻秋色早何處無蘆花蘆花西谿好
谿鳥吾前身谿花吾故人庶幾老是鄉澹以全吾真

示兒二絕錄一

雞蟲得失太紛拏，推倒垣牆便一家。試語汝曹無上法，梁亭夜灌楚亭瓜。

園居遣懷五首錄一

縱橫才十丈，我亦謂之園。多藉前人樹，還封小巷門。井防池水涸，牆斷市塵喧。卽此成適軸，歌言矢勿諼。

寒食秀州道中

老去清遊只愛船，有船千里卽門前。女兒明豔生長水，水節候隍和到禁煙。何處寺藏鐘越浦，誰家樓廢柳撐天。郡齋爛醉笙歌夜，勝事回頭二十年。

聽長孫阿鳴背誦三都賦次孫阿蜚背誦古詩源皆熟時鳴七歲蜚六歲

捧書來與老夫親，乍斂階前跳叫身。汨汨清聲瓶水瀉，搖搖小影燭花春。莫矜文字當今世，儻慕風期到古人。傳硯吾猶慚老學，光如日出最須珍。

司徒廟古柏歌

麻衣仙翁相術神，清奇古怪皆異人。評賞四字字如鑄，乃以相人法相樹。司徒廟在蒼厓陲，老柏森立張天旂。僧謂夫差墓上木，是奚足辨姑領之。噓噏元氣鎮吳會，要爲千年物無疑。清者玉立氣高寒，奇者橫絕飛將軍。古者勁裝風采，竦匹練糾纏。頂至踵獨有怪者，不可測驟欲描摹筆語塞到眼了不成。樹形滿地槎枿翠狼藉，出洞神蛟猛脫骨避風。大鳥潛伏翼支離，攘臂終天年孤延。燒面出勇力意者造物非無

心玉成應感雷轟德况日侍彼三君子彈壓陶鎔有深益倦鳥投林負夕曛催人歸去疏鐘聞回頭却顧
茶話處漸不見樹唯見雲茲地由來集勝侶妙墨紛綸難悉數我詩縱有所抑揚甲乙無違昔人語呈之
古佛儻吾許

樊增祥

增祥字嘉父號雲門又號樊山又號天琴湖北恩施人光緒丁丑進士官至江寧布政使有樊
山集續集

石遺室詩話樊山生平以詩爲茶飯無日不作無地不作所存萬餘首而遺佚蓋已不少矣論
詩以清新博麗爲主工於隸事巧於裁對見人用眼前習見故實則曰此乳臭小兒耳萬餘首
中七律居其七八次韻疊韻之作尤多無非欲因難見巧也安石碎金樊榭冬心諸家視之當
羨其沈沈夥頤矣七言古多轉韻今不多選選各體全首外專選七律中對尤工整者爲摘句
圖附後可作饋貧之糧君於前人詩頗喜甌北此亦甌北專探放翁對句意也

東溪詩井序

出宜昌東郭二里而近有溪曰綠蘿林木茂密水清見底枕溪而居者數十家余嘗有卜居之

志因仿右丞輞川詩體以見意云

玉雪五歲兒嬌索梁閒燕爲買紙鳶來更與績蘇線
舉網得雙魚貫鰓行自語本藉溪水活更就溪水煮

送人赴襄陽

漢水東流去西行欲斷魂江山三楚盡耆舊幾人存有淚思羊傳無家住鹿門花時一爲別寂寞負清樽
寄譚仲修廷獻同年杭州

榻來支枕夢西湖白舫青簾入畫初衡嶽春迴三兩雁辛夷花發數行書故人東望思魚膾名士多年尚
草廬爲憶南屏山色好老坡笠屐定何如

泊枝江

朝辭夷陵渡暮與石尤期一雁啼秋水雙楓閣酒旗寒深烟外柝吟瘦雨中詩應是離鄉苦扁舟獨去遲
戊寅九日陪豹岑前輩龍山寺游讌

城西山以來龍名蜿蜒勢與青冥爭居人指爲落帽處似龍毋乃非真形

龍山距郡三十餘里今所游者
名來龍山土人遂以爲龍山云

使君政暇事幽討佳辰良友偶合并肩興出郭去牌纛勿使呵殿驚山靈山椒有寺出林表遠望丹翠輝
檐楹入門一衲爲前導華裾玉佩搖瓏玲仙雲亭亭結葩瑤法花孀孀垂金瓶殿隅一樓拔空起直上憑
欄俯千里石幢倒映寒潭清雕檻平臨暮山紫是日金風最寒慄天清地肅空無滓苑柳宮荷積水中汀

蘭浦雁蒼煙裏景光無際歡有窮舉酒屬客澆凡胸几筵咫尺羅山海翠尊銀燭回春融蟹螯未紫柑未紅菊花始秀東籬東眼前節物盡遲暮及時胡不酣千鍾此山自昔盛尊俎高會如雲散如雨呼鷹臺上彼何人豚犬兒郎不足數折臂三公差解事登臨意亦在千古遠志常如謝安石可兒復有桓宣武丈夫各欲樹芳烈世俗乃始蕘歌舞不見前朝游冶處渚宮竹殿今塵土當歌慷慨若有神玉壺酒盡鐘鳴昏緇流秉炬起相送野塘照見酩顏新百年此事復幾日故須作記鐫青珉高冠岌岌幸未落慎勿呼我狂參軍

五月一日同子珍竹筴兩前輩登煙雨樓茶話

鴛鴦浦口駐輕航石磴盤紆到上方僧磬歇時添畫靜茶盞圓欲貯湖光闌干四面空煙水裙屐三人俯夕陽接膝莫論瀛海事二年中有小滄桑

度嶺竹枝詞

早涉汾流見月明卻於嶺半看雲生竹竿坂下濛濛雨到得夫妻廟口晴

距嶺五里爲竹竿坂坂上有夫妻廟

天險橋邊駐碧油北臺小息喚茶甌莫將馬力全驅使尙有逍遙在後頭

下嶺七里爲北臺西去逍遙嶺老張灣一帶路尤險仄

雨中度棋盤嶺

一綫修蛇欲到天林蘿石棧互鉤連萬重雲海相摩盪一日乾坤百轉旋峻極飛鴻翻在下險多健馬不能前脩脩冷雨藍關道猶勝韓公擁雪年

舟中雜詩

關中利車馬水程始商州山如青玉峽水若竹箭流咄哉湍瀨閒操此無柁舟一日三百里言至荆關頭
此閒屬大梁風土稍不侔五載居關輔士民競歌謳俯仰南山碧夢寐輞川游忽聞語音異使我心煩憂
三日兩易舟言至浙川縣人煙既繁密樓櫓復完善頗聞官府賢折獄民稱便東臬麥油油百錢得斗甌
自河決鄭州林澤多哀雁彼爲沙中魚此爲梁閒燕同是豫州民百里災祥判有如同林果甘酸適相半
燕息豈不多勞人自永嘆

荆妻生京邑未覩舟楫精南來見煙水眼若流波明水禽及漁具一一詢其名頗畏風帆側喜聞柔櫓聲
荻芽供美茹苻葉製香羹隔林初曬網緣浦或逢罾始悟古圖繪漁樂皆真情願言浮五湖船若白鷗輕
筆牀和鏡具終歲常安平煎茶夙所嫻無爲買樵青

平明涉江口水激如箭筈清漢徑其右我舟出其左亭亭江中流峰蓮秀一朵何許青螺螭白銀盤裏坐
夙昔愛小孤風帆十數過中閒花嶼懸四面烟波鎖茲峰乃酷似謂之縮本可五年別九江天以持贈我
惜哉不得泊急瀨下輕舸回頭視烟鬢天際空婀娜

遙望襄陽城樓堞鬱參差眷言懷耆舊離若劫後棋郡中雷廣文誨我成童時經藝稱巨手雜治古文詞
潦倒三十年未與首盤辭垂垂兩鬢雪猶爲童子師高高鹿門山濯濯猗桑枝其下有龐公妻子嗟世離
不得拜牀下使我空涕洟

吾友陳仲弓除爲漢川宰瘠土居五年頗聞氣象改鱗隰美桑柘湖田足魚蟹我來訪循績父老言娓娓
自公治吾邑早苗經雨灑牘有千言判獄無一錢買草屨登縣庭宛與家人對諸生各嚮學羣盜亦知悔
悔者爲善士學成被甄採一昨移病去萬人淚成海有田忘耕犁有錢靳推解有冤不控訴日惟公是待
感人入骨裏聽者色然駭吾亦折腰人因君勗光采

青青女郎山七載不相見四月綠陰時落帆漢陽縣江漢多密親邀我具蔬飯憐我宦達歸起居猶貧賤
我言關中好古風今未變食彼黃河魚衣彼漢中絹位卑名自高俸薄金有羨官燭治文書鑪香展詩卷
眞樸味有餘豪奢習未慣歸來照江水儻未失眞面

趙文度爲吳徹如畫南岳山房圖

王百穀董文敏題

古人畫嶽難畫衡九向九背深且清岫嶮東俯會稽穴蓮華西與金天爭義陽吳公官九列湘灣規築屋
數楹瑤房窈窕雁峰麓湘帆歷歷過平聲柴荆屋裏素書充瓊笈門外遠山橫翠屏南宗好手趙文度爲寫
幼輿邱壑情亭臺安放最佳處調和心手相經營石氣中含太古潤松光晚發諸峯晴畫石上有暖雲起
寫松下有流水鳴三年皴染意始足宗伯拈出山靈驚董跋云文度作此圖三年始成未書名款亦如北
宋諸名手自負甚高待人暗中摸索耳庚午爲拈
出神物流傳落公手襲以錦段方英瓊昔也翰林弄煙水湘陰買田薄可耕東山一出垂十載放衙夢墮
衡嵐青願持此圖作粉本松閒結屋饒茯苓九疑帝子伊可接軒轅道士吾同盟還將宰相十年事換取
地爐山芋羹

夜宿挹翠山房讀爽秋詩集

懷中一卷詩松下三間屋此非世間語攜就山中讀清若露下蓮勁若雪中竹幽若石罅蘭淡若霜後菊
劑若蒼鷹舉重若巨象伏華若衣黼繡質若需布粟秋月印寒潭春煙起新木瑤瑟湘天流泉響冰谷
隨我所聞見比方意各足試呈黃面師微笑若有觸裘褐不勝寒風簾晃脂燭坐見窗紙白去就僧牀宿
君詩如芥茶飲多不得寐冷積肝鬲間軒然雪濤沸缺月墜屋角金缸照墨翠玄爲道家言深與佛理會
中夜^呼唔聲幽於風蟬嘒上人憫我勞薦以霜果脆問我讀何書答言黃庭類聞否木樨香上人不能對

過辛輿灘數十里夾路皆山桃花孝達師撫晉時所種也感賦二詩

東風融雪水明沙到此行人不憶家七十二灘等閒度夕陽如火看桃花

黃泥裹核事何如看到仙花結子初錦障如雲三十里風流長憶老尙書

雨後作

雨後東風卻倒吹褐衣猶自溼林霏未飄柳絮飄桐絮不見鶯飛見雁飛上黨地高知馬健西河春冷覺
花稀七人家在關中住三月香車緩緩歸

寄懷恁伯師都門

元亭側對寺門開蔬飯清言日日來辛苦當年楊右衛向來不坐已言回

公居保安寺街曩在都與王水部每日一詣余至必竟日談王

至少選
即去

八月十六夜城上望月

尺八橫吹縹緲音滿衣風露此登臨月如秦鏡無圓缺天與柴窯孰淺深煙靄四垂碧羅幕山川全鍍紫磨金碧城十二無消息空負闌干萬里心

贈蘭卿爲子珍六兄屬賦

玉勒驕馳柳外亭簾前鸚鵡喚紅丁花如人面依然姣山傍妝樓分外青打槳正當桃葉渡彈詞偏愛杜丹亭多生綠業誰能懺替寫蓮華十部經

子珍每日
寫經一頁

訊王大令

吏散花陰午巡檐兩筇鞋酒嫌夜來惡書問體中佳秀句題新竹疏巾挂古槐底教妝閣裏長怨太常齋

納涼作

院落無燈蘚覆階移牀箕踞傍庭槐涼雲渡水難成雨薄電依山未轉雷柳暝徐看雙鵲定竹深時有數螢來大田更比相如渴何止思量露一杯

齋居

窗格新泥換碧紗經函香椀似僧家飯餘不用檳榔子一盞南川厚朴花

偶檢敝篋得三十三歲小照感賦

少年輕俠過江東吳下人知舊阿蒙馬客礮鬚籠叱撥箏人低髻唱玲瓏神傳裴楷三毫裏鬼在梅詢兩

足中十七年來還墨綬折腰慙對漢三公

黃葉江南舊有家向人無奈整烏紗鄉心苦憶瓢兒菜官品低於鼓子花

用宋妓龍觀事

條籬何當縱秋隼冠襟

強欲飾麤履祇餘一事折人意五十平頭髻未華

冰叔於官署旁濬湖葺宇寄題一律

明湖新拓浸緋霞仙眷風流聚一家一碧全栽水楊柳千金難得旱蓮花

見韓致光詩

能浮畫檝鬪頭水不隔

薰風蟬翼紗蘇式窗扉三十扇看君着意縮秋蛇

東園

官舍東偏石徑斜小廊回合槿籬遮
僮澆醉日移來竹兒譽春分接過花
朱閣尙留如客燕綠池還沸在
官蛙數峯醜石堪人拜約略園亭似米家

暑退東堂事事幽淡雲微雨作新秋
窗紗自綠聽鸚館燈火初紅待雁樓
雕玉一雙爲帶鑄嫩銀半兩製
茶舟久從方外看司馬未害人間有督郵

懷栗園

任教人笑虎頭癡坐愛歐公洗墨池
倘過無爲應拜石必逢有道始書碑
侍人萱草偕芳草歌曲楊枝閒
竹枝慎伯已亡攜叔逝六朝筆法只君知

馬關

海上無勞解議園，七牢改館駐驂駢。
僞顛冉猛顏何厚，濺血唐睢事總非。
恨不歸元從白翟，豈真傷首類
緋衣度關不用雞。鳴客賣却盧龍掩面歸。

格天閣裏說和戎，此亦周公與魯公。
今侍樓船持使節，昔從襤褸授儀同。
天津杜宇啼春暮，都尉鴛鴦戀
虜中。爭怪可汗頻賜宴，郭汾陽是親家翁。

哭李悉伯夫子

茂陵秋雨臥相如，多病時時賦子虛。
身似芭蕉叢衆疾，心如椰子納羣書。
蔽賢兩府能無過，問字諸生勸
有餘。爲問南園籬下犬，何心不作仲宣驢。

朝回深閉草玄亭，四海儒流見典型。
郎欲潛時師漫浪，學從困後識深寧。
公所居曰困學樓叩門使者求遺稿，就
木奄然執孝經。贏得傾都冠蓋集，焚香齊拜草堂靈。

奉懷張尙書師金陵

手提三十六英雄，坐使丹霄日再中。
勳業明時光玉鏡，身形暗裏護紗籠。
臥龍抗表需籌策，司馬登朝仗
樸忠。江漢滔滔誰砥柱，迴瀾力障百川東。

書劉聰傳後

遮須國主出平陽，題署風流翰墨香。
典午早知今日事，李中堂改愧賢堂。
漢有堂曰李中聰改曰愧賢見禁扁

苦熱

老柳垂門靜不波更無池水似摩訶曉鐘暫遣肌無汗午簟誰言睡有魔五萬蒲葵猶恨少一重蕉葛已嫌多且將冷眼看蛟蜃奈此炎炎煮海何

冰簟銀牀夢不真青奴朝暮最情親杜陵廈裏無寒士召伯棠邊有喝人每飯祇疑身入甕串茶無補肺生塵玉魚擬向環妃乞不爲青梅溢齒津

平世曾無六月霜經旬襤襪怯冠裳早將號令還金帝不少詩篇咒木郎酷吏傳中求解脫北風圖裏卜行藏移山倘假愚公手不借峨眉便點蒼

五年種樹渭城東近接蓮花第幾峯天上有船通玉井人間無價買松風清涼居士於今少熱熱顏回在處逢僦屋青門聊結夏軟塵休傍馬頭紅

代竹生贈姬人

吳下迎來金犢車扁舟網得錦江魚晴窗臨徧哥哥勅燈夕催成娣娣書何限朝雲憐宋玉等閒秋雨伴相如天寒酒薄亭皋晚解進泥金半臂無

獲嘉

漢帝東巡駐翠華捷書乘驛奏官家將軍近日無楊僕總把樓船贈呂嘉

題爽翁水明廬詩集

集中附
數篇

一編終始在于湖風雅咀含與道俱詩裏周公惟子美文中烏獲是江都見論衡補栽涪叟曾看竹懶食琴

高所種魚今日廉頗思趙士亦如江左念夷吾

有贈

海上歸來王子霞玉爲幢節錦爲車蝦蟆陵畔春如夢燕子樓中月易斜城已再傾綠巧笑戶經三免卽
良家宋時官奴婢一免番戶再免爲雜戶三免爲良家見梁溪漫志填詞小宋垂垂老觸撥閒情爲杏花

爽翁惠咖啡余誤爲鼻煙

苦說咖啡是淡巴荳香誤盡勇盧家也如白雪樓中叟不識人間有芥茶

李子鱗按浙徐子與致芥茶李嫌葉大極多以賞宅役

北臺早春

土牛新歲送寒時人日臨觴一賦詩秋去春來雙燕子新收舊管幾花枝禁中地暖冰開早臺上天寬日落遲閒凭西窗開病眼蒼龍閣角柳如絲

四友

許盛王袁吾四友老坡生日悼王孫黃壚痛飲成千古白首同歸更二人顏子命如鸚鵡短元輿血濺牡丹痕瑯琊祭酒應無恙苦念危城老病身

一日

一日遂亡雙烈士炎霜晝下使人愁和戎利大翻爲罪博物書成枉見收龍比相從遊地下犢華遺恨指河流銀濤白馬之江路腸斷胥潮八月秋

哭廉生十三兄

鄒魯儒家老說經一門忠烈死猶馨抱琴躑露真無憾投閣揚雲不復生殉國賢妻榮煒管從姑少婦亦銀瓶行人莫認臙脂井萬朵芙蓉擁曼卿

憶歌者崔靈芝

高臺舞袖繞花飛幾串珠歌豔雪霏桃葉百環輕綰髻毛西河妾梳百環髻柳枝雙帶秀飄衣嬌鶯借重名兼姓小燕猜量瘦與肥簫鳳引人仙夢遠紫房芝憶甚時歸

聞都門消息

上林秋雁忽西翔凝碧池頭孰舉觴市有醉人稱異瑞巢無完卵亦奇殃犬銜朱邸焚餘骨烏啄黃驄戰後瘡滿目蓬蒿人跡少向來多是管弦場

京師赫赫陷鯨牙十國縱橫萬戶嗟舊宅不歸王謝燕新亭分守楚梁瓜諸國各有疆界蛾眉身世惟青塚貂珥門庭但落花龍武諸軍誰宿衛孤兒一一委蟲沙

百年喬木委秋風三月銅街火尙紅崇愷珊瑚兵子手宋元書畫冷攤中金華學士羈僧寺玉雪兒郎雜酒傭聞得圓明雙鶴語庚申庚子再相逢

島人列檄罪諸王玉牒瑤潢絕可傷待取血管觴福鹿誰將眼箸謎貪狼伯霜仲雪俱危苦謂莊邸及濂莊貝勒宋劬殷辛僭比方敦邸服中生子卽端邸也公法每寬親貴議可須函首越重洋

庭下紫丁香盛開七疊前韻

紙窗新有蜜蜂聲行到中庭彩蝶迎珠絡索兼朝露綴紫葳蕤門晚霞晴雅宜翠色哥審器巧對黃家子
久名舊歲北臺兩株雪枝頭顏色一時更京寓有白丁香二

十疊韻詠白丁香

雪衣娘子喚茶聲錯認羅浮縞袂迎穀雨前頭幾霜雪梨雲時候半陰晴清香玉蕊和珠蕊本色花名又
藥名不信風塵滿京洛三姨素面未全更

牡丹八首併序錄一

洪北江謂古今牡丹詩罕作正面文字趙甌北輒賦八首及明年又作如前詩之數北江稱譽
至再今讀其詩適成爲甌北體耳小園牡丹二叢作花甚穠以詩賞之如趙之數後人視樊山
詩殆如我之視甌北乎辛丑三月朔日

爲后爲王在洛中品花亦自有真龍衣飄紫鳳天香醞酒醱黃鵝御愛濃芍藥教行丞相事海棠合受貴
妃封誠齋詩海棠花貴妃雕欄玉砌尋常甚待起黃金屋數重

雨中答顧五

屋漏痕深檢玉杯南鄰季雅錦箋回白楊巷接青楊巷今雨來兼舊雨來已讓那邊吟白苧用大作家極在那邊語
知當下熟黃梅玉桃接引偷兒至任達深憐子敬才君移居被竊

以關中之勝誇示同社

爲數關中景物賒漢唐曾是帝王家東湖豔灑聖人酒酒以鳳翔爲最東湖水冽故也西嶽亭亭君子花指蓮花峯送客紅橋無限柳封侯青土最宜瓜雲如美女河如鏡不爾安能駐翠華

寄懷午橋中丞

退衙山色寫燕支撫器枕燕支山想像郊原攬轡時安晚心情登塔見稼軒筋力上樓知丁令來言公屢上鶴樓及寶通寺塔興來東閣連呼酒別後長安似奕棋可得忘情桑梓地願公深惜庶民脂

檢庚子出都後所作詩詞漫題一首

劫火灰中莫問天金臺黠黠夕陽邊起居安否隨鸚鵡商略行藏到杜鵑賈傳悲深庚子後庾郎哀甚戊辰年平生文字幽憂少此是瀛奎第幾編瀛奎律髓有忠憤一門

感懷三疊前韻

風氣支那一味柔龍山風髻可憐秋如今別有傾城帽我較茶村十倍愁世傳劉黃岡擢第歸杜茶村方杜睨之笑曰我是箇多愁多病身怎當你傾國傾城帽劉大慙而去近來營卒皆冠西冠奔走滿前感慨係之矣

兒輩初學屬對余出云墨竹換詩詩換蟹皆不能屬戲賦一詩

近來閩粵競詩鐘未許兒曹學步工墨竹換詩詩換蟹畫松如篆篆如龍天衣巧製須無縫玉合精求必可逢唐人謂作詩如掘得玉合子有底必有蓋精求之可得自古文章珍偶儷南彭北紀勉追從

再示兒輩

對屬天然雀燕伴可知鎖鎖儷鈎鈎萬言每受單詞窘新意須從故實求墨竹換詩詩換蟹黃金價劍劍
價牛雅人深致循良事都被先生古錦收

自題照像

盡傾心血作文瀾鬢髻青青亦未殘君看東岡老松樹最禁風雪最禁寒

閱電鈔知石甫觀察備兵右江喜賦

朱鳥南離望繡衣鏡中鬢戟未生時身為雛鳳知名早官比鴛鴦待闕遲君候簡不似柳劉傷謫宦好收

側貳作蠻姬時粵亂未靖政成莫負搓酥手要和東鷗絕妙詞周叔芸前輩嘗官右江道

壬寅除夕

十九年來判牘勞能將秦隴土音操西臺檢校樊山集關內文章一尺高

十錦名城似畫圖香山標榜又髯蘇世人都道湖山好好過長安舊雨無中丞方伯以下無不惜別余亦不勝戀戀

葆生偕唐司馬童大令送至闔鄉同宿於河神廟質明而別

送客灞橋情已盡情深尙覺潼關近出關五十里黃塵衫笠蕭蕭垂柳映臨流祠樹碧於雲古殿乃祀河

瀆神東西道院並修潔草花石几羅苔茵三君就我夜連榻解衣乾浴飯有鴨綺綠親傳海上琴時以琴贈葆生

淚紅猶惜關中蠟寺鐘三打朝噉紅君馬西還吾馬東一聲珍重車塵起拗頸數望蓮花峯

張少保師招同王弼父子晦若兩京卿沈子封編修周少樸侍御過慈仁寺廢址看松徵賦長句
曲江風度天下知寢處常有山澤儀兩宮動色待司馬朝回乃憇古松下昔居坊局清若冰步履屢過慈
仁僧三十餘年秉旄鉞歸朝不見長明鏡元二災年際庚子紅巾白日行都市激怒長鯨海上來含元故
殿荒荆杞九門鎖鑰十國爭茲寺久駐柏靈兵和議旣成收兩京島人撤廟佛淚零由來殿材極瑰異千
歲香楠充桷楹騎梁縱斧者誰子失勢一落夷酋驚以少炸藥置佛座火發屋瓦皆飛鳴天傾地坼百柱
倒萬牛挽致還西行從此金身等莖草百圍喬木風煙平寺門雙松青銅柯國初諸老繁詩歌諸佛尚有
涅槃日虬龍其奈劫火何吾師遠聞心輒動重爲朝廷惜樑棟拄乾坤五大夫朝衣西市同悲痛翰林
好事沈子封走告昨見慈仁松喜於還丹起白骨頃刻青天飛蟄龍平明肩輿入破寺瓦礫縱橫撫寒翠
清露滴身塵蓋涼朝暎射人鱗鬣異折簡招客酒再行苔地鋪席心顏清兩蛟俠侍瘦於鐵凌霄花發垂
紅纓浪傳南海子瞻死意外復見劉更生嗚呼雙松昨死今復生故人碧血徒芳馨愁聽樹頭黃鳥聲九
原不作難爲情謂許盛王
哀諸君子卽今赤松朝玉京吾欲從師歸穀城

聽竹

松清竹俗強區分次律尋聲未識真太尉豈能知許事聽秋別是一流人房瑄云竹聲最清及
聽松聲始知竹俗

雨後種竹都活喜疊前韻

新篁如酒人渴吻希三雅雨則孫爲龍不則兒作馬昨暮月離畢膚雲起太華夜臥聞跳珠喜如金躍冶

農田方待澤三禱龍祠下首爲豐年慶此君其次也曉起巡南檐琅玕不勝把先蓮爲君子與蘭皆王者
遂疏管城封靡怨湘娥寡細已勝漁竿大將劔樓瓦其旁筍斜出穿破土花赭明明嵇阮徒君侯何瀟灑
一再催我詩波箋雨中寫晚飯不用肉清齋屏官鮓

三月初二日送需次諸君入課吏館賦呈嚴廉訪及分教程戟傳太守楊和甫刺史李少愚陳煥

階兩大令

憶昨朝京師對敷白玉墀帝曰汝何言稽首陳其詞臣由百里起一旦躋台司碌碌無短長稍悉民瘡痍
九流無不學唯吏無專師忽焉居民上判決需人爲何怪冤獄繁何怪情僞滋大吏視僚屬勿徒舉劾之
口講與指畫緊惟師道宜吏皆教之學民生其庶幾帝頷之曰俞汝言實不欺吏皆如汝賢天下焉不治
臣拜手稽首受命復在茲三輔多循良見於漢唐時今豈不古若勸懲宜互施城西關珍館蘭芷升庭陋
讀書取致用所尚非色絲舍經而攻史用夏亦用夷必通中西驛而兼文武資政書及律令手口常不離
樹木十年成樹人百世基以吾一日長敢告津梁疲美玉必受琢良馬必受羈勉登循吏傳仰報皇帝慈
今何以乏才古何以饒士四裔何盛強中華何頽靡大抵百年來都無意於此本自亡是非而復任曠喜
才者老蓬蘞不才曳青紫不才則忘才取士必如己冗濫最科目官場亦復爾珠礫何分別榛蘭同一視
吏胥抱塵牘可使萬事理自非陳腐言不上赫蹏紙志士日摧傷才人有餓死豪傑不世出何由得興起
南北走胡越寧非鷓鴣使吾百里起家忽然冠獬豸宿昔所不平及今聊一洗如明鏡照形隨人爲臧否

材不材之間相去幾萬里重之則鼎彝輕之則敝屣能令賢達奮能令庸庸恥繫我館中人慎勿流俗比
不患不我知患其不能耳罟師求巨鱗安能舍魴鯉彼美拾香草安能遺蘭芷世知有公道請自關中始
願言得同心上佐聖天子都邑蔚農桑河山還鏡砥引領望神州猗嗟吾老矣

寄遠

修門一別意何如身與秦親覺越疏書札再三問東事夢游四五到西湖
東坡與人書歲常四五夢到西湖楊花白後成
春服豆子紅來作念珠爲問絳紗高弟子暖風遲日有詩無

賦得可憐九月初三夜得憐字

月到初三絕可憐玉弓斜挂影娟娟依然露似珍珠夜又是雲橫玳瑁天遠信威遲霜雁後瘦人徙倚菊
花前重陽近也無風雨撿點萸囊憶去年

再賦

胡牀坐據不知愁晴日登臺雨卽休但揀涼天佳月夜老坡無夕不中秋

胡氏愚園

名相無樓臺大賈多園池池居園之半紅亭俯漣漪肅客水晶域八窗瑩玻璃奈無竹樹陰當暑驕炎曦
乃製鴨觜船張帆與簷齊日出障其東日入蔽其西或隨飄風轉當用人力持咄嗟富家翁經濟止於斯
昔以十月游柳黃荷亦衰心憎主人俗粉壁無題詞前塵忽根觸廿五年於茲想見錦帆幅破如蝴蝶衣

羊皮巷某氏園

有花不自賞，銳意驥天衢。不待苑其死，已爲他人娛。園花如有言，專迓尙書車。入門玩修竹，敷席蔭高梧。春深荷始錢，未有紅芙蓉。雜花生樹間，羣鷺與之俱。花言主人俗，流汗希簡書。得不得有命，胡不歸舊廬。鷺曰君誤矣，錢虜非吾徒。葛侯真名士，興寄蕭疏生機盈。天地獨慙志，與蝮彼去汝何傷。彼歸轉懊子，憬彼花鳥語，拊掌一軒渠。周公代鳥言，豈非吾師乎。

謝公墩

進則爭新法，退則爭一墩。荆公視謝公，通介實非倫。江左風流相，翛然林墅身。一邱易百辟，晚節難爲臣。至竟社稷功，能回明主恩。半山盛名譽，一拳安足云。晚誤福建子，榘箠不可聞。詎惟名字合，身世同艱辛。古來受朝寄，常與譏讒鄰。千載謝與王，異形而同神。然則非爭也，居近情益親。祇今邀笛步，亦有捋須人。

奉和金陵雜詩十六首錄八

老去屏山賦，汴京裕之。俳優雪香亭，名篇十六渾。相似傳唱江南，不忍聽
二喬國色並，梁龍總角英雄。蓋代功公瑾，伯符俱不壽。天教寂寞古江東，
傷心玉樹有何春。佳麗江山要洗塵，除卻寄奴能虎步。南朝天子半詞人，
一半春風付教坊。李平潘佑枉思量，曹彬勾當江南事。愁坐圍城詠鳳皇，
天塹橫分制佛狸。後來虞雍繼韓蘄，如今鐵甲乘潮上。不用量江費釣絲。

瘦丁亭子水西門古有儉邪尙識真今日節樓讀洋畫流連江雪又何人

秦淮畫舫暖圍春時有漁郎來問津閒坐河房思誤字鈞衡誰是釣魚人曾忠襄鎮金陵幕僚陳某招權納賄多在釣魚巷伎館或改節

署三省鈞衡
為三省鈞魚

濠泗風雲祚一僧殺人如草自矜能紅燈尙託朱家裔直恨無人發孝陵

文與可有閒樂詩亦賦一篇

錦帶茸裘極煖輕南枝欲發繞階行綠醅論斗常澆客墨牘如山不署名康節小車小安樂子由大事大

圓成小蘇云吾作文要使心如旋床大事大圓成小事小圓轉書窗四十年工力贏得風襟水樣清

懋翁和灌花韻再賦

金井銀牀水不貧小園花藥四時新十年定有輪困樹一甕能盛浩蕩春風起梅礬都有信陽回桃杏佇

生仁般宗自作商巖夢幾箇爲霖濟世人

禁體水仙禁用洛妃姑射金銀綃玉梅礬冰雪檀粉諸字

朝朝洗沐笑閒身莫認華清賜浴人性愛溫同柳惠妝成淡雅似江蘋幽居有石兼臨水小閣從冬暖

到春誰與紅房同守歲建茶福橘是鄉親

春興

柳風吹面已和融信有新詩體物工玉蕊一花天下白石榴小葉晚春紅聞鶯芳事來心上愛馬禪人出

定中窗裏繩牀窗外雨茶煙搖曳度雕欄

和甫界之見余金釘釘玉稱稱之句以爲奇絕界之別擬東國雄冠猶冠首南雷重擔不擔肩一

聯再賦二首索兩君和

疊韻雙聲未是奇建除百一體全非新茶上市磨茶磨白葛飄花衣去聲葛衣愛畫時攜棕拂拂量松親解帶圍圍巧思日與羣賢競慚愧園翁說息機

奇外出奇青勝藍韻從同紐字中探瓦當平當去硯松煙積羽扇扇平茶雪浪涵鈿口藏金鎖鎖白花如玉玉簪簪藝林都識樊山派繡入詩龕我亦堪

藍洲寄示近作五篇效淵明體幾欲奪真答如其數

清晨起櫛髮日出朝露稀秋花滿盆盎庭草發華滋雙魚何處來中有故人詩故人居杭州我滯河之涓河水不入江布帆難與期把詩再三讀如在熙黃時詩成當孟夏忽復御秋衣山南桂樹陰花落子離離遲我小山側貽我招隱辭勿嗟會面難吟諷良足怡

楚山一片雲出作人間雨滲漉能幾何悠悠返林莽朝偕孤鳳翔夕與野鶴伍雲出本無心雲歸亦有所十嶽皆名山仙龍以爲府東西南北間何處不相聚引領望吳山亭茗隔煙浦其下有幽人臨流蒼衡宇明月光徘徊青霞久延佇今我爲閒雲從風自來去會當渡越江徑入君房戶

上春接書札招我青桂叢秋期倏已達更待梅萼紅居安憚行遠由來情所同河北有小園水竹甲豫中

近揖太行雲遙鄰華山松子美四萬錢劣能買清風于焉置細弱茗具及焦桐楹間納書畫岸上牽釣蓬
春筍與冬魚良食不在豐塵勞四十年天以酬其庸待營菟裘成乃訪桑苧翁含笑語梅花有船吾欲東
君我皆不飲而皆愛醇酎老年喜吉祥持以介眉壽君有下澗莊佃人可八丸凡茲十畝田杭秫各五畝
春秔以爲飯釀秫以爲酒酒熟不自飲藏之待良友野人道士腹時亦得升斗九月籬花黃期我來相就
中庭敷坐席左螯而杯右相見亦何言以手指吾口寧爲平原督勿學杭州守

人生讀書始常有仕宦思及其仕宦日轉羨讀書時出處皆可樂當前不自知有官可澤物無官長娛墜
君昔試令長我方爲館師及我牽絲日君已告養歸侵尋二十年俱與榮祿辭羣動各有息老年閒退宜
北堂一卷書西湖數首詩東籬一杯酒南岡千樹梅待升君子堂握手論心期緬彼湖上山翦我山下茨
山中有至樂好爵焉能糜

越日再賦

女牆短短露青山林葉初紅未遽殘看盡斜陽留看月令人歡喜是闌干

晚至閘上望太行積雪

金屑泉邊過夕陽亂峯如戟拱天閭時人不識鳶肩客獨倚橋欄看太行

蘇門雜詩

我來月幾望朝朝雨雪盈及之積霽豁吐月常四更波心一顆珠斬我懷中明良辰及美景往往難合并

顧惟閒樂者佳境可自營日入吾卽息月出吾乃興午夜大光明金波如砥平虛空吹綠煙使我毛髮清
蒼藻與竹柏上下交縱橫石欄坐達曙仰見七八星俄睹天下白噉然雄雞鳴

泉上懷抱冰師相

蘇門昔歲走詩筒旌節花來照水東今到青山紅樹底緬懷黃閣紫樞中一篇菜竹思君子十月梅花屬
相公衛武入爲周室輔後來號鄭莫言功

曉起開南窗看水

池上白鷗如可呼開窗納日望晴湖光搖雲水瞳人活氣得清空肺葉蘇廟柏萬針攢老翠山泉千眼沸
明珠銷金帳底癡兒夢能使溪禽喚醒無

池上絕句

耕煙秋樹麓臺山都在清暉閣下看閒倚石欄掩書坐滿腔畫意水精寒
山如碧玉水如銀也要亭臺點綴新待得裝成金粉樣可無瀟灑六朝人

贈叔伊

三筆今爲無價寶五洲君是有心人福州綠荔淮存液相府紅蓮爲寫真君客冰師幕最久對剔秋檠商漢學強
扶衰鬢閱京塵哀蟬一誄三千字豈獨能傷奉倩神

再贈叔伊

傾蓋逢君勝故知春明何意聚牙期悲懷早止辛樓酒君自言悼亡後即斷飲選本新添癸集詩君有元詩選老作斜街
花市長貧無背郭草堂資絳雲舒卷丹霄上比似淵明此最宜

叔伊所居即秀野草堂有詩索和次答

門多長者駐珂驂門內佳花湧鉢曇善本棗梨同秀野小園楊柳異江潭選詩斷爛嘲貽上漁洋十種詩選余雅不喜
鯉井幽光闌所南風雅衰於嘉慶末笑他祭酒詡詩龕詩龕主人特好事耳詩實不工

過叔伊論詩疊前韻三首

詩客城南合靳驂煙霞萬古埽王曇天然文字風行水定後禪心月印潭樂府綺詞非漢上宋人硬語話
潭南苦吟瘦島真成佛彌勒還應讓半龕

思澀真如木絳驂偶拈佳語現優曇氣清羣玉山當戶情至桃花水滿潭雪地抗歌懷郢上風人好色始
周南香山廣大真吾友莫遣門庭狹似龕

孰爲前馬孰旁驂老輩咸同散彩曇八代文章誰吏部六朝人物一湘潭謂湘綺此行嘯傲東山上共睹聲
名北斗南風雅道衰吾屬老學堂何地著詩龕

五疊韻簡叔伊

青楊巷口久停驂種得秋花不是曇露漬胭脂名花皆愛水泉香鈿鐳卽愚潭偶談掌故思池北度閣牙籤
仿岱南燕趙悲歌號多士中間避世有書龕

六疊韻簡蘅君與叔伊對門而居

歸來對宇出同驂，比似羊王有二疊。羊疊王乍可觀蓮周子宅，更期餐菊鄺家潭。叔伊留余風流捉麈高

江左月旦評詩勝，汝南長日箸書深。閉戶草堂蕭冷似僧龕。

七疊韻論詩邀叔伊書蘅和

詩壇一杜擬瞿曇，王李謂王維李白纔堪左右驂。衆妙合爲衆香國，百家匯作百花潭。嘉隆七子承宏治，江左

三家敵嶺南。美雨歐風摧舊學，錦囊端合供花龕。

石遺作樊宗師歌索和次韻報之

二十始作鄉塾師，土硃瓦硯吾安之。三十始挂北扉籍，教坊傳唱龍標詩。四十出宰雲門縣。宜川在宋爲雲門縣

皇一任奪我池五換，大縣七被舉自慙。羊質蒙虎皮，先皇召見邇英殿。特達始受宣，仁知龍馭西巡。預帷

幄，白筆日可七制揮。爾時行京歌，雲漢兩宮旰食民。飢疲書生驟膺方岳，寄宮門朝夕聞疇咨。華夷輯睦

天下福，乾坤旋轉君相爲。媯簧軒鼎忽沈寂，巨備藩翰嗟衰遲。一朝寶位禪齊民，天子下殿泣且悲。朝市

晝見猓兪虎，山澤夜嘯魍魎。夔五胡雲擾無此烈，卽今國難稍清夷。三年耆舊聚黃浦，松陵酬唱樂我飢。

詞場角逐五十載，推排遂忝牛耳。持平生師友，盡尊宿。晚歲獲交陳石遺，石遺於學無不邃。太阿出匣當

者誰？河岳蟠胸作根底，風霆入筆驅文詞。貽我新刻十二卷，歸方復生無詆諆。日下相逢笑開口，襲美復

得偕天隨。長歌贈我我顏汗，先生之言無乃欺。子瞻乃效庭堅體。來詩自云效樊山體終然黃汝高戎宜君五十二

孔文舉我六十九傳修期竹林真有沈醉阮麥秀莫效伴狂箕諸夏無君臣何貳朝右况復優龐眉長安
大雪一晝夜金鵝鵲為白鷺絲閉門索句君家事慕三公者寧非癡上殿昨用故人禮嚴光無改羊裘披
歸來得詩即屬和老翁酣嬉猶童兒君不見神童今之太史慈兜鍪手戟不減神亭時謂石甫

摘句圖

織鈎漢玉螳螂碧細火宜鑪鶻鴿青陶七弟居室雅潔賦贈一首怨歌好唱公無渡轉語真成火不思子珍將出都小伶桐仙彈琵琶

為別悵然賦此白傅故多陳酒債荆公新改鄭花名歲暮待壽丈坐水東樓作宦跡縵瓠亭畔路詩名籲甄洞中人贈鄂獻之

豹啼時山笳折紙鳶斜處野棠開春日同栗園桐侯郊外行散佩聲夜夜金釵巷帽影朝朝錦帶橋寓杭十日湖上凡六七至必流連

盡日暮則入湧金門循金瀑流喧似彈箏峽山色明於畫扇峰雨後發新店賦示飄揚鐘聲松風裏穿鑿飲巷而歸湖上雜詩

亭臺石壁中聖水草黃太武擒昌縣雲白重華謁帝鄉距襄陵縣界十五里為堯廟有舜尙見碑秋水斜通

文正里樓在涑水西岸梅花不似武昌樓紅鶴樓在開喜縣水西門外每過西堂嫌夢短並非南浦亦魂銷晚陶子病來支枕

過梅雨客至開簾放藥煙病起喜雲生見舊箸春明朝退錄新成冬夜語兒箋歲暮寄懷柳如年張思

曼蘭是花中井大春春興示劉孝廉攜手蓬萊三學士銷魂天壤四嬋娟見孟東野詩酒罷復僧樂府可憐朱

漱玉舞人應是許飛瓊雪中觀劇世事漆圓方竹杖宦情蒸熟紫花梨感與前世為僧三竺寺古人尙友二微亭

秦秋伊丈歿已數年偶檢簡書可畏如炎暑詩境天然為晚霞六月朔日于役夜久繡簾長宰地雨涼銀

燭漸親人秋夜香巢營就剛棲燕畫舫修成祇欠帆居室西偏別構二首作畫定須磅礴羸稱詩何有畔

牢愁贈西屏屬其
真西山啓以齒雷德對師尙父館客笑之公曰
師尙父謂可師可尙可父也
上翁尙書八首
妾是珊瑚郎玉樹兄爲鸞鶯弟長離
寄仲弢
官舍別開羣
玉府君藏書法曹曾坐念珠廳君久在讞局畫淡詩濃香漠漠酒醒花睡雨疏疏春夜幕佐肯從流外辟

帥符仍帶侍中銜用韓魏公故事奉花如人面依然姣山傍妝樓分外青贈蘭卿爲子持杯歛笑吹茶

沫掩袖含嬌避燭煙無題潑茶風致宜濃笑待月闌干稱淡妝院有贈花名長八月是閨重三肌雪明螺

女鬢香沐麝是酒罷攜客聽西伶度曲寒生九月初三夜淚落雙文第二書得吳中消息肘左垂楊秋後

愈君嘗病臂掌中春草夜來生幸黃遜掌制誥夢掌中生草憂國重聽金雁雨愛才多植玉蟬花宋子京

金隨手盡月華似水滿身流月下羣飲示香花禮拜詩天子唐王昌齡山水情移畫狀元明正德時江夏

節兩月以來差科雲擾午詞人自負張春水琴操知同范履霜寄遲菊老坡念佛放鸚鵡歐九待賓留

鯽魚戲效吳好雨似求無價寶微雲卽是有情天六月望白藕花如君子淡玉樽酒似聖人清伏日題陳

花畫障空身自喻芭蕉樹老眼全生蘭蕩花得彥清齋罷參香母吟餘翫綠君事東府有人譏媚相北門無

意作奴官四疊前韻寫親授大人龍伯號時方使仍爲丞相雁行官北史丞相司徒雁行而漫以鬱輪媚

公主似聞長笛賽婆官戊戌元旦同壽平觀古有三公知趙壹今無大俠似蘇雙八月四日招同竹簣爽

壽平北堯小集伯熙卽席用白公身是琴亭長寶氏寶書名畫拾遺十月既望過意栗里奚奴亦人子東

爽秋舊韻見示次答一首

近代詩鈔 樊增祥 七四五

山女妓亦蒼生排悶自憐關中手柳酒不及宣州漆栗蜜連日讀爽翁于湖文錄思有所作以抒景仰會公以大篇見示敬次來韻奉答久依劉表

非本志用杜襲事不負衛青惟此人爽翁贈于諫議詩自言效樊山體亦繼作吳體一篇殊不似漸西也僕射功名寧勝酒美人顏色不如書

唐詩臨鸞悔梳洗女亦繼作吳體一篇殊不似漸西也夜雨淋鈴雙眼淚長星勸酒萬年心晉陽首蛾眉自肖蛾眉月畫扇新圖畫扇峰三四

代實甫寄內鳥黃並入岐農藥青綠爭歸薛下門上定與夫子閑閑居士猶思趙笑笑先生可姓文二十五疊韻遣開不幸

滄浪比梅丈無聊蒙叟挾松圓蘇子美嘗曰平生不幸作詩破人比梅堯臣題廬山詩錄三疊韻東石甫一春何處無芳草萬事人間重晚

晴三疊韻酬副都二分美竹延朝爽百丈游絲駐午晴六疊韻東石甫李白平章妃子貌姚黃成就狀元詩七寶樓臺

成片段六朝金粉寫丰神八首目笑金荃姬妾草山谷詩香艸當姬妾意輕紅杏狀元花再詠姑射月明看聚雪華

清春暖洗凝脂玉蕊花堪素丞相楊枝舞為白尙書一世未逢青女面百花都是素王臣白牡丹比鄰鵝鴨

無煩惱舊韻塵麈有和章見田山蓋移居詩顧五居南柳巷與夏編修鄰並夏典粵試去顧即移居其宅戲贈法家雅重申不害儉人誓斬曹無

傷石甫疊坡韻見論再疊韻報之併謝惠紙一采洋川雲母竹再寥用里水晶蘭芝一名水晶蘭三疊韻寄淇泉王龍標壁誰同畫李鶴年歌

不忍聽石甫月自花南轉花北星如瓜蒂接瓜臍北斗如瓜蒂南斗如瓜臍種成奕世科名樹記

取江南掌故花題楊守默先生采菊圖晚唐瘦句拈無可東海殘碑訪不空疊韻前韻墨竹換詩詩換蟹畫松如篆篆

如龍兒輩初學屬對余出云墨竹換梅邊撲簌疑花落松頂停凝當鶴看開歲五日小達顛張春草足嶽奇西堂春興以執金吾期仲路將長生藥鑄顏淵上張宮保對坐荷風吹酒面閒吟水調換

歌頭六疊前韻平鋪蕉葉為歌席收合楊花作枕頭七疊韻志感鳳凰雖老猶紅尾鷗鷺初生便白頭容

歌頭六疊前韻平鋪蕉葉為歌席收合楊花作枕頭七疊韻志感鳳凰雖老猶紅尾鷗鷺初生便白頭容

歌頭六疊前韻平鋪蕉葉為歌席收合楊花作枕頭七疊韻志感鳳凰雖老猶紅尾鷗鷺初生便白頭容

有立談登兩府佛言彈指現層樓八疊韻簡何副都低著帽簷三寸屋寬留胸氣一條街見靈樞湖上小極偶書近觀江

表英雄傳重作幽燕老將行京尹次答前韻再和憂危屢和飛龍引譏切常多猛虎行疊前韻論詩呈濤園子封晦若亦元不辨兩家

綠楊樹合爲一本紫荆花余到京寓四牌樓十二巷內兄令竹延夫婦繡漪姊妹與余同居起居服食與在家無異別後感念而作是詩豎拂自稱木上座插花

卽用水中丞消夏四首長留天地惟巢父不廢江河有駱丞佳也四疊韻答謝難爲黃祖腹中語肯斫朱溫

柳下頭寄慰石甫官牘宜師宋文鑑兒書添課楚詞燈午窗卽事限燈字韻徙倚玉階生白露徘徊河漢澹微雲早秋寫懷七疊

消夏若到台司全勝我恨無官職可酬君送敬之權盤白河幕職汝勝酸棗尉蘇邁尉酸棗勞生吾亦苦瓜僧題家書後示庶

並寄照象論交弟范兄司馬問事今琳古仲舒懷述清風入戶佳於客小雨沾花貴甚珠梁燕不候虛紫領池蓮

生子盡黃鬚蟻如偶語原無禁蝶總雙飛較有情前題袍靴對客誠多事裸袒驕人亦不情用謝靈運事疊前韻

紅蓮落瓣房房子玉雁成行字字人仲秋進退格論史莫輕小司馬注莊還愛太宗師偶然作人無畫裏無人畫

某遺老作畫不畫人間之則曰世豈復有人耶今其畫罕見我有詩中有我詩三疊前韻遺興兒喜生書熟師言苦菜甘題家塾

盛 昱

昱字伯希號韻蒔滿洲宗室光緒丁丑進士官國子監祭酒有鬱華閣詩

石遺室詩話韻蒔詩興趣不及偶齋書卷時復過之題補萬柳堂圖作爲女真蒙古各族占身

分歸怨南安其說甚辯然當日甘言易入逆耳難從南安意存報漢非錢謙益等所能夢見但孔子想慕大同故春秋之義更有進者詩中如歎諫諸韻皆傷哉言之則賤韻又非人弓人得之見矣杜鵑行第四句論未持平永貞劉柳擬亦不論八司馬未陷大辟亦非與人骨肉事

題廉惠卿補萬柳堂圖

北人入中土始自黃炎戰營衛無常處行國俗未變淳維王故地不同不啻竄長城絕來往啞啞南北雁耕牧風俗殊壤地咫尺判李唐一代賢代北殷士裸遼金干戈與烏索主奴怨真人鐵木真一怒九州奠畏吾廉孟子秀出中州彥煙波萬柳堂裙屐新荷讎詩書澤最長胡越形無間色目多賢才耦俱散州縣中州石田集淮上廷心傳終憐右榜人不敵怯薛健臺閣無仁賢天下遂畔亂沙頓亦名家淒涼歸舊院文正孔子戒哲人有先見至今食舊德士族江南冠孝廉尤絕特翩翩富文翰薄宦住京師故國喬木戀堂移柳尚存憔悴草橋畔當年歌驟雨今日車飛電繪圖屬我題使我生健羨捉筆意酸辛鋪卷淚凝霰我朝起東方出震日方且較似卻特家文治尤紕縵豈當有彼我柯葉九州徧小哉洪南安強分滿蒙漢闡蘭生齒繁農獵本業斷計臣折扣餘一兵錢一串飲泣持還家當差贖弓箭乞食不宿飽弊衣那蔽骭壯夫猶可說市門嬌女歎奴才恣揮霍一筵金大萬津門德國兵饜餽八兩半從龍百戰餘幽熱同此難異學既公言邪會真隱患與凱入彼界鐵軌松花岸北歸與南渡故事皆虛願聖人方在御草茅誰大諫起我黃帝胄驅彼白種賤大破旗漢界謀生皆任便能使手足寬轉可頭目捍易世不可言當時亦清晏

武肅墳上松百畝垂條幹萬柳補成陰春城綠一片載酒詩人游嘉樹兩家壇

杜鵑行哀楊生也

天津橋上秋風起白衣少年佐天子翻雲覆雨驟雷霆竟與逆人同日死死竟無名世尙疑朝衣倉卒就刑時似聞唐代永貞際劉柳諸人有獄詞經史蟠胸掌固熟鼈氏未誅蘇氏族歸隱泉明奔姊喪解官亦欲持兄服隱忍徘徊戀主恩主恩深厚敢深論茂陵遺藁分明在異議篇篇血淚痕劇憐六館誇高弟亦復城南飲文字黃漱李仲當時皆偉人與爾論交折年輩萬里魂歸蜀道難觚稜曉日自年年杜陵漫灑雲安淚從此西州有杜鵑

丁酉歲杪爽秋觀察寄所刻叢書及所著文集來書云赤縣困窮九流混濁終當引去重感其意

四疊與雲門倡和韻敬以奉報不干時事亦無標榜不過刺取所惠書名如千里之賦一塵爾

阿修抗議記袁安幾載烽烟失馬韓獅象不流金界水鼈魚新置鍊橋官自興安至三韓東西巨流止一混同朱蒙以弓擊水卽此是也

虛名色目臣唐兀異姓林牙據拔寒太息東溟波浪惡嚴灘歸釣亦殊難

衛藏通志蠻書吉林外紀黑龍江外記寧古塔紀略元親征錄

秘史注湛然居士集嚴州圖經景定嚴州續志

經籍如今合表揚縱橫名墨太猖狂術家日日占兵忌醫匠紛紛變古方司馬文章皆粟帛臥龍終始在耕桑那容一舸便歸去村舍漸西烟水鄉

經籍舉要尊經閣祀典錄汪氏兵學三種太素齊民要術農桑輯要相雨經及爽秋所著文集

王仁東

仁東字旭莊福建閩縣人光緒丙子舉人官江南鹽巡道有完巢贖稿

悼亡

月圓花好最相思又是花殘月缺時
卿慣遲眠儂早起半生形影半參差
去夏觀荷泛小舟與君攜手說重游
那期歸去西湖寺門外白蓮相對愁
短吟唧唧比秋蟲三十學詩尙未工
却勝寫真不是爲留遺照數篇中

定慧寺觀寶竹坡遺帶

頻年忍痛潤州過今昔存亡感若何
國事竟隨人事改酒痕不敵淚痕多
棟梁已朽無完瓦隴畝何知竟
倒戈猶見竹坡留帶在焦岩重至幾摩挲

春意 和肖輪韻

逝水韶光盛會難乍晴乍雨意闌珊
籬邊堆雪梅初落牆外餘霞杏又殘
社酒可賒思共醉春衣欲試怯
輕寒勝遊已爽郊垌約萬紫千紅眼倦看

喜雨寄緘兒

矮簷淋汗對驕陽盛夏炎威不可當破壁透風居室陋踏車引水課農忙雷聲震起歡心動雨勢滂沱夜
氣涼寄語阿絨耐艱苦秋成預卜歲豐穰

愚園過洪鷺汀故居感賦

淒涼重過故人廬苦茗澆胸鬱不舒晝靜名園遊客少天寒老樹着花疏別來君竟長眠去亂後吾猶短
髮梳舊雨晨星寥落甚凭闌春色滿庭除

佚題

胡漢恩知自淺深莒敖往事久沉吟錢王獨義羅昭諫不以唐亡有怨心

舒文王明妃曲漢恩自淺胡自深人生樂在相知心宋人極詆

以爲悖義王阮亭國士橋詩如聞柱厲井死報莒敖公自云可以敦薄羅昭諫勸武肅討賊武肅以昭諫不遇于唐必有怨心及聞其言心義之數事皆足爲易五詩證

徐園卽事步乙盦韻

枰設方敲子琴懸未拂絃深藏魚避熱孤立鶴忘年客枕惺忪夢鄰炊斷續烟沉吟疑隔世相悟靜中禪

直廬補成一律錄呈海藏

五年三度送君行秋思侵尋別思縈肝膽向人知寡合頭顱似我愧無成冷官祿薄資升斗壯歲情親只
弟兄尙喜難馴龍性在不因身世感勞生

林 最

最原名如玉字希村福建侯官人光緒己卯舉人官浙江候補知縣

虞山弔錢宗伯

倉皇同志有忻城鐵騎橫江把臂行愁殺石城閒草木當年親見褚淵生

賦得莫愁湖鴛鴦

笙歌艇子破愁圍載得王昌緩緩歸左右成行三十六一湖春水落花肥

顧印愚

印愚字印伯號所持又號塞向翁四川華陽人光緒己卯舉人官湖北知縣

石遺室詩話印伯與楊叔嶠同爲張文襄入室弟子余識之二十年惟見其飲酒作字鬪詩鐘
未見其爲詩梁節菴以爲工晚唐體今觀其門人程穆菴所輯手彙皆宋人語也

答洛生七弟汴梁見懷十首兼懷桂生豫生陳生 錄九

洛生七弟書來言辛亥歲秋後與桂生八弟會於汴梁賦詩見懷以那知風雨夜復此對牀眠
爲韻依韻報之

別難序邊更書阻愁無那江湖徹關塞天地入兵火一炬豈由人百罹
逝逢我冥行安得塗枝梧自右左
避兵古亦有蹈地奚擇可蹙蹙俛仰閒臨臬付危坐

昔別記何許庭葉初辭枝袖中故人書遲爾還山期酌酒雙玉龜侑以閒山詩念爾賢隱莊水竹可娛嬉

洛生卜葬叔父母於信陽山中地名賢隱頗饒水竹山中難久留歲晚情悽其一別成四愁當前寧預知

披襟同庶人楚客誇雄風秋飈動七澤激蕩蘭臺宮鏘鏘金鐵鳴燒壁蒸天紅潭窟舞支祈柱維觸共工
樓船不可濟橫鎖江流中鵠礮萬雷霆危堞支秋蓬蕭蕭閉環堵霜葉圍書叢延喘且復夕飢凍餘禿翁
檐角揅夜霜硝丸墮如雨頗賴近社安徹宵聽更鼓武昌城中保安社比戶釀錢鳩丁每夕柝聲遠舍不絕槍噉聲亦不絕橫飛迭落幸未穿屋而下聞柝則知近街中尙無警又一夕荷免也幼孫芝苗七歲食息且棟宇脫衣易升斗鹽薪亦悉數稍儲旬日糧餘事

委聳警柙中殘字在捫腹餒自煮

嚴城數調諜魚雁無憑藉百日斷消息沈沈井中夜晝江限衣帶南北備無罅遠念梁宋遊阻兵安稅駕

孰謂舍弟來相望僅一舍信使梗連營此情足哀訖知狀歲已遷回省淚餘瀉桂生弟去年九月中從北軍幕府來曾駐蕭家港者

旬日爾時江漢分塹一紙莫傳但聞之道路略知老兄在圍城中舉家未出走耳今春書來乃具道之

閉塞知成冬天道罔不復江春度梅柳漸喜通書牘生存幾親舊慰問逮幽獨頽齡人閱世往跡岸爲谷

諸弟審所在觀穎各寄蠲老去歌急難看雲淚相續得報歸陸渾敢望守杜曲何時會江陵言就草堂宿
同谷飢拾橡哀歌懷弟妹詩稱吾家事奔竄未忍廢耽吟亦何苦漫與寄憂懷他鄉各異縣時運迭更代
宦學本無殖漂蕩復誰憇稍覬闕爭息書冊二贏載略綴孤中筆學種東坡菜四海吾子由白髮晚相對
庸敬以吾長肩隨聯雁行于今五兄弟各瘦何人強豫也來自申同我奉高堂豫生九弟與予同有老母頃來游武漢問陳也
同兄居康生十弟從洛生居汴中桂也方北翔桂生在京師手附黃耳書心知白眉良玉山亦何有璞稿餘荒涼聊從漉葛
巾劣許穿藜牀

浣花歸無堂陽羨居無田歲歲籬下寄矧茲燕幕懸聞君說賢隱丙舍依牛眠山鄰頗愿朴水木尤靜娟
旁舍種種穉可冀營數椽曩愛何信陽出手明月篇有斐追初唐秀奪徐李邊退居所結廬想像帶林泉
誅茅庾就宋或者宿昔緣對老不任耕課讀能勉旃宗文遣樹柵信行甯水聯庶吟下澗穫與子安餘年
辛亥歲秋分以還至於長至小寒百許日間墊處一室涇薪煨突毳裘獨擁閉關偃仰書藁中時
復頌酒讀幽風之詩曰塞向謹戶入此室處時乎時乎所爲閉塞而成冬乎乃榜室曰塞向宦
亦自署曰塞向翁題以四韻貽知翁者

牀下先知從蟋蟀卷端服息數蟬魚嚮明豁眼應無分投老盟心有此居幕席解醒千日酒丹鉛留蛻一
盒書江春儘力迴天地淨掃知聞付夢餘此詩爲辛亥在武昌圍城之作

辛亥嘉平先立春一日得穆庵書賦盒並寄十髮翁

九面隨帆望復重，手書珍重臘前封。即看好語迴春色，正憶相留到曉鐘。長路尙迂花石戍，全家擬向翠微峯。臥游愜賞風期永，賴侍傳香大小宗。

次韻奉會十髮翁酬穆庵寄和之作

二寺松門幾揜重，橘洲田土亞侯封。友于花鳥扶斑白，天性山林遠鼎鐘。元亮巾車娛近局，道昭題字炯雲峰。石巢去年曾集納于大麓藏之名山二語書刻嶽麓山堂竹林迴謝濤戎意，只索阿咸款嗣宗。

題程穆庵石巢讀書圖

帶草縈書石聽詩，舊安巢處鳳棲枝。穎居叔黨能爲賦，籀注游秦早決疑。佳日林亭良不負，清秋篇什最相思。打鐘掃地尋常事，過客光陰讀畫時。

寄程默叟

二十年來友公擇，山中知有野夫兄。對牀聽雨交晚歲，老屋讀書無世情。六秩開筵吟白傅，五男好學勝淵明。石巢客醉題詩去，南斗孤懸湘水清。

寄張亞曼海上

客訊譌隨藥地羣，手書省睇歲星君。金門往日真遊戲，桐館何時緝放紛。受姓如聞理寒石，投牋莫擬范希文。且煩海上邀青鳥，迴向山中話白雲。

病中岳二兄朝夕臨過兼聞鄉訊感賦

病榻來過風雨交應時不已自嗜嚙萬竿惡竹誰從斫一曲清江莫定巢天上虛傳清暑殿人間寧有孟城坳側身四望歸無所聯句城南豈愈郊

答洛生七弟見懷之作次韻

當年大母煦諸孫今我生孫解候門無以爲家行未已不遑將母疚難言夢中俛仰何身世病裏扶攜倚弟昆還見新詩獻康樂鳴翁春草得重論

岳鳳吾兄見示羅鵬孫東鄉來書感謝

兩鵬孫值白鹽隈丙戌春下峽事三十年間首重回歡泣相逢巢鳳隔瘡痍彌望峽嶺哀郵籤尙許鄉書達檀布空愁織杼灰若問枯櫬兼病榻鄰非兵入總燒摧

此日一首

極知此日足可惜頗恨故人期不來况是垂帷又風雨不能與月共尊疊繞枝烏鵲愁三匝獨夜絲桐動七哀息息博山心字印溫磨香炷莫成灰

辛亥歲長至小寒節間羅四峯兄每從漢皋還菱湖樓居輒過敝寓留連置酒不減杜甫之於蘇端也

寄愁埋照月三弦過隙沉沉井底天誰道夢中猶識路劇憐寒盡不知年渡江名士仍流寓飛矢行人未解懸枉愛蘇端能數過雞鳴風雨濁醪前

贈黃鹿泉翁卽次原韻

雙井詩翁老不癯，竭來酒舫石魚湖。訪碑遠及高峴館，據几新題雅集圖。有味清言傾麈尾，未勞拄頰置魚鬚。麓山物色分留在，十髮相將趁一壺。此石巢本事也。

岷江一首

鶻濫鵝村注，脈搖西波東。漸畫南條海，門組練樓船。入蜀陣風雲，石薊標郭賦。臣唐人代改，禹書匯漾地。形遙巴流學，字郵無字望。盡吳船萬里橋。

得節盦海上書却寄

代不數人能幾見，去去江空歲年晚。閉門一字不堪煮，無補費神詩作塞。西風盡夕城滿塵，帶水沸潮消息斷。十七柳凋十桂爨，更問菱湖與桐館。風花一瞥旋成毀，那及黃樓醜魏衍。書來海上如說夢，自在人間已枯菀。斷雲含雨向何許，淚眼不晴天不管。布衣許身老轉拙，失計殘年難飽飯。履綦故蹊綠苔滿，子寧不來夢當返。小別千年萬山遠。

晚眺明月橋南石步間偶題

沙坪殘草伏，雖雙明月杯。湖帶石缸我酌長，瓢從漫叟天然祕。色舊雞缸。

過景桓樓故址感賦

景桓樓角織烏寒，鐘漏音沉壁畫殘。寧省獨來迷處所，記從高處凭闌干。

重到京師感賦寄程穆厂

鳳城平日萃公車回首盧溝歲月賒
退谷儘容孫北海麓堂莫問李西涯
價留燈市前朝扇香散斜街曉
擔花賸與放翁評世味白頭騎馬客京華

李慈銘

慈銘字愛伯號蓴客浙江會稽人光緒庚辰進士官至監察御史有越縵堂集白華絳澗閣詩
石遺室詩話越縵身丁亂離遇復踏蹬而聲詩極乎和平不特不抑鬱牢愁亦並不矜才使氣
題詠金石書畫自其所長而閒情之作偶亦所喜

惆悵

戊申二月予此年作詩最多時喜效馮班袁枚半爲美人香草之作今存一首以見其略

畫堂南畔曲闌東柳下毵場盡日風
細草色從人去綠小桃花爲燕來紅
收簾院落釵聲裏燒燭樓臺雨
影中惆悵此情誰更見玉璫緘札總難通

初夏舟出徐山邨綠梅里尖之麓至清水閘二首

曲曲陂湖雨後行田居五月有餘清
稻苗風裏欹篷坐手卷農書聽水聲
梅里山尖眉翠新山前邨落樹爲鄰
綠陰夾岸林塘午一路蟬聲不見人

邨居雜感九首

局迹蓬蒿百感侵數椽老屋傍江潯賤貧半世生涯拙風雨荒齋歲月深難卜死生天定局與時憂樂我何心箸書射獵都無謂華髮蕭蕭學楚吟

牽錢隨例及窮門負郭田猶一頃存縱僅涓埃須竭力坐叨衣食總孤恩山中漸乏茅容饌殿上虛聞卜式尊惆悵君親成兩負侏儒飽粟更休論時郡官屢來索餉

感念今皇建極初綸言迭下免征輸民頑尙忍連羣盜廷議還聞斥重租廷臣有請加賦者上不許窮海波濤艱輓運諸方草木缺儲胥司農可更無劉晏宵旰何時得少紓

桂嶺千盤毒霧多養癰從此潰山河豈真小醜關妖讖誰使中軍祇雅歌周巡撫之琦鄭巡撫福琛相繼以名士帥桂管宗澤尙存寧至是謂林文忠重湘雖險待如何督師忍召鄉邦禍身後還應誓枕戈謂李文恭

洞庭千里氣蕭森殺伐愁連大地陰上相徒聞馳傳出全軍已報鑿舟沈蠻氛日夜蒸江漢鄂渚風煙閱古今一片塗膏問誰致祇應猿嘯答楓林

倉皇直下豫章城江上聞風潰列營沔口三旬餘劫火潯陽九派匯軍聲元戎已見奔單艦都護空勞集守兵約略諸君功罪際陷疆事重陷身輕

金陵翻手作潢池京口淮南勢莫支九道出師唐節度五胡假號漢旌旗時賊首偽稱明裔并無天塹憑江壘尙想留都伐罪時先後親征煩叔父賢王好繼繡裳詩時惠親王奉命統軍

聞說淮東斷麥苗黃巾乘勢揭竿招天輕民命火祲迸地入中原盜賊驕解散定勞分討策承平誰講禦
荒條天生李晟今非晚只在忠誠翊聖朝

側身天地一登臺極望東南事可哀流水自將遺恨下夕陽無數亂山來我生不幸值多故平世猶難容
廢材許國誰能信年少千秋人惜賈生才

孤山弔林處士

高人去千載遺址我重經不見梅如雪苔花滿地青湖山失真隱歲月有荒亭慨念昇平世東封願勒銘

書近况寄諸故人

八口饑寒四國兵未能將母況蒼生人經多故文章健事到難圖出處輕家世謝莊無老壽弟兄王楷盡
癡名一聯輕甲難消受不敢軍前請繫纓

十二日偕子九平子夜集蓉生家復與子九夜話

一年幾高會行樂故鄉寬酒到春宵煖談深月色寒賤貧知己少烽火別家難相對增悲感勞勞二鳥看

鑑湖柳枝詞

城南古迹已迢迢無復行人問舊條花落年年溪信到水聲還恨柳名橋

郡南門有柳橋爲昔人送別地
橋下通若耶溪春時常有落花

出流

湖雙邨畔綠絲絲正是同心綰結時但祝一生無別恨年年春社柳姑祠

偏門外十里有湖雙邨有柳姑祠沈約詩所謂山陰柳家女

也

九日寄雪鷗

越山雲物逼秋清，細雨黃花易得晴。
落葉與人爭野渡，斜陽隨雁下江城。
無多朋輩艱求食，如此窮途未悔名。
念爾閉門誰送酒，登臨應解遣遙情。

又用前韵寄凡公

結就蒲團世外清，花間寒梵裊初晴。
霜痕近水秋歸樹，山色連雲夜出城。
詩境含元參道氣，危時習懶借禪名。
打鐘掃地平生願，合向祇林證古情。

又次前韵寄東浦周氏兄弟

三間老屋水雲清，對臥桑麻課雨晴。
浦鳥帶波衝岸樹，漁帆如雪落江城。
宦途多厄聊充隱，世路招尤爲嗜名。
誰信登高能作賦，茱萸珍重弟兄情。

壬戌人日作

烽火倉黃裏，恩過立春前一日。
全家皆陷賊，今日尙爲人。
生死俱難遂，傳聞總未真。
東風將客淚，萬里達慈親。

癸亥生日作是日立春入曹視事

生日逢春至高堂，定慰情一官隨左戶。
隨始定左戶等廿載魯諸生，冗散初叨祿。
定制部曹學習諸員皆無俸惟戶部給養廉銀

鄉關漸息兵

是日邸鈔報
杭州垂克

況逢元始術家謂明
年交上元曆將母祝昇平

燈下讀爾雅偶題三絕句

郭注邢箋總不刊近來邵郝更精殫漢文博士何時復欲並三家立學官

名物山居靜可望光陰炳燭惜中年窮經更有陳京約補勘毛詩與鄭箋

時與德夫約明春結伴南歸德夫欲治毛詩予謂非先通雅詁

不能治
詩也

嚴寒入署戲詠二律示曹中諸君

小來粉署曳鳴珂負手茸裘祇自哦豈有朱儒因粟飽亦知星宿笑人多森森都是槐楊未了了無如令

史何賣卻鑑湖真底事一官那得抵漁蓑

畫諾虛勞問姓名綠莎廳少履葦聲低眉總覺輸公等捉鼻深慙動宦情誰信清流爭此地絕憐款段負

平生贊郎豈是相如意多爲凌雲賦未成

人日游廠市歸悼德夫作

去年人日無酒錢從君借書仰屋眠今年人日貧猶昔獨自題詩淚沾臆年年烟景開帝鄉黃塢吹徧春

風香孟公已化甕頭土從此人間無酒場洛市偶然障方麴俊馬高車怒相逐眼底紛紛此輩存撫棺誰

向城南哭凌雲一笑安在哉江南千樹梅花開夜夢邀君故山去對飲花前三百杯

人日寄曉湖

梅花人日草堂前久客逢春倍自憐
尙有天涯兄弟契幸過鄉里亂離年
酒香畫鼓邨頭社燈影青山客
裏船爲語東風歸計準南湖烟月占君先

花朝夜飲聽沈秋歌懷德夫兼示其弟邁夫縣令鵬

燠風明月趁今朝旅節傳杯不自謬
曲檻花光添酒豔小窗燈影向人嬌
交游已歎無陳重歌舞何能遣
沈翹又是窮涂同作達人間地下可憐宵

梅雨中至申江

茗芋情懷黯淡中熏衣生怕熟梅風
分明襟上離人淚併向今朝發酒紅

進杭州北關見湖上諸山

百戰臨安劫後塵湖山都換舊時身
多情只有黃妃塔猶自含烟待遠人

春初登鄂州城訪黃鶴樓遺址憩呂仙閣望夏口

翼際山東東滄浪四千里沔來入江沙
羨斗起拄其頷波濤萬古長春撞我生
浙東屬江委溯江直至夏
水汜三旬偃臥官齋寒忽地登臨白雲起
黃鶴仙人不可求禰衡李白貉一邱
江山俯仰百年盡人生何
地非浮漚何況烽烟莽城闕原野蒼
黃戰爭血中丞百戰荆榛開謂胡文忠公
留與吾曹攬風日隔江城郭多
酒樓萬家隱隱春燈稠一聲玉笛不知處
大笑題詩在上頭

發武昌明日渡沔登翼際山上晴川閣望鄂城寄張孝達編修之洞

客游欲歸不可遏一騎衝寒傍山出長江雨急飛片帆回首高城暮烟合今朝日霽筋骨強直呼筇蹠渡漢陽峩峩大別古翼際大別山漢志言在六安之安豐縣爲今光黃間地而漢口之山本名翼際水經注可證自元和郡縣志誤以此當大別而光黃間之山遂無可考邵南江諸君曾辨之上有傑閣凌空翔丹迴碧聳五雲轟下接洪波轉坤軸帆檣如薺履底來萬里端倪界吳蜀沅湘漢潯齊入江中流一髮相低昂朱闌突兀倚天半幾人撫此悲滄桑博望乘槎在何處一水盈盈隔東渡登高載酒無佳人獨立蒼茫不能賦吾儕天意重合并況復身賤輕遠行魯山孤塔斜陽落腸斷城中鼓角聲

題峴樵枌東老屋校韻圖

古人取韻緩清濁限方域世儒泥章句音義遂煩數長短齊人言輕重漢儒讀後出益紛拏圈發逞私欲梁陳講聲病強以四聲束高貴泉梁武卓識獨破俗奈此風會嚮浮華斲其樸眞倒言下上虛實昧秀宿綱乃切紂紅項改翻許綠燕說誰爲刊天籟反遭楛北宋家法存近守唐代躅丁賈皆經儒同志有洙王淑李十卷十二凡部別慎通獨怪繆偶地孫恂典刑未祧陸字不取類隔文亦參篇玉別體務蒼萃二音自聯屬雖病雅俗殺尤多形體復觀過宜知仁多文在富蓄誰歟妄兼并畫部成百六疵議叢淵剗始實文郁金王文郁平水新刊韻略出於正大六年已并二百六部爲一百六部先於南宋劉淵活新刊禮部韻略二十四年又上聲已去拯韻亦非始陰時夫也國朝勇復古亭林首張目十部至廿一研析遞繁縟經子務博證集矢徧吳越入聲互割配頭脯強接續其意或過通往往見違觸之脂支必分元魂痕當副無錫與儀徵雅冀古騷復無錫秦文恭嘗以江戴兩君言元與魂痕當依三百篇析爲二眞殷當從唐人同用上聲拯去聲證當分出獨用上疏請刊正韻書阮文達取段氏之脂支羣經楚辭分三部之說欲并廣韻定爲古韻廿一部爲作古辭賦者之用昌言終未行習非徒嫁媿蒙嘗發

狂論吹萬貴抱蜀雙聲本天機造化具宮籟六書半形聲偏旁不相黷持此兩大端如宗合其族一壘塵
徑蕪兼通絕津軸霓蜺枉分別頗陂免點辱屢欲勒一書私以詔家塾病懶輟觚翰家貧艱畢牘羨君勤
箸述榆陰掩深屋朝夕羅丹鉛雅詁盡纂錄體乃方密之通雅吳山夫殊義與朱黷儀駢雅夏味堂拾雅足簡鍊比治兵
爬梳類折獄卽覘經濟優豈爲盤錯此圖便千秋雕蟲等奴僕

自題霞川老屋圖

我家世在城西居翰林吳君爲績圖長安塵沙正眯眼突兀忽見先人廬二百年來有此屋東南斜抱兩

河曲先宅本臨橫河後益南開途俯直河城邊綠樹萬家烟橋畔朱樓百竿竹橫河北絕官瀆流烟波浩淼無春秋鷗鳧四

散不知處鳴榔往往聞漁舟直河西接錢青水迤邐長流百餘里估帆日夜排檣來豔說霞川一灣綺蓬

萊驛路清風多連雲綽楔垂女蘿會龍尙記前朝事宋理宗潛龍事詳予所作會龍橋歌臥虹不絕行人歌放翁詩行歌先

人辛苦一廛寄舊德清門子孫庇規制樸陋無敢增宗族環居莫輕棄幼騎竹馬攜短童東眷西眷隨所

從鵝鴨時鬧比鄰塾紙鴛閒趁陂塘風最憶讀書一弓地楊柳臨池澆窗翠擁卷隨時倚樹吟洗研呼儔

捉魚戲我生三十行適燕滄海橫溢無愚賢馬蕃亦逐賈區盡桑柘一例隨飛烟歸來城郭都非舊到岸

牽船暫相就新豐門巷何處尋安仁故第從誰售海燕年年繞屋飛夢中圖畫是耶非多情惟有霞川水

日望行人萬里歸

孟鼎銘拓本爲伯寅侍郎賦二首

粲粲孟鼎銘吳子苾閣學陳壽卿編修考已備侍郎精古籀抉摘無遺義我所三摩娑尤在玫瑰字銘文玫王三見

加玉於古無可徵請更對以意呂伋諡丁公說文作訂誼丁癸本殷號周人始制諡偏旁隨事增古蓋有

斯例唐虞及三代以玉供神事大夫有石室郊宗詳其制王公常用玉疑非起後世諡爲作主用加玉所

以志此乃真古文千鈞一髮系寄語一孔儒播舌莫詫異說文所引訂公蓋出左傳微福於太公丁公句

也

所貴金石文爲可證故書佚事或剏獲小學猶其餘茲鼎鄭重言宗周王命孟錫以鬯一卣黻冕車旗俱

邦司四百人僕馭至庶夫皆銘中語是當爲重臣何以名泯如成王廿三祀銘末云唯王二十又三祀以其文

亦稱祀蓋周初尚沿殷時之語則當爲成王廿三年無疑也警酒資許謨銘中有無敢醜等語初疑武之穆孟本可通邗左傳邗晉應韓武

以邗侯與伯禽呂攸同列五等邗後入晉爲邗邑亦作然此述王命豈容以國呼又疑孟子借唐叔字子

孟韓非子有孟獻伯與叔向同時邗即今山西孟縣也

子然曰祖南公世系難強誣銘中三稱班表有邗叔時地亦未殊人表又有邗叔在第其人又無攷傳會

滋成愚祝雍與陶叔一例同嗟吁大戴公冠禮云周公使祝雍祝王左傳定四年云陶仰屋徒自笑秋風

在庭梧

齊子仲姜罇二首爲鄭盦賦同治初年出山西榮河縣銘共百七十二字首曰魯王五

我讀齊罇文書闕乏左證獨取聖祚字古誼藉以正親劬備考妣從女疑非敬說文有祚字乃訓祀司命

此文兩皇祚配祖義相應文有曰皇祖聖叔皇祖聖姜皇祖又幸得三代物可與浚長諍左傳有聲姜公

羊乃作聖聖聲字本通俱從耳能聽白虎通聖者通也聲也風俗附會不生國諡法未可凭周書諡法解

曰聲蓋不足信聖之訓為睿義亦同善令聖叔與聖姜茲文非假倩以此裨雅說博搜儻非病

齊景賜晏子卹殿鄙六十或謂卽都昌先為丑父邑本齊乘說此曰驥叔孫讎疑逢之別下述侯氏命錫邑三

百室其外邑又九加田進以律卹獨兼都鄙古文猶可識文有云疾氏易之邑二百又九十又九邑與

例說卽卹字訓者比之異文說文比古文作赫此略變耳錫之邑二百又九十者君也易卽錫也此金文通

分賜公孫免餘邑六十辭曰惟卿備百邑者謂十室之邑二百也卹千室左傳晉景公賞中行桓

子狄臣千室論語所謂千室之邑千室其田萬疇疇一鐘則祿萬鐘矣此大國之上卿也餘則九百七

三百不等此云錫邑二百又九十如以邑數則倍上卿三矣既無此制且一國之地得邑幾何故知是以

禮司助所謂加田也至都鄙者謂全邑也古者賜采地田與邑殊列卿田祿萬鐘賦粟有定則邑乃出特

賜置宰守宗祏用以旌殊功歸老為世及左傳公賜季友汶陽之田及費此田與邑之別春秋若季氏之

沃趙氏之晉陽畢萬之魏衛孫氏之戚齊管氏之小穀皆以功特賜邑為世守置宗廟盡食其境自設私

宰臣其人民至戰國若田文之薛甘茂之樗里皆是也逢丑父蓋以素之功賜邑於卹故盡有都鄙後賜

晏子者或其鄙之餘也意者逢丑父惠叔名是易故云勞齊邦子孫食其績文有云惠叔有刻畫頗曼患吾黨重蓋

京邸冬夜讀書四首

日入夜氣定皓月當窗隅晷短課常緇蠶燭還讀書插架雖無多擇經頗有餘意專生默悟力猛忘前紆
隨時理舊業道一無岐趨禮為六執本名物尤根株此事未剖析安足名為儒所苦乏記憶一密嫌百疏
深思始知艱博搜乃愈殊亦或遇創獲孤怡慰積補閒復及百家流覽息我劬有生秉孤尚誰能惑他塗

庭樹葉盡落上承月與霜銀燭與相映內外通清光茶鑪養餘火風簾敞虛廊曠然無一物星斗在我旁
遂覺肺腑瑩清新發文章嘯詠一俛仰天地相低昂豈不患飢餓明晨尙無糧此樂足予餉進修安其常
霜厚宿鳥噤吾亦夢禮笙

街頭叫賣物果餌醜餠雜以乞兒呼月慘聲彌高驅車忽雷動隱轡一何驕上者走貴要次亦競酒肴
苦樂雖云別身心同其勞亦有就鐙火高視羣兒曹搖頭誦帖括攘臂談風騷生死藁髣髴吐納儕鱗鱗
其閒稍才俊大言益囂囂碑攤漢魏字器列商周朝問以五經目茫然墮雲霄人憐不自惡噉名忘中枵
在冉歲華逝姓氏吹枯蒿同有此夜月萬竅爭謹號閉門不相聞凍竹風蕭蕭

昨日中旨下率錢修離宮讀詔私太息此舉宜從容聖人秉純孝不暇權始終長樂樓百尺積慶花千重
取足天下養承歡良無窮四海幸平壹物力猶未充島夷怙羣醜鼯睡長安中誠宜法文景勵治威諸戎
安可舍禁鑰危照甘泉烽臺疏閒一上未得回宸衷賢傳造辟言主德本至聰豈不念民瘼何難罷新豐
事關國根本連章期諸公冗官未食祿涕淚徒沾胸伏闕詎可效草奏誰爲通負此讀書力僅爭章句功
漆室夜深議四顧無子同

題燕子箋後絕句

變相重登點將壇此才真似沒遮闌笑他浪子錢紅豆同演明妃雉尾冠

袁昶

昶字爽秋浙江桐廬人光緒庚辰進士官至太常寺卿追諡忠節有漸西邨人集

石遺室詩話爽秋詩根柢鮑謝而用事遺詞力求僻澀則純於祧唐抱宋者句如日鑄半甌南

埭汲風濤八尺北窗涼神禹久思窮亥步孔融真遺案丁零大千人爲物之盜自注爲母猴也故對實字

二辰蟲如是觀此例甚多

北游詩五章

金山東西林

國語山曰阿林與安嶺我之東金山阿爾泰山則西金山也

鍊山三千區繫中國之利毒天下有餘鹽鐵古有論治官職

常輸昨來析津口官船敗沙淤估胡造大舶瑾若黃金塗彼挾有利器豈我武庫無動營管商者拘替何其愚

亭林疏布士其氣雄萬夫當其十三陵杜鵑拜何劬每慕文淵牧曠莽林野娛昏谷量牛羊世事百不如名恥登薦牘迹則淹神都晚息華陰機茲亦栖精廬遺迹城西寺濁醪薦雙壺溪毛懷近躅冷洽何與朱

慈仁寺顧先生祠堂

南州春已闌北平春方始妍妍杏花繁吐秀殊可喜黃沙白雪中對之光蕤蕤西山向我笑粲然有心理

館宇非一區烟嵐凝暮紫願結公超廬巖陰或成市

和胡景曾

昨客淮南今菊北逢君園徑糝槐花一流垂盡才無賴十上空勞遇尙賒
河朔樽徒連雨飲漁陽鼓已落
飄颻何方借得新巢住且入長楊聽曙鴉時予得中正榜仍報罷以訾爲聞據

和李愛伯臺郎移居

槐樹斜街朱老宅藤花古屋阮翁居主盟結社今誰屬刺齒持梁總不如
檐竹好移金環碎研池更挈玉
蟾蜍莫嫌郎署浮沈久會起通儒議石渠

先生讀易注騷處越國才應抗蜀才室有奇書排錦暉門無雜客繡蒼苔
草玄不待丹吾轂枕麴何妨壘
汝臺幾日掉頭柯水去誅茅歸傍小蓬萊

簡孺初五六七言斷句

僂耳居無僂石枝官日出枝言海山歸棹何處虛室微明自溫

隣寺

奇情不在山好景不在水此寺獨於塵壚中辦作蕭然出塵理夢迴月澹樹陰移
微鐘忽度青松枝蒼茫
危坐不肯曙兔角焦芽何所思

書慈仁寺壁

風中竹笑折腰吏壁上蝸隨行脚僧去固無心住亦好俗猶未免道何能鉤鶻雨喚如村鷓鴣沸茶圓倚瘦藤一出山門塵隱隱誰辭赤阪蹋增冰

李萼老家藤花盛開

窮官半畝宮例占藤陰翠瓏瓏靖安坊

韓文公有偶坐藤樹下詩公第在長安靖安里

簇簇海波寺

何以償蕉萃空中雨瓔珞纈眼相慰媚何用萬年筇餐霞赤城戲

竹垞有以天台萬年寺藤杖贈尤悔庵詩

春華夏得蔭几簾

供位寘不知誰手遺蟠鬱欣得地定有澹蕩人情哉漫

平聲

鏤字離樓松枝撐四角蒼官植天然青油幔倒

冒綠毛使雨餘風日美落英亦可餌崖蜂抱香去蜜熟病兩翅佳人怨寂寞紅迸唾壺淚招君薤葉書步虛辭玉筍盎然釀古春會合判一醉竹鱸兼茗椀解作一生事倦枕含風漪飢餐虹景祕前韓後朱十狂慧謝軒輕今花發古妍依倚湛冥吏紛紛幾開落朱顏駐童穉會當理輕策招隱叩石簣付與好事人編排入坊志

招松岑明日游花市斜街

唐人除謫如奕碁朝來解龜暮牽絲今時曹掾局過冷磊塊不食如枯龜况我與君後時者不登奕譜尤駢枝雁行抱牘吏睨署鼠壤棄蔬馵責辭先生兀坐屋穿漏出則邀子相諧嬰耕桑近郊計良得蹲鴟求田亦非宜廣陽傲寒殘白菊妖歌慢舞肯一卮霜風謾謾稿未落香不中鯢餐泄脾豈知根柢雜牡菽那有實好齊瓊蕤貴人金多尙輦取鄙泉叟笑陶翁嗤君今準衣稀得酒叢叢深色傾無訾城西井甘昊天

寺竹垞卜築槐街詩

朱錫嘯先生移居槐樹斜街詩有一事新來差勝舊昊天寺近井泉甘之句近壽陽

故實花時爛漫不一顧雪落泥泥長年悲房深窳陽屋關唐烘馬勃牛溲治從來糞壤出芝菌況乃南

方草木羅紛披不論銜子遲黃鵠且欲敲醉白接羅平明荷鍤待老阮醉則投劾請監祠

贈李蓴老

笠簷生事查初白草薦餘溫毛稗黃驪李風流故相似卜居何日割湖塘

君嘗作七居有卜築湖塘終焉之志其文甚跌宕

閒庭鳥下

醉吟隴種依蠻府疲隱蕭條強鷓鴣偶見空庭一鳥下忽思敲枕聽風灘

十月二十二日自復興集返北譙卽送薛夫子往秣陵兼問訊戴子高秀才

爰生錄錄少奇節乾笑依人似馬曹谷神行將師老嗇狀體久矣嗤韓豪朝入淮南山飲公玉色醪丈人
醜醜有真意年甫五十辭旌旄甯餐道士煮白石不與小兒舖濁糟超然脫去世議外坐畏苓矢煎蘭膏
出山同騎兩款段歷險不聘持韁牢西望芍陂東尉氏涂唐舊戍夷爲臬拔山之力困於此東城摺拉爲
劉薌平原燒枯出境墻古木鬣短垂松毛長途野飯不忍別舉手欲贈無錦條北譙茅茨眼中見野老爭
席廚童鬻晨餐過午吟至卯門前落葉埋牛尻少櫻浮榮作計誤壯悔雜學徒嚙嘈淺耕時虞鹵莽報碎
義復戒支離逃刑陰德陽三五運出律入禮三千條越鷄不足以語化梧鼠腹儉何由饕欲從夫子問涂
轍故技媿未捐檀槽尊經弟子屢常滿懸解咸釋吝與勞戴君名理日疏鑿如以清酌澆煩熬幾時相就

決滯義羣碎不數曹王髦危亭欲訪割青古傑閣每跋飛霞高裏糧衝雪渡江去雋辨一發新欄刀

地震詩

同治十一年六月壬申夜維揚地震連延數州先是五月甲申朔日有食之凡疇人推日食非正陽之月不爲菑故予默也踰月復有地震之異則爲菑矣時客揚州作是詩

同治壬申斗插未月十九日時初昏江都李氏行炙食酒生魄于巽裁逾辛徹雲積波光地地四壁如削邱昆命歡呼劇飲取喧鬧萬籟夕息癡龍蹲忽然地形齟齬起自東南屯始自戶外屢仄旋于金堂上蘭房千氣萬力搖天根墨翟嘗云纒閒虛纒閒果有禺強存禺強鳥身而人面負乎地絡之陽地絡之陰靜處天中央吾聞地德方以靜禺強何爲掉磬使側殃吾將筆禺強背則禺強足使其最屬潛伏藏又聞地勢橢員以動東南傾南海之神曰廣利國有中祀王胡不禁恠物祛貪狼土石下有精罔象與羶羊此皆小怪耳不足搖撼九地藏少讀李膺邛州事大蛇翻身陷土中天五之精生后土后土富媪何故使之窪掩隆春秋五地震齊楚宋魯邦咸鳴鼓攻社五兵廩黃壤賤陰而貴陽媪神遂豐穰又聞伏生言黃眚蚘黃祥木金水火四者來沴土一不勝四爲凶殃山胡爲而摧圮石胡爲而雷殛常羊報惠背陽躡通之維誰被彼不祥后皇地示方澤祀之泰折瘞帛燔柴配之黃后之府亦有大臣胡爲戰戰兢兢如冰冰而臨淵上不敢旼天俛不敢畫地任汝怪物齧地柱排天根重黎氏小臣涕泣于庭而言曰地行賤臣再捧后皇武且神皇地之示有災怖賤臣敢愛血灾身行將齶九關排金門九關虎豹當門居無由有小臣蹤小

臣涕泗走之南邦小臣力能撞大鐘考大鼓無由上徹明堂聽九地有四岳九天有三公三公上居帝左右拱衛泰壹紫微宮臣告三公公不汝從賤臣拊心不得通地下有共工口狃狃角轟轟張嘴銜來觸不周之山山爲塹天爲折河爲塞地爲裂羊馬膺血腥聞大都此是咸同年閒事利器輕示蛾與狐賤臣力薄不得除共工欲先去中國之蠹鵠咬之徒三蠶繆牙元氣亡其都三蠶旣塌除天清地復廓六螭扶屬車聖惠深厚如地高明如天得一以正乾之樞三五旣識職羣臣望之如天卽之如地右五緯左九區大開明堂筓角端握彗珠鏐赤縣尊黃圖又命南正重火正黎齊天下之不齊黎汝司地作右輔復命司空佐汝大麓風雨毋嫺迷益以神威四將軍號曰征鎮安平西伐材銅山握銅虎開府和闐及伊黎凡西之人崩角稽首歲在卯酉輸其羊酒高者高下者下彝歸彝夏歸夏各有人民不相娶嫁日三月成時月三日爲霸各各幽明晝夜刑誅惠赦叟顏如童兒蹶不暇男無寄緞女無逃嫁懷真抱樸治返于古日月在上燭火罷謝吾聞漢張衡解造地動精銅儀三公不覺衡知之衡心無由明驅向泰山而望所思吾聞齊有好太卜自言精誠能動之晏子心知之鉤在房心閒地動良由茲嬰心無由明臣昔經晏城欲以特豚春祠之二臣皆良齊漢之主未知之又聞歐羅巴人祿天九祿地九又測五緯之外新五大星地圓如大球五星爲球刑星觸球傷地且毀神鬼不得扶長人不得支撐天地日冥冥管仲能知地圓不能知大地如球形東有蒼色龍福惠爲汝名何不以牙角觸五星瀝五星宮毋使停南有赤翅烏嘴赤翼口啄大魚能食相柳肉不能味加五星使西驅中央大黃精鎮壓嵩高山下有后土祠汝行壘培九地之關西有

於菟鬻鬻背負太陰汝不能使五精實如墜雨踏于北而漱于南北有大乎龜七十二鑽無遺謀爾何不
沈五精于大冰海圖爾於旂爾毋差鉤陳爲羽林作衛于王家胡爲地動不自覺食于虎賁自委蛇房爲
天駟精驂服天閑無震驚胡爲踏地不自備嚙于王芻曳蹶行此皆內外官請皆鞭箠之臣請助殄除毋
令上天憂或謀以息壤鎮壓之毋干上天降罪尤小臣得告爲國舌喉二至閉關帝心簡休盅夷粹和神
明與伴道惠精剛砥平道周明陰法陽摧剛爲柔皇皇地祇永萬萬古無當罹天地中合四時調和內平
外成礪山帶河禹強之神來告曰媧皇令鼈負戴四維鼈性陰賊通于支祁意傾東南爲彼窟池誕育醜
類以民毒瘳帝命禹強以鼈磔死此仿翠眉公集二鬼詩非效盧仝徐積也

五君憶

從他佛說四天下信有騶談九大州佛說四天下騶談九大州戴集中句也一介戴生容不得真成天壤作詩囚德清生員戴君望

七歲拜公牀下立屢枉精廬賜新什富春詩老無復人贖有山靈貽石笈副貢生同里江文肇

禹迹荒陲不可航公能沿討杙微茫定林問道祛迷誤雪竹霜筠擁講堂少秋官六安吳公廷棟

公爲祭酒官書局戴記蒙曾預寫官老眼下籤刊落葉德人電逝爲襟彈編修道州何文紹基

嘉道中人君嗣作遺聞時入君屢隴匿藏萬卷多異本一一爬梳朱墨著舉人獨山莫丈夫芝

客坐

客坐能令吾喪我尸居不畏鶴嘲鵝腰金控紫須臾耳錄錄抱關寧汝訶下田居云鵝性頑而傲刺時也樂天有鶴贈鵝詩

街西一椽屋二首

街西一椽屋廣足傲瓜牛屋西一畝園天然好林邱云是勤敏營彬彬佳木修

直西有園黃左田尙書故居也今析爲四三家蔭

我屋翼涼朝昏得休休葉榮我知春葉脫我知秋猶存公手植光風灑和柔公少滯勁操晚榮恩遇優華簪挂朝籍豈足云菟裘緬懷退食暇把卷茶一甌竹几閣兩肘松磻豁羣眸清晨起危坐液液黃庭游割此幾籛房鵝鴨今喧啾我居枕公園適與衙官侔長羨開元日撫時增百憂昨夜霜風緊林衣墮颼颼天明不可掃飄飄蘇石稠濁酒一相酌歲寒公知不

北墉槐一章西園榆幾株何必爲我物對之結清娛樹石不厭我深情共愉愉我亦耽樹石環榻長疎疎枝搖盆池碧影入綺窗姝惜無履道里買地拓一區種竹巧護埭養魚故穿渠且著此佳願行藏聽榮枯塵寰足止止潮土心如如長安多甲第連雲蔽交衢試作平等觀何殊蓬戶樞况乃酒肉臭鬼瞰高明居晚食共一飽弊帷同一車檢書呼短僮搔背倩村姑得錢壓茅柴注瓦當玉壺一斟權不足再斟權有餘何妨是鄉老安能羨扞朱

旅窗聽雨

蕭然一榻西窗雨兼送東鄰寺裏鐘今夜長安兒女憶數耶獨宿潞河蓬

予前日作書示家人云將泛潞河而歸

故鄉聽雨人都盡飛閣青林沒晚潮聊發少年狂意思海天散髮獨長謠

省夜

秋林夜黑鷓鴣驚枝殘鐙燐然蝙蝠語攤書兀兀人籟寂飛蟲打窗似風雨

書東廡壁

已是蕭條歲暮心掾寮吏散晝沈沈且欣屋後藏山大黃櫨疏疏似故林窗外有土山高三四尋老樹數株

懷繩庵學士

疾雷應是不終朝湛湛還暝下九霄直節生憐門爵雀撥蒙幾見弁垂貂春蘭秋菊無時絕北斗南箕自

古謠鷓鴣聲催人去盡今餘錄錄抱關蕭王仲翁謔蕭長倩曰不肯錄錄反抱關爲

座主尙書南皮公遺鮮荔支三百顆自粵之燕旬日而達色香味俱未變也走筆賦長歌爲謝

尙書胸有千鱗甲森然列仗武庫中前年坐籌日南役氣攜西日還於東機鈴出沒龍虎窟雷電搜攪蛟
羅宮山川清明草木靜復遭萬里耕桑同六奇不盡玉帳祕猶憾早挂扶桑弓不然炎維斬鼉足巖壘一
柱磨青銅直使西域佳花種赤縣不數漢殿爛漫蒲桃叢今年馬人龍戶得飽飴村村擊鼓歌年豐從容
羽扇軍府暇荔子紅綻林園風戲驅南方草木到北極瓊漿潤洒原思窮閑情復忽被野鷺銜子逕欲煩
飛鴻鐵函蠟解顏色活娟娟露折千枝空冷如霜沁甘比蜜生剝箸裏辭函封輕紅肌對酒重碧猶帶維
浮煙雨青濛濛但疑中有曹溪泉一滴澡濯靈府芟羣蒙時危光輝減玉食大臣濟時成歲功散官無補
媿素飽對此未敢嘗新醕分貽僚友啟愆息以榮師賜霑春融致此者誰李元禮仲約學士丈遺一力攜致與公熊耳
開雙峯桐廬野夫無世用但思種果儕畦僮願公整頓濟時了手驅海若觀海童越裳翡翠入天府上林

玉柰迴青蔥草書苦乏青李帖空首欲報還恩

大雨後

小園連雨似陂塘蛙吹侵宵兩部忙天氣陡如秋作冷一枝紅蓼浸滄浪
門前澤國斷來車南陌東阡盡可漁天遣交游謝陶令閉門草答遠公書
來禽乍熟雨低垂桃落瑤如丸走陂童子敲殘山鵲啄離離猶贖最高枝

新校桐溪舊德吟四兄義庭手編多應先友列碑陰詩中半寫溪山勝當作圖經一卷尋

淫雨爲災象已成萬家屋破盼庚晴物皆愁思竹偏喜無數龍孫看怒生

戲贈宋養初書睡

文書束笋久相纏身似吳蠶一再眠育育者魚濠上樂遽遽然蝶夢中仙比須料理休搯笏起視光陰已
過輒歸志浩然三泖宅臥看煙樹出江船

送葉緣督太史還吳中

陀羅幢主玉堂仙歸棹東吳范蠡舩趁取蓴羹下鹽豉丹楓半醉晚秋天君聚集陀羅尼經幢攝本千通自署幢主

分題鷓鴣石屏風華屋山邱憶醉翁惟有任安留不去坐穿一榻鄭奩中入史館後久主潘尙書家

點勘羣書下戊籤收藏入錄發凡嚴

君搜錄古今藏書家作雜咏三百首人系以傳異聞佚事箋羅極富

元繙宋槧資南董括盡流傳竹與

縑

光福庵前白鶴飛漁榔夜半火微微茗文小別承明去載得牙籤萬軸歸

次韻乳伯見贈

莫更刀州夢阿童浮榮起滅幻於虹勸君薄宦何堪戀心與江流日夜東

野望

漢陂樹樹生秋色杜曲山山罨落暉甚欲西遊石壁寺還憑御者問何之此楊景度語

失馬戲作絕句

老來行步本難工誰悟盈虛塞上翁爾欲賦閑胡不告警然收拾市朝輓

又

絡頭似厭金籠苦此去逃空不可馴倘與畫牛同一韻隨方水草得閒身用陶宏景事

題江子屏小像

風姿饒有承平態自寫羣書募殺青卻笑南城無揖客靈洲擲笛有誰聽曾資谷閒校刻全唐文館吳山尊薦江先生入館書云無論鄭

堂經史之學足備顧問卽下至吹竹彈棋評骨董品磁器煎胡桃油作鮮卑語無不色色精妙足以娛貴人之耳目云云然南城卒不見收錄時嚴鐵橋亦以不得入館負氣去撰全上古三代漢魏六朝文鈔目錄收羅極富欲以壓倒唐文館其兀傲之氣不可及也而南城之好士概可見已

久不歸禮掃先墓書示弟姪

儀曹摧颯南遷日漸叟支離北去時迴望長傾寒食淚荒林蟻鳥隔山陂

宿留

暮前告誓竟何如，員石臺卿遠遜渠。
寒夜起挑將燧，齋心嬾對半殘書。
懸疣來日終須決，病葉經秋偶未除。
縱挈鴻毛難比並，何方針孔一逃虛。

又

葦墟依隱那能妍，陞楯沈浮不計年。
未辦新巢養疲茶，誰明燎玉有貞堅。
人生鵝炙終爲畧，影事龜毛亦自瀾。
明日倘容投劾去，林皋適志便欣然。

悠悠

鴻蒙何日挾雲將，斥鷃卑栖笑搶枋。
宗慤得州裁斗大，趙咨人地只升量。
菰蘆中豈□奇儻，枳棘叢爭侮老蒼。
一十周秦論貴賤，悠悠誰短又誰長。

久瀾

久瀾諸曹陞楯郎，尚能弄筆映窗光。
過江預想扁舟穩，幾點晴雲指歷陽。

漫書四絕句排悶

邇來竊號比壺公，吏隱蕭疎已禿翁。
昨與九華君有約，招予同隱一壺中。
近刻二小印文云：監郡御史又云：九華今在一壺中。

長安日噉風沙客，老得監州作幸民。
想見謝家山一曲，明窗棐几潤無塵。
朱長文云：江南土潤無塵，其人多藏雅愛。此語以爲妙解物理。

春樹朱顏一擲梭，紛紛濁愛幻灰河。
把茆便欲陵陽住，心太平庵安樂窩。

解脫涪翁十日留

崇寧元年壬午夏黃文節以吏部郎領大平州事九日而罷文節時年已五十八

真成無柁一虛舟石牛谷裏深深寺絕澗春

淙自在流

道中書所見

漁陽無花表春色惟見氍毹江柳黃行客雙輪泥獨漉估船一笛棹相將銀釵山葉走田婦缸面村沽瀝酒囊誰言驛路風景惡粉壁題詩何郡郎

時由津門復還都下

留別小瀕巢

曉來滿院柳綿飛種樹成陰今幾園別汝淨名方丈去卷簾風絮送春歸

別園中草木

十年真寄耳吾自信天慵蒼官招墨客慶汝得繫逢

子培景仲將來住此屋

秋月嬾娟影春煙澹冶容去住吾何擇

欣賞未能同九鑽薊杏火十見沙棠紅請述園中物一一關離雙桃蟠根大歲久柯如銅椿亦養長年

風葉搖青蔥棗自抱赤心赤心將安庸丁香花四出春纈剪瓊瓏黃竹不作實穆滿瑤池空

去年所遊種竹經冬皆枯

惟西窗下有兩叢生意暢茂則前人所種數十年物也祇餘兩叢潛蒙密光口通赤松久無跡補種蓄深衷笙鶴一以去抱蜀甘長

終其餘多璅細叢生春泥融絳蕾引啞雀畫闌懸青蟲嗟予聞道晚朽質困替蒙退違深深息進乏冥冥

功符竹方爲桑藥石願吾攻今晨捨汝去笠簷泛短篷鼎鼎百年內社燕送秋鴻庭莎亦有情曲徑青鞵

鞵芝菌寒未茁菴蔬已滋豐豈不戀三宿行將投五茸相忘於道術去來理无窮養空任所泊念離匪傷

沖保汝歲寒姿駕我冷然風

戲咏懷寧土風

滑滑春泥不放晴，脩脩梅雨打窗聲。
天於古井闌中見，人在彈碁局上行。
房屋天井極小，街道隨坡高下，無一平直。甜酒無緣
澆白墮，香秔聊當飯，青精皖公山，小眉痕淺。那有千巖疊翠成。

清晨偶書

愴江號秋蟲，輕陰籠淡日。秋花雖爛漫，氣象亦蕭瑟。
蕉林匝地暗，翠扇展橫逸。曾無修行彈，任障層軒密。
欲喚臨池僧，擘窮草書律。汝豈任刻瑠中堅，無一實會看霜風。
至真態萎黃，出吏舍乏佳興。周旋窘一室，既尠度世姿。
慙無理人術，深齋抱微明。隙景難究詰，今固未必是。昨亦豈全失，得喪付混同。
外物不可必，惟當假至言。齋心養衰疾。

簡沈約齋陳吟鉢

漸西野性疎，頑甚世事誰。能耐刻谿何似胡，孫入布袋強教麋。
鹿被金羈擘牋賴，有陳無已刻燭將邀沈。亞之便欲結聯秋，袂社不嫌把臂入林遲。

和友人夜出至湖堤小橋上望月

水南鬱森沈，灌木秋氣斂。微茫辨遠岫，薄煙霏冉冉。搴清夜游佳氣，欲泛剡潭馨。
荷蓋殘村火，松明閃。裴裒略約上壁月，吐復掩。塲雲合鱗斂，龕燈射星點。奔泉注江閣，澗澗穿蘆崦。
卽日娛清景，意行脫拘檢。

惠能雕萬物莊亦離諸染何似濠梁語會心應不減

寄榆園逸叟

識舟亭畔雨連夕春藻堂前秋已中對榻悠悠幾清夢看雲脈脈兩衰翁釣壇樹葉落誰掃芳郭楓林知漸紅一官局束不稱意半枯已是龍門桐

自從畏壘寄庚桑疵癘今憂民物妨手版分應投劾去肘囊未製潛人方

姑孰年穀尙穰而鄉間疾疫大作
餘稻栖畝乏人收穫心甚憂之

鼎鼎夢痕疑識路澗澗秋浸欲浮牀貽書曲折煩君意千里封題遠寄將

兄手書至洒落千言備戒爲政
當以惠民卹商爲急務并鈔示

辟疫方

繆西晴望

江上楓林秋未殷秋深風物已蕭閑試開北戶支頤望稍見龍眠一角山

江上

江上撐空千疊山江風吹度暝帆還浪淘人物前朝去虎踞龍盤只等閑

江上楓丹葉漸無南來日日飮雕胡只輸一事城南杜詩律窮年晚更閑

北郭外最樂亭留題二首

隔湖山色若浮來卷幔縱橫翠作堆樵擔遠歸丹嶂路酒旗斜颭碧城隈試拈瓢飲尋真樂從借濠觀老不材知否此中堪避世作庵對小九華開

緒山一名
小九華山

榆園兄暫來于湖杯盤草草流連語舊未十日卽返里門離緒惘然作此追寄

羅含蘭菊園應在仲蔚蓬蒿徑待畦菜蝗何當施手翦竹雞試聽盡情嗚爲支背郭茅堂足欲問比鄰草
市迷江總持有南還尋草市舊宅詩那用九柯并十匠屋成因樹榜新題

訪崔隱居

村南微徑修蛇出水竹縱橫籬落成面勢山川絕蕭曠乍豁遠目增雙明漁父野田狎白鷺樵人藥擔分
黃精邴丹寂漠逃物外許割脣軒茆一楹

沈曾植

曾植字子培號乙盦浙江嘉興人光緒庚辰進士官安徽布政使

石遺室詩話余與乙盦相見甚晚戊戌五月乙盦以部郎丁母憂廣雅督部招至武昌余先主
督部所同住紡紗官局西院多相聚夜談往往三四鼓始睡索君舊作則棄斥不存片楮乙盦
博極羣書熟於北魏遼金元史學輿地與順德李若農侍郎文田桐廬袁爽秋太常昶論學最
相契詞章之學若不屑措意者余嘗語乙盦君孰史學吾亦喜考據其實皆爲人作計無與己
事詩雖小道然却是自己性情語言且時時足以發明哲理及此暇日盍姑事此君意不能無

勳因言吾詩學深而詩功淺夙喜張文昌樂府山谷精華錄而不輕詆前後七子詩學深者謂閱詩多詩功淺者謂作詩少也余謂君愛艱深薄平易則山谷不如梅宛陵君乃借余宛陵集誦讀之余並舉殘本爲贈其明年君居水陸街姚氏園入秋病瘧逾月不出戶乃時託吟詠余寓廬相密邇日夕過君有所作輒相夸示或夜半函箋抵余至冬已哀然積稿百餘首又明年庚子之亂南北分飛此事遂廢矣乙盦精熟佛典自喜其病僧行一首論詩宗旨略見寒雨積悶雜書遺懷一首余言詩學莫盛於三元謂開元元和元祐君謂三元皆外國探險家覓新世界開埠頭本領故君詩有開天啓疆域元和判州部及敦興元祐賢奪嫡西江祖各云云余言今人強分唐詩宋詩宋人皆推本唐人詩法力破餘地耳君甚謂然故又有唐餘逮宋與師說一香炷及強欲判唐宋堅城捍樓櫓咄咄盛中晚幟自閩嚴樹各云云

丹徒渡江

海門日上曉霞開沙路盤紆首重回形勝豈因兵技改江山曾識霸圖來懸儀坤軸心全動燭渚蛟人淚亦灰堅固焦巖留片石瓜廬終與老山隈

寶塔灣

蕭晨煙未泮散舸趁輕鳧一往聞揚語重來識佛圖風微漁唱遠月淡曉光無行色兼悲喜沙頭問僕夫

贈周彥昇

昔聞周北張南雅今共吳味楚尾來名字黯然成舊故江山隨分借嘲談清秋高館霜華入白日黃河鬢影催肯放旅懷同寂寞不妨散策小徘徊

舟發廣陵

歸程指烟水心與楚雲馳客久諳船理江清見鬢絲老慳筋力用壯惜太平時鼓角中宵動江湖歲晚悲

雜題

榆葉乾青柳葉黃淡雲斜日蜀東岡秋心總在無人處坐看鳧翁沒野塘
鹿車鴉軋上堤頭南去真州北楚州不是田間無下澤冷然誰遣馭風遊
江湖祇是愛平流帆自從容櫂自柔至竟海門原咫尺浪花何事白人頭
沙禽相伴過中冷塔鐸相聞替戾聲我愧布施無半果也隨宏願喜圓成
江洲草長蘆荻肥江上女兒黃葛衣淮東秋冷淞西暖野鴨作羣南向飛
獨坐鍾山喚寶公南行襟袖挾天風蒼崖白浪今猶昔八百年來見此翁

蕪湖有懷漸西

爲政風流地臨江眺望來極知文雅勝翻惜簡書催長策紆盤錯蒼髯逸笑談朱雲終就召料理此樗材

小孤山

潯陽九派淪無蹟介石猶然立江磧峨峨高髻古嚴妝俗眼還疑肖形拙大孤眇然湖中央小姑無端對

澎湃楚人禩鬼瀆男女楚客吟弄傳荒唐
邱亭之神風不颺江湖小龍閣威祥鐵輪一轉世界換叢靈社
鬼吁其亡匡廬南望山蒼蒼大湖雷蠡非余詳經師閒話有違異
估客指向增匪隲碧瞳老胡手璣尺室有圖書語地陟嗟余四食
武昌魚瞠目山川覆未識山神識我故相逢不知名分外青風雨
重陽占未改登高且上梅樓行

重陽風雨抵武昌

颯然風雨洒征衣西望江樓趁鶴飛
攜拾落英隨楚俗嬉除行李避周譏
田園計左垂垂老舟楫身從泛
泛歸長路定知何日盡徂年眞信昔人非

曉禽

朝氣動衆禽檐端語啾啾我心感明發起坐與之偕
萬籟戰清秋意車軼挺垓吁嗟敝老人蹙蹙行何階
徙倚就南榮陳編強差排古人終已矣來世誠難裁
喉舌詎有殊欣憎邈相乖近前姑婉變視遠皆奇孩
故紙諒難綜故言復何諾冥冥獨歸臥颯颯嚴霜來

日入

日入燭代明軒窗吠琉璃交光羅幻影鏡鏡無成虧
背舍有闌虛衆芳歛暝姿微風定香過未見心先知
視聽各有程晦明亦有宜喟然念蘧生過闕停車時
負杖立廣階西南望參旗出門視路人各有幽求思
摸象盲女愁煎膏智者悲清鐘鏗寺遠悟了終何之

雨夜

短檠三尺光寫此寒人影浪浪簷雨聲衆響入孤警宵氣愴回遙驛魂逝超騁雲車與風馬見我城南景
蟠藤翠髯矯僂檜亞枝整遊子去不還陰蟲露階哽去國歲再寒清光洗疇寸心局萬念瞥眼造陳境
擊柝在遙衢秋城四邊靜推枕起旁皇聽鷄夜方永

城隅舍幽幽薰楊與蓀壁鮮民過去身疇昔經行跡寸草不榮春枯荻不承日病爲無告兒居是無依室
殘夢不可思餘生幾年畢

送陳廉舫

昔共緇塵作漫郎十年凋鬢各蒼蒼周人貴老迎扁鵲鄭圃聞歌識季梁舊雨客中詒善藥征衣明日隔
殊方覓覓我亦悲霜露那不吳帆去共張

楚澤

楚澤昔賢蕉萃地日華川上竊停來病身更覺天宇窄老眼不爲蒲柳哀蕩蕩江湖千念盡堂堂人物百
年摧蔣山青骨懸知記涸水瓊瑰有夢迴

趙森甫先德書冊

放士江鄉傳筆訣故家手澤綴叢編畫中意蘊無駭賦想見潭思穿被年
包張傳法太平時晚見吳生最老師心畫總隨人代變江山空寄舊閒思

梅道人墨竹

竹君風味出孤直，欒晚節無矜持。吳生盪胸渭川隘，撲筆萬梢生墨池。舊聞江南鐵鉤鎖，縣腕乃自顏張遺。此竹千丈扶寸耳，折釵拆壁鋒端追。至元文采襲，延祐水晶宮。有南宗師倪黃吳家蟲，蝕木密卯豈獨王蒙持。神都昔覲夏山圖，筆與元氣相淋漓。却迴鵬遊入螭掇，瘦莖滴露風參差。墨玉蛻神五百年，題字澹與秋雲澌。畫人去來擬丁个，骨董頗得摩絹絲。付與支郎賞神駿，驪黃牝牡坐忘時。

石遺過談去後簡之

秋晚閒房竊糾思，黃車五百夢占辭。化神那必無天姊，搏控由來授幻師。辛淡甘鹹都自可，壙垆莽眇往何之。看君布衲吹毛起，萬朵黃華入照時。

奉呈石遺

孤雲與寒石，鄧路偶相將。老斲知輪苦，新斲得刃藏。芥根松葉味，寒月大隄旁。畫出陳居士，披披布衲涼。

答石遺

陵陽寫本費，擘摩老屋橫。街凍夜過卅載，故心如夢見瓣香。何敢廢涪幡，懷抱東華惜。壯年鵠鳴寥廓老，悽然聞思只住安。般地衣鉢諸師莫浪傳，才語那教酬。僧父小文聊可定，丁生楚天萬里秋。無際且著高臺放眼明，漫守張爲主客圖。旁行斜上破工夫，白家廣大元無教。得似韓門變態無。

失題

洗樹疏花盥晚香，婆娑庭院已斜陽。
客來策事都無對，病後觀心亦自忘。
夕望片煙生野寺，暝拋經卷偃胡床。
年來總覺情無盡，歸路那堪日轉長。

失題

夔屈誠何賴，鵬□自不堪。
曉庭苔沁入，晚牖日光含。
故紙身俱積，陳人塊獨甘。
題襟虛勝想，搖落向江潭。

練魄

練魄苦不早，悲懽同世情。
華髮垂素纓，老逐行人行。
秋笛無緩聲，秋蟹有哀鳴。
高桐百尺瘦，霜月孤輪明。
黔羸居北陰，命駕余遐征。

月夕寄五弟

清風北陸來，吹我梧上月。
石臺倚倒影，零露在衣髮。
萬里羈旅遊，三秋沈寥節。
黃華屈宋艷，伴我張寒色。
流光若逝水，剝剝不容揭。
娛玩此須臾，行人想天末。

初十夜月

微月出復沒，暗蟲終夕鳴。
夜光收露靜，深樹閃星明。
怪石盤陀供，商歌曳縱行。
赤藤吾至友，危處不相傾。

病僧行

病僧病臆不記年，臆對或自風壇前。
蒙戎敗葉擁床敷，支離塊木撐風煙。
六師派別謬占度，休糧恐是金

頭仙毗藪紐天攝不得首羅三目眙相看洗心竭來歸佛祖縛非律禪非禪含生大期百二十四百四
病根芟全水氣爲瘖木氣瘡娥綠斧性裘媒寒膏梁奧博物有致此理未可通窮瘵華子中年病忘久明
心晦惑來無緣假從毗耶示化儀不爾五行同人天婆娑世界一音隔安有萬二千衆天龍八部相周旋
檀闕失莊嚴忍虧無強堅貪欲羸老基噴恚疾災牽得非夙因招現果突吉羅業雖有懺悔猶沈綿給孤
獨園嶢晴山雁王鹿女遊其間小花正如普陀白高窟或是毗沙刊臘休雪嶺夏熱泉一瓶一鉢疲往還
或有造其關草枯木石頑九十六道諍研研六十四書文複繁莊嚴劫過星劫未來恆沙譬喻不可罄像
法五百盡末法三千延病僧病久心茫然蘇迷廬山芥子小石女行歌木兒笑嵐風撼松藤裊裊幻師善
幻五色宣畫師作畫一筆圓瘦骨秋蟻吮脩脩野鵲巢其顛後來合有稜伽傳

以繆篆分韻贈社者

平生政爾無長物篆刻何曾累壯夫乞與君家助悠悠繆從心白白與朱朱

詣太夷新居不遇歸後簡之

鄂州城南沆沕多具足荇藻葭蒲荷秋霜不嚴蘊潦縮鬱綠敗紫盈池陂隔衢湫隘萬市屋行相其背翻
委佗長烟宛宛西郭突起眼政訝雙偷婆鄭侯白鷗狎滄海蟠胸鬱律千蚪鼉卜居面此一尺水汪汪千
頃無由波朝來影警踏浪去高樓濯足吞江沱峨舸大艫足快眼惜哉噫氣無由呵天西新月玉鈎摺朔
風嘔啞鳴鴛鴦扶輿相從約苦早買酒欲醉顏非酖人生實難笑口稀凍野正可供婆娑新篇不杼會面

左大冬如此松梅何蠟花垢香頗蘊藉蜀茶鬥色矜妍娥冥濛霜淞稍濡瓦窈窕陽燄仍浮河文辭自從兒女戲悲壯或動秋城歌作牋不聊矢詩寫報章瘦墨晞嗟峨

以御窯雲葉瓶贈夕公媵以詩

萬物掉天運頡頏無定姿御窯二百年薪火靡停施燕市忽騰踊貴人競盱睢軒然駕珠玉頓爾凌官柴研研康雍辨譚譚款模稽器或豐茅差估猶百千隨姦民內府盜夷市囊橐資海上萬金瓶桓東厲魂啼物妖志五行茲診誰當推吾儕偶染指所得良殘畸式莫審年郎青况論蘇回去國兩飄蕭閔生一蹉咨龍焙元豐春鼓捲天寶思彼物瑣且頤託貴承平遺哀我畏楚民賤不五殺皮

長至節前三日

阿連別我秋風時南天雨雪今潛潛衡陽雁徂書不俱延頸迴望心煩慮念子行遊日安向醉歌誰與傾尊壘室幽體倦語誰屬塵籤幾疊曾舒排長安卜居待金布維摩方丈非輕諧城西泉甘市南鬧潭潭夏屋空盱眙朋肯臘鼓粥後搗影警心似凌謬臺此時獨行或念我園花正對滇茶開豈知我今抱寒石清愁不斷連環措丈夫失身墜官路千年調遠小鬼貽鑄金不成學道左嗷嗷鵝雁紛堂階霜華攬鏡可憐白烟如孤月天之涯長庚太白曉無色畢昂芒角高焯焯竄身政憂蠻羊蠻泛宅那得杯湖杯百年人事老拘局兩地相望增哀貽虎兒作論準過秦筆勢已聘阿房哀伯姬歸寧應話我楚山瘦與猿狙儕郭南官衢築廣□出門君馬知駢騾關山萬重鳥道直寒衾思夢宵千回窗光熹微乾鵠淖江潮或盪雙魚來

寒雨積悶雜書遣懷髮積成篇爲石遺居士一笑

寒雲如覆孟漏天不可補曜靈避面久畏客牢鍵戶黧鬚江海蒸穆纒霰霄聚閉關且何事臥聽簷溜汗
斷續綴殘更啞嚙虛誦失行雁濡翼噤曉雞上距水官厲威嚴雨師從呂鉅盡收天一氣併作銀潢杼
代雲不成馬衛竦空飲甌河亡九里潤海溢萬家滬南朔相倚伏亢霑不均普物物固難量牋天奈何許
雌風四維來龍具不能禦了無噤于唱亦不土囊怒翁習慣投隙披拂僅如縷俄焉目中臆慙若負尸疰
老妻頗多智裝棉劑吳楚臧姘燕趙產縮腦甚饑鼠固知廣川谷實有異寒暑荆南五月來炙熱劇烹煮
伏金骨俱燦秋暴背其腐商飈一冷汰暫得寬腸肚寧復此愁霖而兼濕寒茹不憂竈生靄將恐血爲蠱
橋枳改柯實屨爵紛介羽嗟惟人不化何用適風土狐裘故黃黃掩形不如褚清川浴垢疥焉事資章甫
西園蕃草木花葉故舉舉蠟花實非梅滇茶詎能苦瑳瑳老櫛樹占地凍不瘋旁有南燭實浪稱仙飯糲
名雖疏藥錄味不廁菱蒟鮮鮮若新沐風檻羣媚嫵茲族畏霜乾傲倖且濡滑寧知膏澤羸蠅蝸益孳乳
窮陰未肯釋蹙頞啼老圃陳君泥滑滑稅輿踐今雨幽室共槃辟高吟忽揚詡長舒汲古綆高疆尅敵弩
相君筆削資談笑九流叙吾思古時人心門日迎拒程馬蛻形骸杯盤代尊俎莫隨氣化運孰自喙鳴主
開天啓疆域元和判州部奇出日恢今高攀不輸古韓白柳劉騫郊島賀籍仵四河導崑崙萬派播溟渚
唐餘逮宋興師說一香炷勃興元祐賢奪嫡西江祖尋眎薪火傳哲如斜上譜中州蘇黃餘江湖張賈緒
譬彼鄱陽孫七世肖王父中冷一勺泉味自岷觴取沿元虞范唱涉明李何數強欲判唐宋堅城捍樓櫓

咄嗟盛中晚幟自閩嚴樹氏昧苟中行謂句弦偃矩持茲不根說一眇引羣瞽叢棘限牆闌通塗成岨嵒
誰開人天眼玉振待君拊啁嘻寄楊樞名相遞參伍零星寒具油沾漬落毛塵奈何細字札銜袖忽持去
坐令誦茗人倍文失言詰鄭侯凌江來高論天尺五畫地說三關撰策籌九府癩顏戴火色烈膽執彫虎
盪胸萬千字得句故難住梁鴻瓜廬身禮殿擊鼉鼓滄海浩橫流中潭屹砥柱可憐灌灌口味肉失脰脯
那復問尖叉秋蟲振翅股懷哉海陵生江草習柔觴瘡瘡濟陽跛海燕對胥宇季子踏京華尺書重圭珪
太陰沈暮節病叟偏寒女出戶等夜行焉將燎庭炬百憂中繳繚四望眩方所賴君排偈側冰窟日譏謔
消此雨森森獨彼愁處處天門開跌蕩曷月日加午城隅卓刀泉中有鐵花駐楸栝百千株夾道儼圍籬
樊口渺東望松風冷相語千載漫郎游招招若呼侶東坡眠食地固是余所佇鬱沒老涪蟠赭山疇踵武
興來舴艋艇徑欲掠江漭政恐迴颿搗商羊復跳舞

失題

四十九年非故我東西南北塊窮民直知死定優生樂豈信文能見道真發篋朝衫消純采戴天暘谷又
賓春妻孥脫屣終無策滿目青山送病身

寒意勒回梅蕙澀霞光四放柳梢晴東軒啜啜雙鶴立北鄉庚庚乘雁征驛騎寂寥書尺素粥甑迸淚臙
嘉平暮年心事關諸舍惆悵吳儂口數行

季直書來索題荷鋤圖詩

普門大士多生願身世相違百態新衣冠去作木居士簔笠歸來農丈人儉歲百家生稅稗傾身一飽不
淄磷扶海垞南金谷口形謨名軒非子真

西園蠟花

恰與江梅共冷思不將繁幹惱疏枝獨來曉徑香能絕折近粧臺澹未宜淨海橋西孤客夢阜成門內上
春時天香佛供垂垂見佇苦停辛故故疑

再題荷鋤圖

百年我亦恨枯槁小畝曾無一頓田期與白鷗分片席相隨黃犢度東阡蛙聲五行差可說禾采三變思
諸先姚埭老民歲時紀心知不同蔡癸篇

瓶中蠟梅

嚼蠟心情重玩花折來蓓蕾更杖屨細裘自稱先生座黃面歸來佛者家三四九過消臘茗日時分裏課
年華春工自慣三微積得信幽香磬口遮

山茶

我識蜀茶三十年眼食矜饒簡齋早欲來漢上對花開還似湖南被花惱主人栽花十載餘豈知與客庭
階娛素面辛夷玉蘭避深色魏紫王紅如香心蓄縮紺苞結萼樓戴杏丹臺敷鶴翎犀甲審名品雪雀家
鷄微畫圖却倚南窗啓簾幕更展華筵引紅燭老夫灰死得寒心嘉樹穠花蒸繡谷絕艷終知慰薦難先

春已占芳菲足花時起作鞞紅歌午晴有蝶來婆娑青松落蔭寒奈何白雪可和非虛過明年花送游人去游人憶花花處處

再題山茶

牡丹楊子華山茶滕昌祐丹青齊蜀始賞詠唐宋富乃知一隅貴及時九州湊孤憤一何褊韓非誠溝壑

西園絕句

青山昂頭江棹尾殘雪在庭樹覆臺秋葉不如春葉綠昔人曾是昔年來
盡拓文窗納曙光不除殘菊惜陳芳蠟花正色作法供艾葉千年聞戒香

穀雨後一日抵里

端平橋外歸來路嘉會都中雜誦孫卜築并無三畝宅經營空說萬家村啼鶯春過柳飛絮放鴨波柔船到門却到故園爲寄客長懷舊德對荒墩

急雨瀟瀟萬樹風宦遊還去別幽宮餘生愴戚人間世疾痛長號罪釁躬憂色下堂兢自飭偏心誓墓願難充清明寒食年年在永愧溪南襪襪翁

石徑磴然攜杖來嬖姍宗老可人哉三年難得四度見一別那堪百事哀生理徑須忘太上幻身猶足鬥奇侖阿婆莫忘臨歧祝東抹西塗更一回

吳侯鬚髯極蒼古故是循良傳裏人喬木風煙世臣澤迴波鷹隼墨池春遠爲遠別闕燕語爲作家書滿

扇塵陵阪自尊朝市賤劇憐同願不同伸

途中偶作

百受互回幹萬緣判分馳孰居無事推飲啄寧有司當食故不飽未明乃求衣燭微競遠慮巨謬愆初期
巧算自有數造化良善嬉不覩飽食子凶歲無輜飢不覩冥行人危地非險嘯嗟哉赤水珠絕影襄城迷
物故不可論浩歌涉江歸

謝壽田農部過訪不遇船中却寄

謝家端可著邱壑餘事還將六法傳想得維摩掩方丈辛夷花落酒杯前
來是忽忽去寂寥寄聲鈴語入僧寮太虛爲室時相對豈必楊花趁謝橋

發京口至燕湖

小雨拂空涼意慳渴日解駁雲斑斑船邸人喧僮楚語水宿月上于湖山未忘塵務話京洛得躋民伍稱
荆蠻舶趁風來袂開閣蘆荻洲長人往還

江夜

玄蚪委空煙尾尾長風出來雲庚深江魚龍夜闌寂孤客巾履身鈴嶁嗚呼乾坤幾波蕩來復鬼魅方
縱橫枯魚滴淚寄滄海濁浪日下何由清

蟻磯

落颿昔入劉郎浦，馭風今過靈澤磯。壇垣荒荒石數級，萑葦騷騷江四圍。神鴉斂翅危突煙，潛虬戢浪輸人機。吳侯少年不了事，草草兵謀輸女弟。帳前侍婢浪爭彊，世上英雄能決棄。蜀道吳江望渺然，月下玉人方寵貴。至今激浪擁回潮，中有吳娥滴酸淚。兵車會緇縱橫施，甥舅恩深婚媾尊。周郎計失未須笑，還有西歐那破崙。

晚望

極望灑桐闊，悲思六蓼殘。民援依德建，祀古喟君難。夜氣蒸雲合，平湖拓漲寬。漂流愁旅逸，紆軫結憂端。

重過小姑山

城中始教尊天鬼，善賈多財炫報祈。山海荒冥多帝女，樂歌肸鬩動靈旗。江爲羅帶當風坐，月印粧娥攬鏡歸。蹴踏閒情憑壯語，彭郎眞解小姑圍。

失題

世閒攬競工，倅指拱手與人家。國事西來老胡歌，文康手摩日月天。氏昂神通千臂不可量，顧視若南民折箠鞭羣羊。抱冰老人校兵返，置酒樓船中飲歎。爲將古語例今情，頭目須要手足捍。古彊有足無足判，今彊有手無手斷。長兵倍身助遠攻，志慮血氣程其弓。行不能持射不中，有臂乃與子。子同家具犀渠戶，斷膝藏器在民載。國千人所指，氣成創何况神珠加手力。宗廟齊豪獵齊足，吾願編氓齊手握。機關便習合形骸，招的無虛如土肉。恆河沙界火人伏，彈雨槍林藏比屋。挾岱擘華一舉勞，裂鷲摧獅惟所欲。無

足之國敵所蹂有手之國恣旋抽手能強心目導手天下正在十指頭公言切復切吾意猶未畢安得一目之民兩厥明歧舌之民壹厥聲蛾國毒消鬼國曉大鈞一鑄形天貳負謹頭齧齒蕩滌無留形世間萬物待回斡天地南北猶虧傾黃河可塞金可成祝公難老加餐飯歲歲霜郊校射行

客久

客久成賤貸庭虛斷見思乾坤多難老鴻雁入雲悲過去事無跡遠來生有涯中園撫霜柏念爾歲寒時
南皮公青山大閱偕節菴往觀

鑿戒三傳晦霧開信知人定自天回成軍三楚多君子受射諸郎有雋才馬足籀雲高嶺度虬髯照雪令公來視新聽眇無窮意藏密先從九地推
年少未騎生馬駒老跨欵段從鬪踪森巖師子開荆楚習積機關較墨輸身手世閒須攫搏罪言往事重嗟吁歟生壯事終無分慚愧山前識壘圖

紅梅

江城萬雪凍木折天工不慳深色花儘作朱看無碧處偶然水靜見枝斜絳跡夢破垂垂老翠羽巢傾念念差強擲丹心絨蜜蒂爲誰孤萼啓春華
故著嬌紅上瘦枝小風晴日弄遲遲不從月地矜奇夜自向霜餘得冷思天女花身無漏果老夫色相已空時紅紅白白誰差別正好香聞鼻觀知

屈指東風有鬧春知君早已蛻仙塵餘妍競作千紅秀先醒難留一染身一醉未須欺酒面晚妝猶與點歌唇萬山如夢霞如海別向羅浮見麗人

吹笛關山落照殘穠華誰信更孤寒人間久失燕支色竹外長疑淚點斑含采苦經春軋軋攀枝還墮雪珊瑚廣平鐵石曾相許漫作尋常素面看

新月

新歲見新月北人思北風玉鉤太肖似碧漢長冥漾流宕千生返孩提一相同黯然還下淚歸臥夜堂空

哀史澤山舍人

澤山始見我壬年月在甲遂巡諸兄後少儀執應搗短黜豐下姿童臙端不狎問年纔十四坐客競誇識爲言強記識過目誦不雲弄筆貌家人臧奚仞毫頰真形揣狗馬細相肖蜂蛺意得匪授師天成冥通法皤皤錢復翁醉面渥霜攝譽甥不容口長者治譜洽仲書季工畫宅相日煒燁我時居客右讚口聽響響堅坐觀其神果然驥將籥豫章生扶寸數齒待鱗鬣別去僅十年來鼓橋門篋倒屣迎諸門熟視目爲眨瘦軀飄丹纓短步揄白袷下視氣卑憊謹言口譁詎怪似天馬駒高衢不讓躡守窮伏閭巷經歲闕形謀帝城士如鯽談舌捷風篔逾久聲不蜚黜焉劍絨匣頗聞萍蓬轉未遂爲蘿接長兄落夷道黃綬送虞嬰仲兄漂閩嶂蒯緜冷魚缺慈親失歡愛逆旅日飢乏濡响諒不能念念掌獨拈旛蒙神州錄余季雋堂帖曉卷千佛名驚喜子同捷細書得屢見妙挽尙深壓稍知懸飲積毒卉米囊呷太息問闊蹤藥言孰由劫

春闈子再舉分校季程業獨獨門生列設拜念肅厭蕭齋味足娛舊事湖巴峽星晚坐從容茗餘話周汝
吳裝拈畫筆唐風展吟笈疊疊極抽擲閑閑見咀獵低顏狂口口弱體乞強耐觀深去琴軫味雋備蚶蚶
臨分瘦馬圖含思語悲籥薄相良可疑多材豈終壓浮浮嶺海權慘慘泉魚裸荒江日蘭浪窘步想躑躅
飢惟糞字飽寒有綻衣疾常憂轉溝壑安自訊絨筍開囊對君畫妙想疑枝葉心超筆皴擢理變物突容
宗派盡察擬煙雲滂渲番膠城企神儻虞山汰卑壞此手百年間湯戴同岌業畫師例鮐背胸若熟羊腩
都門瘁再見暮氣愧晝聶除目遠有聞新恩冀舒莢如何庾郎貧竟瘞劉伶錘千里薤露歌一哀寢門睫
胸中董巨韻霞想尙稠疊句裏溫李哀吟魂就殮磔斯人余望厚天秀已抽敢鬼伯噉孤窮九艷太凶揭
團團渾敦面胡不刺其窳慘慘刻木眉胡不拉厥脅胡良殲奄忽胡厲壽駒輪胡僥狐蜮胡佑讒婢妾
長弟朽必速溫文歿必寔大鈞問不對冥莫畫如覓老懷思舊事歷歷繩貫苦病眼出酸涕纒纒絲入躡
平生交道口臬壤害氣歡兄事徂既希弟畜起孰接沈沈板板天吾徒魄其響

石遺居士見示移居詩依韻奉和

已見新黃上格端巷泥猶漬雪花團車將家具書幾卷門掩東風且極寒覆蓋不妨濡首慣說詩翻自解
頤難硯田老見蟾蜍淚得似秋場萬穗攏
絕迹不教行地窺翛然自在一披帷洪崖駮賊低圖畫笠澤僂僕棧籬老籐未舒陰可想稚筍快啖鞭
須移波濤兩萍禪一宿我與物生胡瑣頤

失題

嬰鵲傳言午夢通，冶春門巷記模糊。夕陽無限朱霞影，悔不親將小李摹。
筆底春風試國香，蘭根蕙箭不同芳。老仙絕代人天眼，也爲花身費較量。
恆河照面鬢星星，老憶前遊愴故情。拉伴城南隨步履，舊人誰是米嘉榮。
禪榻茶烟判慧癡，雨絲風片半春遲。高齋下直初陽滿，默記貞元本事詩。

庚子三月自武昌挈眷東歸過漢上與太夷同登魯山作

崖洒巖箴離坐風，盤盤湖野廣輪中山。行濟勝元無具表，立忘歸憺不窮春。
盡鸚鵡還惜別興來雲夢壹，吞胸乘流便欲東。浮海親見安期問棗紅。

山外是湖湖外山，亂雲不放夕陽殷。江神出入交風雨，楚國芬芳托芷蘭。
明德到今承禹迹，解紛誰昔弄僚丸。長懷政作沈吟去，善手無忘鄭重彈。

答石遺

浩劫微生聚散看，空江老眼對辛酸。河山落日滄浪色，兄弟危時尤散官。
腸繞薊門通夢遠，石窮溟海化禽難。邗江鄂渚書郵返，疊鼓鳴笳燭淚殘。

易實甫過談

萬首詩歌百卷書，南行落帽意何如。沙蟲變化朱顏在，服食從容素女俱。
日歷自嘲寧自責，先生非有且

非無神仙到處成游戲亦道長安不易居

露電光中最後身鑊湯熱處再來人游魂故是易家變善哭我識唐衢真歷劫不迷雲水性他生或幻玉
臺春麻姑狡獪方平笑東海簸揚又一塵

酬散原

入海鯤化藏山鹿豕訶有生爲患累久視復云何覽揆靈均志晨遊古老歌爲君斟楚酒一發醉顏酡
菊候霜華潔楓江冷葉奇名山無量壽滄海有情癡仙尉同良月詩宗正嫡支瓣香重薦取迴向杜韓知
擁膝驕文度斬麋禮孟光掃除留一室觀照徧諸方秋盡茅齋遠山幽桂樹芳畫圖邱壑在何日共徜徉
久客諳吳語行吟是晉年壺中真歲月市上隱神仙會以騎驢喚相期夢蝶眠大槐何戲劇瞥過大椿前

絕句

天如中酒無膠醉仙在還丹轉盡時省得騷人蟬蛻理詩含神霧了無疑
葉脫才知木有心霜黃還聽鶴餘音病夫病得養生主絕後重蘇天雨金
帝所動心聞奏樂臺駘入夢是衰徵春從何處來千里海動翻成影萬層
跂跂詩成跂跂書腕中一鬼不消除看君思軼虞山上顧我談承歷下餘
亂世人才可易論英多雄少浪批根轍窮漫墜驅車淚地勝難招自古魂
前緩歌連後緩歌嫉光持比電光多瓊枝玉樹花長在慣著衣香染却波

錦城絲竹花鄉曲霓裳字譜河中樓龜年江南不落莫賺他兒女萬纏頭
談虎無如說鬼宜知魚元在化周時役夫正好侯王夢亡子何勞建鼓馳
檢點元豐隔歲茶飛來燕子故侯家稍留殘衲煨爐火不是蒲鄉釘坐花
長夜漫漫無盡相孤光歷歷不眠時令壺齟語支離叟付與開成本事詩

簡天琴

欲賦杏花無好語藤枯樹倒復如何周郎赤壁換今古山甫清風餘寤歌亂世寄生同草木春光佳句入
盤陀登樓四望非吾土誰向江潭感逝波

曉起

朝雲爲霧夜爲霜酒色天占正渺茫見杏不迷王二月脫萊還趁日三商卿惟子墨留殘客夢入華胥是
樂鄉猶有卮言酬漆叟凡應常在楚常亡

遠望

遠望悲風優暮思清江帶郭去帆遲露生薤上晞何晚風過河行損不知海運定逢希有鳥陸沈原是寧
馨兒擊音川上尋何向梵韻空中默自疑

和天琴

坐對花枝譜竹枝莫春春服既成時桃花便作仙源住草長寧無故國思化士戒成除綺語騷人賦裏有

微辭誰驅白日堂堂景正好晴空裊裊絲

浴佛日超社第五集伯嚴爲主卽席送健齋樞相遊泰山

九十日春歸寂寞湛湛園林靜衆綠籬根謝豹戀青陽相對虞兮訴愁萼海氣朝升作蠓蛄詞人老去成猿鶴醉須千日飲無何客有三人來不速髻翁與發逃病坊律師一葦浮吳航侍郎聽履星辰上今日扁舟雲水鄉設茗衣冠仍故意過江風景似殊方寧知天地留吟卷復有春秋紀則堂二老長庚殘月對諸天寶樹香城壤滔滔孟夏去安之歷歷開元眼猶在密記金鑾燭淚存還家銅輦秋衾喟蕭條絃誦魯儒園不是耆英洛陽會東望封中有古雲中黃太乙闕靈氛七十二皇同攬涕五龍六甲亦泯禁道家欲起夷吾問堂室長埋公玉文呼吸天關應有語滄涼日觀杳無垠昔遊尙記長安樂夙心未沫黃墟躅斜街老屋問王筠米市愁霖病陳卓當年盡惜長沙天今日才知嗣祖福萬感尊前現在身寸心幽國光明燭月沒參橫送客歸春流野色露沾衣浮生愴切人閒世象法彫譎梵唄辭入海安期寧有遇懷沙正則是長悲神侯司命遙傳語可是騰根食蠱時

樊園超社第二集

樊園花事朝朝新春陰不殢看花人小車丞相行率真江邨路比沙隄勻桃之神專三月春策駕碧鳳騷青麟山桃嬖侍扶轂輪粉白輔頰丹朱脣碧桃湧現波曇雲九華真降安妃身要與芬陀嚴供養肯從姚魏論疎親昔偕紫芝逃嬴秦武陵路絕波鱗鱗不知魏晉是何世或疑卞鮑躡重綸紫荊紫艷清不塵三

鴉非花皮足珍櫻從東方浮海至長腰小髻嬌丰神頗疑海棠分別子或隨徐市移秋津尚書留花花愛
客壁牋十幅觴十巡永和圖舒長案茵紀甲廿七風吹蘋題卷豈非天祐歲正冠不墊林宗巾酒狂忽發
歌絕倫起捋花須花不噴

方倫叔廉惠卿招飲小萬柳堂縱觀書畫竟日歸後默記賦呈兩君

萬柳堂前颺柳花園林依舊是廉家衣冠僑寄今何日錯認遊蹤過下洼

春光淡沱行隨燕鶯駕威遲穩勝牛玉藁銀藤都自適曼陀羅性在東洲

須眉皓白方安道合自月泉吟社來有約西湖游未得却來河上序流杯

寫韻樓中妙寫經千秋朱管接英靈拈來筆墨皆般若字字圓成已五形

堂前臨婁江土人謂之蘇州河廉君贈客以吳夫人小楷楞嚴經是日所見朱淑真管道昇璇

機圖詩各一卷管楷尤為精絕

周昉美人韓幹馬開元全盛畫師肥可知瘦肋如山影別有孤臣泣血微

韓幹哀沙馬最奇絕

南唐官印看碑圖可是徐家昆友無便作關仝山水看穹巖峻谷到西都

五代人畫看碑圖有建鄴文房印

雲容懜懂樹無根寶晉英光得細論自有乾坤清氣在霜縑招得董源魂

米襄陽長幅清麗師北苑非小米所及

大年小筆上陵得那忽千巖萬壑俱政爾師承翟許近不妨鑑別董陳殊

趙大年卷筆墨皆古與世傳工麗者絕異

帖祖昇元出道流澄心貢品門梅歐人閒別有臨河叙官閣題名在利州

邢子愿所藏澄清堂帖

閑如清闕多奇跡家寄荆蠻作逸民淡墨疎林坡路盡江山清絕更無人

雲林帖冊皆佳

帆影樓前數去帆，梵王渡轉夕陽銜。老夫尚有滄洲性，夢斷藩籬採藥巖。
病過春風九十日，鳥喚提壺花笑人。伏檻觀河添面皺，高閣枕流洗耳塵。

廉家荆浩畫松巒山水障子樊山作長歌余亦繼和

畫中看畫畫非畫，高堂颯沓風雲開。九百年前冥漠人，鴉叉招得精魂來。建標峰如巨靈擘，直幹松自秦時栽。天紳大瀑透空下，彼豈胸臆填風雷。礫礫磳磳啤中怒，耳鳴悅忽驚濤催。縣知松根攫危石，石下定有龍湫洄。滿盈之動豈無日，驪珠夜竊何爲哉。荆浩北人山北性，清秀不與王維儕。亦掀思訓撥昭道，忍將金碧汗巔崖。純全山水大冬氣，閉隱道與希夷偕。洵洵五季人，相食厲有憐。王僧話灰戰塵飛不到，蕭寺浩有秋山蕭寺圖見清河書畫舫吳筆項墨隨塗措，真形太行接恆岳。冥寄桃源及天台，郭若虛圖畫見聞志載浩桃源天台圖風雲所通徑路絕。若有人兮宅崔嵬，固知圖畫意未盡。上方氣已通蓬萊，十年江湖困卑溼。董生平遠非余懷，長安豈知日同遠。岱宗政恐山其頽，乾坤干戈身老病。青鞋布襪行靡階，投林甘寢幻思夢。夢身化作松根苔。

題扇贈鶴柴山人

廬江迴倚沼，淮水鬱增波。市隱江南美，軺封塞上過。沙深迷赤柳，月冷渡黃河。病客崑崙夢，因君發浩歌。
吳剛脩月去，梅福故庭蕪。客有槎回問，星傳曙後孤。隴隴淒老眼，刼刼到今吾。借問陳無已，談叢績得無。

南風

南風觸體生齒牙川原白骨亂如麻
大猛火聚一燔炳塗毒鼓聞空痛嗟
天狗有聲雷墮地鬼目相看血
是花如何日月眼長閉忍墓蟠腹長爬沙

又和樊山

猗蘭巖前青鳥使夜誦詩中赤雁歌
可許阿嬌知狀未真形五岳諒無多
楸葉得能新綠葉荷花直恁守紅心
人間最說唐宮合天上先知漢女針

晚望

晚雲千里至病樹百年枯篋叟稱經語
舟師警澤苻萬方成一槩七日有重蘇
鬼哭橋南路誰施法食呼

八月

八月吳潮上三年蜀魄悲江流無返日
月闕有圓時秋氣洒毛髮蟲聲催絡絲
泰山將治鬼不敢斷臙癡
鄭所南畫蘭卷樊山所藏元明題者三十餘人
未有張文襄題詩樊山自題七言長篇一絕句八

皆丁未都中作也

硃光闍脫由拳紙小字凋殘丁子尾尖豪
破墨不破水元是孤臣淚鉛泚昔爲王者
九畹香今掃僧殘一錐矣圖中兩花間九
葉左方長短參差七六陵雲黯一星移白
雁聲催北風急右方二葉短復短心在零
丁海洋畔可知正統遠仍存塊肉猶延丙
丁算國香零落天之涯國殤毅魄懷王知
南翁倘有南公語本穴嗟當木壞時嘔血
總爲天水碧啼魂常抱凍青枝當門翻恨
無摧折祭鬼何妨入煉持

鄭元祐跋吳僧所南呼召法

遺事鄭元祐陳基突韓

各寫精爽何分在朝野

吳中先輩謂所南是在野文山是在朝道衍跋中述其語

剗心史已瘞承天代舞靈應

依毫社滄桑幾度紅羊換長卷珍留清闕賦題詩原是太平年黃閣紫樞眉壽願十年我輩草閒存一老不遺箕尾遠酒闌坐客重披看若有人兮淚如霰嗚呼舜禹之事盜跖章昔爲狄滅今梁亡西州華屋渺龍荒馬策餘淚秋淋浪我無橋亭之硯端筴知陰陽亦無西臺竹如意朱鳥有囓空彷徨春秋不作騷不光蕭艾變化蘭無芳提筆擲筆歌慨慷人閒誰要埋憂地一往牢愁天上寄

雜詩

秋氣迴蕭瑟潛波渙西南浩然風露性一往寥天參殘暑尙蒸雨薄雲不成曇巾車招近局嘉樹藏詩龕有酒趣非飲得朋見不談情忘中夷惠道衰隱彭聃歸路逸超忽微行蔽松杉林陰漏光景仰見雙魚儉我有蘭百本同心盟十年托根不藉地保種寧非天秋院肅清蔚孤英想幽妍杳然空谷思闊絕懷香綠流宕夙心負衰疾歲月遷尋芳過鄰畹子美愁悵悵

江霧晨漠漠江流靜洄洄朝華絢五采隱映遙空來蜃氣結層標虹梁冠隈飄搖海童遊翮猷青鸞偕目蒼洞光景神行度埏垓若有羽衣人星冠集靈臺我乘升降煙天漢雲昭回却倚白榆枝眇延松喬儕香城一陶盡龍漢千期哀

與可廣長舌東坡眇禪師客來偶相示夢迎端不疑礪竹八風受池月千波隨頗復相識否觀河老波斯秋葉無妍姿秋燈無顯迹窗前老槐樹枸橈日緘緘寒塘蒲葦短淡日乾坤白解侂視蔭情蒼莽遠行客

宿春嗟已晚，輸載念誰役。幸自可憐生，爾牛來角尺。

客至亦何見，主言自舒懷。非人身相盡，衡氣天弢諧。水石偶礪激，木火生摩揩。居然吹比竹，亦或碎神椎。語默孰司契，合離兩非佳。蟬休客亦去，止止還心齋。

作詩必此詩，詩亦了無住。偶然眼中屑，搆此空中語。六鑿雜悲歡，七音迭宮羽。太虛誰點綴，流水無焦腐。筆汝亟來前，寫我非雲句。

某局熨虛腹，隱囊倚頽顏。茶香鼻有守，鼎冷丹方還。樓外天曠漠，樓前水潺湲。無心蝸篆壁，有情鶴歸山。生年鶻冠子，杜句納息迦旃延。事往悔吝除，秋成天野寬。我不著一法，而法循無端。小山有叢桂，將子來同攀。

門前日有賣花者

霜郊寒菜色，深巷賣花聲。病客重傾耳，春心逝隔生。

簡蘇盦

秋葉脫且搖，秋蟲吟復暗。秋宵無旦氣，秋嘯無還音。寸寸死月魄，分分析星心。天人目其胸，海客珠方沈。惇史執簡槁，日車還澗深。寄聲寂寞濱，乞我膏肓鍼。

貴已不如賤，鬼應殊勝人。攬蓬語莊叟，乘豹招靈均。蕩蕩廣莫風，悠悠野馬塵。獨行靡掣曳，長往無緇磷。鬼語詩必佳，鬼道符乃神。道逢鍾葵妹，窈窕千花春。絕倒吳道玄，貌彼抉目瞋。

君爲四靈詩堅齒漱寒石我轉西江水不能濡涸轍道窮詩亦盡願在世無絕澍澍長江水照我十年客
昔夢滄浪清今情天水碧徹視八沈冥忘懷閱潮汐

再簡蘇齋

墻戶居然入病坊畸民原不受天陽沈沈日月觀幽國歷歷心精闕寂光雅廢磚留君子館詩寒祀配水
仙王嚴車廣陌遙相屬越鳥胡鷹耿不忘

題目寓樓曰海日樓終日盤桓不出一室每誦陶公雲鶴有奇翼八表須臾還之句千載同情有
如接席意之所會卽事爲詩

我性好樓居東窗著匡牀未明得朝氣出地星煌煌坐作岱頂觀海波浩滄涼真形見陽谷嘉實餐樽桑
稽首摩利支大悲徧諸方鸞駕先日馭鬣雲攝機槍密語千萬周四施極羝羊福嚴普沙界兵氣爲慈光
摩利支天咒持誦避兵
宋人小說多記靈驗

迎日起何爲長生資沐浴霏霏流霞潤飲我初生犢協氣外蒸濡奇溫中馥郁子珠抱靈根燦燦金華簇
裸國薄何嫌胎兒洗宜育咸池甘石經占此新陽復

安期爾何人得非魯連徒卻秦入東海傳爲列仙儒朝與青童游莫歸紫府居鏘鏘白鳳皇侍從隨仙輿
辟穀亦何爲食薇不願餘披髮下大荒冥搜宛委書雲氣闕徐市岳圖付仲舒誰言齊士怪正笑田橫愚
南史簡不存長懷一嗟吁

西摩路 梵語悅意曰西摩阿彌陀所居國土曰須摩提文殊師利所居城曰蘇摩邪釋義皆同
西須蘇一字之異寫耳稱意曰須曼那好意女曰須彌迦余所居迤西南曰西摩路不知邪寐
尼書當作何解中天語則悅意釋也路爲出入所必經感此嘉名彰以雅咏

秋老物將息羈懷藐何依海濱常綠樹慰我淮南悲峻宇闕人迹曠塗舒息吹投林鳥有宅脫輓車方歸
黃葉故城城秋陽迴離離欣然名字卽已釋塵沙疑老母米潘因晚華曼陀姿就體復不妄無緣豫焉隨
遠見西南江莫帆去何之昭文琴可鼓象罔殊方遺

偕完巢遊張園天琴泊園不期而會

步履東風貽宕行春遊宜雨亦宜晴鵲寧知歲營巢定鷗已忘機狎海盟雲意與人同澹靜江光迴照入
簷檻年華此地過燕九嘯咏何心效洛生

周侯高爽偉容儀元放純常見道機楚國先賢同臭味王風曷月我旋歸春從天上來如夢思發花前願
不違行過津樓還買醉更闌海月在人衣

釣鐘花或云出羅湖或云出頂湖樊山賦二詩易以雅語曰懸鐘和韻

樊山咏鐘鼓之鐘余則詠酒鐘之鐘也

認桃辨杏都無似恰似棠妝倚睡紅朱鳥銜來雙瓊倒羅浮春暖一枝逢冠垂嬰珞天人飾淚化瓊瑰曉
夢穠政好分光照南燭不須鬥色對蠻楓

疏枝小朶影徘徊春與三危墜露催倒暈凝拈酒蕊回波卷與醉官梅纓垂紫絡宜攢鬢槽滴紅珠更

覆杯博得詩人題目在年年長定歲朝開

偕樊周遊徐園看梅

著意尋花蠟屐招徐園梅信綻芳椒春光那便榮瑰木猗覺相將坐綺寮詩律未輸詞律細香塵更比色塵超夕陽紅處分途去容裔春心落晚潮

仁先自杭歸貽龍井泉一瓶

西施本是臣里女我與西湖久睽阻半生長作越流人想見澹妝濃抹嫵狗兒年冬勇探陟始踏冷泉泉畔路張家祠樓十日留看盡重湖雪月雨當時奢願游五岳踏破芒鞋返胥宇稽留山下挂瓢人許我爛柯偕賭墅豈知乾坤一反覆孰兩東門遽如許有眼忍見林希碑有足誰遮相柳土年年穀雨薦新茶空說石泉槐火煮陳無已自山中來貽我龍泓白牛乳山裏依然竹筧清世上誰知蓼蟲苦松鱸飽尊聊一舉藜藿腸鳴甘爾汝老夫嘹嚙故難醒五碗通靈空計數樊侯示我列仙詩我自幽篁山鬼處倘騎赤豹從文狸夢見冬青不凋樹

和天琴新居詩

海濶翔集島鳧趨共道先生此卜居邱令宅圖經幾換永嘉土斷復何如藥闌喚客看新樹瓜菜當筵說故廬誰與布金開丈室儻然插架理藏書

三年隱几共于喁兩老風流在索居世界迅催塵劫劫詩心妙總印如如菟裘君就新昌宅鴛棹吾歸辟

塞廬長聚固應非鹿豕有懷口自戀琴書

和天琴韻

衰翁心跡屢相違病葉西風落更飛腕勢戰爲金錯字畫緣催典織成衣夢遊建德鄉非遠簿記流人客
未歸斜日來鴻空悵望荒林寒鳥暫因依

樂哀哀樂事相違強借雙玄遣百非百鍊未成江上鏡九條重衲淨人衣刀輪須洛諸天動戰血瞿邪鬼
哭歸鐘應山崩憂未艾衆生國土愴何依

九日惠中旅館登高超社十九集和樊山韻

秋卉葉光紅玫瑰晚稻實於早稻斂梧桐自凋菊自芳拒霜特艷芙蓉腮天公於物何厚薄菀枯得氣殊
根菱月管葭飛無射灰剝上碩果憂懼懼遠望當歸歌當泣江寒強復臨高臺龍蛇起陸鷹祭鳥好懷那
得從容開沈翁垂頭如老鶴暮愁蕩蕩彌堦堦樊翁氣若晨鳴雷兵家意氣仙家人閒蕺淨亦何有排
雲自見金銀臺置身久居長命國養氣常爲不暇孩重陽江樓躋崔嵬說字糕爲劉郎哈恨無承平臺閣
分數典小宋奚難哉昨朝凍雨風簷簷賊孫聖偶忘登靈疾行居然穿雨外雨師妾避商羊猜此老身輕
爭鳥過那不縛屨凌天台那不應身爲萬回那不飛騰鹿盧躡步自東極至於西極坐看尸蟲人鮮天煤
泉溺人必笑且有問沈翁太愚誠鈍僮樊翁一笑不知許銜袖磊磊珠百琲有口且爲鄒衍談有酒須盡
劉伶杯有花可插句可覓樂天夢得隨摩揆二鳥南北海三鳥崑閬隈起與秋蟲競鳴聒倦同鶴雉眠蹠

嚮福禍倚伏冥有數哀樂何知非樂哀蒼然暝色出門去痴翁一卷携得今夜詩山材

和散原九日詩韻

三年安坐守皮骨萬里登臨忧心眼知非吾土一憑欄豈有茱萸搨學陳元龍氣固自豪湫隘塵中見
重巘適來安立共雲梯但有樓臺卽仙館太陰雲從西北來誰辨趙牛與衛犬雄雷聲作小兒咳失候焉
能驚箸椀是日嘉名愛佳節尙憶官身假休澣蒼涼林蘊追昔時蜀魄千山紙難剪西巖老人催白戰我
比劉郎思更蹇樊翁佳句上秋潮如此重陽須再展樓前雨作海茫茫地軸只疑鼇戴喘幾家壑谷樂無
愁向後方壺看亦懶陳侯逸興且過飛折簡改詩傳月滿洪鐘競道無纖扣赤手縛蛟看蠶蛻明年此日
復何如政恐犬封無寸巒

次止相題江西詩派二家集見示韻

江潭搖落柳無枝鱗角牛毛詎有期少惜雕蟲非壯士老親風雅轉多師乾坤毀後寧無易鄙鄙刪餘尙
有詩藥圃湘膚秋次第重言爲借注圓卮

雪陸提刑招同天琴漚尹藝風完巢詒叔黃樓積畚諸君飲於醉漚

露電光中玩好春滄桑劫後幻陳人食單楚瀝吳羹選鄉味椒漿藜實親酒罷樓前頻視蔭談餘劍首一
吹塵抱冰堂上留殘客舉目山河重愴神

白日青陽病客前敢將兄事問疑年市樓星座三垣外海客漚羣十月天本味何難宰天下舉觴相命作

神仙花須柳眼睛無賴趁起東風各放顛

題趙管合璧卷

寶墨生香思出塵滄桑劫後謫仙人白楊自長齋前樹翠竹猶疑世外春緘署和南師上座帖題驛北拂行塵金駝那必無鉛淚太息仙源最後身

庭前碧桃花

碧桃花自今年發客舍寒迎舊歷春瓶鉢老依僧計臘軒窗晴喜日隨人難忘鶴禁班聯夢已是蟲沙變易身此日此時聊自得不夷不惠藐誰親

和藏翁寄贈海日樓春宴圖詩韻

七紙郵箋出上都吟成如見繞牀呼經行燕趙悲歌地寫貌朱陳嫁娶圖雲海迴留詩眼在天門還乞旭輪摹豐貂裘落顛毛白悵憶春風侍史扶

芷畦見示答友詩依和

不是憂纏卽病掛誰從宋莫扣餘音皋禽警露聞遙野海鳥翔波有畏心蜀道隱踪慙董養幽州疲隸慨盧諶門前五柳春條發與子徘徊共息陰

逸社第一集止庵相國觴同社諸公於敝齋相國與庸庵尙書詩先成曾植繼作

春風駘宕來朝氣在巾履川上逝不留吾生眇焉住平生五岳願跛者不忘步屣跡土室隅萬象入樞僕

身是古莽民，甘寢世無曙。羣公排闥入，有酒忽成醺。有俎雞鶩兼，有邊肴核旅衣冠。今四皓朋輩昔三署，或拍洪厓肩，恣浮魏王瓠。青冥馳野馬，迅轡不容馭。竹素尙相容，焉能闕情語。錄公喟遐想，南朝稱錄尙書事爲錄公見宣題。目此欣遇字，說一掀髯析言勞介甫。

逸禮不臺記，逸書不師傳。逸品畫不聖，逸曲琴無弦。天壤廓無際，逸者象其先。古今邈無朕，逸者游其元。坐作鯤溟運，立當鼇極掀。神依少廣母，室在崑崙巔。焉識廢蟲聚，中有雷闐闐。焉識須羅孔，日有方輪旋。埋照不忘照，鏡空羣動前。吾方眈逸病，放意懷與安。鑿齒人且半，壺邱鯢有潘。新陽感積悴，哀樂環無端。庶以長者言，將持日車遷。酒闌積絳算，僂吾生觀。

霽雪照江邑，不能滯海濱。餘寒獨滲骨，襲我羊裘人。秀樹迴含綠，鳴禽亦懷新。天光延午景，草色晞遙颯。花事可蠟屐，雨行隨墊巾。豈無填海石，噫此無懷民。夕照散車轍，長烟凌塞氛。還將洛生詠，付與臨川論。

到家作

病與愁兼復，幾時還家迢遞。一年遲蕪城劇，有參軍感舊館難爲長史。思燕守空梁，甘宗莫鴛依晚樹。話流離此生行，共飄搖盡慙媿迎門稚子嬉。

國界橋

水驛西南路，乍分病夫猶自惜。餘春修多羅，說家常話冥漠君爲化。樂身棹去波光回，虎眼水繁雲氣淪。魚鱗橋堍廟，令應憐我長是東西南北人。

還家雜詩

九服蹙靡騁我懷良鬱陶憧憧野馬塵送我乘輪隨脩軌一超忽春光滿江皋黃花菜根味紫花地丁膏

五色蠶豆花

鄉人言豆花具五色

如鳴繭絲勞農宗生始擊壤成咸韶誰與飭五材禾邊倚之刀遂使糜爛戰不

惜乾坤焦吾里縮吳越風雨憂漂搖有粟無金湯慢藏盜之招經行揆形要日暮玄雲高

二妃洞庭宅三姑泖湖居娥娥天帝女應化爲嬋姝秦帝吞八極游觀戾海隅東南天子氣劉項先徵歟
如何汙長水株累千囚徒二妃風湘山三姑沈柘湖波濤秦籜令濺濺頭爲魚吳楚亡國悲靈威爲宣扞

邢系出元公神實周黎餘澤國春水生傳葩會吳歛千秋通胙蠻三戶同喑鳴我代博士對用禪枕中書

王店有三姑廟船往禪師村者以爲標識

水竹交翁蔚杞移入支涇春陰澹原隰遠見孤花明蠶候百室靜阡陌稀人行林陰見犬臥日午聞雞鳴
婦智敬無曠田更勤得生幸無街彈室不解閭師爭淳俗偶存在兒童樂柴荆卽此是灑濱潺湲水樂聲

魏塘迤以北漢塘迤以東海防來自古內庫外差隆吾郡南江委谷水蟠其中津渠交地泐堤堰爭人功
頗疑馬塘築實絕分江通從茲南紀絕桑鄆言皆窮燕齊填九河嬴氏湮三江所以山海間往往留秦蹤

毋以仲初記上揆神禹功吾將咨海若一往皆曩空

舟循漢塘西南行

荒草春茫茫言尋大夫墓兩海風馬牛魂歸自何所散民怯公戰矯以鶴軒拒懿公死社稷缺矢志先諭
傷哉空國走不見輿尸旅刳腹作黃腸呼天心獨苦有臣乃若此足以知其主衛國君臣乖十世餘殃注

亡虜幸偷生有言皆糞土
長宏血在蜀精衛翔渚
神化固難量吾言公儻許

衛大夫宏演墓在縣西南約與余家墓近

元季九州沸吾州獨安寧
濮川叢桂枝雅詠琴清英
景德錄僧卷金蘭有友聲
顧徐孫卓陳卜宅皆賓萌
山紀貝家宅溪環仲孚庭
淮張死不怨謠諺觀人情
地理有變易徑涂入夷庚
戰士負羽守兵家扼吭爭
崑莪細柳營月波夜淒清
昔者樂郊語今茲劫棋征
儵樂豈無戀鵲枝依復驚
愧無孫叔智甘寢息郢兵
長爲越流人踟顧重行行

汝南雞初鳴危棲俯平野
夜氣靜濛濛潛陽伏其下
織阿西未沒躍靈東將駕
晦朔苟非會易象安從寫
稽首觀世音將無金母假
陰陽卽空有一異焉存者
吾老過弇州文身久當捨
寶華有天女願爰曇陽輟
來躅循未遍去輪展方適
居家翻若客兒去翁難留
頃刻蓄薇花舒英送行舟
杜鵑加惜別一雨皆垂頭
後閣待支楹前園計開疇
貽書慰老友來月煎茶謀
卽事有增益隨緣共綢繆
吾生托信海安往非虛舟

乙卯五月重至西湖口號

來趁西湖五月涼
憑闌盡日醉湖光
聖因寺古佛無語一杵殘鐘
揜夕陽
聚散由知有定緣
故人重見忽悽然
觀河莫話波斯面
已隔風輪五百年
苧蘿人作菰苳妝
爲惜曇雲掩淚光
解道夜山元勝晝
不須懵懂怪襄陽
老翁濟勝已無具
客子登樓還有情
寄語葛仙休悵望
騎牛或恐有來生

疊前韻簡西巖老人

海日樓頭倚夕陽，春秋直爲蟻蛄忙。遠人如杌忽移樹，深草隱花微度香。水位星搖占害氣，金神氣伏避

炎方奇肱刑德非無意，會與閻昭一審詳。

第三句馬第伯封禪記語，晨起親見之。

炎宵無寐夢無家，強倚樞軒待曙霞。病眼觀空增矐瞤，文心失侶不雄誇。飛來白鶴傳書簡，想見蒼龍潑茗花。獨樂襟期隨地在，吟懷應爲晚涼加。

再疊前韻

寥天一去入寥陽，翻覺雲居數劫忙。法樂靜時常在耳，鬢花萎後別生香。仙家上法通三世，月中庭可一方晚歲王官無箇事，合將詩品更斟詳。

斷虹下飲川中水，高壁明翻波底霞。散卓筆書豪最適吉祥，車輓穩相誇心燈電續光明綫。意樹詩催頃刻花，今夜月圓誰與望影池。荇藻想交加。

和庸庵尙書異鄉偏聚故人多五首

異鄉偏聚故人多，傳得新詩與細哦。病後情懷秋葉薄，老來歲月研田磨。風潮合沓誰來往，露電光明去剎那。自有後人能補闕，不堪重館却重過。

放意江干發棹歌，異鄉偏覺故人多。丹心有願尋伊霍，白首如新共澗瀟。閒共山翁論甲子，長留心史映山河。華胥節物都成夢，元老新書記若何。

也知身在長情在，不是徒歌卽和歌。短世豈堪長歷算，異鄉偏覺故人多。山中橘可藏棋叟，海外瓢應笑

夢婆鵝鶴建章塵影在可堪耿耿望秋河

人海滄桑感逝波長吟日莫意如何談天炙轂招佳客短李迂辛共放歌造化豈於吾輩薄異鄉偏聚故人多連牀舊約聽相慰一任闌風伏雨過

毗邪城裏病維摩豈有心情數劫波有願生天先謝客誰甘駐壽待伽婆搏沙親友緣無散托體山河
已磨他日碑陰先友記異鄉偏聚故人多

晚望

如此江山夕照明野夫那不際承平屨樓海氣雜莫氣魚簾潮聲如雨聲靜夜吳船聞打鼓昔游蜀道記

初程白頭負戴難重說四十三年枯菀情

余第一次至滬爲同治壬寅入蜀就姻航海南來派江西上時金利源碼頭尙未成也

誦齋和韻二首越日過談再用前韻

楓葉初黃栗葉丹婆娑世界閱儒冠有來秋色蒼茫裏過去吾生次第觀爲令晚年惟抱朴龐公雅語托遺安朱陳圖畫周張對二老風流異代看

北樓

風物蕭條倚晚樓離騷誰爲解離憂寒花自咽霜前露芳樹遙憐物外秋涓子適來還問道秦青別久不聞謳吳門白馬誰曾見太息衰年目力休

八月廿四日補作逸社第六集於敝齋吳俗以是日爲稻蕪生日禾志載俗諺曰上午雨則竈上

荒言米貴也下午則竈下荒言柴貴也是日快晴廉黔墨突因拈此題以諗諸公各以鄉俗賦
秋成詞

山人足樵蘇田家足稽秈無米我曷殮無柴我奚爨燔柴字从示萁蘇尙篋筦緬想及初民造端在嗷吠
仲秋不宜雨下四日元建有滄竈養愁曰霽老婦粲凌雜占五行艱難惟一飯午暑桑蔭濃疏崙菜秧蒨
數穢綻已足睨穎銳仍健屈指計冬烘踞觚叟言善吾廬市橋北柴船曉魚貫耳熟篙師談喜傳媾姆遍
屏居恍日月瑣屑摘謠諺且復究言源因之夢田漚癩生日

土暇有餘力功暇有餘思欣此秋稼初不忘春花基倒土如倒倉翻翻力鉏鋤語雖犁耨異八月犁種見齊民要術
理適堅疎宜六十不指使壯哉老農師俛身笠影大許語田頭踏汗背忽復袒秋陽暴難支寄言方田客
哀此勞民斯倒土

連壠禾首垂烝民茲乃粒三日買篩籩五日備稻鋏籜籜竹枝絞簾繩麻苦押門前打作場舍後用攤蓋
用俗讀若揮之去聲義亦同勤乎身四體權甚箇七合上田豐歲每箇七合每畝二百餘箇壅壯差有償倉箱願寧及柳下風舒舒溝脚

水漑漑晚樹鳥鳥樂廻波鳧翁暖物逸人曷勞喟焉問難答買稻缺
雅言紫荷花宛央湖權歌稱紫荷花俗語荷花紫俗稱荷花紫草草厥用埴壙墳不殊豆麻底要術有豆底麻底最良之說名或淆地丁秋
先撒花子明歲遲歸舟饒農醉茵徒權歌注花開如茵游人藉此泥飲撒花草子每

病山示我鬻醫篇喜其怪偉屬和一章

病山健無病詭以病自名顧謂我病者六鑿完無刑妙識洞肝鬲微權移重輕矯以憺定辭抑彼振蕩情
始我聞之疑徐思怛焉驚心病實奇倏身病爲常恆我方逃空虛良背行無庭身象且不獲病所安從診
毋若華子然哀樂忘其誠毋若壺邱君灰怪徵於形因之爲弟靡厥咎將偈僂心死道所哀死心禪所矜
云何我喪我不著行處行向來目窅窅何日常惺惺君言儻余警達此膏盲癥我昨新嘉園睨君切望聽
矯然如野鶴迴刷霜天翎高視龍登雲燭微犀照冥蝻峨聳奇骨信是岷山精政爾丹靈宮班爲太極卿
遨遊延蓋公季孟茅初平胡不鹿盧躡超遙凌上清胡寧終古忍局局儕蠻僉茲豈摩詰病將垂无垢稱
醫術始黃帝神仙能養生厥流託方技厥典先羣經燕齊迂怪人悲憤思飛騰仲景廚及流不依劉景升
大慈啓金匱善救蘇災毗黃公北山隱思邈終南迎劍首映隋唐刀圭戰醜亂古來數賢達豈不思咸衡
醫國談王霸殘民積曠京起翦適上服申韓劇心兵法立鞅自斃說行鄴當烹世有鷓冠毒劇於鳩羽莖
傷哉學術殺日播科條腥壯俊膏斧鉞飢愚摺楊析沼吳賜益富禍宋舒誰懲信知力牧策不若兪跗羸
活國理無望活人力猶能今君能擇術寸帖張零丁夢有鬼神告詩之琴瑟錚坐見起九死相呼走三彭
赤丸震辟歷玄石如冰凌衆寶貢者域國工拜櫻寧周南尊壽者趙國珍娥姪各各得所望磊磊軒厥名
末劫人命賤名都市心爭東西一喧闕天札方縱橫乾陀自有論明堂亦有程豈有波羅仙克先張孟鳴
豈其天醉秦力偕和緩征倉卒潑寒胡殞我儒林英靈傷人物眇誰將是非評醫壘有元戎仗君樹和旌
先驅絳神伏典柄清要燼盡追鬼宮魄蘇以青囊騰祝君青驪驕車驅輪不停軌前逢勃塵香爲聚窟窠

報君朱提銀飛蚨簷楹徒御有驕色翁媪無啼聲我聞醫者意揆度以爲恆經本若象緯軌道縣日星
方本若歷術渾蓋陳模型太歲有超越均輪時胸盈爲合驗天失順天求合成又云意所解言說難爲呈
體知非師授書曉彌聽熒固知司轍末不如司契貞視且洞一方說寧拘五行觀君本生地葉鏡胸中瑩
量君後得智庖刃礪無銚意匠捷縣解玄扁爛先醒得魚不忘筌摸象方開盲政爾不疵癘窅然在神凝
忽焉自得之那便資鉤繩以此壽衆生藥王願其宏我以天眼通識君韋陀明仍潘肥水淵用詫神巫偵
聞道樂夕死脩期非世齡山陰干嘔帖奈此痰藪蕪惠我薩家丸副之東臬荅朝飢得飽食坐睡成艷艷
翻恐耗食籍何心覆茶鎗瀉木疾無枝蒲柳秋當零無藥可醫老有期爲相瑩君詩精且勁決起秋天鷹
我言苦諄諄視蔭愁陰晴筆駛遂連牀言重積譽譁嚴詩編杜集詎必諧丁嚶黃草刊龐書聊當喧引喙
報章期再廣捷急如律令

拔可來登禮嶽樓病不能借短章以謝

數點新紅上野花未消殘雪蜀都茶時晴喜見披雲客卜夜難留上水榭高閣江光帶平楚遠天遲日攬
悲華憑君莫更徵詩債孽雁傷弓痛轉加

拔可携示辛夷詩余樓前有此花今年開極盛顧未有詩和韻寄拔可且以慰花

花開謝連詩思遲懶殘孤負荒瓏枝白傘蓋前密因在定色未受昏明移君家白塔復何似萬毗一眩瑩
無疵朝吟遂留驚坐住夜領不避盧仝窺花光詩情兩昭朗今名古語無然疑

玉蘭木蘭古今語耳實一木

由來一白

掩衆嫵鷲有佛忍酬文咨咆哮萬國壹骨觀天花勿用霑吾衣

黃紹箕

紹箕字仲弢號鮮菴浙江瑞安人光緒庚辰進士官至湖北提學使

石遺室詩話鮮菴少承家學工駢體文精於金石書畫目錄之學詩不多作又散佚殆盡冒鶴亭所緝鮮菴遺稿遺落尙多也

題黃山谷三遊洞題名

光緒癸卯七月訪叔弟縵菴於宜昌八月五日偕至三遊洞於洞內深黑處得山谷老人題名按山谷以紹聖二年謫黔州時年五十一伯氏元明同行黔南道中日記云三月辛亥次下牢關此刻正在其時三月下卽辛亥二字也辛紘時爲巫山尉子大方並侍行紘字系旁視放翁入蜀時所見已少泐矣流傳絕少爇火摩娑歡喜贊歎

澹翁西行五十一我今五十學隨緣風中鴻雁重來集過眼江山九百年

萬嶽離絃韻有餘鶴銘雁塔勢縈紆此行人與書俱老悟入長年打槳初

巖岫新奇未賦詩重局秉燭有微思散花一著終成累寄語人天共護持

聞一妾人欲剽去刻別字有尼之者得幸存陳雲仲太守囑爲

勒石其
旁護之

題歐陽公三遊洞題名

十六日再至三遊洞又得歐陽公題名石刻於洞內右壁校放翁入蜀記字略同惟四字下年
字今全泐丁字下諦審是元珍二字爲歐公同年丁寶臣之字南宋時已爲妄人加刻畫故放
翁疑其不類耳岫穴深黝塵翳已久初至竟失之宜居人過客之不及知也六一題名尤罕見
致足寶貴

彝陵山水奇入峽此東道千峰縹翠壁劃然發天巧元白蘇黃陸行旅有述造千載山主人卓犖餘文藻
放翁昔搜尋泐缺知已早拂塵驚乍見懽若墨未燥石蠹故易剝穴黑得常保公昔奉母來江鄉足魚稻
縣樓日對山覃鞏職方考公爲令時
纂五代史嘲弄時間作吏牘雜詩冥想當清秋初沂川消積潦石乳凝雲扃巖

蔬照晴昊判官夙同調緣恣幽討淋漓修史筆懸壁偶一掃引繩無畝斜濡豪絕瘠槁乃知大賢心精
氣常在抱今君無結銜庭趨甯足惱公視官如家視民如襁褓追俗玩歲月自分桐鄉老豈知屢起蹶入
汴鬢已皓夢中渡橫查苦憶山縣好東山有題詠漢廟聞祈禱遺文猶在誦貞石翳荒草寥寥殘字在永
爲茲山寶

縵庵合裝歐黃題名懸齋壁並題一詩即以爲別

廬陵少孤貧不憂登朝一節論千秋波中金石仰看物箸書不足來尋幽維摩老子稍後進文章不同有

心印書骨權奇如其人未得書碑聊自運歐公至喜堂記山谷書國初殘石尙在徧訪不可得當是東還後所書二公氣立萬物表白傅西

來恨太早中間題壁有蘇公作詩父子三人同蘇公兄弟晚飄泊壁詩磨滅無由蹤三蘇至三游洞皆有詩東坡有三絕句留

石壁放翁已不見知磨滅久矣尹余繼去衆已駭元祐黨碑滿天下平生師友如雲龍萬事升沈付埃馬歐公有母黃有

兄至樂天與誰能傷但說山川蒙藻績豈知點畫含風霜縵縵庵來惜別吾家風義足可惜公家事了

栽紅梨烹茶讀書且面壁

題安周造寺功德碑拓本

和林墨本寄從俄唐闕特勤碑俄人用洋布拓墨余曾見之片石韓陵未足多爲報審音鄭漁仲孔書早過幹難河碑爲佛法立而文中

始覆一贊用論語鄭漁仲謂孔子書不過幹河一步

武梁畫象勤鉤索海外翁黃大有人可惜柔然紀功石枉勞才筆選詞臣曾見德人著武梁初畫象攷刻本一巨册博采乾嘉間金石家

說如翁正三阮芸臺黃秋齋武虛谷諸先生其姓字皆用漢字餘皆德文惜不能讀也魏太安四年伐柔然刻石紀功

題顧亭林像

審韻探碑絕業餘子雲後世竟何如薦紳坐論裨瀛外辛苦親編肇域書

河朔江南幾大師百年儒術漸支離夏峯不作南雷死瞻仰神姿一涕洟

題惲南田像

流離生是拔心草窮老猶摹沒骨花京洛貴人爭購畫誰知忠孝舊傳家

絕藝同時石谷翁曾看侔色尺綃中兩家神逸誰高下多恐吳生是畫工

題陶齋所藏秦權

秦廿六年并天下刻辭金石壹華夏萬事如畫明無疑咸陽宮中鹿化馬百斤量衡書中程千石鑄鍊金
銷兵此權當時在何許王府和鈞儻有名尙書嗜奇勤攷釋藏權凡七此盈石隗林隗狀知誰何太息摩
挈相斯蹟

竹添井井招飲龜清樓卽席賦贈

少年暗誦棧雲詩今日高樓接履綦仙劫三經塵海後儒書五厄晉隋時左毛古義勞甄述秦蜀前遊入
夢思莫問袖中活國手喜瞻頭白老經師

留別編書局同人並塵書衡比部

少作雕蟲悔已多九流晚出各殊科微言大義愁乖絕舊學新知賴切磋黃帝教來烏拉嶺素王書過幹
難河鎔模采算勞甄錄江上精廬眼細摩

題王幼霞秋暮懷人圖

圖爲某君寄江總樓霞寺斷碑作

涼蟾窺戶天雨霜草木黃落雁南翔所思遠道不可見何以遣我球琳琅南朝令僕兒戲耳文字翩翩差
可喜缺碑盤木昔所嗟丹青不渝今復爾憶昨將車鐘阜側過江名士多於鯽酒酣說劍無留行念君縱
橫掃破墨嚴颯颯遠清尊芰荷落盡風漪痕青山一髮江南路我亦悽神虞道園

送沈愛蒼廉訪之任廣東兼懷太夷龍州

少小結交三山王相視歐越如家鄉

余少交王忍齋前輩因緣闊土甚多忍齋有小印曰三山王郎

王家快婿陳學士

伯潛弱冠文采難

鳳凰春燈社客頗識面不獨陳

齋緘

郭榆春

同歲良驚才橫絕見稍晚長樂鄭生閩沈郎沈郎磊落稱將門斑

斑虎豹多文章京華病起乍握手見我笑語猶疏狂廿年江海數離合家國寧止三滄桑官齋劇譚氣未

減却顧存者皆老蒼太夷臨邊坐嘯詠千奇柱腹一不償儒家議兵要知本思通道蕩安農商憐君欲去

夜籌筆規圖橫海心傍徨無窮止在不聞見助君有目誰能張中條山色亦不惡斷鼇南極須扶柳絲

送人綠挂眼海棠如霧彌紅妝昨宵風雨落如霰猶堪把酒看丁香萬期浩浩一彈指但惜尊前華燭光

海南波瀾殊未歇鄰火恐及池魚殃效奇或在職司外聖弈無譜醫無方不知蒼梧雲盡處善持單複師

何長因書爲我致問訊迢迢萬里參相望

留別譯學館同事一首

結想無窮力不任住思避席去霑襟依蘭傍玉慙非質叩角彈宮感合音風暖漸扶荷出水露濃剛護柳

成陰漢江夜夜嬋娟月長照佳人萬里心

梁鼎芬

鼎芬字心海號節庵廣東番禺人光緒庚辰進士官湖北按察使

石遺室詩話節庵少入詞林言事鑄級歸里又避地讀書焦山海西庵肆力爲詩時窺中晚唐及南北宋諸名家堂奧佳處多在悲慨超逸兩種如興往思友生悲來涕山川到門驚老大臨水與徘徊兩湖舊種應成他日重逢莫問年纔見一筵笑俄分百里天千齡一日積此日誠艱哉觴急可以緩花落還當開百年紅燭短一水夕陽深花前絮後無人在檢點青苔月色昏江水不可涸我淚不可乾客行頭漸白人坐燭微紅一水飲人分冷煖衆花經雨有安危聞鶯未識誰家柳臨水難回少日顏園丁未服生疎鶴春色猶妍老大藤漸與世疎詩筆放偶緣春好酒杯寬衝船雙鷺去列岫一亭收事過百年人始貴我無一物意還多啼風一鳥驕臨水數花謠諸聯皆可入主客圖者全首如窪尊煙雨圖秋懷湘舟雜詩傷春全亭晚坐荷花畫絹春日園林同儒老北郭游園歸皆綿邈艷逸至哭鄧鴻臚種花閣公謠諸作則雄俊矣

出都留別往還

淒然諸子賦臨歧折盡秋亭楊柳枝此日觚稜猶在眼今生犬馬恐無期白雲迢遞心先往黃鶴飛鴛世豈知蘭珮荷衣好將息思量正是負恩時

窪尊煙雨圖同楊鼎勳張琳作

我身不願化千億登山望鄉空太息如何若上牽此懷兩客沈淪世無識窈窕尋幽肯不來亭中之人安

在哉石臼杯飲亦常事惹人片片傷心苔三十三天果何處單牀皎皎吾已曙向憐駿馬絡青絲絕美溪
山纔一駐人間無事不心違擁樹巖雲鳥未歸少陵空有開元憶醉病江頭對翠微

哭鄧鴻臚兄承脩五首

秋新葉已故摶然委階黃隻禽悲我前不知是何祥啓扉接凶問反復旋目眶已矣吾伯訥一瞑萬世忘
不效君與民竟舍兒與娘世無此丈夫使予肝膽傷

雲霞念京邑數日輒一請詩貪和仲間文則同叔勁瓶醜昏更深几燭曉猶正商量入世事貞肅出天性
權威皆縮氣苟邪私保命盡言識臣賢納諫欽主聖試觀已往事誰曰天不聽袞袞不如草階前指其佞
孤特標一概不諧者徐孫公廷有夔龍敷奏將何言涕辭文石陞身老梅花村俄充割地使遂出南關門
衝林截猛虎曬木矜故猿無懼神乃靜有恥命益尊能使狡暴折不恤瘡厲屯辛苦稱深宮碩果迄不存
孰謂山木壽五載焚其根傷哉南海叟謂潘孺老頭白還哭君

昔吾講豐湖書史略以潤樹木句天功教士扶世運還鄉一笑握誇我今已僅崇雅院繼設尙志堂與近
君在鄉設崇雅書院又在湖上開尙志堂終風獵芳林區區亦幾燼離尊瀉深衷一語獨弗青蠅正羣飛無憚不必忿賤士
戴如天後世視猶糞何以裂兕手一發不再振莫論冥冥理雨灑愁一陣

江水不可涸我淚不可乾回思細席言婉孌保歲寒懷歸苦不成再見已爲棺莫過孟博祠壽考古所難
莫飲清醒泉來視吾已單泉在湖上商築亭未成君先題聯云休論坡老升沈事來試人間清醒泉虛吟朱鳥影空拾丹鳳翰郵勞典不逮沈

抑其誰干俯瞰九原底仰矚浮雲端潛然獨夜人憤慨於茲山

秋懷

羈情了無泊拋去又相尋聞雁知兵氣看花長道心百年紅燭短一水夕陽深獨有雙龍劍時時壁上吟

湘舟雜詩

一點君山翠媚然對翠霞僧門因樹失樵路入雲差竈冷勞求藥身閑自啜茶飛仙有誰見天暮羨歸鴉
湘人思窈窕溝水悵西東瓊蕤延年少瑤笙託恨空客行頭漸白人坐燭微紅喚起芙蓉夢春花一笑中
提刑署園春梅未花伯嚴以詩催之因作是解

乃園百梅歲歲花去臘雪厚堆損芽公子巡簷日幾匝一笑不到春風榻佳人閱世心自澹收視反聽謂
如何明知此事已成例眼前難必奚論他我攜酒盞奠山腹願以一言媚幽獨幾許芳華委路塵深藏窈
窕寧非福嗟爾還存太古春世生席溷總成因浮花浪藥問何事不露文章方絕人寒煖無憑晴又暝冶
願難強英魂醒酒喧詩競付人間不如寂寞空山定

傷春

微雨送芳辰花開那忍看朱樓人未知催燕雙鳳炭不愁容顏改但恐時節換門外柳何窮奈此春鶯亂
全亭晚坐示劉生振鸞楊生壽昌

閒居萬物照心魂陶器單衾與我存一月出林添綠淨數花當戶及黃昏讀書前輩還勞想問字諸生已

在門須使九流分派別猛思江海正渾渾

春日園林

芳菲時節竟誰知燕燕鶯鶯各護持一水飲人分冷煖衆花經雨有安危冒寒翠袖憑欄暫向晚疏鐘出樹遲不是無端感春序樊川多日鬢如絲

懷人一首思道希慶笙也

豫章出佳木南海有清淵威鳳光照世神龍潛自然感時多慷慨束物猶拘牽與往思友生悲來涕山川浮雲西北互兵氣東南纏殷憂啓明主真想見青天音聲均一竅琴瑟偶兩絃涼飈拂金素夜淺情不眠茗茗千里曠落落二子賢裁詩屬寒店待札慰長年

答楊模見贈之作

君初渡南海修禮謁靈光謂東塾陳先生高第推于式枚文廷式結交爲輩行樞衣甫一歲起起公不祥二子既

分逝君亦返所藏我時簡往還但親講席旁蠢蠢十年餘識面在他鄉四十尙僂俛不遇能有常貺我琅

玕篇字字剗肝腸吾師體大雅所學造光明菊坡接學海先生自述爲學海堂學長數十年至老爲菊坡精舍山長成就難具詳胡

燕趙齊嬰啓始秀踵起有慶廷相王國瓚宗浚黎永椿饒軫二林國贊各以一詣張馬貞榆沈葆和最

樸潔教廣陶福祥與楊裕芬後來富俊彥略記溫仲和陳伯陶汪兆銓哀哉馮孝子峻光陳生樹鏞共悲

傷薪火已親執天年竟不長先生歿前數日以遺書付慶笙編巍巍崇雅樓先生辟夷亂居橫沙村取詩禮疏小雅不可不崇之意以

樓名肅肅傅鑑堂集有記以先生讀資心知治亂故處士不敢揚著筆正學術攷古定樂章所懷在明備夢

寐游虞唐發揮七篇祕明白一世盲恆於侍坐時言語聞慨慷惟中有束縛同舍罕一狂亭林有異同二

田豈頡頏先生嘗語門弟子曰吾所吾友記未盡空來泫雷塘慶笙欲仿雷塘庵弟子記書例詳述先

年松廬側十三歎孤生同治十年先生編外太祖南康公詩略秋追隨遠東塾得一每十忘承先詞鄭

重二伯祖覃思深微著有守鶴廬經說壬辰程侍郎典試粵東以經通鄭學拔取庚子守節心慚惶祭田

二十畝春秋以蒸嘗鼎芬既歸里與同門集贊文孫如小同不止解凡將先生長孫從遊居經年雲閣嘗往來其間

稱百鍊鋼君才甚英邁曾燕南豐香流連天人策倘亦念畿疆還思無咎室先生讀易處在精舍東晦若

中鋪六尺牀偃仰不再見見亦非故房世事如一碁小者先莫量黑白苟未判敗亂豈有央山中頭陀龕

寄林散閑芳涼月隔新醉隻雁忘故創江流日如此舊學嗟茫茫

荷花畫絹

縹緲秋江絕世姿玲瓏湘管斷腸時紅蘅碧杜長相憶玉露金風要自持欄檻有人傷晚晚衣裳在水寫

參差綠波驕盡芙蓉色朝攬蛾眉諷楚辭

種花詩二首 并序

今年十一月三弟催漕黃州歸購牡丹數十本蒔於庭下余復補梅杏八株花開人間可以忘

世或譏余曰春花易零奚不松栝之嗜余未及答種花某者足槃跚而前曰花佳哉人生如過

客草木非我有吾爲一時之觀不必百年之壽醉斯歌斯何暫何久千秋萬歲誰傳此叟余感
其言作爲是詩

懷哉棲鳳宅三花親種之芍藥海棠丁香皆客京師時所種十年過幾念步春到江湄平生何所慕堂堂蘇峨眉黃州地

貧曠牡丹出新詩當春暮還斂冒雨重不欵吾叔故好事犯雪祈其姿水陸竹間有歸船豐一篩此花自
深靜名流世上兒貧賤思富貴□□方可危把醜三太息其諸銘我辭

畸士宋王冕棲神九里山夤緣梅千株料理茅三間花豈有今古人自分忙閒侵晨抱甕出搯搯力已殫
笑余攪何事對花但羞顏有山不得隱有家不得還雙溪一樹月清風飄人寰白雲山雙溪寺梅花至衍佳久擬築廬守墓未果

彷彿如昨日風雪吾未孱

杏花美連娟纔開賞不及佳人跨紅鳳絕世而獨立華采自然貴秀色不可拾裕之致殷勤芳馨滿其集
廬山有一董種樹過百十杏穀換以器志在賑貧急神仙如可學此意吾已給夢遊臥龍庵藏知共春泣

余欲購廬山臥龍庵爲草堂王蘇州贈
贊七十千今王沒兩月矣思之凄然

魯子敬慕下作

漢家火德弱羽靈板蕩衰獻帝操敢繫豪傑難羈縻仲謀骨不恆藉手父兄基破虜最忠勁討逆英且奇
無命一再蹶孝廉非哭時臨淮有名士瑜瑾龍鳳馳奚不相輔漢抗議多奸欺王室不可復規模亦何爲
徒使冀幸語搖惑英雄姿因念天子聖保邦於未危疆守苟傾蹙扁鵲非良醫何況才智士內熱多所移

羣雄日縱橫聖化日凌遲各鶩功名場元首誰護之奮武已千載經過激我私高墳依城立春草青離離
惟有江上月照此無窮悲

寄題十桂堂 有序

武昌節署園有十桂孝達尙書取以名堂題額云樹皆舊物不知爲郭華野孫文定阮文達林
文忠何人所植名此以著封殖嘉樹之意復書魚鳥親人濠濮想桂山留客楚騷詞十四字爲
聯託慕高遠往與香驄叔嶠吟眺其間木石蒼秀恆不忍去別已一月爰寄是詩達公補重陽
作有寒煙去雁窮懷抱之句蓋用范文正漁家傲詞旨並以廣之

桂山留客酒頻傾絕世芳菲不自呈樹木盡憑天長養樓臺全向日光明投林空笑鴉爭暝臨水誰知鶴
獨清莫羨希文窮塞主歲寒心事更崢嶸

攜酒菱湖亭上

二月春風陌上閒飄零尊酒又看山聞鶯未識誰家柳臨水難回少日顏寄傲羲皇陶令醉許身稷契杜
陵孱古人志想無尋處空有遺文落世間

題芙蓉花

酒醒見畫忽長歎本末斜陽半在欄一水芳華秋後褪傾城顏色夢中看瀟瀟碧雨遺荷佩黯黯紅燈服
桂丸千疊愁心消不盡畫簾垂地更香殘

孝達尙書招同陳三立陳維垣楊銳江達辰集八旗館露臺展重陽作

萬家烟火入登臨想見陶公作鎮心江國水寒花寂寂湖隄秋綠柳深深浮雲不散天如墨夢雨初成酒滿襟留得他年好相憶一時龍虎動高吟

夜雨二絕

點滴空階不忍聞太清何事綴微雲斷腸最是芳菲節一例摧殘竟未分
清魂幾度託深山爲戀東風不自閒亭館淒迷燈燭亂惹他蜂蝶滿人間

同孺老北郭遊園歸

昔年芳草尙畦塍人漸安閒衆力與已見屋廬還舊日欲尋花藥共良朋園丁未服生疎鶴春色猶妍老大簾看畫嘗茶無一事窗簾風細又飄燈

春郊試輿

行春自笑忘春華落盡平原桃李花自薄空林喧野鵲路通叢芮辟垂蛇仙人樓閣知何世大道煙塵不是家要合城中二三友可能閒曠燭幽遐

余在家別道希旋遇於上海將歸江西賦贈一首

天風吹雨飄東西悲喜離合不可齊我行旬日君亦至軒然黃鵠無一棲丈夫挺挺慎所合白壁豈肯汚緇泥君於同輩最雄駿讀書學道他則迷織兒細事豈挂眼吐氣直壓千狡狴廬陵後裔終奮起况兼祖

德章雲霓祠堂未了廿年願蹉跎往昔應自悽久聞萍鄉美風俗既賤魚蟹肥豬雞桃源豈必無世上此
心清曠多山谿君今還家我爲客羣兒笑髯顏色薰免患不懼衆莫知無罪猶恐古有嵇斬蛟割兕豈余
事刳肝瀝血憑人擠明年春風江上來清酒一榼相與攜願君射策若賈董吾儕有用蘇貧黎

端居賦興

閒庭雨過晝添寒柳竹青葱俯一欄漸與世疏詩筆放偶緣春好酒杯寬石脣苔潤初安白水面萍分獨
下竿惟有佳禽笑多事中年心意未闌珊

幽居一首

萬流正喧吸一月眷嬋媛芳草知能暖春風與閉門揀詩歌有木治療惜無萱徒抱千回意抽琴軫不存
豐湖夜泛

秋辛秉金肅湖寬取月斂收書積萬想理槩放一覽疏風弄黃柳淺路犯枯葦軋軋雅圍林戢戢魚入椽
寺近獨知門山遠微出檻佳時失恐易好境得在漸夷曠即無滯清明不受點游泳可以歸徑往吾豈敢
從水陸街宅步至野塘

西街幽僻獨吟身景物撩人處處新水暖春漁初放子日長文杏漸生仁玉編金軸方難得白石青溪意
可頻大化自然閒始見十年前已損心神

春日憶海西菴兼懷佛如

不敢憶家鄉故山先斷腸桃灣花照水柏院翠連房識字僧初病銜泥燕已香頻年讀書地明月獨棲牀

周七蟬齋移居詩和韻

掇孺蝸琢鑿蟲書人海安然小泊廬別館試花詞客宴連牆通月舊時居庚辰所居與君隔牆窗閒野馬真能悟江

上瓜牛恐不如蠻觸紛紛判一闌回黃轉綠那關渠

游龍丈故園追悼遂與表弟鳳鏞別

鹿已添雛竹有孫再經華屋愴生存清光猶見當年月芳意會題半畝園遺器東廂吾忍覲明珠南越世方喧射雕身手湮沈早不縛天驕大此門

龍王廟問朱一新疾

古槐一兩樹鍵戶臥經時秋蝶多垂翅寒蟲不吐絲藥乾僧代揀衣少僕能知勿以幽憂極遭逢有國醫

陳提刑丈居山下日過診視

花朝泛甘棠湖遂登煙水寺

雪後微添水春中尙衣裘衝船雙鷺去列岫一亭收細雨青苔意他鄉翠柳愁江湖應有屬隨事又淹留

晚泊

疏林春月淨遠水暮鴉遲小泊當松下初愁及酒時江湖非昔日魚鳥與新知夜半聽湖響舟人已解維

寄題高氏園林

一水湖南宅片雲苔上花相思盡風月雅韻并琴茶留客看新竹淨春製小槎祇憐夕陽下猶有未歸鴉
十六年長別江湖我獨來到門驚老大臨水與徘徊履迹棲苔徑詩題寄石臺南樓應更好何日共銜杯

讀葉損軒都門雜詩有簡兼寄林昭通

新翼飛一覘佳篇冷時閱俯仰四海空纏綿九愁熱十年不到地夢往風光折春暄觀中苔水染湖上月
豪華紛滿眼上牋庶一徹陳人不厭脆昔心奈徒設惟有閩社英涕零已離別

同陳生衡恪觀乃園桃花

四忠祠前桃十數梅杏遞過今見花枝柯薦綿交舊榮獨吸清露施明霞畦鋪黃菜風引蝶徑掩綠草泥
跳蛙初疑官舍那有此彷彿已入漁人家憑欄圓賞能幾日綺錦年華未應失一物剛柔亦有時此花吾
可看成實

无咎室憶晦若

梅花如玉綴苔枝會照晴窗點易時南北路分何日合風雲事速獨君遲義山蘆落裁詩怨根矩淪飄得
食悲閒却長楊詞賦手上清魂夢各淒其

翠微一首

更無鸞鶴刺天飛獨對斜陽憶翠微上界最諳餐玉訣侍童都被縷金衣千株桃杏翻明錦一隊笙簫逐
紫駢始信神仙原咫尺不勞雞犬說知機

訪潘孺老雷瓊館有贈

雪殘萬念入支頤，羈羽沈鱗共一詩。
瘦固勝肥誰則覺，生何如死世還疑。
棋當危局須心力，花到良辰已鬢絲。
每恨古人吾不見，掃陳獨見閉門時。

雲帆方丈出示宗室侍郎所遺帶時侍郎新逝感悼書此

蘇公留帶偶然耳，後者文襄。楊公
一清今竹坡事過百年人，始貴我無一物意。
還多較量興趣難，慳句想像神儀各有科心斷。
蘭叢霜一霎，閒堂獨在夜如何。

閻公謠

戶部尙書閻公掌司財賦已來，整理搜剔官吏咸悚，近擬裁汰孤寡口糧以節國用，貧民憤怒作是哀之意，淺辭煩斬誠聞者世無白傳，聊存此心云爾。

聖清重民命，忠厚開基長。太后武且仁，隻手回金湯。
錢刀犒勞役，粟米振凶荒。廣敷列聖德，永蔭萬世昌。
孤寡至堪憫，定例頒口糧。行之百餘載，未見有所妨。
尙書田間來，悍然噬舊章。彼小兒老婦，奚亦竊太倉。
有恃不謀生，國庫豈償償。裁之截其濫，獨斷莫敢搪。
在官諸少年，附和因誇張。誰知道路哭，已掩日月光。
臣聞理財用無政事，不良賦稅舊有則。江海今通商，歲收八千萬。
較昔一倍強，勇營耗天下。極費最北洋，江南多冗宦。
飽食不較量，省一營一官勝。如算糶糠漏卮，屬情好無告。
乃可戕用心，既不厚行事。亦不祥，臣言若誣。訕神鬼森在旁，憂心日如醉。
長歌慨以慷。

張尚書移節湖廣送至焦山長歌爲別

南皮尙書今大儒目營八表勇萬夫謀國則肥身甚懼億昔簪筆承明廬抗書直諫心膽麤剖析衆理抽
繭如一時盛事傳都兪宣仁之治中外孚我方待試東城居未見韓范恨有餘鯨波俄起爭叫呼天子南
顧心脚踏延英閣開羣彥趨謂并州牧宜海隅畀以南交綰兵符羣兒嘻嘻皆可奴公獨感激爲馳驅乃
求將帥整師徒吾鄉馮異三尺鬚充國威名復見渠龍編朱戴歸版圖凱歌未奏戰者誅大官好和如一
鱸小臣往疏真狂愚主恩寬厚還田閩豐湖學舍教可敷有祠祭范廟祀蘇范孟博上生祠蘇文忠公衰
祠皆余主講豐湖日所建
俗思以隻手扶但願呈材貢天衢東林之派多榛蕪識公一面記厥初清詞竟日霏瓊瑤饗軍堂外事已
徂及時課士洵良模端溪舊院補竹梧廣雅宅地惟番禺千萬間廈才俊儲寬收慎選不濫竽自恨短淺
迷津塗兩點講席無可書閒者論事所見殊別後一一猶能摹無耑朝議誇紛鋪命公總制移兩湖貪人
視官甚搏蒲南北萬里惟我漁馬昭之心喧道途且復辟地過須臾諸生流涕追送余紛紛歸去藏村墟
我皇冲齡文武俱惟此大臣實貪汚白日賄賂行皇都苦我蒸黎媚羌胡泄泄查查深可虞請劍恨無漢
廷朱望公愛國不愛軀發揮忠悃章皇謨曲江贊皇願莫虛公有曲江風度
贊皇心之句豈復計較羣讒諛山中話別
日及晡清風明月相思無此生蹤跡依菰蘆讀書遜世胸恢疏他年稱叟當號迂旌旗已遠歸步徐獨往
江頭觀打魚

同慶笙淵若子正菊坡精舍夜談及曉

雨歇坐還好夜涼人未歸檐花飄茗椀春月曬琴徽語默各有適寂寥良所希因懷同學友

謂晦若道希吾幸

述哀篇

我生四歲始學書日識經字二十餘偏旁點畫不可定錯亂便倚慈母呼是時家在樂昌縣大人賓客無時無閒論詩品說劍術小子未解心歡娛親年強盛偶還里禍患竟爾乘須臾仲秋之月歲乙丑母病虛緊寒痛俱少頑那識壽親法自此無母悲何如五年苒苒忽長大十二隨宦過湘湖天胡不惠降凶閔九原從父志罔渝遺言在耳痛定省忍死遂受人間污貧喪千里兼幼弱更有羣賊橫前途艱難待盡命不盡家鄉乞食從諸姑停喪不葬古有禁時無魯公猶恐誅蹉跎今日始銜土出自東郭歸北郭旭輪新升積陰散族黨相送還相扶先人孝惠在衆口因歎盛德憐此孤椎牛而泣亦人子親戚既沒徒悲吁玉髓奇經豈神驗惟憑吾志驅幽誣作詩聊告妻與弟知我罪疚猶呱呱

讀鄧輔綸白香亭詩柬伯嚴三首

秋葉凝疑風墜枝隱几仰天微弄髭陳子敲門踏破月誇示於我彌翁詩拳毛竦動筋骨瘦莫是渥洼千里兒嗟乎騏驥不易見時無九方到死賤

龍蝦一流鴛鴦均一駟奚以百年短負此衆類憂朝晡夕暗不自覺亦有載酒行江頭杜陵生來茅屋歎天寶不綱親患難異代悲哀鴻雁篇腹裏琅玕想零亂

道光己酉湖湘大水集中鴻雁驚語特沈痛

名士之詩亦如酈妖嬈倚市較顏色貞元盛會手難回小雅盡廢心自惻老柳婆婆娑無復春武昌一水愁
粼粼范家叔矩漢風俗灑涕憐才聊語君

彌之爲江寧文正書院院長致已一月
弟繹客武昌聞兄憂不赴識者少之

歲暮書懷

到處門符換舊題歲除風物更淒淒庭梅受凍紅猶勒瓦雪黏空白竟齊悶喚茗童煎淡蕪笑開酒母酌
鹹齏江樓一夕成今昔零落春魂只自悽

崔四 舜球 殯歸子 其蔭 書來告葬日會哭二首

同官才俊服君賢清獻遺風在簡編直諫有心嗟不待深懷相許幸能傳雪晴野窖論花價月冷斜街數
酒錢何意匆匆眼前事樹頭黃月已如煙

誰解申屠推輦悲鸞飄鳳泊斷深期登堂拜母揮新淚下榻留賓想故知入夢尙如平日好訂交真恨上
京遲他生相見曾無定悽絕寒天祭冢時

竹坡侍郎有詩寄問焦山長老因次其韻

一朝江雨起微波天女拈花解笑多猶憶敲門立秋月欲緣詩案訪東坡
兩打風吹臺館空紛紛勞燕已西東平生未識彝齋面一點青燈此夜同

題李猷續屍記後

巨奸掌朝政天子居深宮奉天一府吏遂能殺陳東或云過激烈挾衆非至忠我思少陽生豈忘屠子龍

外忱夷狄亂內憤蝨賊訂明哲吾不願一手嗟無功此身亦何惜長嘯還太空李君弗懼誅甘入黨鉗中
苦心覓遺骸得之郊野叢董班昔衛固脂昔曾哀融前人雖已往後死敢不從莫言世污濁貧交多始終
孟門雖嶄絕道義爲之崇更覽詩與跋慨然發深衷

李綱題詩
陳鼎跋後

十六夜望月憶江生

樓頭圓月今就缺昨夜江行朝泊船歸去書囊誰與檢別來晝閣我無眠西湖舊種應成果他日重逢莫
問年尚有山禽說離恨四更風露在遙天

己丑十一月遠遊拜別先隴泣賦

我生滋艱危清白幸未汚先人藏體魄九載安此墓闕祭惟癸未以外皆可訴

辛巳十月安葬壬午三月
替墓北行甲申九月請假

歸省乙酉十月調歸以時祭祀
中間惟癸未一年未拜墓耳 椎牛竟何益戀此手栽樹如依親舍傍枝葉不改素四時薦芳鮮兩弟共

行步但使有生日歲歲敢不赴蒼狗驚浮雲老馬竟爭路京卞燄極熾攸條勢可怖避地乃賢者魯論實
明諭夙晨肅告別獨拜意悽苦眷眷魂若逝淫淫涕如慕生事無一粟墓祭復非故彼壽有期頤道死兒
未惡飄搖任蓬累利害輕瓦注日惜志士短窮守君子固詰朝賦遠遊何人志流寓靈兮鑒我哀當行屢
回顧

獨夜

笛聲幽怨在天涯但憶春時不憶家一月照人淒欲絕寺牆開滿海棠花

暮過叢塚間

白楊團夕陰日收忽見火飄燐逐人衣但行不可坐世間惟二美豪傑與婀娜堂堂百年駛壘壘一土裏無限未來人或有當初我何不去學仙微塵乃輕墮

李智儔渡江相訪

一徑蒼苔合朋尊綠酒新何來剝啄客訪此寂寥人老柏能容世閒花亦自春淹留實長算俯仰未傷神
雨後坐衆綠廳望七星岩有懷十六舅京師

羣星化爲石一一墮地險招要納虛牖蒼翠補疏簾初陽望彌曠獨飲酒從儉室邇引蘭荃地富出菱芡啼風一鳥驕拂水數花韶美景憾孤領閒門好長占佳人隔天雲思之淚爲掩

月夜一首

白月臨窗一槍神明朝鏡裏鬢毛新眼前欲語無騁卒心上相逢半故人長夜漫漫安得且野花簇簇自當春養雞牧豕平生事那有流傳到此身

江生爲性寬上人畫竹乞余題詩

一春密密一秋疏真稱幽人寂寞居鶯老雁慵天色暮琅玕腹裏足愁予與可襟情近十無愛將瀟灑夢西湖洗肝亭下千枝綠猶記論詩到日晡

竹林寺送客暮歸

鶴林招隱地相連不見山花放杜鵑破帽青鞋吾倦矣晴沙翠竹境翛然鼓琴人戀將離際采藥僧談未
亂前一刹那間換光景平原爲沼已生蓮

晚春

江南三月落花深迢遞仙蹤不可尋寓惠會吟坡老句適吳誰解伯鸞心微聞奏樂鈞天遠長自挑燈夜
雨淫留滯江南看頭白百年小劫豈勞樹

夢至蓮花臺下燒香醒後有述

明月轉細路寒泉響幽澗松風若飄雨石倚儼行棧遙見墓門樹祇肅不敢慢流離又幾日羈孤自重卹
老翁告余語浮生有馥馥

同學十數子愛我敬我親似知遠遊者蔬蕪不得陳聯裾陟山亭薦酒及佳辰風義動行路鬱鬱能降神
懷情更延望永念徒酸辛

浮萍託山廬叢水似故里燒香上墳臺旣悲亦復喜邂逅雙溪僧頗訝形狀詭攬衣不及言晨鐘攪人起
驚夢增離傷有生不如死

答雲閣

經年幽夢託青岑一曲瑤琴攬素音道上聞鶻天豈醉水中見蟹我何心橫江打槳風濤熟暮雨看花歲
月深欲折一枝感華髮蕭疏渾覺不勝簪

過慶筮故居

秋天墜葉打空堂何止東川屑涕傷軼事從添坊巷志故書猶發杜蘅香十年不是尋常好一日能令八九狂依舊西風斜照裏更無調藥到寧牀

洗肝亭雜詩四首

說食與夢飽厥後同一無何以口腹事可縛人間姝吾神貴自然潛乃達之徒願拂衣上塵回念心地初
意質非神仙勇退亦可敬誰謂養生賢世網不全命歷塊易一蹶萬里我不慶深深隱淪者天下以爲柄
千齡一日積此日誠艱哉觴急可以緩花落還重開獨出萬物表心光自然回粲然若有識一點靈犀胎
燒香香已寂意銷吾如何名迹械衆生要與瀟沈河美人寧不得隔此一片波江海日以遠霜露日以多

紀香驄楊叔嶠招同陳伯嚴張君立劉君符江孝通望雨作

咫尺湖陰盡杳冥高樓不見遠山青一聲白鳥明煙樹半角紅牆出畫屏眼底故人相爾汝尊前斷葉幾
伶俜十年磨劍悲秋慣風雨悽悽帶酒聽

與張琳論事談詩有贈並送歸省沅江

微雨灑清晝雨閒照孤館平子實通士兀特又夷坦暫親冰雪寒久坐布帛煖疎身順所止紉蘭堅不損
追陪有幾日舍我一棹返千里庭闈心此官亦閒散余情似飛絮共汝江海遠勿須怨桃花貧女嫁常晚

陶然亭題壁

冠蓋非吾願，林巒終自閒。亭虛先占月，城近不妨山。舉袂獨吟久，題詩一笑還。百年有明日，倍惜此時顏。

江邊寫心

燕子

燕子知何世，楊花不定蹤。春隨人意遠，酒欠道書濃。得失雞蟲態，沈深騏驥容。未妨輸智叟，且欲訪愚公。

詩贈三能，哭情捐七，不堪潭龍初拜佛，碧鹿已生男。轉處黃爲綠，出時青勝藍。無人發清弄，隨地有潛庵。

一簣亭春望

清明集我躬，曉坐露未晞。靜觀花與木，各各騰生機。新條送秀綠，初萼抽淺緋。春氣所盎覆，一院爲芳菲。

和風豈不悅，倘有冰雪時。根本苟未實，繁茂徒爾爲。昂昂千尺松，挺挺百世姿。培之有其朔，不伐終修奇。

得寸我當寶，枉尺孟所非。此亭可以睡，凜然中心危。

謝王二太守兄送米

侏儒欲死君，弗治清談可。飽吾不飢山，樓曉覺叩門。急行人喘汗，知爲誰忍庵。吾兄念羈獨，新收官俸聊。

分遣尙嫌薄，少意未盡那。用鄰僧乞送，爲我生天幸。百不死適吳一賦，猶五噫疏慵未寫。魯公帖視此溝，壑如居時艱難一粒亦民力。無功坐食翻自嗤，丈夫會須飽天下。豈以瑣屑矜其私，江南百姓待澤久。請從隗始鋪仁慈。

冒雨行山陂上

微襟嗜奇俠登山每及雨樹深散殘瘴風尖打急鼓高雲欲同拏微徑肯獨取鴉啄柿香肥蛇竄草聲怒
游人恆不覲溼陰况過午山雲不可分歸目瞪如瞽

余太守招集西湖書院同香聽伯嚴穰卿作

春風二月書堂開酒人六七魚貫來柳堤新水荻芽短杏花半在南湖隈明廊千步列芳草一綠映出疑
瓊臺吹噓生氣盎胸腹我年過壯心尙孩湘人蜀客望不見實甫在家將來叔嶠返蜀且以酒力鍾詩才就中饒君炳

善相術與鄭籛往返詞嘲恢遍觀坐客次壽天君子知命安於懷王侯將相豈有定敢以鄙論貽清裁古
書廿四况淪伏雌聲碎步升三台昔從湘陰相公久目光如電真雄哉當時不遇身手賤葛生自負徒見
排誰知勳伐卅年後羣瞻容狀誇忠佳聞言思往愴知己曾拜檠戟趨堂階鑒量人物比劉劭謂我神采
無等儕後山虛下司馬涕東坡每動歐陽哀邊塵不靖又幾日羣公無策驅虎豺大樹飄零今已矣蟲沙
滿眼寧復措懷恩感事重歎息一身未暇論違乖杯殘相視不忍去水亭欲雨鳴寒蛙

紅梅和乙菴太夷石遺

人世未春花自開清晨能得幾人來小窗就煖初懸鏡短檻憑香獨舉杯繾綣天涯長有淚喧妍枝上欲
無苔定知一念差如許寸寸相思併作灰

丰姿豔拂女蘿牆修竹天寒翠袖當雪後風前成絕代林邊水際共斜陽開簾酒罷剛迎面聞笛歌殘暗

斷腸一瞬百年嗟一呖瓊支禁得戀春芳

菊坡茗茗雙溪冷心蕊同歸身未歸壯士朱顏兩值遇他鄉白髮看成圍騷情不得故人面春色難沾無
菊坡精舍先師講學處白雲山雙溪寺旁先墓在焉兩地紅梅絕佳昔年曾與慶笙坐花下今慶笙沒十二年余不見此花十

矣
一年

嫣然幽草意求親雨過花間路少人濃淡本分前後際忙閒都付去來塵春回處處風懷薄日曬枝枝色
相真雀啗芳心還未死夜深啼血恐傷神

天寒

日暮天寒翠袖當西風黯淡送斜陽壺公自有藏身訣冰氏安知得熱方倦倚北窓聊嘯傲憤投東海豈
伴狂千年迢遞孤心接夜夜山廬起劍光

題韓致堯集

晚來微雨較春寒詩愛冬郎帶淚觀亂世崢嶸詞反豔暮年蕭瑟事初完鸞啼幽獨看看盡馬走風塵寸
寸暉鳳燭百條同一淚今疑紙上未曾乾

誰識天心久廢商殿前握手暗沾裳從亡廬植會河上和韻吳融竟異鄉花好似忘春已去塵飛真恐日
無光由來宦者傾人國錯怪唐家白面郎

書憤

犬夷有意敢侵陵欲往縛蛟無此罾百口不諧非所懼四肢得放竟誰懲至尊憂憤復廷議使相從容許
歲繪一表草廬長未達本來淡靜臥龍能

左紹佐

紹佐字笏卿湖北應山人光緒庚辰進士官廣東雷瓊道

同沈觀蒼虬游天寧寺

天寧我屢來茲遊特蕭爽開軒望西山白雲如鶴唳萬籟已笙竽松風振奇響時聞妙香至前廊丹桂兩
浮圖矗其南不知幾十丈下有孤鳥翔極視入蒼莽昔傳有光怪倒影散窗幌常思伺靈境異事徵惚恍
槐柏六七株翠葉參天上知非百年物老態成峒強鬱鬱虬龍姿自帶風烟長經閱幾遊人視我猶襍穢
金色見如來植立示一掌山河滿大地世界何脩廣誓度萬劫人豈曰非非想我方讀楞嚴自笑落塵網
炊沙諒難成苦搔不著癢那能通寂照一旦祛疑罔日脚白晶晶秋暉下平壤昏鴉亦投林嘶騎動歸鞅
夕磬何泠泠悟悅足心賞

三月一日石遺社長齋中宴集卽事賦詩

東城最深處閩客此爲家略有園林意小桃新著花邀人作春社把盞酌流霞詩僕尤堪喜烹調似易牙

蒼虬當馬歲餉我石遺詩自成一家則又是十年期正字貧仍健都官老益奇相從不道晚儒雅亦吾師
追攀盡豪俊而我獨衰慵且喜朱近赤不差蝨作龍靈山稱法會曹洞是真宗待取琳瑯句焚香當佛供

于式枚

式枚字晦若廣西賀縣人光緒庚辰進士官吏部左侍郎

李寶臣紀功碑歌

恆陽古郡行署旁一碑屹立支風霜紀年建中記永泰文詞漸泐猶能詳云我亞相秉王命世有勳祿兼
忠剛鋪敦四凶翊三主瞿惕威惠懷瀛滄千二百言自贍密謏詞曲筆難具量漁陽喪亂起安史夾河州
郡沈戎羌旄頭墮地胡焰盡餘星四散還披猖陽和鷹眼偶一化神狐得夜爲妖祥淄青魏博泊幽冀各
擁旄蓋憑巖疆成德一軍最悍突明光十萬羅成行控弦飲馬正南下百縑一擲催歸裝射堂竟誠朱司
徒此功信可銘旂常同功石識恨不應幽燕二帝遙相望歸來據險阻兵甲蟠屈薛李連田梁輔車勢成
窟宅定謂可高臥常山岡豈知凶德不再世羆熊生不如封狼徒資部曲取旌節同開大鎮康王張蛟龍
匣毀奸骨朽巍然片石經滄桑獨留一事證史闕題銜特誌清河王摩挲苔碣百感集蹉跎國步哀中唐
代德以還那可道風塵瀕洞昏東方威弧不弦斧鉞鈍徒特文物廢豪強凌煙圖畫紫微券一一狎視爭

騰驥更勒豐碑紀勳績追逐方召參翺翔峨峨西平與義陽庶幾無愧桓文襄華州曾頌李全諒成都復紀章南康此外文字僅羅列何啻中國紛蝸蟻八紘一裂不可止顛倒功罪由文章陸肅正色拒趙魏幾人嶽峙中書堂鄒公之銘出吏部無乃少損日月光矧茲幕府頌功德豈容著手爲低昂百年運會一分合燕將語在非微茫章武昭肅恢大綱手持魁柄臨八荒蔡齊并踞齒神劍河朔濶子眠如羊淮西碑付段文昌盧龍銘勅李贊皇英衛之勳燕許筆兩朝將相何堂堂文石無言任雕刻誰留穢惡傳芬芳從來上策在自治罪言盍憶司勳耶

陳與岡

與岡字弼宸號絨齋福建侯官人光緒庚辰進士官翰林院編修

送鄭蘇龕南歸

白頭爲此別青眼向誰邊刻苦傷春意沈吟中酒天滄波容浩蕩歌管自清妍難遣東風思應知倦未憐
送梁星海同年歸番禺

健羽思圖南未秋氣已逞倦雲偶因風歸意乃愈猛由來慷慨士投足無坦境憂時心自熱觀世眼方冷
嗟君富盛年粹若金在塘讀書露芒角洒翰脫鋒穎昂然胸吐虹譬彼喉探鯁燔膏良自馨別玉不蒙省

道存身不用素志固耿耿長安足英俊冠蓋競馳騁要常驂龍鸞底用侶鼯黽弃官亦浩然惜別轉悲哽
丈夫志道義所立豈俄頃感激貞其窮造就視所秉墊龍善用藏失馬寧非幸茲行亦何悶綦縞問鄉井
良欣卸簪巾且喜車馬屏涼風漸吹帽病柳瘦綰纒巨螯行可持金菊散妍整傾觴以娛君未遽愁夜丙
亮爲十日留回願不敢請相期崇德心勿忘隔路永

臨行示履新二子

強著朝衫作散官所嗟百事盡艱難青山我已埋兄骨長日兒宜勸母餐中歲光陰如石火貧家生計只
儒冠要知南北懸懸苦早晚緘書報暖寒

寄南中諸猶子

懶隨青瑣赴朝班直爲鱸餠又出山但使諸雛能茹苦不妨倦鳥且遲還種松新壠魂應戀乞米金門鬢
易斑日暮下斜街畔望雁聲悽唳斷雲間

登樓懷兄弟

十日空齋雨又風蕉花桂子落成叢無人解會登高意萬疊青山滿眼中

郭曾炘

曾炘字春榆福建侯官人光緒庚辰進士官至禮部右侍郎有亥既集

檢舊篋見前議三儒從祀孔廟疏稿感賦

梨洲倡民權船山區種族匹夫任興亡亭林志尤卓諸賢生不辰采薇踵芳躅危言或有激大旨無階殿
禮官議從祀抗疏紛牴觸吾獨不謂然反復再補牘專制數千年本沿秦政酷世變窮則通安能終抱蜀
濂洛信正大學子已倦讀欲起頑懦風此或置郵速魏公始扶漢正色秉鈞軸杜斷破羣疑豎儒皆讐伏
詔墨猶未乾嗚呼舊社屋誰歟借筮謀構此累棋局崑山重行已廉恥盡腦縮衡陽述西銘胞與自屠戮
證人有緒言良知久已皓邈矣三先生遺書孰寓目豚蹠何足歆神州且沈陸煌煌宣尼宮行見茂草鞠
風懷矢不刪竹垞乃先覺九原誰與歸泫然披故篋

禮部舊有韓文公祠南來軍士借駐毀爲馬廐感賦

韓公道德師百世兩廡位在先賢次翰林土地祀已褻劉井柯亭久煙廢春曹祠宇肇何時數典無徵亦
其例我忝秩宗近十稔香火歲時親展拜去年棧橋甫一新廟壁貞珉待撰記容臺禮樂重專司壽草長
春尙繞砌鵲巢鳩居彼何人趙壁一朝易漢幟石龜作槽馬草堆粟主爲薪煙煤棄王師昨者臨漢臯釜
底游魂誰汝貰無端南北講弭兵怒馬鮮衣各自恣公文元氣入肝脾公神如水流萬派騎龍來往白雲
鄉豈戀區區一席地凝碧管絃自古悲平津車庫等閒事滄桑陵谷何所無安用金仙苦垂淚

檢藏書感賦

吾家黃璞里通德存賜書久宦偶歸來什九飽蠹魚先疇無一畝安得帶經鋤春曹三十載不曳朱門裾
閱肆掠贖殘累積寸與銖一日未釋卷寢饋與之俱亦知玩物戒聊勝博奕娛甬東天一閣吳下士禮居
小大相絜較潢潦於江湖萬錢愁塞屋措大真窮途

延秋夜曠鳥達官盡避走栖栖復皇皇可笑喪家狗妻孥亦何知作計隨人後旅瑣悲焚巢自貽復誰咎
失火賀參元吾思柳子厚區區保叢殘無異千金帚長恩獨何事殷勤爲我守炳燭念餘光雅意寧忍負
歲除修闕典會當酌杯酒泊宅無安居此願竟償否

黃石齋赤壁後遊圖爲黎澗庵編修題

墨妙因緣一斷碑平生忠讜見風期大難隆武支殘局始信熙豐是盛時

典禮院移交事竣將赴津門留別闔署同僚

襤被蕭然出國門卅年回首舊巢痕多慙僚友勤攻錯及見輿臺長子孫執手路歧餘老淚隨身書局亦
君恩劫餘插架叢殘帙故事漁洋莫更論春曹故事同人有遷調者留書一部爲別相傳始漁洋先生往
時祠祭司廳事度藏多至數千卷庚子之亂散失略盡此舉亦
廢

偕朗溪蘆臺訪熙民叔姪卮居

咫尺桃源得問津不知門外有風塵橫流長恐栖無地空谷今纔見似人岸上牽舟疑可住籬根分井便
爲鄰芋羹豆飯茅柴酒草草杯盤一味真

除夕感懷示无離

新曆已改歲舊歲今方除歲行終有盡強留亦斯須時態日趨新棄舊如土直迂生尙沿習古風守鄉閭
旅居斷人事久已忘居諸今夕獨何夕爆竹喧吾廬童稚自歡樂迎笑各牽裾我亦聊酩酊痛飲傾屠蘇
夜闌燈燭地兀坐猶擁爐默數一年事喟然增感吁上元遘兵火家具蕩無餘盛夏離京塵轉徙未定居
荒廚無宿食敝篋惟殘書同志僅三兩窮魚相啣濡此身已疣贅舉足皆榛蕪不怨天公醉但哀黔首愚
春陽方啓蟄萬彙咸噓枯云何閭閻間怨氣慘不舒舊歲稱已矣新歲復奚如登高望四極目斷仍愁予
廟堂凜朽馭揖讓希唐虞羣小各擁戴猛虎猶負嵎含沙有射蜮篝火有鳴狐爲劉與爲呂袒臂爭一呼
周衰裂七國晉亂興五胡瓜分與豆剖安能量前途牆東王君公避世真吾徒一官棄敝屣不受俗塵汙
閉戶日課詩孤憤聊自據神姦鑄禹鼎盡態供描摹唱和有錢劉詩債劇追逋但矜珠玉富未問僭石無
人言窮坐詩廢詩何以娛懸知此時節向壁猶啣唔東方漸啓明門戶換新符願迴愁苦思破涕爲歡愉
勞生無百年流光如隙駒吾儕幸偷閒世亂偶全軀此心自太平世路任崎嶇夢中有樂國相與尋華胥

重九前三日薑齋約同熙民爲翠微之游遍歷諸勝晚宿龍泉庵追憶舊游漫成二章

山行宜秋晴出郭曠心目輕裝趁颺輪俄頃達山麓小憩得泉頭暫洗塵纓濁名蹟檢圖經略數得五六
畢景期前躋尋徑欣舊熟絕澗無真源崩崖有古木禪林半已荒碑記聊可讀茲山邈郊畿軒蓋日往復
登頓雖不勞敗意常在俗我來弔滄桑感歎別有觸十年闊游蹤勝侶偶然續健齋惜不與憶此對牀宿

當時一夕話枯棋，忍重覆回輿。已黃昏前途歸鳥，逐茫然萬古心澆。愁付醜醜。

薄醉不能眠，還起步林樾。落葉墜我襟，仰見林際月。缺月猶未弦，孤光自可悅。倒浸潭上泉，泉聲益清澈。此時盤陀坐，蕭然萬感寂。因悟浮生理，俯仰盡陳迹。前朝四百寺，存者未什一。何用弔金元，吾身亦過客。不知奸諛輩，抵死竟何得。漸臺空抱斗，瀉池早遺壁。西陵奏伎散，霸圖隨銷滅。悠悠青史事，一部從誰說。茅庵如可惜，十年願面壁。危崖東南傾，淒涼望城闕。浩歌答松風，且復陶今夕。

連日山游卽事成吟歸寓後綴錄之以代游記共得四十首 錄二

絕愛松聲聞水聲，龍王堂下一泓清。靈泉似欲句人住，流出山門便不鳴。龍泉庵俗呼龍王堂，連日借宿於此。

真見秦頭壓日偏，孤亭突兀倚巒巔。碧雲已鏤衣冠墓，此地誰知別有天。內監劉連印墳院俗呼獅子窩，其巔下臨萬壽山，昆明湖一覽可盡壁間自署碧雲天，劉爲光緒初年總管宮中呼爲印劉聲勢在李連英之上，宜其無復忌憚也。

橘叟熙民枉過各出新詩見示再疊前韻奉呈並簡薑齋索和

客居詩思清如水，豈有心葩發意蕊。雪窗連日恣鏗吟，只當借杯澆磊塊。舊人自怕看新曆，不記年頭與歲尾。蟄居坯戶忽三冬，歸夢重山逾萬里。長安舊雨近益稀，晨夕素心祇數子。忍寒自笑座無氈，命駕何期車接軌。太邱重德今瀕翁，周子苦吟類無已。眼看出手盡珠璣，那更磨光索癡瘡。瀛臺明日慶歲朝，吾廚自煮雙弓米。今年臘八爲新曆元旦且聯吟因憶西山游，季秋風日正清美。樂全居士豪於詩，定知見獵猶心喜。可無妙句寫銀鈎，浣花新製桃花紙。小別初爲旬日期，僕計還轅已輪指。煖閣梅花應盛開，小園菜甲須鋤。

理比來談藝數過從每喜鄰居近盈咫玉竦金鼇下直餘斜街花市閉門裏瓊瑤開出詩世界難得德星
俱聚此騷壇一幟待公張守玄寧羨車生耳

讀史雜言

檀公卅六策事急猶有走南越與北胡逋逃足淵藪

二戶養一兵元和亦已憊廟堂尙有人再舉平鄆蔡

山陽潘四農養一齋集巴陵吳南屏梓湖詩文錄廿年前常置案頭庚子亂後久不見忽於敝篋

得之漫題寄意

東坡南遷攜二友截斷衆流取陶柳定庵自斂三別好百川經義已芻狗讀書不讀漢後書明人高論吾
無取平生心折者兩賢山陽潘翁梓湖叟潘詩力探李杜源吳文恥落歸方後公車聲名滿都下累試春
官終不售儀徵禮羅近莫致湘鄉石交晚逾厚即論人品亦峻絕微獨著書能不朽論衡枕祕竊自珍持
質同人或然否急裝草草出國門安得五車挾之走已作銀杯羽化看豈知薰篋塵埋久久別相逢味勝
初讀蘇嘗聞說廷秀半生汎濫竟何得返觀祇益吾顏忸素書一卷有餘師不必名山探二酉邇來復愛
杜黃岡饑鳳哀鳴更無偶

志銳

銳字伯愚滿洲人官烏里雅蘇臺參贊有廓軒竹枝詞

布爾哈蘇第二台 譯言柳樹溝今存空名並無樹矣

布爾哈蘇在半山當筍楊柳已凋殘征車到此渾無阻兩馬齊驅換駕竿 北行到此路寬無轍迹例換兩馬架竿以利進行

駕竿車

車前橫木索綯穿駕起渾如器在懸須識此中風浪少穩於春水上天船 車前橫木長丈餘以繩貫於轅轅外二馬木端置鞍上二人跨

馬急馳一時可行六十里車輪亦用七尺長軸安於車尾絕無傾覆顛簸之苦

奎蘇圖第五台

路到奎蘇沙磧多車行高下盡陂陀每將碎石堆成塚拜罷行人始敢過 沿路逢高坡輒以碎石堆砌成塚蒙人謂之鄂波者廟也拜而

之過

烏蘭哈達第十台 譯言紅石也

烏蘭哈達路脩長馬去如飛鞭策忙百廿里程一時許山花寥落馬蘭香 路經兩山夾峙石皆如橐成者上生小樹自頭台至此始見樹

土人呼為花果山馬蘭偏山花繁似錦

小入草

蕊紅瓣白錦團窩聞得豪醫喚那何略有微香根自臭從來到處小人多 張文端鵬翻行程記載此草一壘四朵白瓣紅蕊形同牛賴子

微香根臭羊馬不食名小入草蒙人呼為那何能療瘡疾

叟吉布拉克第二十一台 譯山谷中有泉也

叟吉初逢廿一台老榆合抱路旁栽誰將天上靈根種移向荒寒大地來
行廿台計程千六七百里中途未見一樹至此道旁有大小榆

三株大者一根兩本大可合抱枝幹槎枒皴皮剝裂深二寸許數百年物也上有雅果之土人呼為一棵樹

金桃樹

董山到處產金桃御用雕弓飭錦條東箭南金共遺意豈惟西域進葡萄
金桃樹幹大如指高一二尺皮金黃色質堅而厚飾弓矢可隔

潮氣進御弓矢皆用之不可懼也察哈爾蒙古例有歲貢葉綠花黃與壽丹無異土人呼為哈喇根訥茨茨格凡花皆為茨茨格

扎拉圖第二十八台 譯兩水合流也

雙峽沙深老樹秋車平如水放中流行人觸起滄洲感欲覓當年顧虎頭
兩山夾河沙深數寸平穩如舟峽中老樹位置得勢山峯壁立

削成儼然雲林怪石枯樹圖畫幽奇險峻無出其右真塞外奇景也惜無畫工為之寫照為恨事耳

虞羊分賞蒙兵

烹羊食罷分餘惠守候渾如雞鶩爭欲使盡教管一樹可憐無處覓陳平
大臣每台例有虞羊二支自攜六七人雖果腹而所餘尙多如

不過問必致折價以干例禁每日食罷監視散給台兵爭取頃刻即盡遲則不得

哈比爾噶布拉克 譯山上出泉第三十四台

哈比軍台路脩阻迴環亂石滿崗巒我騎款段猶顛蹶不獨崎嶇蜀道難
此台難行萬山之中陷沙雜活石車行飄蕩不堪易馬緩行猶

屢厥焉

蒙古婚嫁

牛羊駝馬稱家私願結朱陳聘不辭僥倖生男可偕老三年不育是歸期

男家以牲畜為聘女家無奩三年內生子應得外家財產一

半如三年不育勒令大歸并追還原聘聽其擇人再醮焉

翁格第四十二台 譯河名

青青河畔草姍姍澈底澄清少急湍翁格台前頻立馬心隨流水渡桑乾

河從西北杭愛山東南流徑歸化城入桑乾河

內札薩克粧束

雙辮平分戴佛冠紺珠壘綴任人看束腰箭袖戎裝小顧盼生姿在據鞍

外札薩克粧束

髮分雙扇用膠多箭袖高低似翅拖命婦胭脂紅兩頰教人誤認醉顏酡

髮分如兩摺簷挂於項前用膠塗之不散箭袖於肘上加一

臂似翅尾台吉命帶皆以胭脂重染兩頰庶人之妻不得僭用

哈拉鈕棟弟四十五台

譯哈拉黑也鈕棟眼也蓋山下有三井也

內盟游牧軍台盡杭愛山台是外旗文字不同粧束改居民爭睹漢官儀

入杭愛台為烏里雅蘇台所管即外札薩克軍台矣文結俱用

蒙古字征車到時觀者如堵

宿推河聞灘聲

客心孤迥早驚秋枕上灘聲吼似牛二十年前巫峽裏一蓬煙月下夔州

鄂羅蓋弟五十二台 譯未詳

羣山萬壑碧無際百折蜿蜒一路明試向最高峯上望遠人如蠟馬如鼈

驛路在萬山之中甫登一峯遠視對山細路如線凡九踰大嶺

始抵台各直省雖行萬里路無此境界也

杭愛山道上

五月披裘冷不禁戎衣小隊涉遙岑清懷難共山靈語但聽松濤萬壑音

閏五月初二日山頭見雪

一望寒山翠色稠日光遙射雪光浮笑他不及征夫健未見秋風已白頭

烏塔弟五十三台 譯一山口也

如茵碧草秀山容曲水河邊一笑逢怪石堆壘滿崖谷橫看成嶺側成峯

此台在推河上游沿河行大山坡怪石浮置頗具峯嶺各勢

烏蘭本巴弟五十七台 譯紅山色也

曲路沿溪轉不停山頭積雪草偏青黃花滿地無名識欲補靈均楚些經

沿溪曲路皆折不窮積雪銀白而草皆青綠見紅黃各色野花

貼地如錦詢之土人亦不知名黃者高四寸葉如艾叢生根下一梗結一花四瓣黃有蕊含苞花落則結包如透骨草子每叢十餘朵遍水遺生紅者高不盈寸貼地叢生一根一花根細如髮花如丁香葉亦叢生根下如洋馬齒芎香味清潔土人云置皮衣內可避蟲其最多者叢結如綉毯花

牛車

百輛牛車列一行鐸聲零斷響郎當胡兒閒理邊城曲一夜征人欲斷腸

商販皆以牛車載貨赴庫科二城數百輛聯為一行畫則放牛

夜始行路一人可御十車鐸聲環環遠聞數十里輿夫皆胡兒暇則作歌每宿台後遇其來則抵夜不能成寐

顧雲

雲字子鵬號石公江蘇上元人諸生官訓導有葢山詩錄

石遺室詩話石公短而肥古貌古心豪飲能散文詩其次也獨與蘇堪之瘦而長不善飲者甚相得余嘗謂蘇堪詩爲石公作者皆工今選石公詩亦爲蘇堪作者較工

省竹吾疾有感四首錄一

老屋秋風雨淒然一榻橫奉身惟有病握手若爲情汝自櫻憂患人誰託死生白頭餘祖母藥裏慘經營

桑根師大葬禮成拜別口占

東上青龍岡西望鳳皇塘中有殯宮在雙松鬱蒼蒼再拜墓門前涕淚橫霑裳弟子自此別去路修以長如何無一言俾之誌弗忘安能掖吾師起坐雙松旁樞衣奉几杖笑貌都如常戒我性多迂勉我欲勿荒怒我言戇直喜我神軒昂深情故若揭一往傾中藏已矣不可得幽明途竟妨桑根山下路征騎嘶斜陽

欲去重回首雙松爲悲涼若知師弟子存沒同心傷西下鳳皇塘東望青龍岡

題劉毅傳後

義旗舉京口二劉故匹儔功成職內外權勢遂不侔裕也將移晉乘輿如餐旒慨然抱忠憤惟毅據上流
矯詔誅異己實爲禪代謀一死蒙不韙誰亮杞人憂王淩諸葛誕昔亦賦同仇志欲匡魏室相與厲戈矛
史氏工附會疑若畔逆尤傳信義安在下筆成繆悠幸哉何無忌正命先江州

移居益山四首錄三

廿載歸鄉閭移居凡十度茲山嘗寄孳未至意先注多情嶺畔雲無恙谿邊樹魚鳥亦欣然與我皆雅故
一廬謝世囂千卷載家具小住慰勞生豈曰山林誤

吾師主壇席一廬構山中位置參郊島桑根師句薛廬之時來坐春風日月忽云邁邈矣穎上翁平泉卉

木黯畏壘禘石崇我亦埽除隸薛廬落成伯虞有願作埽除隸之句講舍依雞籠半生一知己感念心何窮

鄰有素心人買免錢千萬伯虞居惜陰書院過從靡斯宵上下同議論興來貰香醪深杯持共勸高山流水閒相

與筮嘉遜迹比嵇呂親遊豈惠莊遜卻憶簪筆者耦耕成虛願謂夢華

題盜麓祭詩圖

同人釀刊國朝金陵詩徵葢事爲諸先生位於薛廬祭告其成鐵梅因圖之且徵題詠會者凡三十有三人

乾坤未可絕風騷文讖還應屬我曹南國簪裾佳日集西巖館舍切雲高塵氛暫謝人閒世圖畫都增頰
上毫勝地名流修祀事一時嘉話最堪褒

偕蘇龜登翠微亭有感

故人清發比元暉，要我相將躡翠微。
亭畔乾坤殊不隘，江流衣帶且同圍。
如聞邱貉瞢瞢睡，中有林蜩款款飛。
遠望長吟聊取適，澹雲微雨未須歸。

雨中喜蘇龜枉過留宿山居卽事有作

憧憧陸海中，閒者惟二人。一處蒼山麓，一棲淮水濱。
笑言阻索居，風雨愁蕭晨。豈期駕倏命，仍此物外親。
濃陰縟几席，佳釀清心神。延賞極非想，放論彌無垠。
斯世非我世，蘇龜語羣倫常誰倫。尊前黃虞邈，潭上煙波新。
永夕理嘯咏，奇懷斂輪困。短檠移奚童，高枕鼾嘉賓。
言念過從日，何必非隱淪。

冬日訪蘇龜因過吳鑑泉學廉溪上草堂五首之四

子真尋谷口，曉逐陣鴉行。徑折烟嵐變，天寒笠屐輕。
叩門成薄憩，別業攬孤清。卻念長河北，歸人一劍橫。
鑑泉一字劍隱

縛茅仍劓土，小構卽幽棲。林壑殊平遠，軒楹可取攜。
補梅香暫勒，移竹節同齋。別有翻新處，淮流日夜西。
地偏時復暇，稱此景蕭森。雲氣籠檐隙，冰紋坼岸陰。
籬新紆過客，樹遠立寒禽。小坐冬心證，冬心蘊最深。
領取閒中味，禁寒有幾人。澗松僵到骨，畦菜老生鱗。
樵迹緣隄杳，春聲隔巷頻。賦詩娛獨坐，持較武功新。

蘇龜有草堂詩九章，謂擬姚武功又論詩貴娛獨坐。

冬夜辭廬卽景

一卷山齋自可親宵闌漏下且逡巡寒光迸皎中天月迴立忘言獨夜人鶴夢警霜詩共峭林陰度水畫難皴曾聞舉世嗟皆濁此地何嘗有點塵

林紓

紓原名羣玉字琴南號畏廬福建閩縣人光緒壬午舉人官教諭

石遺室詩話畏廬自謙其詩謂少作已盡棄斥近年始專學東坡簡齋二家七言律余謂題畫諸絕句有突過大癡雲林者未可盡棄也

雜題

蘆蕩不可見竹雞亦好聽絕憐歸路迴溪暗一林星

爲太夷作畫

曾從留下過秦亭無數雲松作隊青飯飽僧寮無別事長廊坐看少微星
年來酷似藍田叔復社詩流頗見知寫寄漢陽江上客看山莫待晚秋時

雜題

時時昭慶寺前過三兩梧桐蔭酒廬我自關心南宋局旁人只說重西湖

水樹蕭蕭弄薄寒。哦詩假熱碧闌干。江南江北多紅葉。畫與詞人一路看。
百折扶欄搭柳絲。鶯鶯草長禁煙時。房櫳容得春多少。長日湘簾踈地垂。

寫蘆花小艇

曾記西溪載酒時。櫓聲軋軋入蘆漪。不知過水南僧壁。尙否留吾數首詩。

溪上小樓

長日松聲聒枕頭。何人來上水邊樓。年年供菊兼儲釀。樊榭祠南過一秋。

雜題

晚葉著秋絳。曉峯蘇夜青。二年京洛客。夢到望耕亭。

下關寓樓望鍾山隱然欲訪蘇堪故居未果卽題其集

望裏鍾山勢鬱蒼。却從月下想濠堂。欲尋前迹無三里。別構高樓已十霜。溪水還留曾照影。櫻花久作避人香。善夫慣吐酸心語。那復酸心似海藏。

自徐州看山至浦口

心上江南日往還。今朝眞箇破愁顏。通宵詩思偏無月。數里徐州早見山。頽綠尙饒秋望美。片雲如傲旅人閒。衆喧止後潮初上。坐聽江聲過下關。

過海藏樓

不履京華已五秋，居然身世近梨州。老來鬚髯仍當日，海內文章僅此樓。餘痛還爲天下惜，先生真解死前休。陸沈彈指無多日，却幸忽忽續舊游。

得石遺書寄懷

累聚境易忽，暫離味彌長。石遺去秀野，桃李荒深堂。柴車三過門，伏軾思吟觴。比聞生壙成，屏衛多松篁。清江面千帆，明滅如瀟湘。作達已非易，知止何不臧。華士味勇退，臨老忘深藏。吾子矢狷介，豈惟能文章。卽不搆喪亂，歸耕亦有鄉。庭梅方盛開，幽香滿琴床。萬綠闕柴荆，款關惟何郎。梅生勝侶日夕合，搖搖燈燭光。酒半忽念我，風前書數行。迹曖意則親，耿耿遙相望。

送石遺南歸

明知行促故牽裾，門外新泥已濺車。時大雨新霽名輩漸稀君愈貴，清貧能耐計非疏。灰心肯挂滄桑眼，索畫仍描水竹居。病起定饒相見地，風前不盼雁來書。

至滬上居夢旦寓樓濤園三兄弟匪日不至賦呈一首

偶隨北雁向南飛，十五年來暫息機。有夢不離湖上寺，無聊但鏹雨中扉。枉拋勝概詩情減，坐失流光我計非。笠屐俱存何所惜，忍言病馬不任鞿。

偶成

漸說烽烟靖七州，承平自謂願纒酬。不期今日天還醉，敢厭勞生老未休。經亂真如溫昨夢，傷時只好託

春愁何年再得臨安住收取吳山入小樓

寄石遺福州

長安扇暑風市塵翳尋丈兒女趣園遊偶出意頗強時彥集若蝟聒耳故扇熒塵狀挾僮語白日接颯颯
觸之輒頭痛戢足禁交往石遺書斗至令我發遐想明月照流水夜盪西湖槳雛柳纒敷陰尺葦若成蕩
亭榭固非多受月頗宏敞脫衣去鞢鞢船臥至蕭爽閉目擬蹇態幻境出俯仰妬絕詩人福羈客詎堪仿
我昔居瓊河繪春園半蕪種芋拔梅花斫竹闌雞雛丹荔幸無恙盈盈羅襦積渴久思甘天海爲之區
石遺獨飽啖口福誰則如方回非常奴絕技能烹魚供養萬書堆用此酬勤劬我但食餽飪誰復憐清醴
年來詩力堅脫手難顛撲恣爾所欲言初不患屑秃章句加絺繪輕若被紗縠近詩和耕煤飄然墊巾角
自關功候永無罣足尋目海藏貽近著洒洒富篇幅雜詩至工妙燈下恣百讀時時見淳蓄道貌日於肅
蕭寥龍州作鬼氣出篔簹竹白蓮清夜明足爲阮亭續持以較石遺莫辨絲竹肉同譜獲二妙襟靈冠閩族
韓孟真雲龍拭目看追逐

寄題石遺皆山樓

卷簾是處是青山用放翁句目力應無片晌閒何用四時將竹籬居然萬綠滿柴關我疑清福歸前定天許先生隱此間一事最教人健羨看山兼看鳥飛還

雪中懷石遺

朔風吹雪徧金臺遙想鄉園梅已開懷舊頗傷臨老別對燈滿望寄詩來艱危共閱無窮事彼此還留未盡才更莫銷磨鉛槧裏西湖端可置吟杯

春日齋居

燕子飛飛傍小堂沈沈不放出簾香却經寂寞生詩思漸近清明見海棠酒盞固難離客子錫簫還自憶江鄉地鑪撤後羊裘解坐覺牆西日影長

題畫

眼中風物似杭州不到西谿二十秋江左已成藩鎮局臨安是否屬錢鏐平生心折許先生光祿詞人最有名長念孝陵心不死青山只畫石頭城沒個人來且閉關林巒迴合屋三間神頭鬼臉知多少只有青山且好顏新詞我笑張春水淨洗花香作廢生爭抵道人空色相長年只聽出山聲粉本新翻戴鹿牀碧雲搖曳竹間莊故居憶在蓮塘路盡日楊花入草堂老樹無聲水不煙危峯一白欲窮天任他澈骨寒威重不到袁安臥榻邊夾岸桃花似渥丹漁郎清曉冒春寒仙源不畫非無意正面文章着筆難焦山遙對金山塔玉帶曾留最上頭三兩估船弄簫管却嫌無地畫揚州熙陶帶雨沒參差却憶漁洋有此詩今日江南風雅盡不勝耆舊感康熙

陶谷太守之蜀作江行覓句圖送別賦此

生平不識嘉陵道却寫夔巫上峽舟爲愛詩人能作郡聊將畫卷紀清遊從今編集多新語沿路聞猿及
早秋日日推篷山色在知無餘地著離憂

題明湖小隱圖

疏葦搖涼月滿汀明湖柳色似西泠至今歷下亭如昨身世偏非王阮亭
吾鄉十研隱閩南亦有藤花半畝庵竟與詩人同樣本畫樓斜日柳鬢鬢

贈李拔可

觀槿才逾姚合清偶傳片紙藝林驚風懷懺盡歸通峭格律嚴中寓性情海上十年看世變中書一出負
時名千秋不墜辛夷業天子聰明俾早成

金陵城外懷陳伯巖

廿載傾心陳散原石城永日閉柴門詩源遠溯孟貞曜文境醇如虞道園不仕自然全晚節得名何必過
高軒海藏樓下饒花竹果否能來共一樽

樂清舟中望大溪寓樓久不至

舟中暮色迎人起屢問長年到未曾田水赴溪微作瀑露螢過竹遠疑燈岸泥無地尋窩眼島寺回頭記
塔層塔在海門賴有稱身藜杖在山亭準備曉來登

由石門入山道中口占示夢旦稚星拔可

似聞草木發奇芬沿路峯皆斧劈紋瞬息陰晴終作雨高低松栝偶來雲響泉墜澗前溪應危徑穿山積
綠分竹轡飄然空翠裏林巒轉處待諸君

五月六日陪螺江太保及諸公遊釣魚臺賜莊

平泉草木路彎環白髮元僚共往還紅藕香中憑水檻綠蕪盡處出西山各含詩思都無語不料勞生亦
偶閒半壁東南腥穢徧吾曹却在畫圖間

鐵城障

此障誰加漆居然號鐵城綠封疑路斷天豁助灘明石狀時時變山容漸漸晴十年靳幽賞今略慰生平

五月三日至小龍湫宿天柱峯下蔣氏兄弟屏霞廬

羣峯如堵牆盡處出篔簹竹赫然見天柱撐空聳奇綠展旗名峯相拱揖軒秀含真樸余足且伯蹶夾掖資健

僕靡然入荒翠升俯布巒屏霞疑建標歷歷上畫幅抱拱致殊佳綰接勢非複顯勝努巖張內斂陰岡
伏雲際小龍湫發聲震壑谷潭弗窮所趨梗險患顛仆樓窗忽聞雨細泉日滲漉下匯成深池上仰巖勢
蹙流雲如輕紗瞬瞥翳羣木蕭然斷樵忙壯哉此林屋心儀剪刀峯冥眴亦森肅明日能仁寺襍被巖下
宿

歸舟至澤國鎮值雨

墨雲盛處斂殊陽水榭停舟傍飯莊獨樹臨溪迎雨勢亂蟲入店聚燈光忙中未覺衣襦濕坐定纔聞笋
蕨香眼福本將辛苦換任他木末擺琳琅

自靈巖偕諸子至大龍湫

靈巖古神鄉信次日嘔噓開軒峯巒集紋竅綠斑駁巖巖苦山雨一暝接晦朔十里距龍湫荒尋頗惴縮
坐恐山靈笑責譙吾豈覺侵晨命籃輿犯雨入叢薄鬧灘湊琴筑奇石礪齷齪抱竹團焦隱假穉山田錯
眩深睫爲交踏險氣且索荒漫若無親朋息與夫脚斗然聞水聲忻悵且交作陰巖列積鐵壑峭動魂魄
半天發龍吼初不挺頭角一吐空際白立洗人間濁發坎鱗甲重墜澗紗縠拓隨風飄珠塵得日耀瓔珞
吞漱孰伸仰飛濺難捉摸瓏瓏到此極何心羨吳嶽雲與草木合軋芴兼蒙絡綠淨爽心目青濕透履屨
聊向石亭憩敢擬神湫濯環景此一嘗夢境亦卓犖吾生苦紛泊得此聊自藥

唐晏

晏字元素號涉江滿洲人光緒壬午舉人官陝西□□道有海上嘉月度詩

鄭孝胥序涉江道人之詩不甚爲詩所困莽蒼詭博任心而揚探喉而滿若讀神異經若效古
古風古八變歌飲酒諸篇漸離之擊筑歟雍門之鼓箏歟吾惡得而名之

石遺室詩話元素明達事理雖身未造有哀痛而無憤激集中感傷故國諸作極似金之元裕
之元之丁鶴年

偶成

石橋東畔畫闌西十萬垂楊入戶低
雨後蒼苔綠砌長春來黃鳥亞枝啼
美人罷舞花盈陌帝子來游月
滿溪惆悵春風似相誤白衣蒼狗太低迷

和芷性追昔遊韻

十年湖海覓安居應悔豪情未懺除
病肺年來深止酒洗心老去厭窺書
他鄉白髮生蓬牒故國青門共
莽墟拂袖東來閱滄海成連高調竟何如

中原派別判鴻溝不敢公然仗劍遊
晴雨至今爭蚌鷓元黃誰解辨鷹鳩
戈矛戟刺空森列尊敦盤彝且
獻酬竟日高翔終不下機心最苦是閑鷗

萬家擣帛起秋礎傷盡吳兒木石心
青翰何會歌繡被白頭有婦哭著簪
空中樓閣原成幻夢裏華胥豈
易尋聞道靈均天不問衰顏澤畔自行吟

小窗晨坐繹黃庭無事西方止觀經
默坐無言求鼻白當年有客見眉青
從來傍海容蘇葛果否蓉城主
石丁林際春申君不見高吟奇句與龍聽

感興十首

海上窮居門歲年麴生風味向渠偏長龍瘦蛟浪翻海老兔寒蟾人夢天盤古未知花有劫康回殊恨史
無編誰開十二萬年例過耳秋聲真灑然

化工也覺費評量虛遣靈均賦九章桔梗花繁豨可帝杜鵑聲苦厲憐王底須蠹簡窺元圃大有瑤函祕
鬱岡朗朗□□□不息風輪劫火爲誰忙

誰遣蚩尤造五兵至今餘禍未能平哀黎板蕩將三歲怨魄辛酸到九京天上游雲幻衣狗世間側徑鬪
狸黠分明蕩蕩便便路偏向盤紆險處行

故園松菊任荒蕪瓜芋相倂共一區半世危牆爭負版十年羈宦感蜘蛛惟餘楚客辭懷在會得蘭成賦
意無日月遷流人事換數莖短髮日蕭疏

名心已息久忘機那更楊朱泣路歧東海本非銜石塞南山豈易荷鋤移半生風味青鐙共百感情懷綠
酒知閑倚危樓聽夜雨未能忘却是東籬

自笑平生百不能老來情味澹於僧黃花酒瓊全彭澤茅屋秋風困杜陵石馬聲嘶咆素月銅仙淚滴漬
紅冰一編抱朴神仙傳憑弔蒼茫感廢興

觀書止圖取遮眼當世不知誰仔肩鷓鴣搶鵬搏同一舉雲垂海立又經年出門無復客西笑仰面但看天
左旋欲鑄黃金買東海幾番絃絕向成連

睡起頻搔兩鬢絲晴窗坐見日車馳墜難更起碧天上窮無復之滄海涯七載只今仍瓠落九州何術洗

瘡痍亭亭煙縷凝香篆默對心清祇自知
生事於人百不如老年蹤跡溷樵漁銷殘花鳥三春興闕盡風雲萬變圖茶鼎清聲號竅蚓塵窗隙影舞
奔駒世情自古成兒戲美惡年來一語無
悔不窗閒老一經無端見此谷爲陵室家見適憂風雪車乘相招畏友朋一室滯留黃歇浦十行塗抹剡
溪藤賦詩漸覺和平少筆挾霜威字有稜

讀神異經

東方有善人朱衣復元冠男女恒恭坐詎肯相犯干已事實不理力拯人所患好笑夫豈諂慎辭乃其端
反爲世所嗤目之癡與頑悲乎三代下直道良獨難

西荒有豫章榮悴占九州力士持斤斧斫伐無時休元氣亦僅僅洩盡無復留朽株千萬載不知今在不
我思乘浮雲遠邁窺八陬甚望存枯槿萌蘖庶有由

東方有櫛梨服之衣不敗南方無損獸巒割體不壞美酒與玉籩壺觴相遞代我欲集此物實之無欲界
終身止醉眠詎足論興廢

訛獸狀如黃人面能語言苟善必言惡云東而反西人或食其肉遂亦工欺謾此味亦艱得胡爲舉世然
或恐不必爾長歌爲深歎

海上有大人千里一舉足但解飲美酒自謂膺天祿飢則仰問天得飲亦自足好遊山水間不肯干民族

雖名無路人其志良不俗絕勝馳輪鞅終朝事徵逐

海鶴吞小人一舉遂千里小人寄鶴腹相因得不死二物氣所感相須乃若此不遇廉與來紂惡焉如是
嗟哉人與鶴相吞良未已

重九

西風又見雁行偏誰遣投荒到海邊三度黃花人中酒一編青簡我忘年黎元有幸長饑老滄海無情浩
劫延稷下紛紛遂星散雕龍有口漫談天時有青島警訊

題國山碑

幾度興亡天璽年孫陵岡廢草芊芊可憐虎踞龍蟠業不及空山片石豎

壽蘇日同年爲會凡七人余以事未與明日以東坡百步洪韻賦此

青天如海雲如波光陰萬古騰飛梭置身雲海最高處日月兩丸相邊磨帝皇王伯電過眼更從何處論
東坡况於九百餘歲後欲舉壽罍傾酒荷何異奔流已注壑更來叩石求盤渦我輩同年幾人在朗如北
斗橫秋河下視蓬瀛遂清淺麟脯佐金叵羅奇寒已訝堯年鶴蔓草又掩金墉駝但賸風簷幾殘客相
呼微問君無它白酒已浮元蟻盎紅梅漸坼黃蜂窠自應相招痛飲耳奈此月落參橫何俗累纏身獨未
往武安難免將軍呵

憶舊遊

近代詩鈔 唐曼

花柳雷塘往事空錦帆無復挂西風可憐狼籍山光寺還有人來弔故宮

詠史

芒宕西隣大澤濱粉榆社火自爲隣可憐呂氏全家族有女何須奉貴人

偶題絕句

無言桃李自成蹊半被行人踏作泥獨向蝸牛廬裏坐春風長在小窗西
逢春無日不開遊醉卽清吟睡卽休猛雨狂風花事了先生酣夢五更頭
嘗記年時三月三花開時節在江南而今又到春三月依舊桃花似酒酣
一片花飛減却春杜陵空費惜花心那知掃却閒紅紫點綴池塘有綠陰
昨宵沈醉酒家樓過眼繁華一醉休漢苑唐宮在何許照人空有月如鉤
三尺階頭一把苜至今勳業五雲高不須哆口談堯舜可有人才繼禹皋
曹瞞踏碎漢山河劉裕江南又起波慚愧嚴陵灘子上一竿一笠一漁簑
年來頗笑許由癡過眼煙雲且聽之何苦潁川來洗耳姓名留得世人知
凌晨一醜意縱橫人笑先生酒癖成從古若無麴蘖法淵明也是可憐生
扁舟一葉點江天歸去春光正滿船釣得魚兒還放却今朝無酒又無錢
窗外梅開三兩枝天公有意遣催詩年來性格成奇懶過盡春光總未知

鄭蘇蘆招飲海藏樓看菊

北風淅淅寒雨冷菊花晚坼仍芳馨淺紅深紫縱無賴不與百卉同飄零老夫自怪懷抱惡走向君家慰
寥落十丈高樓吸海光百枝冷豔團香國狂風吹塵正滿天出門莫辨陌與阡會須埋願但飲酒死葬陶
家亦足賢

與友人市飲

闌聲如沸夜冥冥多少人間夢未醒老去風濤輕海島客中蹤跡慣旗亭熨寒酒釀鏡先醉弔古吟高月
解聽歌吹沸天塵繞市可憐雙眼向誰青

揚州北門外有地名傍花村秋來家家蓺菊擔負入城點綴秋光半在於是村臨河宋代牙城之
隍也河上有橋土人名爲菊橋其名甚雅余舊有句云送酒船來雙槳綠擔花人過一橋香稿
久佚追懷其景爲補賦之

傍花村路接雷塘白板紅闌壓古隍送酒船來雙槳綠擔花人過一橋香句留客况憐黃菊點綴詩懷更
綠楊二十四年流寓處到今追憶倍淒涼

飲酒

避世東海濱無事但飲酒所慚量未宏盡醉不盈斗梨棗必在眼魚蟹或充缶問胡能享此慚愧造物厚
淵明道未窮敢期樂自有飲罷意翛然夕陽挂衰柳

飲酒過三爵油然身可退糟池作牛飲焉得知酒味所以桀紂君正得廉來輩聖哲戒其然作誥訓于妹禮有無算爵詩有賓筵誨相反實相成紳書永爲佩

支離役可獨侏儒飽欲死試用大道推此亦細故耳陽貨專魯國尼父困闕里盜跖肝人肉展季仕三已誰云莛與楹輕重齊一軌

淵明絕代人愛酒逃世桔觴至輒陶然餘歡藉詩續方其興到時豈以五字束我生千載後無由奉高躅賴有冰雪文晴窗得披讀昨夜西風來撼我庭前竹鏗然自成韻何必琴與筑若與詩境會把卷更三復何以伴幽吟芳尊湛空綠

嗟哉杜陵翁世亂東西奔仲冬霜雪下盡室赴蜀門得有嚴鄭公地主誼甚敦園官輸菜把馬軍送酒尊行廚出竹裏驂馬繫樹根更得浣花溪佳境開籬樊難中得此境何異誦招魂我亦播蕩餘家破身僅存豈無賢地主高誼未可諉終歎時事非身安何足論

昌黎昔飲酒爲文俟其醺張侯藉酒力草聖卓不羣古人所以飲爲屏世慮紛酒爲翰墨膽力可奪三軍夫豈樂爲此故違沫誥文

昔者白香山飲量本不宏願言昌其詩豈不借酒功但恨有禪累佞佛希虛空名教有樂地焉事媚大雄嗟嗟千載下此弊無終窮

未知飲酒意姑賦飲酒詩飲中有妙旨憑詩斟酌之世風有厚薄本性無醇漓衆醉固不可獨醒亦非宜

所以陶杜輩故以酒爲辭此意深且廣未遣世人知

題自畫梅花

忽地羣仙入夢來千珠萬玉費安排蝸廬無地留君住且把寒香紙上栽

寒訊

羈客索居元自感物華應候倍相驚明蟾坼魄初三日陽鳥催寒第一聲落葉漸如衰髮改亂雲嘗共暮
愁生年來慰藉傷心目祇覺秋容畫不成

黃石齋楷書孝經卷子

卷長凡□丈□尺黃絹朱絲小楷全仿鍾法後有自跋云五引詩於五孝之首先引詩而後釋
之此自古人通例後人不解遂有庶人章無詩之疑此實精卓不刊之論也

孔道大無垠根自孝弟始不作亂犯上可以希君子宗聖繼其傳孝經因以起由漢及宋明作者相迤邐
巍巍黃漳浦道繼昔賢軌學足究天人孝亦悟聖旨廣川及中壘千古笑相視晚乃移作忠一死成萬是
平生游藝餘上追鍾大理人間傳百本劫火恐無幾我生憂患間饔飧不及旨布衣不暇煨更不論紈綺
至寶忽見投捧手三日喜裝潢謹什襲焉敢匣輕啟如魯之璵璠如秦之和璽又如杜林書一卷同臥起
可以資伏膺可以存謚視可以訓子孫可以銘筵几舉世方尙奇孔書等脫屣棄置匡隅閒誰能尊眎此
晴窗聊自玩古色逾瑚簋

龍華鎮桃花今歲極盛聞之趣往則已將爛漫然雲錦霞標頃歲所未親也不可無詩以記之
海濱久居何所似柳永蘇儋杜同谷偶然出戶事閒游市闐喧闐雜絲竹今晨頓覺眼能明龍華桃花炫
繁縟柴車輓輓二十里日澹雲輕滌塵俗沿谿藉谷花鬱蒸斷霞文錦舒田塍緋紅照眼路不辨季倫步
幃安足稱回旋更入花深處漁父不敢誇武陵惜無片土可避世四郊戰鼓方登登徘徊久留天欲暮舉
手別花且歸去回頭孤塔斷烟中似怪游人太匆遽問君何苦負春光還入喧闐市聲處

黃大癡浮巒燠翠圖

是圖在明末爲董思白所藏著於畫禪室隨筆陳眉公亦云大癡畫以浮巒燠翠爲第一恨絹
碎耳後來墨井麓臺皆及見之張瓜疇圖畫精意識則詳言其邱壑此後遂不知所在據墨井
言則入都且殉葬矣丁巳秋忽出於滬市則霉敗破碎無人問價者爲余所得重裝之復還舊
觀作此記之

氣韻鬱勃春空雲筆致紆曲歐陽文孤芳亭亭壓衆卉一時畫苑嗟空羣孰高不供俗子役癡翁始肯留
真跡此是浮巒燠翠圖自來藏弄名烜赫問誰真賞敢評罵遂有眉公暨思白爾後沈埋二百年人間不
復聞流傳一朝瓊寶落吾手草堂虹月高燭天對此摩娑三歎息澹冶吳裝謝雕飾山態雲容駘蕩中相
期漫論千金直無力能營貯翠樓新詩聊爲生顏色

明朱大司口得大癡羣峯鏡翠
樓一樓貯之與此有二翠之日

隋大業鐵鏤銘拓本

鑊有銘正書凡四十九字字方二寸餘有漢隸筆意在湖北當陽玉泉道場卽太白詠仙人掌
茶處也造者爲李慧達後有伯達及譚修生名未知爲書者爲鑄者其年則大業十一年乙亥
也自來金石書鮮著錄者或竟爲孤本也余得拓本於滬市愛而詠焉

普六茹堅竊國雄都城移在長安東江左孤懸將百年一朝併入邦域中左藏庫物旣盈溢萬民鼓腹歌
歲豐縱云不及漢文景小康亦足稱治隆江山頓入阿摩手綵花螢燭爭昌丰東征已歎民力盡南遊欲
飲江水空大好頭顱付誰斫亦知不得完厥終大業乙亥更可傷明年遂起江都宮隴西李花始璀璨隋
隄楊柳徒葦茸李慧達者彼何人姓名不殊無是公居然費鐵三千斤何不鑄耒頌春農充佛供養佛不
喜幸充我輩金石供巴官鐵量付塵劫此外但傳唐兩鍾金文一旦忽見此四十九字驪珠同上攀可繼
漢閣道下旣已無唐景龍隨軒塔槃更不數口口界石難爲工六朝真楷出隸法得此一綫能溝通老夫
於書無寸功興來捉筆圖蛇龍不意眼中遇此拓晴窗無暇摹雲峰宅章序畫信有法千鈞勁弩初離弓
始知書者非偶然定有筆法來斯邕世人儻疑我語誕請質道州媛臂翁

勸梁節菴飲酒

思與靈均共啜糟豈真沈飲傲兒曹麴生紅友乃吾侶螺贏螟蛉徒爾豪去國梁鴻歌自苦採芝唐秉漫
稱高勸君且莫辭杯罍世亂相逢更二毛

朱古微填詞圖

碧梧亂覆雕闌影紅錦地衣承藻井不盡人間萬古愁絲痕著意縈新警隔窗夜雨聞涓涓愁盤九曲金
博山敲拍未終宛成夢夢到梅溪竹屋閒幽怨搖香惜金縷詞人例作銷魂語不信靈均賦九章至今恨
結懷沙浦

戴醇士畫西山小景以錢籀石宗伯書西郊踏春六絕句同裝次韻題其上

建章宮樹倚雲栽水色山光畫本開荇帶泉連淩泝水竹鞭桐帽幾回來

瑪瑙卮匱玉書叉承平多少舉人家可憐錦綺鐙籠庫今日春來無一花

承平時海涇鐙籠庫爲富貴人所聚處今已荒蕪

熏香宮女倚篝籃火急軍書日百函步輦亟臨勤政殿紛紛戈甲戢江南

香岩宗印

闍名在靜明園

梵相鑿佛力虛空不可憑惟有玉泉山上塔凌霄依舊十三層

昆明池岸半荒畦荷鋤人歸日又西若向豐崖求舊芭流風真個感槿梨

玉堂人物望如仙朝罷常攜兩袖煙今日豐宜門外路幾人來鑿種瓜田

燕文貴雪谿行旅卷子

風微微雪飛飛一白茫茫路不辨征人欲向何方歸坡脚四松相對出松下人家開竹扉橫溪一皮石橋
小山半飛泉縈裊裊穿林人谷屋宇幽持比輞川更深杳多少樓臺玉琢成那容人世飛塵遶更從嶺上
置雄關百仞丹梯未易攀鈴鐸一聲山響答宛然甯武鴈門間數騎臨流知欲渡挈蓋擔囊向何處或者
當年韓退之閒關踏雪潮陽去須知此景我親逢記得當年從六龍羸馬驅馳韓信嶺羣山都被雪雲封

當日雄心何可問
老來相對畫圖中

清臣書來相勸北歸
竝云廷粟齋觀察願以園相假聞之感賦

歸興年來似酒濃
未甘身世老吳儂
西山植地果千樹
北嶺橫天峰數重
巨馬煙波縈客夢
翠微雲海盪吾胸
名園肯借吾尤感
白首無須更賃春

朱銘盤

銘盤字曼君江蘇泰興人光緒壬午舉人有桂之華軒詩集

石遺室詩話曼君工駢體文沈博絕麗詩天骨開張風格雋上與周彥昇張季直諸人從軍朝鮮其朝鮮雜詩與彥昇朝鮮樂府異曲同工

過故館懷先師劉公

吾師昔高臥十笏此閑房
當戶晚花笑捲簾
春草香說經嫌晝短
中酒喜宵長
今日空相憶
羊曇淚幾行
寄婦

少婦持家拙念之愁遠
人秋深憐我瘦
書到諱言貧
客路多衰草
歸心滿白蘋
何爲怨離別
屬命在風塵
寄懷蔣生

西風日蕭瑟念子尚無衣今雨人何在秋江蟹正肥相期把尊酒隨意弄清暉吳下詩才少青山望爾歸
書寶應孔太僕遺集一首示管才叔秀才

心血文章在孔君天所哀關山猶有淚忠孝定須才戎馬江南賦霜風幕府盃管生故人意回首重悠哉
書胡厚堂詞本

淮水日東去君家淮水邊霜華上短鬢風力勁秋絃一奏清商曲人思天寶年君看北來雁點點落尊前
寄婦

西風舟在白蘋邊我與蘋花瘦可憐欲遣江波遙寄汝可知流不到門前
憶家園花樹

先人手種碧桃樹落盡桃花樹亦枯剩有窗前木犀在秋來能放幾花無
奔走

奔走空皮骨歸來就草堂能貧聊慰藉偶病得清涼布被一爐火中宵萬瓦霜門前數行樹期爾共青蒼
贈邱大履平

邱生東海來告我磊山奇眼前卷石不能到坐令鞢袖軒雙眉邱生二十好男子百金買劍長安市可憐
四十不封侯舊戰團袍血花紫憂來發興惟高歌鬼神風雨能誰何胸中萬語但自冷張口一洩風騰波
有時醉出霜躡舞眼底鼠魚變龍虎共道將軍劍術奇誰知國士丹心苦漢家西北多烽煙健兒十萬長

控弦頻聞戈壁懸軍日空見葡萄入塞年
邱生爾無封侯骨腓肉生來有誰惜
竭澤蛟龍死亦佳淺草枯
泥臥不得聶政堂前有丈人賈生涕淚空沾巾
何當驅馬山中去海天高夢羲皇春

東海二壯士行

東海二壯士顧璽及馬義義也善突火璽也工擊刺邱生挾之來飛走健翻翅邱生亦善兵平生有通臂
酒酣呼璽前短仗出游戲盪臂風力適回身燭光碎一鍛千鋒旋萬人不足刺橫躍雙側盤觀者駭及鼻
邱生呼止止神定吻微吹滿堂各曼立聽生說義事昔在毅皇初山東盜如蝟桓桓陳將軍殺賊輕意氣
蓮池萬賊壘孤軍突風隊義爲帳下兒一鎗不脫背將軍出殺賊壁門虛不閉其時日正午西風晝陰晦
突賊乘虛來直前那猜忌一壁一雷出十發十人殪賊去義不追賊來義寧避貂蟬滿頭顛斯人獨蕉萃
草具長不飽我嗟生已淚萬方昔多難死命責此輩羣盜一朝盡草間遂棄置高官騎大馬問心竟誰致
秦齊俗彊悍此輩千萬計飢窮不能活草澤或嘯噬豐膚速蛇蝎滴爲爾曹累鋌險觸文網殺之爲勇毅
邱生况蕭條見人不嘆喟忍死爲老母日長但高睡兀傲藏深叢鼠兒遂搖喙平生結豪猛二士實其次
蠻夷正歸化宰相善調劑小人伏窮巷眼前暫飽醉邱生吾告汝窮死又何異歸語所知人努力削材智

邱生有劍懸壁上抽出視我光十丈萬里來從日本都千金脫自雲中將吁嗟此劍何足奇惟在健者能
用之猛虎林下臥不醒小兒寸鐵劓其頸關西羣盜尙如林涼州幾載煙塵深臨洮牧馬不飛度充國屯

田多苦心生也昔作賢侯客諸葛用心天下識橫流滄海竟何歸變局如棋收不得自從長揖歸耕去劍獨與人共朝暮雪色長沈北地花星文猶動東陵樹平生雙眼飽旌旗好讀陰符注握奇縱將此劍贈秋水猶化雙龍天外飛

送邱大履平之淮陰

貴人常經濟吐詞皆聖賢人賤言亦鄙好語祇自憐爾昔在年少仗劍驅幽燕三戰都護死道上橫戈鏗去時擁千騎歸來張空券書生苦信書剛愎身不全汝謀悔不用銜恨終黃泉

韓侯有高臺下臨長淮水君門秦東門去此三百里君今到淮陰故人輒歡喜老母雪滿頭日夜望兒子扁舟遠迎將春風在冠履女兒能挽弓健婦習舂米開門愁江湖閉門種蘭芷坐臥惟高吟邱生吾語爾

寄范鑄葛桐

郭外青山酒客多葛生范大近如何開書豔聽南皮樂送客遙憐灞上歌天末風高回暮色樽前淚遠與江波荒城六月西風起曉角殘星夢薜蘿

送東畏皇視兄疾海門

貧賤吾何說出門事事輕清宵念骨肉雙淚暗縱橫苦竹山中雨虛窗夢後聲吁嗟爾何事復共可憐情

游勇行

江東有窮子早歲曾爲兵殺賊雖多不得賞太平散卒驅歸耕田廬蕩絕骨肉死商賈不習誰可營短衣

數挽足無襪可憐日向街頭行夕陽慘淡照林木此時飢腹空吞聲吁嗟此輩故驚悍火酒肥肉乃壓情而况當時用彼力授以金鐵令殺人一朝偃武尙法律此輩何識氣頓馴使酒爭博亦細故論罪那得隕厥生何者邏吏騎馬過道旁見之意不平呼爲游卒叱縛送堂上一鞫頭顱傾嗚呼天下俱赤子入伍則卒出則民爾曹媚上亦多術乃以人肉博汝名翁歸張湯却遍地寧成邗都那足珍往者督部沈少保以猛爲治良可程遂有鄙夫竊意旨戈船小吏白骨橫嗚呼戈船小吏白骨橫我願大官日夕拂高鑑慎勿借之鱗甲爲蛟龍

中宵

高閣中宵起看天城頭擊柝響空煙浮雲東出星芒大缺月西當島際懸久客如忘千里遠新涼正得幾人眠田橫一去精靈沒快意高歌寶劍篇

蓬萊閣題壁

漢武秦皇骨作灰仙人無分入樓臺何年此閣堂堂出快意吾曹日日來翠嶺百重天破碎素波萬里月徘徊誰令表海泱泱地微管翻深孔氏哀

朝鮮雜詩

八年秋七月陪臣金及魚報書於督部神色慘不舒督部誦其書上言恕臣愚下言國內變縱火燒王廬發矢及王蓋君后藏孤蒲冒死從宿衛萬卒無一夫微聞有主者尊貴莫與俱督部不敢斷上之于天都

興宣大院君康穆之從季厥有子三人一爲康穆嗣爲父乃私情爲臣實大義如何緣衆怒便思易王位不在攝政年作事何濡滯智者當不然人言一何熾人言雖則爾父老亦涕淚

王師橫海來罪人唾手得偉哉將軍功天子賜顏色宰相眷小邦一一爲修飾互市則已矣練卒以爲德步伐豈不馴名爲王羽翼更恐芋菽窮鷺鳥不得食眼見爪牙徒化爲豺虎賊前車豈不遠愚者昏不識江左有伯叔生長于泰西伯者習其教其叔爲養兒相公收材峻洩勃敗鼓皮相公嘉其才以伯撫句驪扶政及御悔百事爾主持身爲天朝人北面臣事之匪惟臣事之拜跪如西夷固知尾已才不若頑鈍奇迂儒抱春秋老死無人知

朝船迎潮生暮船迎潮落刺船雖云美不如爲官樂互市既有科遣吏主其橐不知何姓名但聞才不惡王人使蠻夷取官于臺閣中朝固有體甯爲炫高爵此論今不然儒冠賤如藿

興宣攝政時西虜來寇邊興宣驅屏卒一鼓摧中堅乃知克西虜不在鐵作船如何貴人口畏之如帝天兵凶而戰危智者策萬全不見賣國碑興宣所龔鑄大書戒子孫垂示千萬年厥志雖不成君子嘆其賢一日發京華二日海水清四日登之罟七日辰韓城書生不習武熟知軍中情昨者英膚使大舸來王京云奉其王教索地更前盟此虜實巴姓險猾如狸鼯側聞庚申變此虜爲蛟鯨屏王懼大計依倚王師名王師豈不武宰相心和平

窮海春回未似春不成愁思細如塵年過秦氏鬢鬢增詩寫湘靈渺人鵠有東南求好樹樓無西北接重闈懷仁輔義何人事却怪桐江只釣鱸

三月一首

醉倚高臺聽暮笳朝看旌旆動龍蛇一秋海氣常連霧三月春風不見花見雁北來知代客問人南事抵還家爲君詠得江南好細雨輕寒燕子斜

康詠

詠字步崖福建長汀人光緒壬午舉人官內閣中書

石遺室詩話步崖從寶竹坡先生學詩旅京有年句如愁殺濃雲如潑墨隨風幻作故鄉山鄉心越閩海秋色上燕臺詩意清苦境遇然也

淨業湖樓飲酒有懷王芷亭

宿雨霽城隈登臨眼界開山雲渡溪澗湖水潤樓臺昔日諸詩老何人共酒杯可憐堤上柳依舊送青來
中秋對月懷菊客

聞道今宵月天涯共此明可憐歡笑日不解別離情路已歧南北身何問死生秋階風露下贏得雨淒清

李宗言

宗言字奮會福建閩縣人光緒壬午舉人官江西廣信府知府安徽候補道

石遺室詩話奮會少與畏廬至洽共喜爲陳元孝吳駿公一種七言律一行作吏此事遂廢今所存僅有支社詩拾中數首錄一二以貽嘗樹者

金川門懷古

倉皇父老愴變音百道燕師動地臨家賊竟張侯景餒路人曾識馬昭心北門鎖鑰黃旂偃南國衣冠碧血沈一領袈裟二尺牒孝陵魂魄定沾襟

訪鈴山堂

丞相徵時白屋存停鞭一弔介溪魂奸雄敢比誰東舍經術多慚安石墩門下兒孫看繼起九原寮屬半銜冤太師青爾堪兄事齋閣森嚴總拜恩

李宗禕

宗禕一名向榮字次玉又字佛客福建閩縣人官候補員外郎

石遺室詩話佛客少喜填詞工爲秦柳樓詞鈔有變辛夷詩不常作時有悒悒之意其武夷游草一卷

不知散落何許矣

澗花

澗花映澗水開落各自可春歸逐水流春來還婀娜悠悠花下客恆與時世左單居推物情悒悒能久坐

青芝寺

片帆破霧發平明遙抵青芝百感清村豎解人導前路山禽迎客弄春聲千峰收脈深藏寺一水分支遠入城三百年來陳迹在寂寥誰與續詩盟

贈林孝廉琴南

斯世無大文撫拾紛綺藻羣然相爲豪亦足干大造南山有君子著書鹽其腦道與時世違旦夕傷懷抱桃李不終春松柏多壽考君爲萬年枝勿爲斷腸草

高鍾泉

鍾泉字通孫福建侯官人布衣早卒

石遺室詩話述孫少孤嗜學家貧無所得書無所得師則閱市借人出門求友十餘歲卽斐然成章卒年僅二十三何梅生極賞其晚春卽事句云貧家紅紫都如洗惟有青苔上井闌以爲何減陳叔度之一山在水次終日有泉聲餘如草堂漫記云好書久借緣多病舊句頻刪厭說貧瓶中梨花云未贈白人權託命再逢青帝已無根亦不盡作湯卿謀語

花事

花事殊無據東風面太生梁低空待燕地僻少聞鶯簾外幾春雨樓頭多晚晴踏青鞋未繡何日是清明花事寒中釀宵來欲減衣燭燒春共短香鼻夢相依暗雨苔潛長幽篁筍定肥寂寥門巷裏纔見燕雙飛

謝酒

詠史

傍到香肌已減寒桃花釀醕豔含酸年來不領青州事合向平原署曠官

夫何碎唾壺癡心慕魏武神器非等閒中宗豈懦主石頭不噬臍上計死奚補刁劉無足論伯仁冤千古稱孤不負漢坐擁見雍容偏朝奇男子首數石世龍子房同卓識高皇誠景從並驅輕光武恐是君未逢

澄瀾閣對柳有感

愛汝臨風作態頻依稀交讓尹邢身柳有二本攀條我少纖纖手護惜還須倩玉人道安居士
莫向長橋管送迎乾坤幾輩解鍾情我來已負青青髻愁聽誰家玉笛聲

春閨雜詩

宿雨纔收曉色勻，滾毬不起落花塵。月華裙底青青草，印盡殘紅損綠茵。
點點泥痕柳絮霑，新裁縞袖護葱尖。無端貪看雙飛燕，半捲花陰上竹簾。
懶懶睡臉小桃酣，玉鏡斜臨筆自拈。莫把雙眉誇夫婿，今宵新月恰初三。
桃花門徑日初斜，好是春晴說在家。情分一般如姊妹，纖纖玉腕自烹茶。
等閒梳洗罷春朝，萬紫千紅少助嬌。揀得好花偏並蒂，剪刀未下已魂銷。
金釵未拔亦何爲，容易花前捧玉卮。載酒不關來問字，泥他夫婿教填詞。
釀得餘寒憶昨宵，水晶簾下掠雙髻。無端私語偷鸚鵡，玉鏡春生兩頰潮。
却拋火硯小窗西，春煖臨池墨易齊。不爲凍毫偏耐嚙，玲瓏玉瑄鬪瓠犀。

陳 遷

遷字季新福建侯官人諸生早卒

石遺室詩話亡弟季新年少逸才屢下第鬱鬱不得意有所眷歌者天逝傷之甚兼以自傷也
見諸詩詞者不下數十首多淒厲不可卒讀句云世上黃金原似土泡中碧玉自無瑕亦傷逝

之作

傷逝

更上湖亭倍惘然十分秋色是今年夕陽真是無情物不許愁人哭墓田
二載何曾一日歡此心不減越梅酸細思往事都成識長抱奇愁欲化丹
縱不題詩也愴神今年燕子罷勞辛此中白眼知多少終古黃衫有幾人

又

風物已淒緊吾心殊不佳墓門空挂劍香徑已埋釵霜信催衰鬢秋期葬病骸詞人白首臥松竹滿蕭齋

朱祖謀

祖謀字古微號彊邨浙江歸安人光緒癸未傳臚官至禮部侍郎

和遠根乞米曲

宜州詩翁恆苦饑索米夢持篆窠歸舉家噉粥糲不肥平原筆力弩釋機先生研田十年糲漑墨一斗鍵
其扉臨川三昧熒熒暉濃鋒蹶豈諸城痲赫蹄紙百不供揮灑書增倖疇敢隳月料半流埒茹薇焉能休
糧脫塵道山延閣接太微胡不陳書紫宸闈胡不曼胡短後衣捷書夜草旄頭飛何爲顛領幽篁圍乾

愁漫誕不可礎諸公遑辨妃與豨一邱之貉蒙庶幾菜傭求益來已稀牛鐸黃鐘荒是非枵然者腹負大
誹安用陶胡奴壘欵逝將著鞭驂子駢安吳筆訣絕幾韋他年奇字森烟霏

題胡僧仲金光明勝經卷子用若海均

妙伽佗諦絕傳衣花雨中舊撻扉一逝翩如黃鷄子刺天海水又羣飛

江左一流今日盡詩篇連卷共誰論不如自撥鎗煙坐饒舌豐干已不言

王病山避亂武陵乃其往年備兵地也武陵詩人陳伯弢以書醞相勞苦報賦有句率次元韻奉

寄

極天兵火况修途誰謂萍蓬匪定居用意故須憂患外哀吟猶是亂離初新知濡响宜篤翰舊頌流傳尙
井廬日夜雙江急東下莫因人事滯音書

瘦公屬題唐道士索洞玄所書一本際經

蠟樣無文墨似豬轉輪真見瘦金書欲知萬物皆芻狗且向迦音訊蝨魚

三洞真靈何好奇銀函金字想見之儒童迦葉不足數我欲配以追魂碑

偕金鞍青過何氏良園

鄉關搖落後君亦杜門偏病脚蘇殘暑澄心落古泉林陰裏祗得盤實削瓜圓酒釀非吾事匡床坐晚天
河汲論交晚琴尊間日開興移無屐齒詩罷點牆落機息林香發天清塔影來不須風扇拂真氣辟飛埃

小勝幽人屋新邀過侶
權安巢無越鳥傾橐買花欄
緗裘繡縵逾靜風漪對不寒
滄洲吾亦羨無路問漁竿
鄉緒不能理清尊相向悽
朗吟塞士賦苦說碧山棲
迴鞚穿林失炎雲覆蓋低
日歸情不愜身外正蒿藜

東阿道中

十日西風未放晴
近畿林樾已商聲
乍欣紈扇朝朝減
却苦秋泥步步生
瘦馬羸童從爾嬾
烏紗白葛與人清
後車儘有鴟夷載
翻羨山家種秫成

晚登江亭

薜蔚亦隨人作計
暫逃初地酒塵纓
嬌春羅綺不挂眼
綺閣鸞花空復情
殘客未宜苛畔岸
清尊政要與將迎
悵然欲別無他去
醉及街西缺月明

劇光典

光典字禮卿安徽合肥人光緒癸未進士官江蘇淮揚道候補京堂

徐積餘屬題狼山訪碑圖

書塵乙覽始關中
畫做歐洪劇小松
彷彿承平多韻事
且將江海盪心胸
曾見黃小松嵩洛訪碑圖卷子亦在廠肆收得其紫雲山題

碑圖册子歐洪不解丹青筆探碑圖中題句也

怕說狼山數點青當年信國苦飄零想君穗墨經過處
瀕洞狂瀾不可聽狼山青數點文信國過寶魚灣詩句

意有未盡再題一律

唐末風塵何擾擾就中俊傑數吳王人非盜賊奸雄輩地畫吳山楚水長
賸有南唐盛文物何須天祚弔興亡披圖不盡蒼茫意擬泐磨崖十丈強

題李新吾希呂印存

摹印爲繆篆亦列書體八始僅檢詐僞後乃資筆札余生手懸椎體中無半點數典雖瀾翻騰笑祭魚獺
李君示此卷開我兩眼睛尉律久榛蕪彼此紛相軋略以近古言技倆亦狡猾文何趁妾媚陳曼生鄧石
如苦塾黜字體尤淆譌偏旁互剗割太息諸家譜金鑲不可刮君獨消息之難哉真戛戛未谷頗精審祭
酒乃鈐轄意匠契隸古體勢盤鵬鶴如探百川源沿湖西極汎如聚八寶材莊嚴梵王刹餘力偶爲之根
柢窮塊坳恥居小生後奚用郭香察忽忽掩卷憂俯仰自轄確東川劉夫子諱家馨萬縣人同治丁卯本省解元銅玉羅缺
鬱下筆嗜奇古碣體去垢坳沈姬亦健者亡姬沈氏名慧字季光後更字叔光窈窕如蘭苗藉藉影梅奩董白慚娟媿遺製
尙在眼所嗟百芳殺譜賸脂粉膩石憐凍腦滑以君澹雅才七篇通蒼頡更冀傳印人一一歸甄拔

張亨嘉

亨嘉字鐵君福建侯官人光緒癸未進士官禮部左侍郎諡文厚有口磐室集

葦灣泛舟

太行擁幽都西北勢一曲濫泉數伏見鬻沸如噴玉瀦之瀏而清不似焦釜沃是時大火中燒野苦炎熯却憶阮公詠來泛蓬池淥侵晨踐游約出門始見旭忽如涉魚齒甚雨驟相屬芰荷相媚賦鷗鷺互翔浴秧田碧彌望饒衍頗似蜀誰云土疆築官稻乃冀俗今日曷不樂取醉託醞醪大嚼侈侯截間觀東山局勝地足歡娛人事有根觸長晚攬歸轡落日酷煩溽預約潭柘遊及秋來秉燭

遊積水潭

白浮導脈城西隅廣源高梁並一渠中間午貫復東注取象銀漢橫天都名泉十九入御苑却留咫尺容乘桴鐵樞插外靈螭伏洪濤百斛隨奔趨鎮水神祠翼然起積高爲雍真神區怪石皴瘦古織女老松正直偉丈夫前村後村足魚菜十里五里喧菰蒲淨業門前最幽勝朝陽璀璨明芙蓉扁舟便入藕花去髻身在江南圖銀錠橋邊偶信步蒼然山色來平蕪十利非利海非海名從主人聊相呼黃雲市地苦塵鞅到此便擬登瀛壺勝朝三百六十寺財力半由中涓輸行人指說藜光事貂璫氣餒嗟可吁當時劉謝競投勅茶陵老子殊睽孤西涯西涯在何許鴻臚祭酒說非誣後來視今猶視昔蓬萊水淺桑田枯我來六月正逃暑浮瓜雪藕羅盤孟閩都荔子駭新摘登筵未改白玉膚東海大魚美鬢鬢調以醯醢雜脰胸自餘蝦菜各豐旨忘形賓主爭手耐褸衣甘食一無補雀鼠空耗縣官租辛有之歎吾知矣伊川被髮毋

乃愚共登第一樓頭望仰天幾輩呼烏鳥

題吳仲圭水墨山水後

楮千絹八百茲惟元章語至正距今五百秋真本流傳復幾許有元名者梅沙彌一峰黃鶴爲儔侶畫師
能事各臻極尹邢相選俱千古勝吳勝王徒紛紛此論未公吾不與盛百熙祭酒題句云唐畫谿山深秀
王勝吳元畫吳勝王故云曩會見元氣淋漓璞初剖嚙城尙書老好事手攜此卷珍瓊瑤蒼蒼莽莽林下風視曩所見猶伯伍山中
一夜雨霏霏杜鵑花開滿洲渚想見濡毫吮墨時中有巨師直法乳尙書愛畫如愛士傾心結納頗自喜
善價豈慳萬黃金但惜時無右丞與道子

過嚴關

始安山下路迤邐出嚴關自接秦城壯曾無蜀道艱前車防合歹臥榻逼犁軒莫漫輕形勝籌邊識隱患

題端陶齋制府所藏天發神讖舊拓本

討鹵聲威響魏公會無片石鎮江東可憐青蓋終朝洛却有奇文與紀功
頌聲每爲昏朝作異瑞恆於閔史呈大帝子孫盡豚犬坐令渾濬浪成名
周鼓秦碑豈等倫體兼篆籀語何因鱷魚一帖分明在媵媚還疑出兩人
險糜一紙價連城段石岡頭石已傾千六百年磨劫在深寧何意禍休明

柯逢時

逢時字遜庵湖北武昌人光緒癸未進士官至江西巡撫

石遺室詩話遜庵工試帖詩其登第詩題爲花開鳥鳴晨君第三四句云人因花起早天以鳥

鳴春一時傳誦

顧晴谷大令餞別牛頭山杜子祠卽席賦二律

城南山勢鬱崔嵬工部祠堂亦壯哉詞賦縱橫開世界川原高下護樓臺塵封石篆青麈隱酒泛金尊白
雁來蕃虜正驕羣盜劇當時涕淚滿蒿萊

羌柯小別無多日杜曲重來定幾時風雨尊前人老大關山笛裏道倭遲朝班漸喜長安近歸計惟應襄
水知爲謝殷勤杯酒意少陵原上一題詩

段朝端

朝端字笏林晚號蔗叟江蘇淮安人有椿花閣詩集

石遺室詩話冒鶴亭告余淮安詩人段蔗叟垂老以脚疾廢然至今年逾八十尙劬學吟詠自娛因寄示其詩集八卷中多感憤時事之作以律詩多用典不知何指故少錄句如那能貧而樂敢謂窮斯濫詞場曳落河石墨特健藥過分黑白兩阿堵不合時宜一肚皮並少秀才爲學究妄將法律作詩書皆雅健

錢唐懷古

金源滅後盟初定入洛師與去不還太息臨安好山水危機第一獨松關

七月鮑紫來以近作見示拈此奉酬兼感近事

清夏四五月曾作胸山游儒冠魏土苴素餐吁可羞民氣頹不揚殷勤詢所由鹽法日剗敵鹵薄花不稠上官急科斂閭左橫戈矛公私互欺蒙誰爲前箸籌今讀故人詩惻惻如有憂旣痛浮惰習復爲耕鑿謀異哉鹽筴中乃有元道州

閻徵君潛邱居士小印打本爲王覲卿題

繪就新圖號拜詩濡毫題詠想經師張叔憲爲路山夫作禮堂寫定傳誰某記取猩紅押角時

歐舫風流富弄藏印文三字眷西堂司農倒用吾家事滿屋圖書發古香眷西堂印予從山夫借歸徧印徵君遺著

此石流傳又幾時瓦窰村裏繫人思潛丘今名瓦窰村見太原志評量定出佳兒手長君復申舍人工鐵筆王漁洋劇賞之付與月齋早

護持此印本藏拓唐師所後贈平定張石洲

丙舍涇陽久不存風光誰訪學山墩懸知秋日多佳興細竹高梧拜墓門聞君將有訪墓之舉墓上多竹樹

題張力臣符山堂圖爲丁默存作

荒溪敞廬人三个閉戶談經作日課張家兄弟都絕倫符山一堂如斗大主婦具膳方隘閭稚子能文亦

入座縹緗秘籍插架富金石遺文寒屋破作書師法追程邈哦詩鬼胆墮李賀江都朱生好畫手圖爲朱二玉作

隱趣一一資敷佐酒鎗茶臼工位置想見伯倡仲叔和門前風景太蕭瑟古柳寒鴉伴窮餓龐眉書客滿

賓寮那許高軒搖轡過我昔京洛得遺集同治甲子於京都市上得性符先生符山堂詩集力臣手寫付梓者前有小象亦力臣所摹孤本直欲居奇

貨爾來讀此詫未見摩挲老眼知無奈丁生爾且慎藏弄題句彪續盡楚些草堂圖可配盧鴻袖手須防

寒具澆

李審言上海信來許以藏書紀事詩七卷本借讀并賸以詩次韻奉酬

十年不見李伯紀大患有身病垂死跼躓不用交頭杖箕踞惟憑折足几平生癖者在書卷昏眊善忘今

老矣海南羣犬吠所怪黔中神驢技止此新書遮眼許相借古詩入手吁可喜珠還合浦尙有日璧假許

田亦其理君亦假做藏願秋碧詩先生與我有同好脫略名利猶敵屨會聞書淫與書癡那及先生書丐名字美君嘗

以此自稱五兵縱橫裴武庫七略戢螭劉中壘支瓶隸事忘寢食拓鉢沿門徧井里一朝沾丐及貧子譬膏肓

鍼廢疾起况復殷勤勗眠食麗藻逾文一何綺至今金粟舊書樓尙有幾人念鑿齒懸知宋槩富藏弄空

令癡兒出餽水

和吳溫叟感觸舊游悵然有作十一首錄一

多薦閭潛邱夏祭高蓬州我嘗蝨其間駿奔多朋儔事變一以至典禮如決疣講堂堆馬通校舍列戈矛羣主束高閣將有薪爨爨題名卷猶在祀事何時修

依韻和溫叟除夕感懷五首錄一

我愛吳溫叟我思梁蒼立二子雲霞交魚相向以溼一旦山河改憂世徒雨泣修德琴惜惜論詩筭戢戢奈何歲月逝年俱四五十譬墮急流中梗偶互於邑何時見清晏慷慨付篇什北望聲爲吞小碎相掇拾我老不自量妄想編杜集

寒食

七十三歲春過半一百五日花正開紅襟語燕相對立白髮酒人無數來窮漢備甕斯可矣橫吏索錢胡

爲哉

杜詩普天無吏橫索錢

會須暫卸膝蓋骨

見四陽雜俎

持竿獨上韓侯臺

懷田魯漁安慶

我聞田子泰攜家入徐無經營平敞地躬耕成邑都百姓莫統一立長良所須作法廿餘條約束相刑誅婚姻禮制備講授學校俱行之三五年威信服一隅阿瞞用其策北征平虜胡奈何不知人侯封徒區區豈可賣盧龍素心本不渝今君用法結廬臨江湖買田事墾闢下隲成膏腴築圍種杭稻近水栽菰蒲長林富橘稅方塘收漁租後園傍山脚秋菜平畦鋪行官督伐木庶以供薪芻四序多暇日讀書稽唐虞

亦可哦小詩招邀來潛夫行同瀟西杜不羨陽翟蘇仙源在何許此境猶蓬壺我雖老且病願作阿段奴
况此亂離世道路多榛蕪何必懷故鄉所居卽夷塗詩書化頑犢耕桑銷萑苻江南與塞北今古皆良圖
卜居計早定急來迎妻孥

病狀

帶圍不覺常移孔臂握時驚小半分直爲衰翁羸病狀苦心只有沈休文
老人面目頗清腴腰脚皮膚內實羸自笑居糜微且瘡府君到底不如壺
下牀並不須扶老兩儿攜持自往還游泳盆池魚萬里回旋石磨馬千山

江都梁蒼立公約寄示紀江北災詩依韻奉和

我是江北人老病尙健飯白首遭奇災憂極不暇歎水旱已心惻况乃蝗滋蔓禾稻無子遺田廬付浸灌
流亡徧江淮低頭就魚爛殘黎生意盡有似灰中炭縱橫千百里巧歷那能算萬室迫饑踣焉得不召亂
梁侯念鄉里披衣坐待旦入府治文書一紙發千萬蒼立囊辦賑務救荒與已亂兩事可並案方今國勢弱刷恥
貴果斷誅求不培養經營只得半覆巢無完卵苦口蒙憤喚君久識此理高吟南山粲長夜何漫漫晦明
頃刻判今歲又苦潦降災天已慣儒生無寸柄故紙聊講貫止溺知未能燎原吁可憚迴斡祝蒼昊一飽

蘇窮漢

感事

二難舊尹兼新尹爲政相沿似虎苛打鼓統如天欲曙鄧侯何少謝侯多

閱斯曲

不見兒身長但覺兒衣短機中賣剩布兒身遮不滿
孩提怯生人回身就娘抱長大苦別離悠悠四方道
母腸與兒臍一氣貫注之墮地日以遠須念未截時

春蔬

枯臙菌子苗如釘枸杞萁蒿分外青多少兒童挑菜賣春聲一片最堪聽

喜顧秋嵐福楨見過

昔我募賑時聞有顧子敦名臨宋史有傳以其體肥有顧居之名故以相比吾鄉之寓公好義如追奔歷屆賑款君皆捐巨資予心慕之久矣身軀

似肥仙俗人嫌其村神交三十年今歲忽到門田子介之來謂魯懷抱得共論自云生北方不解饜雞豚

惟嗜粗麥屑連麸帶皮吞日日食不託頓頓咬菜根苛禮盡捐棄相對忘朝昏猶憶歲辛亥四郊軍壘屯

岌岌幾不保玉石愁焚崑無錢濟公用仰屋慚心魂賴君輸巨款淮人得生存事定不自言田園伴翠尊

上以承清白下以長子孫浮沈大化中可使薄者悖病中得好友坐我春風溫匡牀廢拱揖陋室無盤飧

高况何脫略真氣時一噴時事那忍說譬彼黃流渾勸君且括囊楚人將箝髡逝將與夫子永結爲弟昆

金武祥

武祥字淮生號粟香江蘇江陰人官鹽運同有陶廬雜憶各集

石遺室詩話一斤山人雜憶詩凡六編編百首皆絕句難於去取茲錄關於江陰物產而詩句

較雅者數首

陶廬雜憶

無主桃花歷亂開且烹肥鰕佐新醅鄉園動植如相約新筍香時燕子來

竹園多筍以燕來時生者名燕筍最佳

池塘寂寂聞鳴蛙門巷陰陰數落花好雨乍晴新水漲黃梅時節瀝梅蝦

蝦以梅雨時生者多子名梅蝦味尤勝

投轄殷勤數舉杯年年臘去春又回滿城簫鼓燈初試正好河豚入饌來

河豚魚出江中元宵時出者爲看燈魚

寒潭澄碧漾蒲菰高柳蕭疏八九株愛向橋東來晚眺一雙飛過水壺盧

蔣家潭湛然如鏡冬間常有水鳥如鷗鷺翔止其間村人名之曰水壺盧蓋卽小水鴨也

吳俊卿

俊卿字昌碩浙江安吉人官江蘇安東縣知縣有岳廬詩

石遺室詩話岳廬造句力求奇崛如其書畫篆刻實如其人如其貌殆欲語羞雷同學其鄉多
心孿石兩先生而益以槎枒者統觀全詩生而不鉤棘古而不灰土奇而不怪魅苦而不寒乞
直欲舉東洲巢經伏敵而各得其所長異哉書畫家詩向少深造者岳廬出前無古人矣句如
離聲牆外禽行色煙中櫓人薄抱關吏天憐識字夫且題修竹去一倚酒爐溫隋堤柳邊柳邗
水蕪中蕪月白淺斟酒水涼深閉門詩好偶然得如琴難再彈乞米腰難折攤書志不貧病臂
臨池活游心繞樹貪南宋一湖水東風萬柳絲種竹云戴天同俯仰租地養扶疏滄浪亭云石
欵亭子破山鏟夕陽平煙霞洞云簾卷花爭座亭欵石攫人七言如綠竹滿庭自醫俗青蕪作
飯誰索租勸我學游還學詩謂不知詩負游屐篆癖冷抱石人子買花狂散金錯刀皆戛戛獨
造

庚辛紀事

百里敝雲開長驅大隊來紅巾揮戰轟白日蔽塵埃一炬盡焦土幾家沈劫灰何方堪避地有路是泉臺

夜賊何方至逢人但舉刀哭聲殷風雨亂走劇波濤入谷愁無路攀厓恐未高桃源更何處僵臥且蓬蒿
寒食登金麓山

故鄉馮弔黯銷魂臘水殘山冷一邨溪上草堂何處是劫餘者舊幾家存荒原有鬼悲風雨寒食無人泣
墓門歎息平林棲鳳地年年杜宇換嗁痕

刻印

賈古之病不可藥紛紛陳鄧追遺軫摩抄朝夕若有得陳鄧外古仍無功天下幾人學秦漢但索形似成
疲癯我性疏闊類野鶴不受束縛彫鑄中少時學劍未嘗試輒段寸鐵驅蛟龍不知何者爲正變自我作
古空羣雄若者切玉若者銅任爾異說談齊東興來湖海不可遏冥搜萬象游洪濛信刀所至意無必恢
恢游刃殊從容三更風雨鐙焰碧牆陰蔓艸啼鬼工捐除喜怒去芥蒂逸氣勃勃生襟胸時作古篆寄遐
想雄渾秀整羞彌縫山骨鑿開渾沌竅有如雷斧揮豐隆我聞成周用鑿節門官符契原文公今人但侈
摹古昔古昔以上誰所宗詩文書畫有真意貴能深造求其通刻畫金石豈小道誰得鄙薄嗤彫蟲嗟予
學術百無就古人時效他山攻蚍蜉豈敢撼大樹要知道藝無終窮刻成褻手窗紙白皎皎明月生寒空
坐雨和鐵老

窗外雨如鏃驟涼生葛衣滿庭蕉葉大入坐草蟲飛與賴殘書遣秋遲一雁稀虛舟何處著江海願同歸

曾爲題虛
舟縱浪圖

欣園汪符生煦同游

菜花滿地梨花白，攜手同爲畫裏人。禁得春寒還小坐，闔閭城下雨如塵。

贈楊香吟先生光儀

香吟天津人著，有碧環玕館詩集。

風雨數椽塵不到，琅玕萬个手親鉏。先生長物錢難買，海色天光照讀書。

祭詩

欲談離亂苦無稽，紀事頻媮杜甫題。幾卷叢殘醜酒對，隔窗猶怕鬼雄曠。

紫明先生就醫蘇州話舊

天地葉飛初憐君，過敵廬吟懷因病減。高性愛人疏湖海，氣無敵菰蘆。髮不梳，青鐙還照影。故態莫教除。

北寺塔

塔形孤且直，更上莫蹉跎。平野吳如沼，南天江始波。有懷征雁去，無蓋遠山多。別有尋秋思，馮誰解獻歌。

寄六泉山人

河聲西向廣，若長聞道朱。雲姓氏香落，葉鐘鳴新樂。府黃花鐙影古，重陽愁來拔劍斷。流水歸去看山眠。

草堂百不如人何礙老，知君贏得是清狂。

福兒書報蕪園近景編成三絕句寄令讀之錄一

當年舊物仍我家，青青者蕪黃鞠華。屈彊亦有古梅樹，空山白雲檜榭呀。

感夢

元配章氏同邑過山人難中病沒倉卒蘆桂樹下亂定發之不得其骨傷哉光緒十年甲申九月晦蘇州寓中忽夢見之

秋眠懷舊事吳天不肯曙微響動精爽寒葉落無數青楓雨冥冥雲黑月未吐來兮魂之靈飄忽任煙霧
涼風吹衣袂徐徐展跬步相見不疑夢舊時此荆布別來千萬語含意苦難訴我昔避賊難從父止皇路
孝豐奉母賴汝賢山野同去住壬戌賊東下我歸三月暮牆屋一無恙舊物雲煙付劫火燒不盡中庭桂
邨名之樹我母爲我言是汝葬身處汝死未及旬當時記不誤賊平奉父歸甲子中秋度亂後百事廢蘊骨先
所務攜鋤闢榛莽形蹟了無遇淚下聲復吞裴回空四顧倉皇遠來意知汝憐我固慰汝一言在吾身困
猶故後匹菱湖施家計頗吾助大兒年十二作詩漸成句次兒九歲彊弄筆滿天趣兒雖非母出母汝汝
當護汝言我長佩汝德我長慕他年招魂葬同穴傍祖墓黃泉無自悲百歲猶旦暮

四閒樓

四閒樓高風冷冷寒山鐘入煙冥冥城隅一塔聳孤秀江上數峯排衆青酌酒自作東道主臥游勝讀南
華經日光晨氣盪檐角梅花樹樹圍屏

鐵老約遊鄧尉不果

水楊柳青天無涯一聲兩聲嗚老雅矮屋當樹晝忽暮寒風滿城春不花吁嗟游子世寡偶芒屨布韞飛
蓬首安得上下隨白雲過莫釐峯波胥口

潘燕池先生書問近况奉答

薄宦如游民浮家累妻孥一屋雨打頭達旦聲咿唔呼名鳥友朋閉戶人菰蘆能狂山簡誰固窮東野吾
讀書萬卷愁鑿石雙手痛那知刻畫能深入貧賤涂游刃雖有餘見咄屠門屠吾師旅食寬歎息門下孤
容鬢感蒼涼心血愁彫枯來書贈我言自苦何爲乎局促人中龍浩蕩江頭曷時光任轉移富貴何有無
春江酒變成此說良不誣與公爛醉期行止交相扶

寓齋閑飲招鐵老

柳條拂地東風勻春江不染纖纖塵看碧桃花過寒食聽黃鶯兒隨酒人高談雄辨客愁散原上水邊天
氣新借問老翁苦岑寂曷不賦詩來頻頻

金睛牛彪要同人登虎阜品憨泉

夏水忽欲滿酒人隨處過羣山青窈窕昨夜雨滂沱就竹僧房近回風虎氣多禪心同一笑奈此石頭何

太湖曉發

野店投荒三四閒渡頭齊放打魚船數聲鴻雁雨初歇七十二峯青自然

、卽目

蕪蕪草色春風前渡頭老屋圍溪田牛羊鼓腹犬高臥唯有白鷗饑看天

丙戌九月十二日瘦羊博士招同人至虎阜爲倪雲隴大令壽分得望字

心共孤雲流眼謝俗塵望挽舟江柳情留客沙鷗狀薄游秋雨後古綠坐寒漲倪迂詩勁瘦石骨等無恙

足跡徧天下所欠唯酒量三蕉我長技薄醉未敢讓尋山動隨趣舟迤步亦當泉聲穿石竇山腹吐平曠
檯空屋數椽花徑雲一巷鳥鳴煙樹出風落樓鐘撞真娘墓蕭瑟生公法淪喪粉黛化爲土頑石森成行
古懷當日暮歸路別層嶂鄰舟出歌妓修眉遠山樣跌宕琵琶聲按拍和高唱秋水春融融一船坐天上
、 饑看天圖自題

造物本愛我墮地爲丈夫昂昂七尺軀炯炯雙青矚胡爲二十載日被饑來驅頻歲涉江海面目風塵枯
深抱困窮節豁達忘嗟吁生計仗筆硯久久貧向隅典裘風雪候割愛時賣書賣書猶賣田殘闕皆膏腴
我母咬菜根弄孫堂上媿我妻炊屨屨甕中無斗糈故人非絕交到門不降輿見笑道旁誰屠販髻鬢須
閉門自斟酌天地本蘧廬日月照我顏雲霧牽我裾信天鳥知命人豈鳥不如看天且聽天願天鑒我愚
海內穀不熟誰繪流民圖天心如見憐雨粟三輔區賤子饑亦得負手游唐虞

謝沈公周汝瑾贈赤烏殘磚

虞山蒼蒼海東落有美一人占邱壑搜詩山鬼長夜愁著屐梅花早春約赤烏殘磚偶拾得寄窮措大勝
金錯七年吳冢誰造作封題未拆先摸索文字刻露森芒角若蠻夷印快刀鑿紫髯碧眼英雄姿江東一
隅受兄託拒曹赤壁神鬼驚烽火倉皇竄鼠雀繞樹三市烏南飛非爾族類任飄泊後七年夏吳祚衰
二年二月改元神
鳳夏四月權薨
改元神鳳鳥不若得無累爾築蔣陵筆畫殘經匠手斫岳廬滅甃舊有此金大論交重
一諾謂俯製作較薄文較嚴琢硯用之久長樂脫本入手雙烏銀嘉惠平生敢忘却寄書想見三摩抄愛

我疏狂不我矜只愁荒僉字不識病入膏肓無可藥冷淡生涯且礮墨應門喚起梅邊鶴赤鳥赤鳥饑莫
噉伴爾空山食藜藿

、贈萬澗民釗

老澗飄零客尋山憶去秋旅情春雁入活計破書求萬事寵爲下卑官貧不愁滄江風日晚與爾狎沙鷗
松隱閣讀書圖爲沈伯雲慶雲題

老松穿牆頭破寺窅然古寓公喜讀書我客僧爲主讀罷風寥寥濤聲滿窗戶坐根青銅冷攬案老龍舞
鐘動日卓午面壁僧三五擁書共息影誰識種頭苦况經喪亂來晚境壓難補馮公閉側竇董子闌荒圃
好學同此心古人應識汝我書付劫火我隱迷處所種樹欲買山療饑定拾芋摩挲沒字碑識字能幾許
共在風塵中相對慰逆旅題詩松影寒颯爽來如雨

、何熙伯汝穆夢家山圖

孤枕聽晨鐘寒風動旅館游子有所思夢醒張兩眼有家未之返故鄉千里遠生長大江南欲歸苦無伴
家山夢裏見門巷荆棘滿富貴何所求那不失初算識子吹簫市襟裊塵不澣弄筆數年久依人兩淪飯
讀書亂我心歸思亦難緩蕪園釀風雨白屋照書簡浮家無定所况復鄉夢斷好夢子善持春夜良苦短
淮山與淮水清絕天下罕曷不載犢車還山共雞犬

吳伯滔贈山水障索寫梅花

堂上松樹生十圍滔老不盡還數誰平生好古有今日讀書如讀索靖碑江湖散人時來往石門老屋寒
可想梅花落筆下乘禪唯粥飯僧能配享

鐘脚論詩圖爲茶礪山人汪芑題

山人圖中與論詩者不知何人所論亦不知何詩予與山人論詩往往不甚
合此圖中相對而絮絮者知非予也惜未之問事後思之不覺啞然失笑

空山野梅樹冰雪鍊詩才劫火驅人至茅堂卜勝開寒消邨外社屐破水邊苔邨得田園樂桃花更補栽
、寄嚴履安表叔泰

立錐之地如贅疣先生寄影唯破屢興來豪飲三百甌醉後意氣輕王侯敵裘典盡寒不愁老妻定是梅
花儔有女有女勤梳頭以水作鏡臨溪流東野失子休自讎再索或得孫仲謀天定不煩人更籌貧居又
過今年秋陋習可笑吾山飯食以耳者張兩眸讀書幾輩聲啾謳作橫鄉里富可求既富樂與屠酤游那
識世有貞之郵先生憊矣神休休棘手且弗鬼怪囚芝里邨畔騎黃牛飲泉一竇棲一邱

、雨中

屋子小牽艇雨聲低閩雷明朝過寒食卽景是黃梅抱朴空凡好居貧我
不才鄉心何處著行繞亂書堆

潛園

竹瘦依人老山寒比佛尊表回孤鶴下笑語一時溫鄰架書連屋蘋州水到門再來愁失路題句古松根
安古城東馬家瀆南有谿有亭酌水談詩趺坐爲樂畫此一尋歸興

萬竹拱一亭位置得其所調琴浙歷風聽秋蕭屑雨劫後問池館少此未焦土漫云歸去來畫成已辛苦
歸老顯亭圖菴翁先生命寫

顯山高入雲中有顯亭長星霜別來久去作歸與想行年七十五健步不殊曩常抱石酒尊醉倚碧松上
煩濁風洗滌視聽煙莽蒼鑿影碧浪俯感舊榆樓仰風味我遙憶畫畢把自賞賦詩重行行看策先生杖
書旅站

發粟輸錢拯水災津梨汾酒沽新開臙脂北地鵠臙出豆莢西風馬嚼來古道入雲高種柳平沙積雨莽
生苔礎聲何處催人老逼耳填胸一片哀

、旅館雨夜

韜晦靡不可其如吟興狂客無樓聽雨心與月同光燭滅鼠穿牖礪旋驢進房西山何日霽高步躡芬芳
張辟非度松隱小像

松濤寒擁讀書樓忍餓空山自校讎一任貴人工下拜去如東野不回頭
、寶慈老屋圖爲趙非昔宗建題

北郭詩人勸酒樽重過老屋笑言溫鄴侯書架香如海何氏園林水到門文字吉翔驅魍魅春秋閒檄讖
雞豚嗟予歲晚猶塵鞅把卷無由坐樹根

伯滔畫山水卷子

拔地壁千尺登堂松十圍好手吳疏林

伯酒一
字疏林

巖壑任意揮氣奪迂倪放意出清湘奇滿紙煙霧生窈底

猶藉馳巖崒礙日盤旋阻雲歸鳥嗟不知道媛歎隨所依縣厓挂秋瀑孤邨明夕暉木石古黛橫筆筆

金石姿荆關不再作歎息知音稀披圖思故人雲樹秋披離石門長水邊髣髴吾家移

贈高一山攀桂

高適眞詩伯儒衣被厥躬力能供自食游亦御天風笠屐辭坡老山雲憩皖公官場論動作比我益疲癯

、流覽景光成二絕句

小谿深處阿誰家人面燕支水面霞細語喃喃聽未得隔窗妒煞碧桃花

香生羅綺薄於雲人豔花妍膩不分此是人間甚情緒欲曠欲笑酒初醺

、贈馮小尹壯圖

大俠無知己人稱老匹夫酒拚晴日醉愁抱夜燈孤世界詩難倚崎嶇杖不扶雲南一萬里好夢到家無

、歲己亥十一月攝安東縣卽目

舊黃河勢抱安東古木寒潭萬影空臥榻冷懸高士雪卷茅狂聽大王風詩來淮上秋山裏人在天涯水

氣中眼底石頭眞可拜儻容袍笏借南宮

米元章曾
爲漣水軍

石頭城望江

石頭城高虛無塵鍾山攝山東西鄰榻來觀水一憑弔滿眼樓船愁煞人

會盧莪生廷鈞

掩水門虛設談山客寡儔屋和秋共老愁與髮爲讎得句喜三日段書盈一樓家風演茶量兩腋聽颼颼
書馮小尹悼亡詩後

草木黃落秋氣清悼亡詩苦馮先生淒涼獨灑鄉國淚生死不負糟糠情金釵沽酒醒薄醉瓦券買地營
佳城孟光有知亦含笑寄語飲水無悲鳴

書蘇兒小影

蘇兒蘇州生頭角頗岐嶷兩歲呱呱啼隨父適海國今歲才六齡之無未渠識渠父酸寒尉東肚弄不律
喫墨分所宜餘者力不及光福枇杷熟賣趁端陽節尉也腰無錢全家戒勿食行者山陰來曰蘇爾無泣
西山黃金果昨日吾手摘破筐盛纍纍爾經年憶蘇兒見之喜踊躍來繞膝行者爲寫照真意筆端出
兒有食肉相願爲萬夫帥弗學耶讀書齋鹽困卑秩

、鶴顛衡甫翫月滄浪亭皆有詩卽和

楊風子與林君復遊興東南盡五湖有宋一亭虛面水古吳二客靜提壺鳥鷺清梵啼孤月蛟抱寒潭吸
大珠何處宵鐘撞百八隨風高韻落平蕪

蹋青圖

唯楊及柳桃之華東風灼灼吹紅霞紅霞幻作樹頭雨女伴蹋青愁不已春愁不已碧空霽原上水邊人

絕麗

、偶興、

石頭奇似虎當關，破樹枯藤絕壑攀。
昨夜夢中馳鐵馬，竟憑畫手奪天山。

、醒後

天籟無端落枕邊，潺潺澗底響秋泉。
盆荷已放書猶抱，醒後方知中酒眠。

、自壽

前身定與范叔厚，一寒至此坐且守。
寒與飢鬪腹自鳴，西風獵獵驅我走。
秀才家食占不吉，僅喜詩成掛人口。
刊金伐石且游刃，庖丁解牛力在肘。
流光忽忽六十九，仙人斬錫治髣酒。
值此身世髣亦佳，未聞海裂山摧朽怪事。
咄咄石敢當，歌聲鳴缶无咎聖人之杖扣。
且不兩脛已跛，奈何受不念舊惡，觀其後如此。
衰翁烏足壽，人謂計閨已古稀。
古稀不醉醉誰某，鏡中見我蹒跚醜。
扶持嬾覓纖纖手，陳圓董宛供一嘔。
更不願折河東柳，結髮之妻安可忘。
縱不糟糠亦箕帚，南極一星高在天。
奉手卻見西王母。

釜麓歸耕圖和玉初勞先生韻

荷鉏帶月野蒼蒼，沮溺堪爲兄弟行。
閭閻衣冠前日夢，桑麻雞犬白雲鄉。
卹居叩戶來今雨，社酒看人醉夕陽。
想濯塵纓涼水上，笑聽孺子詠滄浪。

遜齋古匳存

有虞尙甸宗女媧甸盡天下爲山河成周因茲設官職方員愚知人事蘇孔門饘鬻賴於是尙有賣漿薦
春籩飴闕僅云式式字姓氏里居記不譌始皇焚書書浩劫道在瓦甓未易礪零落古籀數珠玉守護如
遇神鬼呵識字僉推漢祭酒象形會意聚訟多南唐二徐盡燹舌注輯翻作煩惱魔半泥模范尊鼻祖歎
整筆勢無切磋古氣盎然手可掬斑連等于高陽戈遯闢篤好已成癖搜索荒礫窮煙波參攷文字頗奇
特不類魚蟲與蚪蝌彘黍刻畫似蠅首妙趣真若書壁窠烏皮几潤春雨後篋篋盤匝同星羅精拓氈蠟
公世好三代遺物常摩挲老眼有福喜無量呼酒倚醉擊缶歌

壺翁戴君以壺園修禊圖索題

庚戌上巳天陰姓春風吹聚壺園萍壺園修禊好風色九曲巷古錢塘清會中之人數十二我未與會徒
虛名壽過八十計有四眉長想見雙眼青壺翁省識主人號未及訪戴虛舟停亂離身世忽然見只隔一
載翻長鯨海上移居局促住辛壬癸甲同飄零名園荒落一回首醒酒石已莓苔并題詩索我增感慨蕪
園予家園名在安古城已秃蕪青梅樹壓籬竹欺屋圍繞不住鄞南城勸君作達休介意海且倒立飛雷霆樓臺
屨氣眩光怪魑魅解語通人情今之隱几已非昔齊物爛熟南華經

周夢坡爲母建塏藏經塏中紀孝思也

夢坡儒士耽枯禪爲母寫經心虔虔藏經築塏千萬錢孝心自古能格天母仗佛力出九泉登極樂國跣
青蓮繪圖經後丁女士博覽內典通漢史龍女化身勝男子我輩聞之類有泚藏經塏中重展讀想見孝

子抱墟哭齊梁造像斂財酷不如此墟真造福刻石薛念椿匠工金掌和朗池僧監工口誦阿彌陀理安
寺前寶墟高峨峨吟詩我亦涕滂沱母恩未報可奈何無力造墟媿夢坡墟高四丈有二尺墟圍丈八累
輒石此墟可爲千秋萬代教孝之準則嗚呼此墟可爲千秋萬代教孝之準則雷峰保俶都無色湖上從
今添勝蹟

六三園櫻花齊放約貞壯一亭往游叶孃鼓琴花下

海天如鏡天礪平揭天排海飛長鯨桑田幻出奔雷霆麻姑數見吾何驚春光如拭開林亭花風凝白千
樹櫻琴聲入耳風冷洽鶴龜奏罷悽其鳴年華坐失悲平生似訴似泣傳幽情長公詩筆高崢嶸王宰畫
竟促迫成我畫我詩無庸名老矣久炭心胸橫淚點冷合青衫青句短卻笑琵琶行王翁亭一善睡諸公善
聽謂琴不敵茶味清咸姬有茶癖諸之所眷也何不罷彈試一烹叶爾長技相兼并談天口渴還談瀛鄒衍失笑太白
醒招之使來吾吹笙

王一亭臨吳小仙畫卷

小仙下筆勇可賈一亭筆意綢繆古筆金剛杵筆扛鼎髯龍湫倚天姥無水不江湖無地不網罟得魚
換酒澆肺腑樂在漁家忘所苦醉者足加腹醒者腥其吐短笛吹無腔按拍打瓦鼓唐臨晉帖雙眼明仙
與一亭相水乳而况蕭灘古木參以石田大劈斧一亭謂我耳聾目尤瞽中有七道士法十居五不然頭
顛項背安能使之老者窳少者嫵我謝一亭詩不吟撼屋風濤猛若虎鼉身映天長鯨舞恍若移我居之

繡我試僵臂發彊弩射石當能飲白羽或同擊缶歌鳴鳴付與滄江和柔櫓

適園雜詠爲張石銘

、茅亭

茅亭延夕涼徑仄石齒齒花藥翻風香空階步羅綺新月吾故人交情澹如水

叢桂廊

、桂樹老通禪非石亦可語持偈我未能且坐無佛處舉盃要月來却恐盃飛去

祁止祥臨文文山墨梅泉楊仲弘詩

瘦影寒香又一時文山遺墨仲弘詩年來老眼模黏甚認作冬青一樹移

楊子鶴畫冊

摩挲病眼對煙霞小閣寒鑪正熟茶臘水殘山吟不得且煩无咎讀梅花

次韻和貞壯除夕見寄

晝寢都忘卻晨游直到宵一盃酬舊歲萬事有明朝狂對花枝舞鬢噴海氣驕除君詩挂眼古意問誰招

余疑菴草書爲一亭

平生一貧無所累累在使墨如泥沙親朋遺我喫已盡典衣自買礪橫斜學畫未精書更劣似雪落紙拌
涂鴉一亭示我疑菴卷大草若潰蛟龍注神嚴貌醜力逾猛素師跌蕩顛騰拏足爲我師當下拜腕力疲

茶愁難加由草入篆去不遠匡我不逮牆隅蝸秋蛇春蚓一變幻恍洞鄒開穿瑯邪能書識字有何樂况
值世變心亂麻縱能易米僅糊口坡老徒見耕夫誇一亭致辭翁弗嗟若不爾爾翁無家海變桑田田變
海恐無隙地容種瓜戰場慘澹愁雲遮草枯蓬短鳴鳴笳弔之以詩正而葩大書特書驚李華柳不生肘
眼無花

懷素畫像

畫筆千尋氣九秋伽趺蕉下佛同修高文一任攻韓愈變相渾疑著貫休碧眼觀空忘水月綠天搖影走
蛟虬蜃金儻可求真蹟愁煞蘭亭視贅疣

二友詩寄致浩石友

致浩古狷者言笑天下春石友介于石鑷肝洵俗塵交我尤綢繆似酒頰其醇我書未飽讀二友擴見聞
聞見難盡言一一書之紳黼詩我不休百日三四句蓄髓刀剝所剔腐肌生新新生舊根莖元氣培細繆
憶昨劍門游飲泉甘不渾香參老桂禪碑宿遠祖墳沿谿刺眼花入谷黏屐雲三人必有師在昔孔子云
孔教流不衰我輩同策勳二友屋數椽况逼言子鄰我寄二友詩我心二友尊二友笑且言不二眞法門

黃華道人畫冊

吳諶之篆詩
梅植之題詩

南田工設色尙多煩膩痕道人潑煙墨蕭灑何精神凌風墮若秋滋露合若春濃訝朱若涂澹處粉若勻
洪想娛文房折待遺麗人乃知天工巧不敵豪端眞道人號黃華住豈陶潛鄰筆奇手崛彊衆花降其魂

土脈初萌芽情性通網縷吳篆根瑯邪字數吾家珍梅書密密題頗類百疊帚一亭日臨樵意味殊超羣
吾更進一言一亭弗厭聞湛湛舞劍器昭昭談獲麟著屐登峨帽飲水眠崑崙書境誰商量隻手捫星辰
、十邨圖吳湛若畫王翁臧

利鏃作筆拏煙雲軼蕩蕩處開天門不寫華侈專寫邨吾家湛若菽苑尊石田化去追其魂風雪寒沍花
鳥春中有情性一己存在山之顛河之脣牧牛走狗噪野豚社酒爛醉攤盤飧板屋塞破罌壘樽前邨龍
挂雨傾盆後邨烈日焦禾根踏車池渴泥水渾魚網未設愁游鱗牽船岸上天四鄰坐食漁婦漁弟昆琵琶
絃澀盲詞新是非顛倒滋笑鬻塾師臥脫折角巾誑語夢見周公頻兒童逃學張一軍妄想稱帝人稱
臣采桑若綴梯斜曛不減七月風陳爾吾邨老屋無埃塵王宰肯畫添一痕著我策杖來蕪園古樹破石
盤輪困著筆不易吾天真梅花性命詩精神

嚴翁蘆雁

狂瀾滔天雨壓屋城郭幽齊集鴟鵂民其魚矣死無辜不死者飢寒瑟縮將人比雁鳥乎可今日災民雁
同族嚴翁畫此水一掬流離顛躓費蒿目鳴者若呼羣飛者類避鏃得食且泥沙霜棲而水宿羽毛襤褸
任顛覆彼人非馬難指鹿蘆花如雪風淒其手筆驚人傳古樸前工此技邊頤公翁豈輩間書共讀妄想
起翁泉下一續流民圖翁爲鄭俠我作杜陵哭雁兮民兮漫相逐一言寄汝休厭黷訴天天疲癯訴人人
土木

青藤畫菜

蔥蒜魚肉損肝肺，敲之不厭唯菜根。古來種菜意所託，心儀吾指遼東君。鉅金不顧眼孔大，高鼻甯避華歆噴。大隱卽今問誰是，所見一氣鎔金銀。青藤書畫法外法，意造有若東坡云。青衿剝去無礙相，白眼視等過浮雲。身前跼踏死仙去，賸有菜色哀流民。我亦能飲一升墨，噴出楮上輸精神。有時畫石類奇鬼，顛不下拜禪彌真。補天未必且填海，六鼇壓斃龍嘘雲。漫言放筆寡生趣，何妨賣菜傭弟昆。

· 上巳徐園和魯山

花宜人醉醉宜歌，乘興來觴晉永和。徑僻嬾尋閒草木，詩成愁對破山河。天風裂石攜琴到，雪影翻池趁鶴過。何日南苕賦歸去，水邨煙塢一漁蓑。

陳白陽墨畫

書畫吾寡儲，在人亦外府。東友時寄觀，喜氣溢眉宇。先吟鼠姑花墨汁，幻紅雨狂乏青蓮。才亦不玉環，午一徑流清芬。走入辛夷塢，摩詰歸未曾。誰更輞川主，蘭鞠霜露抱傲骨。而香祖孤秀人，不如人面取媚嫵。嫵媚難悅人，一變堯舜禹唯利。可制人求者，身偃僂名花。置其前鼻塞目，能警洛妃來。何憑玉版傳，今古書奇賦。更奇畫亦奇，水乳山茶拙。政園折來朵，可數相見梅。邨老詠罷手，還撫惜哉人。未完竟爾龔錢伍，氣味傳白陽。咀嚼入肺腑，作篆可笑人。殘闕抱石鼓，幾回通入畫。如眺隔一堵，大惑心茫然。卜若卦之蠱，撫卷三嘆吁。羨爾生龍虎。

、 泥梅東將歸詩來言別和之

彌勒同龕四體舒天教骨相繪髯蘇言歸古柳生離色且住長纒戀老夫海鑿深杯沈醉否梅開孤嶼再來無詩成莫便波濤擲恐有驪龍索大珠

半淞園看梅

迢迢雁落沙連海滑滑禽言樹抱軒天似穹廬梅古雪一年好事半淞園
覽一足如仙隔塵澹雲微雨去尋春幾生修到梅知否臨笑無端見美人

計曦伯藏永安計氏博僧六舟持贈

計然書讀家承學計斲齋儲祖不忘珍重白雲持贈意一僧破衲住滄浪
抱甕誰云道在茲永安吳祚欲衰時詩成今日添惆悵商略泉明紀義熙

意行書酒家

踢翻殘壘竚孤雲曠歎聲中酒半醺隔坐漁樵談往事須眉如續戚將軍

坡公畫像爲高野侯

小飲三蕉罷狂游二客先雪堂春晚晚水調月嬋娟溫澗黨誰屬山河破可憐學公吾豈敢食研自年年

吳氏園林贈善慶

甕抱人呼丈筇扶我媿翁紐藤穿石竇籠樹引天風農圃求諸已交游厚自躬未曾儕學究論語已旁通

海日樓圖爲乙盦沈先生畫

望京樓上日遲遲手挽天河定幾時
花藥四闌雲一衲參禪無偈只攢眉

蔬香館圖爲鍾大

抱甕古有人蔬食味彌旨
旨哉味斯言諤諤天下士
菜根齋不厭漱石礪吾齒
吾齒香風通四鄰至味有如此
鍾翁居南茗小隱年亦紀
酒肉紛池林直以土苴貶茹蔬
不佞佛禪味得精髓挑菜宣
起予鉏金散任彼賣肯傭
自甘種且晦而已事百有不爲抱
一知所止水邨屋數椽椽脫粟
而布被惜陰把殘卷及春賦良
相匕箸生氤氳秋菘尤大美
早魃近爲虐北地互千里
千里嗟不毛人命雖鼠耳拾橡
如采芝羹莧勝膾鯉食人天
何厚老我河之涘蘋白風蕭蕭
浪碧湖瀾瀾詩豪揖弁峰
畫故翦淞水太傅貽德芬
清賢見後起

水野泚梅索詩賦贈

古水野氏窮厓濱字以泚梅芳
四鄰狂尋碧落披白雲
康樂木屐泉明巾杖假夸父
趨斜曛仙侶徐市澆古墳
來登秦岱窮崑崙冥索禹穴
窺甌閩吾圍兩戒方荆榛
吾足蹙蹙心酸辛吾愁欲叫
天無關君知吾如吾知君
朝鮮風物今同文興發紙
貴還書幫箕子封舊車式
門大王碑好墨拓魂瀑注
寒玉天垂紳山櫻兩岸恒
留春問胡不歸曰有因如
道吾道瓦甃存破研煮食
葛衣頻翻謂富者胸中貧
蹲蹲正舞初筵賓大醉突
若逋媛純須眉戟張鞞鼓
聞心目銛霍參井捫期期
之口偏鼓脣蹋天李賀爭
斷斷諧諛不辨齋與薰聚
椒藐之深秋蚊唯交友處
慎厥人氣味隱與酸寒親
詩成我法缶所云直言入
耳忘饜殮齒牙

不置時缶昆缶舌有時萌鈍根君云鈍癡仙等倫如剛歷劫猶灸輪臂之樗櫟跳斧斤巖壑壑雨秋氤氳

王孟津詩卷 卷尾一亭畫山水

文安詩與書下筆虓虎吼奇雄雜樸古賁育莫掣肘比畫騰之而點睛破壁走一亭畫中英華宗指屈拇
上揖瞿山老平睨白石叟如二李將軍後先比瓊玖讀畫頽我顏望古瞳乎後學古我未能斯言近八九
卽今亦多讓垂白重搔首長城縱挂眼虎僕亦在手鈍根有如此負此鳴鳴缶遭際將毋同式禮或毋苟
勁節畫琅玕奇字辨蝌蚪不幸饒古人多事挂之口海樓高切雲容我躡足否筆取揮煙雲心儻被塵垢
蔬食略如佛佛亦於何有文安如可作拍肩定誰某

非園圖甘君屬題

耳聾沈沈目不瞽大俠曾識非園主主人酤我我婁舞流芬椒馥天葩吐泉清瓢飲滌臟腑石瘦禪通拜
佛祖空諸所有誰云然興發有時還鑒古周鏡叔鐘秦瑯琊翠墨手捫注如雨讀罷仰天風寥寥竹代陶
瓦松環堵往事悟徹一回首德必有鄰彊取柱山河破碎殊可憐插足已無乾淨土京華迢遞望不見誰
是岑馮誰鄧禹石可療飢薇可亨卻笑營營須學圃不如坐我寒趣亭寒盡春回盎庭戶繩其祖武詩賦
成且別珠江就黃浦

蒿齋馮先生索畫梅

大雪無雪冬至旌一枝綻玉暉中庭昔耶不作巢林老畫欲意造坡難爭行年七七分弟畜安敢唐突馮

先生先生七八老不醜石勢離立梅孤撐墨汁一升噴盈紙翠羽如聽空山鳴封泥殘缺蟠扁幻不似之似聊象形梅邊別有占天地刻徑卜築蒿廬成先生曰吁道在是蒿恣飽食薇同亭梅能作花花作實酸鹹外味宜調羹後恐南朔異涂轍嶺頭驛寄愁飄零我感此言發長喟坐若淵默驚雷霆復社流風不再作心儀高矩嗟晨星飯牛徒歌白石爛幻蜃空冀黃河清氤氳之態賦不易鐵石風度誰廣平不如換筆畫大樹氣象肅肅雲英英將星銜爛不可卽坐我泥影蕪蕪亭

書貞壯詩稿後

小朝廷在狂醜酒大劈斧如真畫山騰笑滑稽猶賸我拍肩南北兩峰間

谿南閒步

青天笠戴歸斜谷野屋月明來故人鶴壽不銘厓兀兀魚潛在藻水粼粼移家柳下民誰逸持偈尋南佛漫噴如此風光真意外一藤扶老又三春

靈巖山圖

塹尖佛坐甃延月磻底琴鳴玉戛渠舊館巖腰移不得令人惆悵畢尙書

沈汝瑾

汝瑾字公周號石友又號鈍居士江蘇常熟人諸生有鳴堅白齋詩集

石遺室詩話石友與安吉吳昌碩至友善集中與昌碩往來者不下百十首極似祥符周季貺之於桐城蕭敬甫昌碩刻其詩十二卷無愧石交詩長短皆好而短篇尤有趣味至其疾惡刺時之作在在而是可謂以嫠婦而憂公室矣

寄昌碩

平生不合惟好梅梅花落後無新詩漫天覆地樹葉綠空庭夜夜啼子規君詩忽然照我眼畫梅贈我如瓊瑰對之幽香冷沁骨六月可以冰人肌嗟我弄筆粗解事奮力思與陶謝齊今不及古理茫昧莫啓其覆同醯雞十年大榻坐欲破苦吟時見雙眉低狂名無端壓時輩迂怪頗受庸人譏東郭先生慕宿草久無詩客來叩扉閉門若在窮谷裏撫松倚柏餐靈芝持身孤潔比梅萼此意炯炯青山知與君傾蓋如宿觀歲寒不改金石姿撥雲同君探梅去明年鄧尉春風時

哀二友詩

徐硯士銘彝

徐君落落古介士自君之亡天喪予高懷大可置羲昊至信直欲孚豚魚年荒寫字不乞米家貧典衣常買書嗚呼斯人卒難得痛哭愁天翻日車

蔡樸齋鍾璋

蔡子作事頗不俗，酣飲美酒隨天機。三十年臨漢碑字，二千金救河南饑。愛子猝亡怨偶在一病，竟向黃泉歸。雖非久交亦深痛，海虞人中似此稀。

寒飲寄懷昌碩

雲裏輪困樹樽前，壘塊人相依。天地內共保歲寒身，把酒消殘臘。題詩迎早春，聞君厭奔走。何日息風塵，督奚奴收雪供茗飲。

秋冬苦無雨，行汲勞僮僕。河流雜泥沙，腸胃積塵濁。夜聞窗外雪簌簌，下林木天明披裘觀大地，積羣玉北風捲復起，勢欲平澗谷。可憐荒園裏，壓倒數竿竹。喬松與叢桂，倔強撐石腹。上蒼有深意，降此慰心曲。天物不可暴棄之，恐非福。太陽一照耀，黃金萬莫贖。指揮具筐篋，提攜入空屋。潔白本來相，無使蒙垢黷。搏結實古甕，計得水十斛。石鼎煮茗茗，新火然樸檉。夜吟潤枯喉，一甌勝醜醜。生產懶不問，此物解儲蓄。使能療我飢，從今斷梁肉。

新年

麗日燒燈節，江梅初試花。年豐人喜樂，縣小市繁華。繡屋鬪盧雉，春城藏狹邪。無心去徵逐，石鼎自烹茶。

性直寡朋友一首寄昌碩

性直寡朋友，長無鄉曲譽。秋風獨攜酒，遙酌巨卿墓。他鄉有同心，拏舟訪蓬戶。闊哉三年別，留作十日住。放懷論詩材，抵掌談世務。忽忽又言別，雞鳴束裝去。長揖送出門，落月屋邊樹。滅燭就枕臥，納涼夢聯句。

日高倦忘起妻孥笑嚙語丈夫各有事聚散風中絮豈若鹿豕羣歲月常聚處

予抱胸腹之疾至丙夜則劇不能寐起檢昌碩來書作此寄之

四更氣上逆起坐不容後連山暗蛩螢隔竹閃星斗故人別三載書積一寸厚行行肝膈吐字字蛟虬走
夢中時相見軀貌瘦於舊比聞宿疾發藥甌亦在手蕭蕭氣漸涼桐葉落窗牖秋風駕扁舟盍來作重九
黃花開滿籬青山對斟酒知君難踐約官事有職守勉旃加餐飯各保金石壽

同趙非昔丈至半畝園

高樹晚花落古潭春水香鳥聲藏密竹山色入虛堂此地紅塵絕清言白日長何時共攜酒醉倒藥闌旁

贈郭大令

風雅虛心好豪強信手鋤娛親山水縣判牘晉唐書寫竹盈紈扇看花奉板輿比鄰聽嘉政松桂養扶疏
漫興

踏青山過雨倚綠樹回春處此艱危世偏成懶散人性迂常忤俗名賤欲燒巾除却觀泉石昏昏障眼塵
將之虎林阻風雨口占以鼓游興

清明已過春山綠想著西湖勝事多便欲租船冒風雨鄂王墳上一悲歌

潘比部以焦山玉峯菴僧精拓鶴銘見贈賦長歌謝之

昔游焦山寺曾讀瘞鶴銘摩挲百遍不得拓歸來手帶蛟涎腥忽忽十八年歲月如流星嘉惠忽及我翠

墨流古馨八十有九字字龍鳳姿飛騰瓌寶不湮沒好手逢山僧搏桑側理白如繭氈蠟椎拓文乃精
古來讀碑者考據各有名或言右軍或貞白或以魯公逋翁襲美相紛爭謂陶隱居差近是居華陽觀談
仙經唐碑結體尙嚴整那有奇情逸致紛縱橫青山鶴蛻久已朽問之不復能長鳴遙遙二千載石上苔
花青當年豐隆妬名蹟金椎疾下驅雷霆石墮江水裂爲五得諸水拓多奇零國初始挽出仿置寶墨亭
俗工塗竈煤傳世猶沉冥至今漫漶一洗雪山靈刮目江妃驚乃與周無專鼎共焜耀虹霓日月昭文明
金山區區一玉帶相對無乃慚傳燈潤州去海虞風利三日程何時訪老衲拜石醉綠醺君橫鐵笛我長
嘯喚起仙鶴無藏靈鶴銘原文爾其藏靈此二字已勒縞衣蹁躑舞月下脚底浩浩江流聲滄桑奚必憂世變只有金石
能長生

壬寅端午

端陽倏又至歲月如追逋家家循舊俗門貼鍾馗符枇杷黃金色不能起餓夫莫嫌角黍小米價貴於珠
節物偏感人食之味不腴薄薄盈盎酒青青插水蒲搗蒲置酒中一弔屈左徒結友千載上誰謂吾道孤
顧茶村以老少二像合裝一把卷一持酒斗昌頌題曰吾與吾周旋予爲賦短歌廣其意

少攻績事老耽酒昔日朱顏今白首傳神妙在阿堵中春晴楊柳雪後松茫茫塵世身外身交游不及形
影親金螺玉海五色筆醉鄉畫境羲皇人何如更策靈壽杖玄鶴紫芝結遐想杖頭偏提挂春釀天下名
山隨意往

新秋讀吳稼翁先生遺詩戲效其體

後戶臨河易得魚，薄醪麤飯樂閒居。
敲門聲怕催租吏，卻是故人來借書。
今日全消用世心，推窗臥看白雲岑。
孤吟自笑無人和，多買秋蟲放綠陰。

中秋夜獨步荒野中

飲酒不樂浩歌去，荒野沉沉蒿沒路。
栖鳥驚人移別林，流螢如燐出頽墓。
滿城金粟迷花霧，踏月羅衣濕香露。
欲呼才鬼相與談，厭聽尋常世間語。

病鶴叔遠見過

坦白襟懷似爾稀，秋槩對酒語依依。
滿街落葉欺殘醉，兄弟相攜踏月歸。

金氏昆仲約游河陽山

西望河陽石一拳，山中老檜綠參天。
憑君先與山僧約，醉借禪牀樹下眠。

戲昌碩

求者多於鐵門檻，筆勢勁如金錯刀。
我有新詩使君寫，意氣亦足稱人豪。
絲價日貴製衣不易戲作

一領春衫費不貲，手敲寒女織鴛機。
七襄雲錦三千匹，盡與天魔作舞衣。
至兒子書齋見架上置史記開卷乃趙奢傳戲作

龍門史筆高千古，懶惰曾無展卷時。
莫向人前嗤趙括，父書能讀是佳兒。
、熱甚蟬鳴聒耳戲作

只在梧桐楊柳枝，聲聲叫徹夕陽時。
置身高處稱知了，畢竟何曾一事知。

活錦囊圖

虛白居士有僮能記其詩，有索書則令誦之，謂之活錦囊繪圖徵詩。

滕子隨身一僮子，口誦新詩寫盈紙。
康成之婢穎士奴，當年未聞入畫圖。
人生識字憂患始，記得萬言亦徒耳。
胡不歸向鵝河邊，配赤足婢使力田。
力田逢年穀盈屋，黃雞秋肥春酒熟。
烹雞酌酒歌烏烏，何如飄

泊游江湖

紀事

上及山岡下水泉，不能搜括是青天。
簞瓢陋巷猶征稅，顏子還存附郭田。
夜合資充壯士糧，纏頭錦作戰衣裳。
枇杷花底官符急，還是前朝有教坊。
沽酒難將付市中，孔方兄亦歎途窮。
五銖半兩成鵝眼，莫是銅山與鄧通。
空中傳信地飛車，璀璨明燈耀火珠。
收盡電光天不笑，枉教玉女中投壺。
會開萬國議和平，器械精研日治兵。
鱗介安知周孔道，船堅礮利卽文明。
妖飛直過大洋來，善債方稱善理財。
不用黃金更求士，燕昭臺作赧王臺。

湖橋弔青陽二觀并序

咸豐季年粵寇犯常熟青陽二觀領鄉團扼湖橋焚橋阻寇進並發礮擊之寇稍沮城中人得以逃者青陽力也後卒戰死松禪先生援有功則祀之例立主於土神祠刻石紀其事青陽姓吳名廷芬其出也微故人皆呼小名而姓氏翻不甚著亦可悲也

深刻大書燕許筆姓名不使沒蒿萊當年若遇曾文正鮑虎多龍較將才

烽煙遺蹟夕陽紅誰識斯人保障功市上賣漿屠狗輩不知埋沒幾英雄

過徐礪士舊居

無多花木盡摧殘苔綠荒池水亦乾試問牆陰手栽竹被人斫作晾衣竿
書堂易主渾忘姓嫁妾生兒已合婚多少悲涼身後事更無人說獨銷魂

畫瓶菊戲題

瘦菊九秋花古陶三代器一賦登高詩商聲滿天地

養浩示玉茗花詩和韻

我生千載後結想千載前想彼古美人不過如花妍所以坐花下日夕手一編故人枉駕至相知在髫年
清言有雋味何必烹小鮮羞效世俗交酒肉相周旋惜難分此花移植君牆邊

老革

老革公然世共欽，坐依斗柄萬方臨。
玄黃小試屠龍手，道路咸知司馬心。
盡毀網維思固位，高談仁義豈爲霖。
禍機未絕長鯨竄，漫道神州免陸沉。

養浩示陳家浜看花詩和原韻

養疴不出戶，春寒弄春陰。
讀君桃花詩，如遊桃花林。
未見花到眼，已有花在心。
字發雲霞氣，句含山水音。
人生亦何苦，感昔兼傷今。
新晴約上巳，花下同開襟。

蛛

晚晴高結網，蚊蚋正喧喧。
望裏羣蜚小，中央獨坐尊。
飄搖避風雨，籠絡度晨昏。
只恐飢鳥集，軀微不足吞。

十四夜對月寄街廬

浹旬困陰雨，雨止月才現。
月光裂雲出，林外垂匹練。
有如素心人，久別忽見面。
九霄萬里近，一刻千金賤。
照我冰雪懷，月亦殊眷戀。
凡物對於我，俱作有情看。
况此玻璃魂，朗朗在霄漢。
安得爲車輪，乘之游汗漫。

趣還

趣還大物奉金輿，覆雨翻雲使得無。
隻手妄思扶社稷，褊心難免送頭顱。
紀綱草草教誰信，封拜紛紛只自圖。
不久王孫路，隅泣延秋門上有啼烏。

五月五日行兩章

五月五日聚五毒，當日三閭汨羅哭。
古今忠逆死不同，五色絲長命難續。
登天不成翻就木，凶骸有愧蘭。

湯浴讀離騷飲酒滿樽俯仰乾坤貴知足
位居極高品極賤龍庭猶作雞肋戀黃金
白刃虎狼心鬼哭神曠天地變五月五日夜五更天狗星墮天
鼓鳴艾人當戶蒲劍柳瞳視北極思長征

勒深之

深之字省旃號元俠江西新建人拔貢生廷試第一官口部小京官有蕉鹿吟

石遺室詩話省旃阻風燕子磯句云壓林奇石嘯雲氣出寺秋鐘帶水聲清越以長的是燕子磯鐘聲

登永濟寺觀音閣復下由小逕至上台洞而還

山勢欲飛去高閣凌空起俯視但茫茫雲海深無底大江天際來雪浪照窗几遙見窗外峯雲霞紛奇詭
鳥道背山腰獨往信屐齒崩崖壁倦眼奔泉洗塵耳古洞名上台一椽結洞裏鍊積苔色玲瓏注寒水
檐瀑聲淙淙佛髻綠泥泥探奇不厭深入勝從茲始山風起前途木葉紛如駛病骨畏高寒知爲山靈恥
急趁下江船片帆瓜步指

過江口占

近代詩鈔 勒深之

妙高臺遠隔煙雲望裏峰巒枕夕曛苦學丹青炫金碧江山孤負李將軍
空明一鏡白鷗閒遠岫無名妥翠鬟一霎東風騰萬馬浪花如雪沒焦山
空將天塹作金甌六代江山王氣收但有清華少雄闊南朝爭怪不風流
三句厭向揚州住瓜步重來草未生五日濃陰天不洗落花堆過佛狸城
晚鐘斷續下南徐却好澄江落日初萬頃茫茫星火亂滿江春網上刀魚
作客連年到石頭孤衾聽雨慣扁舟今宵宿處添清夢帆影江聲海嶽樓
爲歌郎張寶蘭畫蘭作一枯一潤亦書二截句錄一

絕世風標自有真蘭花比玉較精神畫師百輩無人會孤負空山太古春

依微

恁得依微漏點清枕函邀夢兀難成春歸始信花無謂夜短終疑月不情十二碧城迷處所兩三紅袖自
生平銀潢咫尺滄波迥奈此流雲葉葉聲

程樂庵工部志和陶補孫戶部福祖告歸田里相約同行賦詩見意

自笑真同水上萍歸哉甘作老明經故人望氣應能識從此長安晦酒星

馬貞榆

貞榆字季立廣東順德人歲貢生官訓導

寄石遺有序

余在武昌十餘年只剩得菱湖邊一屋此地背山面湖夏日荷花彌望恍住舟中晚見隔湖燈火不知其在城市也去秋武昌兵起家人避走漢上余客京師意此屋必不保矣石遺知余最深歲暮有詩見懷云太學書生待汝來窮途垂老客金臺屋廬書籍辛勤有莫便昆明付劫灰蓋石遺知余館穀銳減薦爲大學堂教習故獨遊京師也今春返鄂則屋舍依然失喜却賦牽蘿補屋十年餘長物全無只破書烽火已消松鶴在依然綠蔭舊時居

答石遺索錄舊作

識君忽忽踰十年臧否約略同媿妍相知豈在文字末刻鏤肺腑通天淵君才濟世不大用有如天馬遭牽纏溢爲歌詩發奇氣精偉卓絕百千篇况復好事及朋友搜討佳什付雕鐫我生固蔽兼躁急君爲開正藥其偏又推臭味引同調自顧下里慚喧傳邇來世事浮雲改念我衰朽難安全此意不言我默感臨風北望徒拳拳

周家祿

家祿字彥昇江蘇海門人優貢生官訓導有壽愷堂詩編

石遺室詩話彥昇詩余所見不多索之錄其朝鮮樂府一卷見示老當無懈可擊今未選其和蘇堪登洪山閱兵臺兼憶曩遊句云幕府勝談陪峴首上游清望繫神州洪山爲張廣雅督鄂時大蒐軍實之地君曾參廣雅幕

石遺先生枉贈長句次韻

東城寂寞動經年忽漫勞君枉贈篇興發湖山爭突兀愁深江海阻沿緣倦游且作躬耕計飽食猶思博奕賢料理叢殘身後集閉門何暇更憂天

石遺見示寄蘇堪詩再次韻

屈宋風流盡閩江得二賢一時有陳鄭之稱嶽淵互滄峙圭璧各方圓白髮何須諱青編已足傳更尋耦耕約東

海有桑田

壬寅入都

澍雨經年不入城黃沙無稅滿瑤京莫貪良夜頻相過更恐官司禁月明

葛道殷

道殷字心水湖南湘鄉人布衣

別叔伊式卿

道殷居海上八年知交中能文章而得性情之正者叔伊外尙有一胡式卿適鄂省與圖局開調道殷承乏行有日矣式卿贈以駢體文叔伊贈以長句期許之詞不同意則無不同也尤愛叔伊之詩音節古正穆然思深不禁短句答之

信有三生石來尋海上因沈吟期許意都是眼中人

長夏讀經憶道友解悟二章

太白牛車識者稀河源盡處得支機自從三宿空桑後不信人間有是非
貝葉翻經萬古傳盲人捫象罔譁然涅槃四百皆魔說最上乘禪不是禪

簡朝亮

朝亮字竹居廣東南海人諸生有讀書草堂詩

客館邑中曾氏草堂

板橋松路入莘村小住疎林近水園好鳥呼人多種樹閒花行影自知門遠看野色過春饑倦止書聲話
晚尊笑我邑人還是客客居初作邑居論

送友人北上

百年意態何曾異却喜聞君有遠行慷慨古稱燕壯士衣冠行見魯諸生風船獨火江神動驛館寒山夜
語清報道北梅花事好歸來攀折一枝輕

韓文公釣魚臺

劉生詩句區生序笑汝相尋寂寞濱何事陽山關路遠竟來同作釣魚人

韓文公劉生詩云手持釣竿遠相投劉生者劉師命也又送區

册序云南海有區生者擊舟而來與之翳嘉木坐石磯投竿而漁

寄酬梁大鼎芬

草堂百事不吾知松竹當門水綠漪猶笑點塵飛欲到誰歌防有鵲巢詩
焦頭上客負前身曲突纍纍告徙薪曾幾太邱車馬會萬言宿草意如新

金石

金石字藝伯浙江會稽人有翼自寬齋外集

贈石公

石公居在蓋山麓閉戶著書甘陸沈訪君幽徑想濠濮投我新篇如谷音詩界漫從禪理證霜華早向髻
邊侵槁梧坐據足消日任爾成虧昭氏琴

壬寅中秋夕

冰輪穆穆漾金波可許纖塵點碧羅詩界華嚴彈指變酒人肝膽得秋多未應銀漢橫流急却悵瑤樓好
夢過搔首山河明影裏西風無限樹婆娑

夏煒如

煒如字永曦江蘇江陰人恩貢生有輞錄齋稿

金子山幽林覓句圖

近代詩鈔 金石 夏煒如

選聲主和平命意貴奇警當其刻入時每欲萬緣屏結廬雖遠人尙苦未閒靜叢叢此新篁午日不見影
泉光寫沖融石色助孤冷兀然坐其閒佳趣恆暗領心源一以淪汨汨開靈境允將造古淡豈特豎茗穎
吾儕困寒氊有思不能逞安得儷高蹤盤桓忘晝永

癸丑正月十一日次石山人見招午飲逮晚方散紫庭王丈復具杯酌相延遂至沈酒二鼓還家
得讀廣九惠詩循諷再三不能自己倦極就寢曉鐘甫動倏然而醒追憶佳章歷歷在目因於
枕上和之

看花須及晨嘗荔必親擘稍緩芳腴減此語聞自昔閨裝固隨時太豔恐非嫡軍志固貴銳太剽難逢敵
吾儕負瑕釁豈敢憚指撻所患祈嚮迷俛俛昏黑先生性嚴冷不願俗手炙老梅挺奇幹野鶴排勁翮
我於塵海中遇君如古德一喝三日聾奚止清磬擊

趙光榮

光榮字子枚江蘇丹徒人有百尺梧桐閣詩選

邛上

高下啼鴉逐冷晴垂楊髡盡野蕪平淒清猶咽紅橋水一片斜陽出舊城

于曉初於城西關地築屋數間已落成矣旋以陰陽家言爲易方向遂重葺之時值菊花大放宴

集賦詩卽席書贈

煙景規摹墨未乾向陽結構又重安先生眞比愚公巧移轉青山對面看

黯淡秋陰一徑開踏殘黃葉與蒼苔於今始信花眞傲也要詩人冒雨來

關棠

棠字季華湖北漢陽人光緒乙酉舉人官羅田教諭

己丑十九日吳淞北行海中遇風雪二十四日大沽候潮用東坡出峽韻同伯晉蘇生作

千花滯春江遵海得清曠十日溷芳塵登舟寄孤暢倏倏僕走下牀牀客分上乘桴九夷俱望友三益訪
舊雨新喜見今游後難忘笑語谷雷礪深談溪泉漲房蜂雜主賓坵鮮錯盆盎宵臥紛酣夢晨興愕奇狀
蛭雨晝旣霾沙雪宿加釀風排羣足跛波震余心蕩膨腹雜若糟涔頭眩迷向屏息求安隱揮手謝供帳
屢簸豆躍箕欲鎔金失壙正命知平生危想入謫誑水裂蛟窟眠滌落魚腹葬机隍歷昏旦在險氣逾王
窺窗掛梳燈欹枕打船浪衆中能賭詩病起詎扶杖奪席肆幽探倚壁接高唱忠信愧波濤顛連存想像
狂瀾世終迴斯文天不喪潮來丁字沽矯首條尋丈

沈瑜慶

瑜慶字愛蒼號濤園福建侯官人光緒乙酉舉人官至貴州巡撫有濤園集

述憶有序

吾鄉林范亭先生名廷禧閩縣人九歲有神童之目應童子試作童子不衣裘裳賦援筆立就起語有十年曰幼五尺稱童句一時傳誦遂冠其軍弱冠成進士觀政郎署京察一等簡放雲南迤西道值回變衣冠坐堂上賊以矛陷之立殞一妾殉焉瑜慶聞先公言先生性坦易神情瀟灑當時賢士大夫樂與之遊善飲能詩而不以詩名下直時過從恆抑鬱若無可告語失後母歡門庭之內扞格勃谿有未可以常理測者心焉憫之先生終未忍以相語丙辰以後宦轍杳不相聞林歐齋方伯言其正命時京師未得耗中夜輪直樞廷入城見有迤西官燈前引雲車風馬馳掣而沒逾月而驚報至大吏避嚴譴以微詞蔽先生後經昭雪廕恤如例先生無嗣太翁狼狽歸有弟不才槁餓以死己卯先公由金陵寓書林勿邨中丞請擇其族人嗣之以千金置祭田並將木主配食西湖宛在堂蓋開化寺旁舍鄉人以祀閩中詩人林子羽以下十五人者也先生丁家國之變忠孝凜然既不獲歸骨詩亦散逸無存悲夫先公爲謀血食藉慰忠

魂九原可以無憾瑜慶得聞其略未及詳請其事今又二十年恐久而失傳并沒先人風誼緣起也長句紀之聊備志乘採擇並待鄉人之諱先生者證之光緒丁酉五月十八之夜

一燈相對話疇昔往事前言忍棄擲談史傳書執手悲衰弘化血傷心碧神芝突出信無根出言長老驚

辟易弱冠登朝衆所傾獨居深念愁難懌斜街花好時過從先公京寓上斜街作達微言隱相釋一朝持節滇海

西就道從知心匪石雜耕未安反側子倉卒彎弓反相射大夫守官妾死夫官閣殘骸憐枕藉家國之窮

恨有餘忠孝粗完心未適名流剪紙爲招魂萬里天關來咫尺江南垂老念神交爲買墓田展宗祏家室

漂搖事可知湖山香火分茲席春渚蘭泉例好事樊榭山谷合相惜王蘭泉湖海詩傳載屬樊榭無子沒後十四年何春渚淇于榛莽中拾得

其粟主途黃山谷祠洒掃一室供之蘭泉屬同人于忌日薦酒脯焉前輩風流事可師我爲傳志勤拾撫當時相詔未致詳述德感懷傷永

夕

壬辰四月余管江南水師學堂值新寧尙書大閱禮成方盛服陪侍有隸韋跣注趨而過予則雲

南鶴麗鎮總兵朱公洪章也款曲傾吐立談未能畢其辭遂並馬出城到龍脖子則豐碑屹立

會威毅伯爲公紀所部四百人同日死事之壘也正值忌日健兒具酒脯待公奠畢與余登鍾

山絕頂指示賊所築天寶城者拳石列坐下瞰形要遂縱所談公貴州鎮遠人益陽文忠爲守

時以親軍從殺賊文忠甚壯之隨下武漢匪役不從文忠母壽諸將畢賀公中酒爭坐傷其曹

文忠辭焉密風曾文正收之遂隸會部與畢公金科攻吉安賊文正以憂歸江撫滿州某公挾

糧台夙嫌靳餉促戰畢公戰沒公突圍奪尸歸文正再出令選精銳數千人從威毅擣金陵時威毅所部皆楚將公以黔軍特立有危險事公任其衝以此知名威毅亦信任之開龍脖子地道垂成而陷四百人無一全者公僅以身免二次地道成威毅集諸將問誰當前鋒莫對公憤退而出隊從火燄中躍衝缺口上賊辟易以矛援所部肉薄蟻附而登諸將從之城復論功李公成典於克城之次日以傷殞威毅慰公以李列首公次之呈報安慶大營文正按官秩敘先後公列第四故諸將有列封五等公賞輕車都尉世職以提督記名而已公謁威毅語不平威毅以鞞刀授之曰奏名易次吾兄主之實幕客李鴻裔所爲高下也盍刃之公笑而罷湘潭王闡運成湘軍志乖曾氏意威毅使東湖王定安改訂之亦緣官書未改正公前事時承平日久公感脾肉之生不能無缺望於威毅因論其書至抵几而罵威毅雖優容之新進排擠幾不能自全公慷慨爲余言余許爲文或詩頌之久之未就甲午東海事起南皮張公移節江南檄余總籌防局以將才爲問首以公應南皮亦夙耳其名令募十營守吳淞在防各營統歸節制嗣移駐江浙連界之金山衛修台築壘市廛不擾軍民肅然公久廢驟用又嘆嗜宿將同事者輒譽議牽掣之使不得行其意未幾傷發沒於幕下南皮公屬余草疏請卹於朝遂得以所聞於公略敘曲折得旨賜諡建祠飾終典禮皆從其朔公可以掀髯於地下矣余因曩言不敢以負亡友略具顛末賦詩紀之雲霄張目庶無諾責

每飯意不忘鉅鹿眼前魏尙翻爲戮少年不自惜功勳垂老對人羨蒲葑蒼頭特起黔中黔太守益陽與
薰沐潁川罵坐雄萬夫酒失豈真棄心腹一爲楚將亦冠軍邊地爲良敢雌伏屯兵堅城勢欲絀連營百
重氣轉蹙忽驚地道墮垂成四百兒郎糜血肉卽今豐碑龍脖子空使詩人歎同谷破敵收京誰第一再
接再厲瘡痍復衝鋒讓前受賞同公等因人何碌碌當時大樹恥言功今夕灞陵還止宿文吏刀筆錯錯
鐵幕府文書罪罄竹誰知東海又傳箭矍鑠據鞍更踟躕不侯枉自矜長臂再植何堪擬羣木飄零草疏
訟陳湯鼙鼓聞聲思李牧白首忘年悵較遲奮筆成詩助張目行空甲馬如有聞我有長歌方當哭

川楚江漲饑甚宜昌當其衝南皮公疏聞旨發內帑五萬兩賑之余居宜三年不能無情亦倡捐
以廣公之意系之以詩

流民一疏最悲辛胡國從知大有人敢以艱難勞聖主誓將匍匐救凡民汎舟相繼愁防汛嘯聚何辜且
療貧我有三年桑下戀少紓願力也前因

鄭肖彭刑部改官吳中出都分手一別經年懷前事却寄

南頂歸來便僵臥無賴長安夏難過爛飲况爲汗漫遊烈日敝車任顛簸廣文愛我苦語侵馬耳東風吹
隔坐翰林陳緘齋束手舍人鄭蘇齋笑金火中燒濕土挫君獨洞見垣一方乾薑石膏相間和三月扶杖漸能
步騰沸羣疑茲始破名心已死口難壓庚寅後不復與試乞外摧鹽當清課彙陵訪我山水區前事在莒戒無惰
木樨香重蟹子肥千里吳船致包裹食之百日作寒瘡杜老韓豪無可奈清晨飲我竹葉湯頓得安眠解

東縛從知技也通乎道南人不反君勿唾都下貴人惜國醫吳中幕府盛賓佐時參撫署文案願君袖此煦物手
一爲吳民起沈贏孟河老費亦專門藥不及病計終左寄語故人頑健多日長且以詩相磨

哀餘皇并引

光緒乙亥日本構臺台灣番社先子奉詔視師勒兵相持數月日人情見勢絀願繳營壘軍械
作價四十萬元就款言路騰謗以爲縱敵先子不爲動師旋遵旨復陳練兵籌餉製械儲材遊
學持久六事請飭各省合籌每年四百萬金分解南北洋計日治海軍期以十年成三大枝彼
時遊學者亦藝成而歸製船駕船不患無人矣又恐緩不及事請四百萬儘解北洋先成一軍
再謀南洋蓋處心積慮並日兼程猶恐失之嗣北洋徇言官之請挪海軍款濟晉賑先子以爲
大憾奏請前款仍分解南北力疾遣學生出洋監造鎮遠定遠二鐵艦而先子病遂不起易簣
前夕命慶瑜就榻前口授遺疏先是日本夷琉球爲冲繩縣庶子王先謙疏請伐日本廷旨飭
議未及復奏至是遂言天下事多壞於因循但糾因循之弊至於鹵莽則其禍更烈於因循日
本自台灣歸後君臣上下早作夜思其意安在不可謂非勁敵而我之船械軍實無改於前冒
昧一試後悔方長願皇上以生安之質躬困勉之學所謂州來在吳猶在楚也疏入廷旨促辦
海軍合肥亦悟北洋海軍權輿於此而出使大臣李鳳苞請廢船政謂製船不如買船而已私
其居間之利後希中旨者又挪海軍款辦頤和園工程甲申一挫甲午再挫統帥不能軍閩子

弟從之死亡殆盡無更番之代犄角之勢專一之權以至於一蹶不可復振淮楚貴人居恆軒
眉扼腕曰閩將不可用海軍難辦噫真閩將之不可用耶抑用閩將者之非其人耶纍纍國殤
猶有鬼神此焉可誣而今日之淮楚陸軍何如乎是可哀矣吳公子光曰喪先王之乘舟豈惟
光之罪衆亦有焉長歌當哭遂以哀餘皇名篇

城濮之兆報在郊會稽已作姑蘇地或思或縱勢則懸後事之師宜可記昔年東渡主伐謀嚴部高壘窮
措置情見勢絀不戰屈轉以持重騰清議鐵船橫海不敢忘明恥教戰陳六事軍儲四百餉南北并力無
功感盡瘁宋人告急警鞭長白面書生臣請試欲矯因循病鹵莽易箠諫書今在笥著艾遺言動九重因
以爲功宜可嗣誰知一舉罷珠崖東敗造舟無隹類行人之利致連橋將作大匠成虛位子弟河山盡國
殤帥也不才以師棄卽今淮楚尙冰炭公卿有黨終兒戲水犀誰與張吾軍餘皇未還晨不寐州來在吳
猶在楚寢苦勿忘告軍吏

濤園

初許甌香先生別業周樂園贈句云文獻舊家餘
碩士河山故國有濤園庚辰余購之營先公專祠

故山有賜祠厥初名濤園二百四十萬買價具券言許氏作別墅遺民留清門甌香擅風雅文采光子孫
松嶺緣細路半淙流其根竹垞刻石在櫟園贈句存金石富北宋般若碑獨躡相度孟夫子攷工高墉垣
劉段助金錢蘭州觀察培源都轉此意矢弗諠吾母耐信州天語今猶溫同德百世祀故鄉例可援名臣與名士異
代聯淵源爰拓東偏樓香火棲詩魂祀甌香先生相得此益彰千載甯爭墩龍吟有獨樹手植茲益蕃孫枝看

出林書聲開西軒纍纍荔子實宦夢忽驚翻周遭二三里猿啼與鶴怨船官有子弟春社陳蘋蘩而我獨
栖遲花期負上番三碑煌煌峙不朽真殊恩任子誠戀棧何當酬至尊

九月十二日讀舊唐書裴晉公李衛公傳各系一律

戎機定策對延英慷慨聲情毅請行幕府白韓擅文字後生牛李競功名東都晚歲多新構河朔頻年未
解兵減落平章閒節度老來到底意難平

料量丁壯蒜山度進奉文章丹辰箴淮甸師興寒賊膽維州事去快戎心功名一代恩中絕朋黨三朝怨
更深老死蠻方應不恨孤寒下淚到而今

詠史寄虞山師

留侯誠天人商山友四皓強臥傳太子辟穀苦不早處人骨肉間憂虞能自保君王共患難勇退要有道
海上安期生授我如瓜棗

洛陽之少年夙負天下望欲笞中行說立談取卿相絳灌既不怡遂有長沙放宣室問鬼神前席重悽愴
展轉就梁王忽忽意不廣左右以諭教爲傳乃無狀

蕭生亦可哀儒術益高致輔正領尙書前朝與政事中間以毀廢舊制病更置尊師而重傳恩禮會有異
門下士朱雲底用多風議不見安昌侯已請肥牛地

東南有遺寶李唐留舊臣周旋二姓間終不失其身衰年多念慮薦士殊悲辛好漢張柬之夢語如有神

朕復子明辟具禮歸天親古稱天民者梁公如其仁

臥內有山人來自嵩穎間早櫻楊李忌託疾歸衡山彌縫父子中神仙時往還豈真由詭道抑以匡時艱
物論或未愜蕭然有餘閒

夷簡非相才一長終可許調停兩宮間進退非首鼠母子恩如初廟社晏鐘簾女中有堯舜後來司馬呂
中傷忽流言舊事從毛舉社飯念老身臨分聞苦語

堂堂張太岳威重真空前倨坐引朝列尺書行九邊選將鎮遼薊陳義高經筵慈聖隆保傅官家方少年
手敕備恩禮錦衣籍土田往事類如此後來獨誰憐撫箏望桓伊慷慨聲回天

雜感

百年盛舉勵顏行萬騎雲屯待鞠場父老歡呼望天日君王神武類高光
一疏分明見典型却從文字費調停鴻都門外車千乘半學方言半寫經
功名晚歲事多憂去就如今豈自由客子西來須檢點關中頽喪老穰侯
絕學師徒抗孔顏詩書一例可修刪誰知論薦交章日清夜掀髯草辨姦
萬國車書事詩無宏開賓館照通都何人品第丹青手待寫他年王會圖
聖明不諱豈招尤一紙風行速置郵正苦線裝充棟在更繙蠻語作蠅頭
不明牛斗獨靈箕隸圉風流盛一時憶與羣賢游洛下何曾數有蔡充兒

不適駕言以寫憂友朋謂我且方舟平津邇日開東閣抵掌書生萬戶侯

賈誼

漢家起草昧百度方經營書生擅制作天人發皇明兩者既相須蒲輪宜歡迎云何乃自鬻上書鳴不平
既非豐沛舊痛哭疑非情帝后好黃老吐屬厭儒生屏藩諸侯王大者方百城功狗與龍種馴擾宜勿驚
投分既深厚從容戢亂萌道合古有訓交淺言亦輕染指念覆鼎嚼蠟思調羹乃知士不遇不如退而耕
麒麟嫌突兀鸞牡終安行君臣每俱失所懷空崢嶸

鼃錯

老父抱幽憂知囊不解事親支貴梁王反骨疑吳淖高帝之子孫帶礪盟裂地天下乃公器翦桐古無戲
衆建以屏藩豎儒乃異議謗咎之所歸取爲一人媚帝亦刻深人居守終遭忌縱無袁絲言豈免市朝肆
刑名輔少主弊事襲秦季傾危骨肉間因緣以爲利賢者引當道遑復論趨避正以言謀身須臾不可棄

題嶠樓詞卷

婚嫁願初了吾欲老邱樊志業既不遂矧乃衆論喧勞生昵兒女息影求田園邂逅記當時年少王公孫
詞女得所適食貧宜清門名聲忌藉甚論詩耽鈍根書叢恣瞑想置筆窮溷藩一朝忽舍去肝膽奉至尊
論思任親切旬日看翔鶴士論謂庇主子弄疑推袁諸侯誣長叔太學認陳蕃成仁他弗恤羣吠安足論
詩卷留天地千秋晚翠軒勁節耐冰雪忠魂依天閣嶠樓絕妙詞合校聲暗吞酬子噉名意空船啼哀猿

須臾忍性命待子理覆盆抑情更感逝腹痛能無言鍾山那子翁晚歲彌溫存結構決明年突兀懸江村
時家書有卜築
澗灣裏之議老夫謀少憩精衛方銜冤

百步廊邀墨園伯嚴同作

十笏官園百步廊
匝月木石虛平章
蘆簾棐几闕清晝
磨詩削牘嫌相妨
逍遙散步苦無和
起予千里來
陳黃瓣香共祝滄
趣老江海弟子遙
相望我生慣作合
并想插架猶使聯
雁行能事相逢况
並世前除置
酒須盡觴
湖海樓高據白戰
高挹廬阜俯甘棠
邇來悲歌滿燕市
書生咕嗶韜光芒
浮屠三宿有餘戀
名山一席誇
誰強眼前儘作蒼
茫勢起伏蒼翠盈
巒岡得月較遲却
宜雨更有蕉竹生
夏涼棋聲書聲晚
相答入夜鳴瓦聽
浪浪

至滬呈子培伯嚴樊山節庵四首

高層擁被幾多時
下界人來漫與之
念我生還頻問訊
喜君作健老耽詩
十年前事從庚子
一月流光送
義熙丈室降魔鬥
千勝金剛努目要
支持

萬里歸從海上看
兩家海外有號寒
籬錢且博連朝醉
哦句先求險韻安
詩卷噉名寧早計
函書慰意強
加餐相蒙相忍無
聊甚骨肉間關事
至難

社飯明年念老身
艱危定策失勞臣
亡羊我與君無策
得鹿醒疑夢是真
履道爲墟同傳舍
月泉重集共
酸辛九原倘起梁
公問厝火誰遺曲
突薪崇陵遺命奉行未竟卒
留大慙豈所及料哉

武昌官柳向誰栽詩酒料量幕府才雪往已增今昔感星行况復亂離來衙齋運甓人何罪上塔聯吟事可哀契闊死生重執手戰塵猶問兩京梅

展墓雜詩

司空已竭水衡錢比死難忘子弟賢江上嵯峨遺廟在不堪方丈會人天

奔湍十里傍山行亂石澄沙作鏡清腸斷父兄携我處白頭來此聽溪聲

別墓飢驅事可哀梅亭松柏記親栽兩行家國倉皇淚新自崇陵捧土來

臨風酌茗麤廬店歇擔聽泉玄帝亭不惜餽餘留草草媿無健步踏青

休寧聒絮課諸郎一第承家晚可傷別十五年慳一面讀書有種已無香

老屋欹斜一徑幽廣文教授足風流人間星宿猶無狀

失怙逾年主器傷亢宗如汝亦先亡諸孤刻苦饒家法裕後知為奕葉光

太守清風笑吉安蘭溪高論亦酸寒莫愁囊筆長為客久宦能貧可是難

只有廣場供打麥猶聞遺事話燒烟驂鸞一去無消息化鶴歸來不記年

燈屏絃索列分曹郎罷新詞狡獪多為戀土音慕君子聽翻京調作洋歌

林文忠手札題後

子培宗兄出示外祖林文忠公與令祖侍郎公手札累册計三十餘頁自外任杭嘉湖道以迄

雲貴總督首尾畢具可稱完璧因將兩家年譜詳校年月廣徵題詠以備掌故附五言古體一首並乞正和按文忠公鄉榜爲嘉慶九年甲子時年二十就旁邑記室以所削牘見賞於閩撫張公師誠遂延入幕是爲知名之始會試爲嘉慶十六年辛未出侍郎公房時侍郎年三十四文忠二十七也文忠嘉慶二十五年簡任杭嘉湖道所署八月初五日一箋中述帶家信過無錫事卽庚辰八月侍郎以翰林院侍讀視學湖北差滿還朝眷屬省親在無錫時侍郎年四十三文忠三十六也附函八月十二日聞仁廟升遐蓋七月部文八月到杭也所署子月一箋侍郎手批十二月十三到當係道光二年壬午侍郎典試福建卽留視學文忠權篆浙巖旋授淮揚道時侍郎年四十五文忠三十八也又署九月十一夜一箋失去前頁亦同時所書又署嘉平望後一箋賀權副憲之喜當是道光十一年辛卯文忠任湖南總督時侍郎年五十四文忠四十七也另箋一紙當是乙未年文忠以江蘇巡撫赴江寧入闈監臨侍郎以安徽學政赴江寧考試錄遺總督陶文毅公主試卓海帆相國皆侍郎會榜同年繪乙未入簾圖各賦詩紀之時侍郎年五十八文忠五十一也又交卸兩廣督篆後一箋當係道光二十年庚子九月燒烟翻案後所書侍郎已於戊戌六月開缺留京養病文忠旋遣戍新疆時侍郎年六十三文忠五十六也又入關署陝甘總督一箋當是道光二十六年丙午春初作侍郎於是年八月南歸矣時侍郎年六十九文忠六十二也最後在滇督任內一箋有補寄去年壽屏之語末署六月中

澣當是道光二十八年戊申六月時侍郎年七十一文忠六十四也文忠生平持論以爲交際啓事第憑尺一以通情款於此而不竭吾誠烏乎用吾誠公旣擅絕詞翰復篤於師友淵源雖羽書旁午親切函札從不假手於人僚吏稟牘寫作佳者每親自批答圈點付還時先伯祖蔭士公在幕中問文忠得無嫌瑣屑耶文忠曰寒士緣此增重官吏亦緣此加意佐治人才所系固不細也先祖癸巳會試道出吳門問文忠向物色尺牘人才今得其人否文忠云聞湖北藩署書啓李君嘗從陶雲汀宮保處知其人詞翰爲天下第一前歲託人以千金聘之已辭館入都會試得館選矣所謂李君者卽湘陰李文恭公星沅時方爲孝廉後代公爲欽差大臣督辦廣西軍務亦卒於軍者也因校對文忠手札年月并記趨庭時所聞於先公者以歸子培幸賜裁正乙卯人日

漢人重師傅唐宋優科第關節絕貴游寒士稍吐氣侍郎與文忠相知以文字考官賀得人龜鑑徵古誼卽今論沆瀣噴稱當世公述祖先言我悉外家事典學與分巡浙閩巧易地感激酬主知過嶺干吏議荷戈復持節蠅頭猶壯志末馳滇池書補壽還山歲未荒陸氏莊及掬寢門淚一德傷中絕萬里豈棄置再召虛宣室乞歸三致意君罷配天詔宣廟因粵案隱痛遣詔罷配天之祀臣亦賈志逝平生重師友款曲擅書記後起賞長源落星追管桂遺墨經散失珠還殊可異甲子逾一周諸孫亦老至珍重付裝潢人物勤紀載匪獨數

家珍亦用稽昭代

宛在堂落成示林惠亭劉步溪

重見西湖水接天還將餘潤溉多田公孫舊德稽圖志道光二年林文忠公自杭嘉湖道乞養歸倡議以湖及今八十年矣菱蘊淤積居戶侵占早潦均及城內河道去年冬初開工今年春盡竣事除集捐公園宛在堂工程外澹湖之款為患此次有澹惠亭董其役悉依前志基址兼皆索還鹽署所欠常平倉積穀變價者及城內河道步溪鄒轉未信風流無嗣響何曾賓客減當年雌雄杭穎吾何敢秋菊寒泉薦水仙

由戒壇至潭柘得六絕句

重樓複院費搜尋小試山行本不深一枕思量無限事滿山風雨作龍吟

金光示夢託幽州儒佛平分願力周別縉答書稱精絕太平相國擅風流讀壁間大興朱文正公為兄石君資福碑記

前身合是此山僧醇酒婦人病未能晚歲詩篇傳集錦兩朝涕淚在金滕

集中草木記南方入洛叨陪榆柳行昔笑支離今亦叟為君哦句向真堂僧房有張文襄影像

連理中分事可知一時附會亦傳疑神孫隆華多駢脅強幹何因有弱枝潭柘銀杏一株駢根分幹俗呼為帝王樹

松陰中著一亭閒捫腹逍遙散步還五月行人不知暑拖綿帶夾總潺湲

同林松明王鑑清攜寶珠肯地游金山塔順道訪石倉園

詩篇唱和趙十五蕭田詩人亡其名儒藏提攜卓長君石倉藏書甚多仿二氏經藏例修儒藏卓長君洪塘妓轉以衰年虛問舍何堪劫後

更論文中流湍急金山塔橫吹紛飄白練裙挈榼飛觴留續約江聲月色要平分

陳瀏

瀏字孝威號寂者江蘇江浦人光緒乙酉拔貢官福建鹽法道

題郎世寧聚瑞圖

著書忌太早謬種恐流傳紫垣郎廷極仿明窰開府西江邊祭紅屑寶石朱明別萬宣皆訛爲世寧郎窰紛

喧闐近有飲流齋說盜魚忘筌謂宋無款識豹斑窺未全夫庵廿七器壽州孫氏藏宋窰之一一在眼前

謂元無底砑蔣盤辛芋花所藏有至正元年我有涎底繪雙紅魚聖澤寔滿填寶齏誤李錯陶工玄又玄

弗可僂指數更僕婁遷延無端禍梨棗市利專其權而我所著錄晨夕勤丹鉛惜哉未成書刪削須重編

風行海內外慚汗安可湔余說盜之書凡九種內有陶雅三卷未及釐定兒子輩貿然付印未署作者姓名書坊累經翻印西人或從而譯之有許氏者屬以燕說竄爲己作而名之曰

飲流齋說盜以厚其利舛詐百出貽害未學故不能不辨

昔我鬪杯堂長鯨吸百川藏弄不爲薄略似米老船捆載辭神京勞累費青氈一朝華堂傾心目空睛睜

獨夜發長歎膏火隱迫煎今者披茲圖挑鐙難成眠引伸其舊說作繭自縛纏儻成一家言持論毋乃偏

酌鄙曰縹盜潘岳賦詞連狝豆青仿縹青碧色何嬋媽哥窰貴黯澹若灰褐若菜褐若焦米若粉青率若素而非華豔仿製者爲尤樸儻不

以色爭妍弟窰類豆青一名爲龍泉龍泉不仿柴仿晉其或然晉柴分兩派相去猶霄淵一綠而一藍各

不屬恩焉豆青之深者豆綠絕可憐天青之深者天藍又頗鮮藍之幽沈者東窰所陶甄東青非冬青魯

亥滋舛沿哥窰無豆青哥窰皆有冰紋近世以仿弟窰而無冰紋者爲豆青蓋豆青之盛始於康雍其項在元明時碧綠二色亦初無豆青之稱但呼之爲仿龍泉不論其有無冰紋也

元圖窰器詎鑿穿弟窰無天青朱琰說陶手自箋

世寧所畫者瓶色青如天是爲宋官窰冰紋宋官之冰紋最良真哥漫平鈎連通體垢大片肌理緻且堅

仿哥紋稍麤小片鬼斧鑄內司修內仿柴周時代有變遷雨過雲乍破天色青娟娟東青所自昉有若花

微薦汝均迭摹擬廣甌交芊緜瓶項頰而肥瓶腹則便便帶圍五六級環形互連蜷命名餗餗卽餗爲此

海王村通稱作薄薄甌者非也項太細則爲油鍾矣俗字嫌拘牽比之玉帶生亦未得真詮

茲圖花重臺厥惟並蒂蓮蓬已結子蓮葉復田田滕以雙穗禾嘉瑞誇珠聯宋畫工體物寫生功貴專

世寧西洲產畫法圖參用能精研淺深入毛髮神妙秋毫巔南沙暨小山未堪與並肩懷仁暨若望輝映

相後先當時盛文藻南齋多名賢云何闕題詠寂寂同枯禪憲廟於詞章過眼等雲煙匪如純皇時廣和

連蓀荃

畫成雍正初紀元甫三年仲冬十五日署款字聯翩節名月當頭皓月何其圓是日我生日賦詩者坡仙

有菊卽重陽菊花開時卽重陽東坡十一月十五日詩也豈必被管絃或曰我宜有傾囊何論錢我詎奪君好幻想寧非顛宋

鐵成澗兩詩人徐公敬宜與周旋三賢實贈君其價三百千君當世守之而焉能舍旃我年且六十來歲張

廣筵君何以張我願寵以詩篇

王允皙

允皙字又點號碧棲福建長樂縣人光緒乙酉舉人官安徽婺源縣知縣

石遺室詩話又點夙工長短句能爲玉田碧山語晚刻意爲詩善於審曲面勢筆意力戒凡近
惟苦吟鍛鍊或旬月而始脫稿故傳作不多

南後街燈市

幃紗糊紙剪玻璃春到鄉山例一嬉借地繁華能幾日隨人指點且移時酒罏隔巷懷良慰書肆連牆憩
更宜一事未輸姜石帚乘肩小女晚相隨

舊買盆梅秋後尋之不見悵作

今春客舫載花歸載得花歸葉已肥未及再開教失主每回略憶欲霑衣物微所嘆人情惡歲晏從知老
願違斷卻明年惆悵種綠枝黃實雨霏霏

甲寅二月至津衝雪訪薑村同年十月再至則赴奉天矣寄此奉懷

析津街頭一片白孟莊樹色人人識凌兢至門不候報直走松根叫相覓寒多命酒那及事火急出詩煖
征客乍開但覺眼光眩細讀頓寬心地窄瓊瑤萬頃踏不碎忍凍行慈真有力

公詩有瓊瑤踏碎吾何忍之句

天公愛詩

不慳雪更着邊頭看雪色高懷妙手已難當
美政清輝况相發三年兩載料理成放君歸掃松根石

和詩廬作竟見秋岳原唱甚美依韻再和時甫移居

持錢人海賃一廬不如賃驢隨所如驢行帶得兩眼出居廬屈鬱日受蒼蠅圖蠅來囀囀繞我筆笑我何爲明得失既不能含糊而潦草曷不歸歛捨廬驅驢而上道

于役書見

幾樹蕭條遠見天一溪寒冷自生煙惠崇小景無人買挂在荒村不計年
北山當面漫相迎仔細回看始失驚匹似老年溫舊學古人真處忽通明

梅花

菲屋蒼苔豈有春脩然曾不步逶巡自家淪落猶難管只管吹香與路人

觀槿危病數月中間死且兩日矣述之甚趣爲作此詩

濁世日多聞死趣聞者稀觀槿死裏來說死殊新奇破地富貴花揭天戰鬪旗死博有勝負死黨多是非
是非從云云保此蛾眉姬所見甚明白所處堪盤嬉理失忽難久志得終空歸鬼手不妄取還君老與衰
君手卽鬼手來往無一持因之識至道仰歎天公慈天公終非慈不死夸奪兒死之更使寤世難當稍夷

挽濤園

識公始春官文囿同翱翔怨公久在仕雲路成參商喪亂得數見抑抑神摧傷四維旣以壞七尺焉捲藏

公死必天上我死惟路旁我心冬江浪已凍無軒昂公魂抱日珥雖缺猶輝光報公餘此詩此詩非挽章
甲午吟餘皇成詩何其哀庚子保南介籌策何其才崎嶇軍國事欲以精誠開十年餘破車閱默隨風埃
路人識中空館歸去來破車今亦無影入蒿與萊再來逢路人寒涕同濯灌

晚翠千載人臨命能慨慷三年崦樓殉志亦無怨傷此義昔邱山今棄如毫芒豈知精氣在冥漠猶公旁
禮法泉壤有日月泉壤光泉壤有廣和忠愛聲鏘鏘惜哉世莫傳傳之爲世坊

濤園前後松顏色青嶷嶷昔年種松人今作松間颺颺來如語言仰訴先忠知全歸事則已永結脩門期
南魂有北睽西日無東輝靜夜不可聞松語酸人脾

公園步歸寄觀權劍丞

苑牆斜日在平路偶來過送目憂能緩乘春氣覺和猶殘前月雪欲漫後池波此際江南望風吹綠幾多
攷龕太保七十誕辰追憶曩昔山水之遊成詩三章爲壽

溪山尚久要愈遠意無盡平望一男前萬里入回眄往年從行處拄杖破秋蘚岩花匪一狀磴路有千轉
捫碑風濤亭朱趙散遺跡石鼓山天風海濤亭有朱徽國趙忠定詩刻石時危思經綸道合濟忠審松門放頽照顧見公已泫暮

歸崖下宿聽水齋在國師岩下畏虎慢不捲夜泉挾霜鐘過去不顧返兩三好事僧束炬饋新菌公詩滴先成更起

洗空盞爾時誰了知缺月掛西巘

用文讀書臺飛瀑過人首舍生求所安仗義賴良友元某路總管王用文讀書小雄山洪武初詔徵不起再徵遂死節其友某爲之撫孤成名精誠互

映澈人水兩無垢荒寒五百年長爲夜猿守舟晨發螺江繫榜日未酉陽光不到地密竹倒天帚徐行中空明更進上蒼鷗公齋着是間架搆不傷手萬鈞鴻濛力破碎浴戶牖危其環蛟蚪搖搖齧難朽同行黃

嘯與施觀

色動那能久主人甚慰客異味遣燔醜身閒本不常景妙况希有終當從鍊顏瓢飲更漱口

城南山稍稀石路寬且瑩百錢呼鳴篋啣軋頗清聽公家卅里遙有暇卽乘輿開懷索茗飲見面蒸燈檠劇談同光際緬想元祐政治忽理豈微多欲始違諍當時事未然明白甚看鏡艱虞念朋友聚散異衰盛語餘必感歎更僕述難竟屬者來京師造請無改敬初筵逢古稀佳句競投贈且當置不朽惟以永無悶西山色半城晚菊香一徑年年今日會必愜君子性

黃坑道中

風光疑不到天涯潤轉坡斜着幾家稍見炊煙出叢薄尙無人迹渡橫槎水雲俱冷不待雪草樹自香非有花想得前村錫粥美數聲簫鼓賽年華

東鄉回大雨

白雲蒼在前幽鳥起人側未知此何鄉欵輿向崖壁云田溜合浥浥山芳坼宵來春雨歎正換片時適午炊入地底探首復異色壞雲齊壓檐電倏穿腋轟厖滄溟翻恐懼坤軸塞後嶮未可知前坡牛已溺低頭看衣屨招手隔僕役人生卽事窮俄頃有崩迫急行取城闔到眼忘所歷景暗步履艱路遠心甚直二更鐘鼓停據案得餐食搖搖明燭背文書已堆積

病起

老病千金藥霜天一日晴散頑在腰脚回潤及心情啄雀聲多喜搖箕影自明屋山敢無賴尺許蔽蟬

投効後送姬人先歸

生世有百役居官賤者偷貧來冒賤事既賤未免貧回頭問所得銖兩亡千鈞半年一夢了送汝寧沾巾
鄉邦重田作時節盤食新汝歸空庖側取水酬汝脣蓬蒿出日月亦有昏與晨藥餌大婦狎書冊諸孫陳
隨宜得將護有喜無恙噴猶勝閉板閣惻我秋蟲呻歸歎我未遠江路方熟蕪

子益歿數日夜過其居同夢且談

晨步長安街街葉翩以黃暮歸南池子零露落我裳葉盡秋卽盡露冷夜亦涼端憂無處所忽復登君堂
衆雛漸爛漫愛弟孤旁皇靜夜不敢哭撫昔追行藏平生但任運求伎知匪臧見扼坐譙亮垂老躓且僵
身謀今實繁貴富未渠央將毋惡可爲欲言未敢昌高標遠邁世脩夜庸再暘迴哀逐恍惚與魂翱翔
懷石遺

兩載朋牋意未終回頭長想石遺翁牕前小竹波同翠樓角疎花雨更紅命燭縱談無不有叩門求飲輒
相從當時只道尋常事不道尋常事亦空

友人約看豹屏山紅葉

日日閒行似有詩沿村傍郭返遲遲只愁歲晏無高意不識山寒有別姿眼淨未妨親晚絢霜清更與永

幽期鄉園半畝關人處搖落芙蓉正爾思

題佛客雙辛夷樓填詞圖

短檻高花跡已陳夜窗殘燭夢猶親柳州有語分明在拭淚相看是故人

題花影吹笙室填詞圖 有序

予十八九歲與李君佛客游自村入城恆主君家君盛言詞有作必見示於是亦試縱筆爲之取逕不盡求同而心實相許君之女公子樺清髻齡絕慧亦喜爲詞佛客旣沒予過視拔可兄弟樺清出所作請業吐秀詣微深契音中言外之旨尤以石帚碧山爲歸予無以益之也適孫生翊南不數載先後俱沒一女亦繼殞拔可悲樺清甚旣梓其稿復屬畏廬老人爲之圖短世露電中追念香火前蹤一如夢幻泚筆記此不自知予涕之何從也壬戌五月

然脂執卷記垂髫千劫晴窗影未銷坐斷秋風來往路是身爭免似芭蕉

阿兄江雁久離羣一世清愁付左芬頭白還鄉無哭處斷墳衰草沒斜曛

並世何由見此材寸腸迴盡便成灰惟餘小淑無言在生死天涯共一哀

小淑石門徐氏適余年家子林生亮祺拔可之中表兄弟也余

居滬時小淑以詞問業平生所見詞女樺清外罕與倫比亮祺死小淑保遺孤居母家

林崧那

崧那字述菴福建侯官人光緒乙酉舉人有遺詩一卷

石遺室詩話述菴少與林畏廬紆及林某在里中有三狂之目所爲詩皆祈嚮吳梅村黃仲則諸家長廬老而棄其少作述菴早卒茲存其較真者數首

花朝東陳續齋

一枝和露供齋頭笑問花神識我不百歲幾人常對酒千金欲換更無裘蕭蕭風雨相如壁落落乾坤太白樓身世浮沉休便觸遲君來醉碧桃甌

鄭子璧侯

大雅春容迥不羣歲寒高誼獨推君黃金鑄膽真如水白髮盈頭屢望雲才調讓人甘百里文心比髮細三分落花芳草春深淺何處風前繡蝶裙

臺江卽事

背人小綰髻丫叉隔著床帷六幅紗隱隱衣裳作雲氣水晶簾外望梨花

輓林少溪少溪琴南弟航海死臺澎

牽裾惘惘去遲遲，便是人間死別時。
篋裏贖將慈母線，扇頭留得阿兄詩。
龍蛇嫁阨天難問，烽火橫江病不知。
搔首爲君添一慟，可憐生是好男兒。

觀琴南作石頗有所悟

渾沌乾坤鬱古胎，雲根歷劫委蒼苔。
偶描色相存真品，太露鋒稜已不才。
千古石交有頑鐵，一燈禪悟啓靈臺。
空山獨抱風霜感，可有情天待補來。

送許蓮蓀之臺灣省親

別意無多盡一觴，虎門形勢鬱蒼蒼。
天憐孝子帆無恙，海畏才人浪不狂。
鴻雁江湖夢禾黍，鷓鴣煙雨繞桄榔。
東南孤島誰籌問，萬里中原付夕陽。

鼙鼓年來算息兵，海天一髮望臺澎。
傳經有子知名父，投刺無門見世情。
一事不才容我倦，萬山如箭送君行。
南風肅肅歸舟穩，可有音書寄子卿。

馮煦

煦字夢華，號蒿庵，江蘇金壇人。光緒丙戌進士官至安徽巡撫。

石遺室詩話：夢華撫部久寓江寧，與上元顧石公雲齋名爲全椒，薛慰農吾鄉林歐齋高足丙。

戊以一甲第三人進士及第年已四十餘守鳳陽時木庵伯兄客淮北往來多止宿官齋談藝甚洽壯年詩多悽咽之音蓋經喪亂後所作也余從何研孫同年處得其自寫雜文詩詞稿一冊詞佳者最多風格在白石玉田之間

同蕪湘漱泉登北極閣

層雲白晝暗虛閣氣蕭森瘦馬棲殘碣枯鷹下遠林湖光千頃合野色一城陰十廟今墟莽臨風感不禁
同二泉師出南郭慕祭感而賦此

慕祭禮非古後有孝者始不忍死其親春秋肅籩簋公今來南郊行行雜悲喜廢阡蹲餓狸荒園竄驚雉松柏皆摧燒四顧但荆杞野田風颼颼吹淚墮溝水嗟哉昔喪亂縱橫盡壁壘峨峨前朝陵半沒烽煙裏獨公舊邱壠斷碑尙峗嶠呵護鑑在天盜賊不得毀我亦鮮民哀北望泫然起故山鬱蒼茫宿草一何靡二親喪未歸孤寄淮之涘南遊四序周在遠缺守視野人豈所親傷心竟相委有墓廬無時豈復能爲子
次米忌日作

君沒今二年逍遙竟何之陰雲黯虛堂獨坐淒心脾側身望墟墓宿草何離離慨然思而母孤寄淮南陲家貧不得養忍痛與母辭去年復北征見母慘以悽歲暮多冰霜一一仰母慈不我以遠疏愛之如平時呼我入君室步步皆涕洟圖書亂無次尺寸埋塵埃不忍更檢點念是君所披強起承母歡濁酒奉一卮憂來易爲醉恫恍君在帷褰帷不見君始覺中腸悲收子已九齡不識書與詩事我有如父我乃棄如遺

母也勤顧復精神不知疲渾噩亦天則願君陰相師俯仰一無補死友將何爲撫膺極愧憤有淚不敢垂
同漱泉上雨花臺

沈醉出門去東風吹佩裳相期同直諒此會有遺狂寺廢寒泉古臺荒宿草香高歌一俯仰何處是滄浪

書建康同遊記後寄伯琴拂青兼送漱泉歸淮南

煙雨淒迷畫裏春殘山牘水斷無人潘郎憔悴劉郎隱誰向江干采白蘋

杜宇催歸酒半醺數聲風笛不堪聞勞勞亭上空回首日落淮南有暮雲

送少符歸廣陵時有婦喪

收淚出門身世微親朋零落竟安歸羈孤失婦千憂集窮薄因人百事非不寐定知情忽忽相逢強爲話
依依炎風熱日江城路我獨淒然與子違

八月十六日病中寄兄妹

殘燈黯黯夜窗虛回首南天一累歎六月音書猶未達半年眠食復何如空江積雨憂寒潦薄病窮秋夢
敵廬兩地傷心苦迢遞獨隨歸雁下荒墟

答研孫

相逢吾與子風雨黯虛堂意氣摧愁病詩歌接混茫讀書憂太苦入世忌能狂千里沅湘路燈前說故鄉

十日枕上作

簾淒燈磊夜孤清臥病空堂月半明我已思歸眠不得亂蟲莫更作秋聲

得仲脩書却寄

一臥空江晚風前得子書詩歌猶磊落酒病未蠲除雨過嵐陰合霜清木葉疎荒園秋色老日涉更何如
和研孫登秣陵城之作

荒煙衰草晚蕭蕭倦客登臨恨未銷寒蝠虛簷吹雨暗饑鷹廢壘挾霜驕九秋敗葉辭枯樹百戰孤城咽
暮潮賸有戍樓舊雉影更銜殘照送南朝

中秋無月感懷兄妹

去年秋正中依依在鄉里酒漿羅高堂情話雜悲喜今年來建康久客病初起月黑虛無人一室冷於水
蟋蟀鳴前除落葉紛未已感此念兄妹今夕更何似歡會無百年誰能別離此欲歸不得歸相思空復爾
却羨天末雲南行一何駛

是夕更悼次米

之子不可作三年空復秋建康有哀雁薄病此淹留落月半牀冷高梧一徑幽當時歌嘯地東望不勝愁
僕雅不善斷句蘋湘強僕題趙萍江詩因得四首質之蘋湘不知竟何如也

與君建業相逢日潮急空城落木時一種興亡南渡恨更披衰草覓殘碑

故園回首隴雲低日落陰崖猿狖嘯萬里悲歌歸亦得秋風匹馬夜郎西

萍江黔人癖於碑碣游屐所至日躡烟榛野蔓中

斜月如弦夢舊游麻衣彈淚下蘆溝甲子僕游於燕未幾以母憂歸輸君意氣縱橫甚徧背燕雲十六州
暗風吹雨夜濕濕門外青溪又幾灣一臥空堂秋色晚妒君飽看六朝山

寄二泉師吳中

別久苦相憶羈孤近若何高堂生白髮寒雨下蒼波薄宦升沉易中年哀樂多布帆無恙在歸日莫蹉跎
八月二十一日之夜僕臥已久蘋湘忽出寄拂青三絕句相質效拂青體也既復強僕效之時窗

外雨聲淙淙苦不得寐亦成三首來朝放晴僕又將強漱泉也

玉簾秋迴夢欲闌相思迢遞碧雲端淮南一夜瀟瀟雨莫倚空簾弄曉寒
陰陰涼翠沁尊邊又是棲鴉流水天記向城東踏黃葉一襟殘月澹於煙
霜前白雁一繩斜故國無書空自嗟病久不知秋色改西牆瘦盡斷腸花

久不得滋泉消息却寄

峭帆去後柳成絲早又霜欺病葉天北雁未歸書未至絲絲離恨付空煙
相思相望總無端北斗橫斜夜未闌獨自西堂聽蟋蟀秋燈已釀一分寒

九月同少符飲四首

汪子飲我酒日落南城樓百語無一歡相對如羈囚羈囚豈所懷辛苦難自由失婦古云悲况子羅重憂
酒半揜袂起涕泗咽在喉四時各有稟胡爲得其秋天地尚憺憺子也復何尤

天地一僭僭草木無不靡百里暮浩浩下見舊時壘野鳥聲何哀啾啾溝壑裏萬騎此摧藏煩冤不能理
白日寒原昏猶聞泣荆杞豈無侯與王獨以征戰死有酒不忍醉悲風動淮水
淮水去不返我心重愴惻弟兄各異縣欲往無羽翼八月遺我書開函淚沾臆知我病乍起一一問眠食
共此千里心相思不相即茱萸勿復采憂來簪不得兄今更何如吞聲望故國
故園丁喪亂遺民三萬強野田足耕作少少歸流亡今年盛陰潦秋穀半已傷飢寒豈不懼幸得守其鄉
不見江漢上千里流湯湯脫身洪濤中顛越皆四方登高氣潛阻颯颯哀鴻翔

秋盡同蘋湘夜飲賦此示之並東漱泉

相逢意氣莫摧殘秋盡江湖雁影單老屋疏燈霜力緊暗湖孤艇雨聲酸百年有酒難爲醉九月無衣漸
覺寒更向城南望城北何時共飽腐儒餐

東省齋

早歲相逢日悲歌意氣偏憂來一爲別揮涕出幽燕望望三千里棲棲五六年南歸無復嘆故國幾風煙
一臥空齋冷秋風病乍蘇清談猶磊落高義在艱虞直諒期深友憂危屬腐儒閉關吾未得冰雪下南都

將之建康與妹別並寄仲兄吳中

冷雨淒淒夜欲闌荒雞破夢太無端百年易盡何堪別十日相逢竟未歡衰帽單車殘驛暗孤篷短燭暮
潮寒只今兩地同羈旅莫更歸雲獨自看

答叔吧丈時同爲建康之遊

征車憶昔同先子今日孤兒更此遊
薄宦十年存直道寓公三世冠清流
詩兼騷雅何妨激生際兵戈迴
獨愁歲晚棲遲猶未得從公短褐上扁舟

句容晚望寄兄妹

陰陰灌木泣飢鴉野燒孤青晚未銷
三嶺東從句曲合百流西向建康朝
荒城斜日寒將暝壞屋嚴風勁
欲搖爲語故園莫相憶疲驢破帽正飄蕭

送研孫歸湘中

陰陰霽色赴遙嵐携手荒城思不堪
爲語離人莫迴首亂鴉殘照是江南
橫笛吹寒斷雁秋舊時雲物此淹留
黃陵暮雨孤帆遠楚竹湘煙一望愁

寄井南

西津煙水正微茫萬疊遙山晚更蒼
清角無聲寒雁盡江樓一夜月如霜

其二

依依昔夢斷難成雨撼雲搖百感生
一點歸帆渺無際寒潮鳴咽下蕪城

除夕寄仲兄

陳迹依依似昔年燈前俯仰重淒然
四方漂泊歸無地百里艱難怨各天
故國書遲勞遠望空齋酒盡得

高眠吳霜莫更携愁鬢一夕離心並可憐

柬蘇龕

塵事日以冥之子日以達誦經城東隅一獨獨百非澄觀澹物慮真想弋天機興來事孤邁兀岸不受讎
我亦巢居者相知今已希

貞曜不偶俗中唐扇靈襟百苦隱長夜有呻而無吟去人向千載與子同一岑寒蜩警宵露敗葉辭秋林
身世各有感緬古何悵悵

煦也蟄江表稟氣與世乖狂瀾障百川白日翳羣靈靜躁本萬殊邈焉獨子諧真有行復謝令名安足懷
在昔聞莊惠相適忘形骸

用可莊韻柬子培

身世何勞李主占與君人海守齋鹽每徵古事搜行祕還憶清言下漏籤賦別爭禁腰帶緩談空祇覺鬢
絲添自慙牛鐸諧鐘呂敢道今來得二嚴

答石公

極目陪都萬幕屯顧侯杖策氣無倫詩宗南國風騷古經證東荒地望尊多病祇今宜藥裹舊遊終古戀
桑根吾衰五十君行及爭得同歸白下門

答陳伯初同年

舟流所屆邈難知，忍誦宗周變雅詩。
誰鼓羣蒙滄正見，獨規元覽鏡來茲。
一州溝壑誠能起，百歲津梁未始疲。
爲語濤園須努力，一闕偉略繼先師。

東濤園

相見城南五尺天，縱橫劍佩冠時賢。
斜街縱酒呼丁廩，荒寺弦詩角鄭虔。
無分馳驅向京雒，且欣邂逅又淮壖。
不材瓠落難爲用，砥柱期公障百川。

瓜步

瓜步荒烟上遠墟，金焦南望賦歸歎。
亂鴉正掠斜帆過，寒柳黃於二月初。

卞塘

十月春寒峭似秋，卞塘初綠漸夷猶。
斷橋疎柳垂垂發，一抹青山入甌州。

留壩道中

青羊河水碧潺潺，滌絕磴千盤曲似環。
峽裏松杉青不斷，冷猿啼過畫眉關。

劍州聞蟬

列柏西台寂不鳴，九天風露特淒清。
劍南雨過延新爽，始得疎林第一聲。

留侯祠題壁

山勢如龍蟠，中有棲遯處。
絕壑萬松陰，白雲自來去。

來從黃石公去從赤松子富貴與神仙兼者古有幾
清泉一鑑開矢魚何瀾瀾劉項皆凡鱗何論白帝子

仿張子復體作小樂府

雍齒尙爲侯吾屬無患矣焚書安反側蕭王亦師此

封雍齒

鷗夷游五湖侯亦學辟穀青田昧此義致蹈胡李獄

學辟穀

商山辟四皓鴻鵠得高飛咄哉白衣相乃歌黃臺辭

鴻鵠飛

不爲天下先功成退身早遂開一代風治道雜黃老

雜黃老

大散關

萬壘千盤畫裏山人從鳥背絕躋攀時平不設王公險亂石飛湍大散關

野羊河

野羊河畔枕漁磯獨木支橋翠四圍我欲重吟山谷句麥黃秧碧百家衣

留壩至樊河橋

怪石縱橫虎豹姿高槐如蓋翳朝曦西來只有心紅峽水屋山盤一樣奇
金元逐鹿武休關崖半猶留戰血殷我亦王尊來叱馭遍登廿四馬鞍山
綿綿複嶺與重岡頓似車箱銳劍芒更望褒斜相接處宛延一綫古陳倉

朝天峽得梅蓀朴生書

朝天峽外雨冥冥一紙書來倦眼醒
宦味如僧皆冷澹詩情與石並虛靈
君方北待金門詔我欲西鑄劍閣銘
一綫江光千疊樹何時同載下空舲

望劍門作

捫參歷井峽門陰小劍東連大劍森
亂石圓成眞實相清泉洗出妙明心
姜維廢壘松聲怒張載遺銘薛色侵
西蜀地形爭此險陰平一綫莫重尋

己酉人日天日清曠獨游東城忻然有會再用淵明遊斜川韻

淮南寡塵鞅吾衰且歸休人日風物美
略似斜川游天氣清以和夷惠同一流
機心泊無營浩蕩如白鷗南園可五畝
披榛得荒邱臨流鑑孤影逸焉無與儔
安得偕重冠閑詠相倡酬野菜不盈芻
足佐春醪不俯仰從所好道勝觸煩憂
東山有遺訓執鞭不可求

己酉清明同運甫晚望

漠漠春陰減卻春晚來微雨散輕塵
半生懷抱燭冰炭十載交親逐溷茵
天末孤雲歸似客門前疏柳澹於人
屏居淮表堪羅雀勞子東來慰隱淪

辛亥七月二十八日獨遊城西諸山

卅載西潭汗漫游凌張謂張樓鏢鄧謂鄧止氣橫秋狂歌痛飲驚山鬼
絕憶江東顧虎頭石公舊宅在烏龍潭側

陳三立

三立字伯嚴號散原江西義寧人光緒丙戌進士官吏部主事有散原精舍詩

石遺室詩話散原爲詩不肯作一習見語於當代能詩鉅公嘗云某也紗帽氣某也館閣氣蓋其惡俗惡熟者至矣少時學昌黎學山谷後則直逼薛浪語並與其鄉高伯足極相似然其佳處可以泣鬼神訴真宰者未嘗不在文從字順中也而荒寒蕭索之景人所不道寫之獨覺逼肖

寒花一首

狼籍寒花在酒筵，誰家消息好春邊。
夢迴泥潦魚蝦市，眼暗風煙鴻雁天。
蛛網井欄窺客散，繭絲歲月倚人憐。
江梅隄柳鳴鶻路，肯映新晴爲我妍。

人日

尋常節物已心驚，漸亂春愁不可名。
衰茗焚香數人日，斷筇哀角滿江城。
江湖意緒兼衰病，牆壁公卿問死生。
倦觸屏風夢鄉國，逢迎千里鷓鴣聲。

尋龍蟠里顧石公學博不遇歸途作

日長山館舊相看，花暖樓臺人倚欄。那問金杯添野水，祇餘白鳥浴春寒。世閒怪事向誰吐，海外奇株應未殘。宅傍有歐西明石榴一株畢竟仙居在人境，斜陽簫鼓滿雲端。

園居卽事次韻答義門

枝頭百舌巧言辭，闌入春風處處悲。初破杏花三日雨，半頽竹榻一家詩。灌園功狀癡兒竊，投老光陰知者誰。風景不殊煩舉目，迷離最是負當時。

雨晴入後園尋春

淡拖曉風前，光陰步步妍。雜花香宿雨，新葉養晴天。波影魚身亂，樓臺鳥語圓。呼兒坐芳草，春色一相憐。

二月十日還南昌西山上塚取城北馳道至下關待船作

向夕雲霞嬾嬾生，獨攜酸淚出春城。連陂叢竹高橋暗，十里垂楊大道晴。早晚樓船寒海氣，東南形勝怒江聲。鄉心直與夜潮上，白石青松喻此情。

侵曉舟發金陵次韻答義門贈別並示同舍諸子

鐘影啼痕若可分，時時魂繞社中粉。客心起視大江水，曉色猶留鍾阜雲。一萬年來無此日，二三十子肯定吾文。煙波鷗亂自成去，著處天涯空念羣。

由江入彭蠡次黃魯直宮亭湖韻

吾生有涯知無涯，自分愚濁長終爾。昊天震愆逢百罹，歲時往還復經此。十年記語廬山僧，登高眺遠留

茅亭今日扁舟入湖口可憐湖水濃於酒四迷洲渚侵渺冥羣鷗叢雁紛相迎舉釣長竿諾已宿大波爲山風爲屋去去榆枋逐卑飛白頭逃世此中歸胸置靈君割城府置龍吟徧處處青霄引我萬斛舟我百不如焉足羞獨有千秋萬歲恨斟酌蓬蒿殉一邱

靖廬述哀詩

架屋爲層樓可以望西山咫尺吾母墓山勢與迴環龍鸞自天翔象豹列班班靈氣散光采機牙森九關其上蕭仙峯形態高且嫺雨如戴笠翁妍晴立妖鬢雲霞繚繞之光翠迴面顏父顧而樂此日夕哦其間渺然遺萬物浩蕩遂不還今來倚闌干惟有淚點斑

牆竹十數竿雜桃李杏梅牡丹紅躑躅胥父所手栽池蓮夏可花棠梨爛漫開父在琉璃窗頰唾自徘徊有時羣松影倒翠連古槐二鶴毳毳舞鳴雉漫驚猜其一羽化去瘞之黃土堆父爲書塚碣爲詩弔蒿萊天乎兆不祥微鳥生禍胎愴恨昨日事萬恨誰能裁

哀哉祭掃時上吾父母冢兒拜攜酒漿但有血淚涌去歲逢寒食諸孫到邱壘父尙健視履扶攜迭抱擁山花爲插頭野徑逐洵洵墓門騎石獅幼者尤捷勇吾父睨之笑謂若小雞竦驚颯吹幾何宿草同蒼蒼有兒亦贅耳來去不旋踵

羅順循大令官定與以受代僅免團匪外兵之難冬間將家避河南爲書上先公言禍變始末甚備蓋尙未及聞先公之喪也發書哀感遂題其後

三千道路書初到，百萬生靈汝尙存。
天發殺機應有說，士投東海更何冤。
破椽骨肉生還地，殘燭文章慘澹痕。
哭向九泉添一語，舊時賓客在夷門。

野望

春滿山如海，飛鳴不自知。
雜花溫日影，新柳長煙絲。
田水聽蛙急，吟樓過雁悲。
扶筇往來路，寸寸淚痕滋。

集利涉橋水亭

橋外樓臺絲柳長，沒蒿新漲浴鴛鴦。
貞元朝士還相見，爲汝聞歌泣數行。
謂王佑退給諫李亦元刑部俱南返

同李刑部錢拔貢雨花臺遊眺

片片秋陰木葉閒，携野色立高墳。
亂山合處江濤白，留得新亭叫雁羣。

萬家煙火蜂房似，六代英靈驢背誰。
說法無人爭蹠血，松陰竹色國殤祠。
山畔有李忠壯臣典祠

第二泉邊嚼草新，殘陽如水滿城闌。
尋常虎踞龍蟠地，獨許尋秋三兩人。

江行雜感五首

暮出北郭門，蹴蹋萬柳影。
載此歲晏悲，往泝大江永。
濤瀾翻星芒，龍魚戛然警。
峨扁掀天颿，萬怪伺俄頃。
中宵鐙火輝，有涕如糜綆。
膠漆平生心，撼碎那復整。
人國所仇恥，曾不一嘗省。
猥就羈散儔，啁啾引吭頸。
低屋雜甕盎，日月留耿耿。
之雲水間，吾生固飄梗。

千巖秀雲局，兀坐無儔匹。
浩漭漭中目，短歸鳥疾乾坤。
仍端倪蒼念，詎敢必支撐。
四維張天陽，豁蓬尊

鞭頑彌萬塗進綜一術學道基小人政化至纖悉芽萌可怒生涵濡俟其實所恐墜冥叢蕪穢虧素質
又如繫朽株弛裂不終日大音戀囊籥後生欲何述空咤金日碑煌煌功漢室

天有所不覆地有所不親汝不自定命天地矧不仁猛虎掉汝頭熊豹糜汝身蹴裂汝腸胃咋喉及齶唇
長鯨掉尾來賤陽齒鱗响汝骨爲灰埃汝血波天津吁嗟汝何有道在起因循大哉生人器千聖挈其真
盡氣赴取之活汝嘯與呻媛媛而睢睢永卽萬鬼鄰躑躅荒江上泣涕以霑巾

往者江湖災歛極東南陬泛濫百郡國鼉鼉撞天浮席卷其井閭者弱葬洪流牛犬枕籍下骸骼撐不收
至今寒潦清沍呻散汀洲司牧頗仰屋四出煩追搜取以實強鄰金繪結綢繆天王狩安歸誰復爲汝憂
茫茫撫時屯擾擾爨道謀民義湮大原儒服尸瑣猷奄忽元氣敗造物懸決疣

入湖對匡山巉巖界江壁松蘿垂蛟蛇吼浪氣上擊結輩四五人攀游尙歷歷歌吟以飄殘光景不可覓
一人掀虬髯守郡誓報國一人長安歸埃風瘁顏色二人百僚底眊眊刷翮翼其一死闕下凶亂見轟逼
孤生何俛俛餘喘伏豚豈提攜萬疚恨溢作中夜泣靈怪迴我腸八極有子立猿挂到天藤昏鴉噪而入
嗚呼世變大終侍五老側

雨中題晴廬壁

西山游屐草煙荒，祇飽松聲百道長。可似涪翁臥雙井，吟魂破碎永思堂。
涪翁先墓側

春晴同江叔灑太守繆筱珊編修歐陽笠儕觀察汎舟青溪看桃花吳董卿大令有詩紀興次韻

報之

初桃白日爭妍華夾岸十里鋪晴霞擊舟澹蕩柳絲外面面闌干迎鬢斜流雲膽照烏啄屋喧風已亂蜂
排衙探頭曠野興孤絕各挈寸抱包荒遐鍾山低昂驢背上飛光潑翠攀無涯籩花燭天弄溪水百重倒
影浮金沙曬網無人鷓鴣臥柁尾犬吠三兩家鄰船吳令亦狡獪坐倚紅袖嘈箏琶瀟瀟暮雨自清絕恍
如煙際轟綠車吾儕儒生坐自失萬象掠眼餘歎嗟王侯螻蟻定何物有命歸賈東陵瓜還期頽睡淨塵
土捉塵僧牀烹揀芽

同叔澗筱珊登掃葉樓歸訪薛廬顧石公遂攜石公及梁公約過隨園故址用前韻

朝興漱齒汲井華屋角已滿激豔霞火急攜客到山麓新竹高檐相向斜掃葉樓頭萬綠合大江雁去呼
衙衙擎杯自了湖海外今古在眼余心遐還尋詩翁山水窟潭魚可釣垂楊涯命酒瞠目不敢飲卻羨有
飯蒸成沙須臾翁亦跨驢出攀條穿徑迷田家隨園老人舊吟處臺榭想像傳琵琶自從兵戈閱百歲問
字客散無停車荒邱亂塚牧兒下萬事不保惟長嗟況今世變幻蒼狗屢聞竊國如分瓜公等休矣各歸
去臥看殘陽明荻芽

余寓園經去歲積漲花木盡萎獨海棠數小株盛開感賦

往者淫霖爲禍災三尺漲潦埋蒿萊園居几榻隔濤浪魚鼈戢戢嬉高臺嘉卉環木盡爛死蝕入地底殭
根萎其間大杏六七樹花時爛漫頽霞堆鶯鶯狂翻賓侶讚日繞百巾傾金壘祇今兀立枝幹禿生意剝

洩纏股雷亦有千竿作叢竹隕葉漫誕連莓苔桑槐梨棗慣滿望龍蛇之阨隨摧頽孀然春色斷不盡海棠三兩偏礙開垂絲細朵鬪嫵媚瓔珞珠蕊明瓊瑰朽株槎枒若喪我獨映紅紫籠纖埃飛尋蜂蝶無意緒咫尺光景從驚猜世間萬事換窠臼盛衰榮落誰論哉猥抱愚昧惻蒼帝而曰傾覆栽者培戕殺肆虐豈有擇汝偶不死遺牆隈長養雨露冒恩澤玲瓏欄楯遮靈胎至人玩物通造化春際天地還生哀魂翻眼倒呼豎子爲我赤脚移遠梅

黃小魯觀察游西湖歸過訪攜虎跑泉相餉賦此報謝

黃侯厭官端學道莽莽長髯怒春草築屋江頭虛釣竿咨嗟拚向西湖老一舸箭激不過我快攫雲嵐滿懷抱湧金門外頗黎盆手搖大扇落晴昊三潭菱荷甲天下笑面孤山作蓬島搜幽攬怪吟大句十日遊尋迹如掃榻屐風流爪背存遮邀頓被官長惱腐腸羹齒列冠珮鑿蹙逃去真絕倒臨別汲得虎跑泉載以大甕撥萍藻櫻心生死齊物論始覺親朋無醜好公然乘輿訪安道白水盟衷嘲栲栳余猶屈曲自世間踴躍開絨救吻燥祇憐畫舫眠食地廿年殘夢啼鶯了滿眼人才投濁流家國算餘談舌掉楫柁還煨雙井茶坐想涪翁於物表公歸莫更睡松風心齋換取兩鬢皓

徐先生宗亮蕭先生穆偕過寓廬作

桐城二老古須眉安步扶鳩任所之漫就我談排闥入更無人解過江誰天雲閑澹明殘唾文字聲香散古悲世亂爲儒賤塵土眼高四海命如絲

夜讀鄭蘇龕同年新刊海藏樓詩卷感題

花時月夜放舫船，每過濠堂一惘然。安穩溪山人竟去，低垂藤竹晚猶妍。新吟掩抑能盟我，此士浮沈莫問天。便欲埋頭聽鼠齧，殘鐙塵几不知年。

後園晚步

照眼蒿蘆枯作薪，寒塘千步躍魚鱗。殘霞欲挂月鈎白，卻有垂楊解向人。隱隱砧聲落葉聲，晚風牆角自淒清。閒吟剛在啼鳥外，銜去江城一片晴。

樓望醉吟次韻伯叟

鏡面淮流煙水昏，四山寒色暗空尊。偶開書帙敬謝客，無數酒船橫繫門。上樹黃雞諳早暮，齊竿白鳥見孤翻。高樓一笑煩長笛，莫聽江聲互古奔。

正月十九日園望

禿柳城邊風散鴉，嫩晴閒護短叢芽。窺襟了了半池水，挂鬢騰騰一角霞。久客情懷依破甑，新年雲物入悲笳。春光端與游蜂共，欲縛茅亭聽煮茶。

曾郎中酒集河舫

郎中挾春氣，與客上晴舟。波暖魚兒亂，風長雁影收。酒人哀樂慣，山色淺深求。呼出青天月，爲歌水調頭。於水閣歌席逢程子大太守驚喜有作

冷雨斜風水上臺，看看絃板鬧如雷。坐間癡淨春微動，鐙下頭顛子竟來。飲食賤儒餘自喜，死生今日欲憐才。提攜官興兼詩債，一片秦淮笑酒杯。

二月三日顧石公招飲龍蟠里

晴鳩呼影雁橫翎，已有羣山爲我青。水竹四圍寒酒氣，歌呼萬象護茅亭。詩人老去飯仍熟，海客經過意共冥。時鄭蘇堪陶架林皆自上海至待飽風光一尊盡，梅梢柳下數春星。

雨中過安慶有懷姚叔節

斬新春樹鷺邊城，千里寒江澀不晴。中國少年姚叔子，爲誰費盡短鐙檠。

抵九江雨訪壺天逯叟值實甫於次日赴右江道任話別還宿江樓

閱世成戲游轟江，警孤客捨舟飛雨高。遂造隱淪宅，城東水木地雲氣自然白。到門繞千畦，未覺鐘梵隔。玉色壺天翁履道，無轍迹翁獨在世。間有涕念夙昔文度功名手，膝上劇可惜。縱去投炎荒，萬里看羽翮。還緩須臾去，婉變映戶闌。白頭父子間，使我久恍惕。平生所語事鬱鬱，在肝膈。庭鴉不留人，杯酒堅自擲。江樓曉鐙燼，波濤向空碧。

靖廬樓夜

獨夜川原數過鴻，闌干呼月萬山東。爐煙自亂蓬蒿氣，鬢影初橫禾黍風。誓慕羲之聊復爾，買山巢父欲誰同。癡兒謬託桑榆計，種樹書成酒椀空。

龍蟠里讌集次李薤垣藩使賦別韻

火雲幻挾睡驪蟠儘有林巒挂屋端勝日偶邀車騎過他年傳作畫圖看古今人物容相及桃李光陰惜已殘巖穴民依視此酒漫云吾道屬艱難

掃葉樓會餞薤垣藩使二兄解官去江南

盤拏磴道翠嵐空飄袂涼迴萬木風觴詠流連動高閣江山依舊擁羣公蔽虧晴雨都成幻俯仰襟情了不同要識安危繫憂樂闌干憑記夕陽紅

次韻答黃小魯觀察見贈三首錄二

別髻逾一歲祇如隔旦暮依然蛛絲窗茶鼎藥爐駐抵几攄衷曲持之或有故窮老盡氣力笑致悠悠譽孰憐耽榮華轉以廢百務聖文見道真塗澤乃皮傅髯傳濂學說寧無爲此懼方今六合外未可尋常諭主義侈帝國人權擬天賦憎騰杯酒間姑就哦斷句沈沈萬鼓亂渺渺寸心赴江南黃篋舫幸髯有所遇園林滿秋光萬鴉使之暮荷香入柳氣氤氳四廊駐與髯坐無事百慮倏成故託茲金石好任彼竹帛譽世久去黃虞道寧稱卜務頗欲匡謬俗柰一齊人傅舉目患氣盈銷骨流言懼天人優劣場淵衷已孤諭讚屈遠遊篤績馮顯志賦顛倒探混茫風煙照新句吾衰抱蠹籍精亡願空赴信髯固絕倫區區嗤晚遇

十六夜水榭宴集次前韻

月上簾櫳瓔珞光憑欄十里水如霜都成意氣當筵盡坐戲蘭茗照睡涼波外歌喉尋繚繞鏡前山色界

青蒼柳絲莫放邊愁入準傍鴉窠作醉鄉

酒集園亭次前韻

篩廊晴影敗荷光池上尊疊點點霜解佩俊遊渾漫與切雲孤吹已飛涼十年國事悲歌盡數尺牆枝夕
靄蒼還共月明動羈思雁聲長在釣游鄉

抵南昌館夜有作用王夢湘太守秋闈聯詠韻

我來祇有萬鴉飛煙冷江城雨打扉殘夜低徊計安出舊鄉臨睨意多遠霜天影入鷓鴣亂茶鼎聲兼蟹
蜋微自笑老懷餘一擲醉醒丹素更誰非

題贈沈子培太守

初臥股肱郡還憐當代儒采風心怵惕去國夢模糊雁度邊聲切鷄鳴士氣孤扶襟照巖穴元化在樹濡
蓋公爲上客桐城蕭先生穆方留宿郡齋道論副淵謀播盞詩書氣雍容士女謳白蘇餘故事君議領濬東湖如白蘇之在杭州郊島

極幽憂何日尋江閣擎杯接片鷗

感春五首錄一

自我失怙恃灑血六載間仲冬妹又逝雪風驚我顏昔妹臨哭母羸疾見眉端後屢警禍變冤悲結汝肝
卒卒歲紀流茫茫川路艱天乎使負汝魂夢撫汝棺回念我之窮裹糧遺我餐四海老倔強微憐汝所完
大男羈東溟猶祝汝平安報書銜龍蛇烽燧照海山世難日迫蹙而我不干祇有春鴻南孤恨從飛翻

次和吳鑑泉觀察鑑園春集之作

結構江南好洞天，每尋垂柳放春妍。通橋野寺初傳粥，繞郭晴山欲化煙。勝日歌吟圍水石，行廚酥酪點冰筵。英雄老去閒鷗識，慣臥闌干艇子邊。

有人傳蘇堪督師赴龍州道上作二篇因題其後

登壇風貌一軍驚，旄仗攢楓嶺外明。功狀區區捕虜迴，看貔虎臥邊城。

胸中邱壑壓蠻荒，解辦詩人短後裝。君詩有平生不解孫吳語，卻笑詩人短後裝之句。盤辟何如捲角桴，千金犒特費評量。

月夜讌集園廳賦

風月夜初閒，流雲點屋山。園空春自照，客至石能頑。灑落飛吟思，安危見酒顏。大韶長挂壁，應笑老夫孱。

上元夕步月

芳辰吾老矣，顛倒向盤盂。猶有江南月，能閒枝上烏。簫笳圍獨步，醒醉入微吁。門外魚龍戲，探頭躍衆雛。

錫侯伯改招集淮舫

秦淮歌吹劇銷沈，新春歌讌頓減，為往歲所無。來聽波喧水鳥吟。兩岸書樓搖鬢影，數行官柳長春陰。渡江擊楫英雄

盡，拄笏看雲巒岫深。遮莫離筵起孤雁，時危地小為霑襟。時俞三壽臣即還長沙籌軍備。

短歌寄楊叔玖時楊為江西巡撫令入紅十字會觀日俄戰局

海涎千斛鼉龍語，血浴日月迷處所。吁嗟手執觀戰旗，紅十字會乃蝨汝。天帝燒擲坤輿圖，黃人白人烹

一盃躍騎腥雲但自呼而忘而國中立乎歸來歸來好頭顱

晴廬牆下所植花盡開甚盛感歎成詠

晴廬完完冠小山，幽築適當墳右偏。倚樓原阜靜眼底，指畫空泣瀧岡阡。女牆外環隙尋丈，豁如臥釜形。橢圓畦分一角，糞瓜菜餘皆花竹。滿其間，常年寒食在花下，或蕊或盡或開殘。那際茲時花競發，暄風暖日搖空天。紅白桃株最灑灑，火齊瓔珞光屬聯。雲烘霞起籠四野，中來縞袂攜手仙。海棠兩叢凝雪色，垂鬟媪立嬌且嫺。遊蜂浪蝶不得嗅，相與蕩漾靈吹還。歷歷阿爺手布列，始盈極耳今齊竿。生世糜軀殉黔赤，娛老未及持觴看。祇移大竹飽煙雨，宵辰頗聽摩琅玕。孤兒瞪視眩今昔，掩藹酸涕增汎瀾。嗚呼安得追攀魂魄流賞久，躑躅然後鳴佩扶蓋從飛鸞。

瞻園讌集次抱冰宮保韻兼呈花農布政

瞻園夙遊憩，所獲祇尋尺。水石自嶽峙，悵未關榛棘。玄度擅名理，回首五千日。己丑夏曾留瞻園一月不
時許仙屏丈爲布政使忍問琴鶴何期煥，廊壁往時數行柳。鋪作垂天碧，雛禽呼上下。似怪客初歷，花下坐人豪。光風灑前席，訐謔抑深念。聊此數晨夕，圖畫出筐篋。頓使精靈辟，標識記誰某。忻慨頗交集，茅椽冠陂岑。萬象瑩一隙，寧知闌闌喧。初爲江山惜，塵塵使君賢。政成溫釣石，勝日續壺觴。寤接耆英跡。

燕子磯奉和抱冰宮保同遊韻

轟艘競東下有如羽，差池抗手波濤間。遂捫燕子磯，巉巖爪觜出。豁舒張兩頤，千山作簾幙。一道明琉璃。

客來恍驚顧奮欲凌風飛矯首嗟歎久刊滅遷人詩形勝自古然乃與世推移蠟屐掃唐宋鐵銷迷梁隋
磯後石壁尚置古鐵鎖半段 追云拒門戶據爲霸王資元老散冲襟物理孰成虧賓從答呼嘯獨以藍輦馳磴道上危
亭曠覽無町畦飄髯煙靄際眞賞誰從知茫茫白鷺洲歲漲挂流尸指點力鏟卻仰天噤莫施勢會緣所
積睥睨空自奇憂樂寄邱壑後賢應念斯頽日弄形影孤筇安不危摩挲龍蛇字飛白留殘碑盛隆戒苞
桑奚由贊一辭還拂遠峰色古愁攢客眉

園居漫興

荷池蛙接砌蟲分風滿虛廊隱几聞對酒縱橫牆角雨移涼破碎嶺頭雲老夫所殉與終古當世猶稱善
屬文獨映紫薇緩襟佩細蜂間蝶已紛紛

寄調伯弢高郵榷舍

聞道津亭榜勝區唱籌搗鼓將髭須露筋祠畔千帆盡稅到江頭鷗鷺無

立秋日得叔澣由桂林還姑蘇所寄書卻寄二首錄一

有客踉蹌攜妾至易實甫由龍州解官過此嗟君莽蕩抱書歸人生得失定誰是老去聲名未可非嶺嶠虺蛇猶照夢

江湖鵝雁感長饑板橋煙水堪忘死延佇歌呼拂芰衣

漫題豫章四賢像搨本

陶淵明

此士不在世飲酒竟誰省想見詠荊軻了了漉巾影

歐陽永叔

道喪文亦敝踵韓挺作者微茫通波瀾獨餉百代下

黃山谷

馳坐蟲語窗私我涪翁詩鑿刻造化手初不用意爲

姜白石

辭賦麗以淫如翁安可得一卷蓑笠前國風有正色

七月初四夜與濮青士丈及恪士移舸納涼賦

小艇如鳧鷖橫眠看拍浮按歌飄水細倒影接鐙秋酒袂初乘興風簾暗落愁老懷瀟灑極飯飽動閒謳
震也天童返猶餘松檜秋海潮通一水茗坐更孤舟嫋嫋雛鬢出依依清夜游橋頭隔人世曳履向沙鷗

月夜

一片柳梢月還爲居士來砌蟲秋自滿園鵲夜相猜閒坐成滋味殘編且闔開遙憐照烽燧海雁亦飛回

荷亭坐月作

新月又池亭秋痕拂袂青水明荷葉大煙冷竹叢冥河漢低穿蝠闌干密聚螢孤斟警鄰柝華髮久飄零

秋雨初涼病起作

颯風飛雨掃江城，併作喧荷墜葉聲。起撫亭臺知雁去，坐依書冊善蟲鳴。支離皮骨涼花氣，勃鬱肝腸照酒觥。遮莫懷人數簷滴，坦衣初長砌苔平。

黃澤生忠浩承詔以候選道改授狼山鎮總兵喜故人始膺殊典根觸今昔述爲斯篇

我初識澤生，予長沙市短小精悍，姿蓬勃，寒霞綺城南校經堂，鐙火羅髦士，文學富穰穰，呻嗶就案几，談兵好大言，君與杜五耳。謂杜雲秋而我相諧嬉，頡頏誇爪鶩，遮邀每晨夕，飲啖恣睢，睨東街買豚蹄，西市斫魚尾，南園供瓜蔬，北巷除醬醢，滿堂八九人，謹嘏翻蠶蝱，或爲鸚鵡舞，或效獼猴跪，或擊劍破柱，或灑墨澆紙，被醉踏廣垌，明月如潑水，雜沓據樹石，錯亂排泥滓，君時赤雙頰，仰天立岌義，飢鴉啄其頭，眼眇髮盡指，扶掖到敝廬，倒枕斲尺咫，中宵映燭坐，謝我謂幾死，薑茗點腸腹，掉舌更拊髀，指畫格鬪狀，捕盜同捕鬼，戲呼干璞山，韃刀跳鄉里，不然溷伍伯，當官堪典史，大笑億千場，歲序流電駛，杜旣西入蜀，持纛駐一旅，旋領江南軍，控帶環壁壘，君於甲午後，憤慨足摩揣，亦起糾隊卒，受隸鄂岳使，先公鎮沅湘，移居資扞，抵增募二千人，郊郭屯虎兕，侵尋十年間，黃杜聲隆起，旌旄望江湖，氣勢掃稭海，內口兩雄號，爲知兵矣，桂嶺久構亂，瘴箐孕蛇虺，出沒肆攻剽，崩離壤，綱紀兩帥躬，持戈合圍收，折筮戡定見，端倪兵叛又誰止，連陷數郡縣，所過盡掠燬，黔湘唇齒邦，勢欲決垣墉，果廛南顧憂，援師徵十倍，杜黃同被命，疾趨摩甲鎧，遮杜扼永郴，君獨入腹裏，裹糧越崎嶇，六月嗟勞只俄頃，鬪穴中殺氣騰，砂礪飛礮碎，會胸賊衆遂披靡，洗洗一書生，咋死遏觸砥，九重嘉勇功，重鎮等賜履，酬庸安足論，異數劇可喜，國家積弱由萬轍，非

一軌敵制極不返文武分途始儒吏束手爲將率益儉鄙鹵莽而睢盱遑云襲歐美方今窮無之品彙在
礮砥酌劑破藩籬因君爲嚆矢我聞雜涕笑發軔視臨駟兵法百十家蕩蕩學之海精能通鬼神取諸其
鄰是所願應運與淬厲雪國恥刻鉏驕吝萌益進探根柢回易舉世慮爲仁信由已天地有與立庶幾兆
端此叢螢聽疏疏高鴻去邈邈老嬾將寸心且持訊杜子

爲濮青士觀察丈題山谷老人尺牘卷子

我誦涪翁詩與瑩出嫵媚冥搜貫萬象往往天機備世儒苦澀硬了未省初意麤迹擗毛皮後生渺津逮
書何獨不然筆法摹訛僞九州炫贗本蛇蚓使眼眩巖搨亦損真略具銀鉤勢望古忝邑子遺墨期搆致
鄰寺守傳幅號稱小三昧髻髻轉郡國坐失摩挲地屬聞散人家居奇千金利濮叟騷雅宗襲珍辱持示
阿誰乞伽佗想見娛遊戲風日發光妍珠璣蘊溫粹宛窺虞柳全漸拾義獻墜鋒銳斂冲夷乃副儒者事
取證內外集波瀾與莫二得此誇家雞政爾適寤寐後有五百年永寶十行字劣詠污敗毫憑叟晒以鼻

恪士招集小舫泝流至西方寺側縱眺客爲濮青士仇繩之兩詩叟趙仲弢觀察及余凡四人

利涉橋頭黃蔑舫雨細雲昏迷所向窺窗踞坐一禿翁謂濮叟先至篷底捉袂忘揖讓墳索撐腸奮談舌主客
續至逾神王常筵鼎俎供行廚鬪牛炙鴨佐醇釀我病止飲但快嚼盡掃數器各引吭飯罷腰脚苦拘攣
移棹歌呼就遐曠樓臺弄影簾幙垂溪風漠漠斷絃唱沙岸柳行相蔽虧籬壁豆花有飄颺鑑園濠堂是
何物門前贏得魚大上折穿狹港跨石梁競聽波聲投甕盎西方寺插叢塚堆眺覽荒忽窮諸妄披襟脫

帽走且僂談詩說鬼與無妨迴看鷗鳥帶城隍巧挾巖巒作帷帳只憐陰蟲滿四野蒼翠潑眼暝煙漲尋常裙屐慣招攜老輩絕倒茲遊創異時指取山水窟摹記一二恐難狀

文芸閣學士同年挽詞六首錄三

元禮終亡命邪卿辱大儒孰傳鐘室語幾索酒家胡禍覺機先伏煙濤夢自孤光芒接三島君曾游日本留得口中珠

流略久湮淪羣喧妬道真校文向歆後隨筆孔洪鄰雙樹從微喻孤篷更暫親枕中宗教記搜證恐無倫

今歲四月與君由南昌同舟抵金陵得閱所著雜記中有述宗教數卷可謂奇作

陳次亮劉鑄仲恨俱逝汝亦蛻江山鄉國數羣彥縹緲懸舊顏仰天成嘆喑託世化戎蠻衰疾吾安適含悽祇閉關

同次申拏舟至毘廬寺迫暮不得入眺還飲酒樓旁

死喪惡耗滿懷抱、仰屋支牀日顛倒、出門喚槩寫我憂、一道青溪爲誰好、游舸數點氣不驕、管絃零落喧呼了、何況陰風慘澹吹、夾隄楊柳絕啼鳥、毗廬寺隱鍾山陬、窺窗振柅苦昏墨、微見佛火搖鐘樓、我倚虛空一針杵、踟躕不得尋僧語、古來乘興王子猷、轉船忽忽同竄鼠、薛侯微歎尋酒樓、繁纒其旁呼醪羞、蝦蟹魚雞具盤簋、齷齪果腹還垂頭、誤促一餐落飄絮、雨色波光對箕踞、人生萬事觸虛亦不笑、不歌亦撇去、

九日憶去歲與小魯伯弢酬唱感賦

健者飄零不相見，涪翁此語最可悲。去年開尊作重九，三人含笑各賦詩。饕餮據案割牛爨，閒暇炙炭燒伊尼。解箭鋒機，騁狡獪，往復謔浪無不爲。祇今黃花又灑灑，天高日煖，醵孤持黃侯，縮手對江漢，坐聞戰鼓掀霜髭。抱關陳令，攢眉去，甓社空搖助餉旗。我復累月臥不出，貧河服散存骨皮。登山臨水付歎息，雉堞咫尺亦嬾窺。天運回環一周耳，眼前光景成參差。世難益迫人益老，采菊漉酒真吾師。安怪陶公惜此日，猷猷千載非所知。孫盛作嘲孟嘉答，一時意興今何離。

喜芟老自豐城至次見贈韻

稍聞病肺枕江居，過我依然健韻如。瘦骨蒼髯支傲吏，破鞵荒肆購奇書。卅年涕笑挑鐙盡，百里風濤中酒初。城郭添公作吟伴，屋山鷓喚雨疏疏。

乙巳元旦晴眺作

起貪殘雪豔檐端，初日彌漫動紫瀾。竹色桂叢籠造化，鳥巢雁影警高寒。尙依宿酒鳴孤憤，略撫新歌得暫歡。四海無人矜此意，重摩老眼岸儒冠。

寓園春集和伯純

泓凍結蓋壤歲始蘊，一泄枿根釋雪痕。柳眼碎煙纈曠池，暉浮浮棧石黝。揭揭鶴味下汗滓，鶉尾擺嶽嶼。負臙展雞柵，覆登豁蛇穴。園姿頗幽映，春事謬譎扶。鼓鐘應物序，賓親滿英烈。髭哲各有態，殷闐枉軻轂。

燕席環玲瓏青霄誘高警推案晒饋豚薦俎掃庖釐酒行瀉坎浸渴吻孰肩鏹屋椽燦燈火縱錯鬧談舌
控絡大宙內闐闐一蠓蟻張侯俯堂切獨瞰意飄撇袖出攬輿篇端緒麤綴列否運遘殃敗玄陸紛齟齬
備駕折籥馳交途捧跛暨高莠勝柱礎厦構危繫髮矧贅不貴軀歷抵害株楸雷劍久埋獄卞玉繼泣血
宴私形諜間枝拒見關絕自詭面目驚冥擎肺肝熱噫吁是耶非盃拂引鳴咽猛虎揭井檻騶子撲以蝶
枳棘下孤風光儀蔽螟蠶氛禋所包纏天人互顛蹶子材實雄鷲睽陽粹唐突川海蓄涵澄嵩華終跨越
環混挈樞機精瑩灑蘭雪爰止鯢鮪淵條與萬化滅

人日顧石公廣文飲集龍蟠里至者爲繆筱珊編脩張次珊通參張伯純郎中徐積餘俞恪士兩
觀察及余凡六人

酒人負我金叵羅一去撇捩如奔梭鉢山黯黹龍淵閉林花開謝誰婆娑我亦經歲對蕭寂有眼未挂青
青蘿坐想鼓篋校章句日拊菜肚窺飯蘿獻春雪霽暄日麗警曙刺束招吟哦先生歸作風光主踴躍佳
氣浮槩阿朝命監輿訪古道依郭穿塚隨駕鵝枯木橋頭一笑對嘉客三五聯涪坡各睇鬢髮照寒水微
拖遠岫明煙螺世變軒騰到夢寐不改苦徑留鴉窠呼觴促坐快飲啖餚馘味與齏鹽和繆張才雅據壇
坵汗隆亦頗傷轆軻徐侯罷釣東海水胸次鬱律千蛟鼉郎中靜兀貌若愚別抱哀樂償譏訶城南俞卿
最後至拇戰再接橫矛戈鯁生祇映寒梅柯斜睨主人醉顏酡少焉一客騁狂諱欲開殺運持條科江南
冗吏久不飽刀鋸其如饜養何豎懦溺冠有前例可否丐命髡雙鬢滿堂歡呼面仰屋安知戶牖頽羲娥

題詩人日記軼事散歸隱聞鳴珂

園居看微雪

初歲仍微雪園亭意颯然高枝噤鶻語歌石活蝸涎凍壓千街靜愁明萬象前飄窗接梅蕊零亂不成妍

次韵李詞齋居卽事

千山孕綠待啼鶻雪罽晴光對渺然想像樓臺明小水蔽虧城堞護長煙瓜田凍裂閒攜錘笏吹飄揚醉仰天自古江南供一擲莫教烏鶻喚朝眠

飲鑑園玩月

溪園眼邊物衰憊久闕賞開歲踐嘉招夙心一摩盪廊館風玲瓏柯葉煙莽蒼脫雪數株梅却立據鼠壤孤樓擠雲隙羣山微可仰寒月作芒棱鬱勃肺腑朗一水含笙歌明滅窺雙槳循梯錯賓席燈燭燦帷幌羹葢映春蔬彬雅得吾黨轟轟癡虎頭謂石公行酒倒甕盎拔幟萬人敵突圍技無兩軍法佐觴政醉死敢道枉虬髯昂然來陶苙林後至堅壁拒倔強撼之不爲動坐大蠻夷長四面環楚歌崩散各拊掌獨留照欄干戀此夜氣養斂翮棲鳥閑吹沫游儻上睨彼濠堂空天外割奇想

上元日雪中劉龍慧梁公約相過

癡雲抹漆暮鴉橫爆竹千街雪裏聲二子從容踏高履一春消息在初醒園池祇領荒寒味文字猶爲買豎輕歌舞昇平吾老矣今辰賸有濁醪傾

董卿見訪云今歲可擺落事役重理吟詠調以此詩

喧世功名刺萬眸有人垂手聽橫流
熒熒來自百僚底齷齪寧爲一歲謀
塵駕疲能脫鞵鞅風懷例合貯
窮愁更煩吟徧秦淮柳雷轉飢腸數白鷗

驚蟄日飲集淮舫

新春幾何時寒色猶纏裹
午弄秦淮漪日氣融一舸微波吹
組練抵岸絕埃堞嫩碧滋柳條
細白浮梅朵靜數魚鬢張
笑逐驢脚踏晴雲照天墟
叢鴈貼么麼吾儕究安適
成就嗒然坐萬岫合冥茫
蒿蓬穩孤椳燈酌照寥廓
管絃引婀娜中流揚新聲
滿聽初貼妥起視星斗高
歸櫂箭旆筥哀樂紛莫屬
物固有所可城堞依尊疊
江南其老我

雪中攜叔海由甫次申飲酒樓

湖海人來氣自豪攜憑飛閣醉蒲萄
瓦鱗新雪生春豔旌角寒雲捲鴈高
憫亂心情成小聚盪愁歌吹壓
羣鷺螭盤酪碗兼滋味坐對花枝拂二毛

次韻酬李審言維揚見寄

恨別傷春覺已多酒痕三歲換蹉跎
庾郎食籍珍鮭菜江令毫端豔綺羅
薨諸儒嗟散落珠簾十里想
經過峨峨淮海無雙士莫折瓊花照逝波

百花州湖亭眺雨

晦雨茫茫湖上亭步廊闕盡去來今浴鳧新漲荷錢滿礙馬橫隄柳線陰零亂風光支病骨追隨父老笑
初心撫時留得閒滋味瘦石寒漪照獨吟

江上逢龍伯鸞有贈兼訊其中表節庵

三星邂逅兩逢君海角江頭共夕曛肝肺猶如當日熱行藏微恨故人聞篋中槩本千靈吼髻底波濤九
派分爲語習池醉山簡餘生相繫祇孤雲

送子培解南昌守印綬隨使海外

歲時閉置同新婦鬱鬱陸沈黃綬閒倏眩蝸蚪光動海起遮鸚鵡氣如山探源星宿孤槎在倒影蓬壺夕
照間酌取瓊漿分一滴西江父老遲公還

由九江之武昌夜半羈郵亭待船不至

廬峰長影插江流濤白煙青頰唾秋強臥郵亭數星斗孤明燈火聚鳧鷗支離皮骨殘宵見生死親朋一
念收魂夢十年迷玉笛茫茫開眼此淹留

過黃州憶癸巳歲與楊叔喬屠敬山汪穰卿社者同游

提攜數子經行處絕好西山對雪堂勝地空憐縱歌詠諸峰猶自作光芒鼃鼃夜立邀人語城郭燈歸隔
雨望頭白重來問興廢江聲繞盡九迴腸

九日從抱冰宮保至洪山寶通寺餞送梁節菴兵備

嘯歌亭館登臨地今日都成隔世尋半壑松篁藏梵籟十年心迹照秋陰飄髯自冷山川氣傷足寧爲卻
曲吟作健逢辰領元老下窺城郭萬鴉沈

杯酒初深搖落悲孤標離色見鬚眉平生所學終能信功罪旁人未許窺會起臥龍襄水曲更宜騎馬習
家池采薇早晚亦歸去相憶白雲無盡時

宿實甫花園山樓于晦若學使亦至

結廬峯頂四無鄰共子銜杯話苦辛投老蠶鹽堅自擲逐羣爪背恐難馴江湖暗數千帆盡燈火初宜二
客親去國懷賢紛涕笑迷離今昔隔緇塵

十桂堂坐雨賦呈抱冰宮保

藤棘垂絲桂拂廊坐閒微雨沈秋香支頤啜茗憂危大負手看花意思長曾向池亭憐舞鶴祇今觴詠答
寒螿賓僚久慣依迂叟餘事論文未可忘

酬李文石

啖餅夷門兩少年搖搖日月見霜顛江流照影知吾在寰宇尋碑覺汝賢隨筆欲妨孫退谷折枝旁寫憚
南田銷沈心事聽秋雨吹夢橫吟到酒邊

山堂夜話贈小魯時小魯方悼亡

我來訪舊面虛帷自許黔妻淚滴髭重對秋燈分藥裏強過山館數花枝銷磨意氣吟仍健顛倒英雄世

不知携倚欄干照星斗江城駢動柝聲疲

連夕詩會戲呈抱冰宮保

公垂囊籥信多能流略包纏妙悟憑辰告遠猷迴寤寐清秋逸與自飛騰尖叉巧鬪雙聲句象罔瓊窺一穗燈應笑鯁生艱奏技垂頭摩腹似癡蠅

和實甫山堂雨夜遺興

屢挾江聲到此山亭亭桂樹向人閒胡麻煮茗喧殘夜樺燭傳箋破醉顏蟋蟀殷床如有約鴛鴦啼雨去無還癡兒情思同秋葉飄颺江窗翠壑間

贈陳石遺監督同年

勝流沈子培鄭蘇堪抗顏行說子淵淵無盡藏狼籍詩篇爲客久摩挲搗具看人強過逢江漢頭俱白上薄風騷氣獨蒼更欲用心到聖處坐收俊語挂奚囊君有選刻朋輩所爲詩之意

東小魯

所不能如膽此髻憂天談道睨時賢芋魁作飯廚無肉草履尋山杖挂錢捫腹詩書藏萬怪吹毛營議到孤口還防賃廡窺籬客謂實甫鎬破家居自放顛

酒集琴臺作

微阜層軒拂眼新重尋松蓋長龍鱗滿湖秋落殘荷色斜日杯浮大道塵只有徜徉供此世未應癡妄認

前人讀碑又覺名流盡數點閒鷗與我親

贈紀香聰監督

憶昔燒燈倒瓦盆老來襟抱接清溫
劫餘名輩猶能數物外畸蹤未可論
讀書評詩有家法登臺彈淚望
中原白頭都講何人識此是通儒六世孫

贈程子大太守

廿年湖海作才人今棄糟糲悟道真
儒墨紛綸規自出市朝填咽欲誰親
運斤斲鼻天機在起舞驚心宙
合新我媿蟲魚老塵几請捐故技伺鍼神

君近設工藝所兼及刺繡

靄園夜集

江聲推不去携客滿山堂
階菊圍燈瘦衣塵點酒涼
平生微自許出處更何方
簾外聽歸雁天邊亦作行

江樓晚望

嫋嫋江波初月輝樓船去眼竟何歸
鄰歌只是牽人意博得憑欄露濕衣

登北極閣

山數百級閣百尺手挽臺城吐後湖
雨了諸峯爭自獻煙開孤艇已能呼
際天草樹飛光影衝潦牛驢入
書圖鐘梵飄殘憑檻久道人只解捋髭鬚

靄園公讌賦別分韻得菊字

蛇山首聳牙簇簇掉尾江水如轉轂竊園高置額頂間囂市口林咸到目黃髻倦遊還好事時闢玲瓏數
椽屋歲時賃廡琴志生挈妾抱書歌當哭春風邀屐踏靡蕪秋雨依簷韻花竹我來就宿忘主客菽乳芋
魁每充腹差喜朋侶得聞之紛紛送酒且饋肉自然談笑出酸腸真見江湖容老秃賤儒醉飽工作計朝
貽暮吟苦不足捉鼻閒看北郭船簪頭靜映東籬菊晴霽萬仞雕鸞動倏布離筵對奇服滿眼英俊氣何
橫挂口瀛寰意微觸方今畫策收桑榆競資同軌控大陸幾人出手辦茲事自哂駭鈍信碌碌鑿空鑄錯
卒未喻拚歸牧豕西山麓倚柱睨壁駕行李衆芳所在吁誰屬翻思十載眠食地鐘磬不改亭臺續猥遭
元老顧樗散又荷羣賢采邊幅士生當世無一成兩肩扛喙但飲啄千悲萬慮雜肝腑忍拋公等問時局
野鴨蔽天霜氣淨門外帆檣森笏束留語窗几蓄丹鉛後先題寄煩最錄

正月二十二日通州南郭外會送肯堂葬

重來城郭更尋誰海氣荒荒接所悲原路一棺寒雨外衣冠數郡仰天時斯文將喪吾滋懼微命相依世
豈知惟待千年華表鶴河山滿目識殘碑

園望

孤負花時數舉觴歸來殘歲對茫茫老藤僵壁蛇留蛻餘粒拋泥鵲覓糧箕踞放言安所用池塘照影未
能忘毬場新付漁竿手爲掃枯蘆一畝強

人日石公教授酒集龍蟠里

煙光日影在巖阿，柳罇龍潭寂不波。連歲偷爲挑菜會，萬靈初接據梧歌。牆花氣壓杯盤靜，林鳥聲傳笑語和。酒似江湖誰解道，繆筱珊編修有酒似江湖日兩回之句主人微領醉顏酡。

四月五日喚船泝漲至長頭峴取途入西山

雨罇喚輕舸，泝漲信颿風。晴峯頗照眼，百里青濛濛。沙岸所齧痕，今來易西東。一片黃瓊瓌，亂插樺柳叢。畸零瓜蔓水，處處沒鼻翁。犢有浮鼻過，儻有銜尾通。其陽出微陂，雜花搖白紅。斜趨石甕橋，明滅浸長虹。可憐萬象影，詭蕩漪瀾中。襟趣忽已高，微憾無與同。鳴篔蒼煙根，升降草木豐。鬢邊白日麗，四映皆玲瓏。茗亭拾夢痕，欠伸於蒿蓬。但隨伊軋車，靈境誰能窮。

到墓上時節，按事城中於前七日拜墓而去

蒼蒼雨餘山，突滿遲暮眼。孤兒同飄鷹，下爪無擇揀。叢花發已了，草印見深淺。短松被邱巒，狼籍盡裁翦。蝨蟲恣汝爲，負手千百轉。拂拭墓門石，墮淚迹猶辨。鄰翁爭致詞，異事匪訛舛。隔日寒雨中，籃輿落苔蘚。有偉丈夫者，獨以生芻展。此客不知誰，虬髯照層巘。心知在天壤，其精貫幽顯。去來不可原，攀霄涕空泫。

題吳溫叟青溪泛月圖

自我落江南，萬憾不措意。時時泛酒舫，但飲山川氣。頻歲牽鄉役，騰馳江海溢。游侶更凋殘，每奪眺賞地。頃還侵病魔，斗室等頌繫。散襟蛛網前，數磚供侘傺。藥裏廁新卷，揩眼虛明際。青溪一片月，模糊燭夢寐。水面榆柳風，橋頭鴻雁字。倒影六朝山，窈窕弄蓬背。想見獨夜人，肺腑留殘醉。人生老縮手，物外成滋味。

探幽契夙遊詩魂一魍魎

貽李詞

親受佳人肺腑言江迴海斷幾朝昏徘徊歧路天將厭分付深杯道已尊
還著病魔供老悖欲依星變訟
煩冤近彗星出東方胸中水鏡眉黃氣知有閒鷗日到門

月夜樓望

好及霜飛月暈時萬山不動一樓奇松枝影瓦龍留爪竹籟聲窗鼠弄
髭鬱鬱川原高塚出絲絲神理濁
醪知閒宵毛髮梳風露輒與噪叢魍魎窺

哭季廉

萬鬼猙獰鉅海隈真成一夕碎瓊瑰平亭學術歸孤憤凋瘵鄉閭見此才
聽講祇餘殘月在尋親應帶怒
潮回遺箋重疊藏塵篋後有千秋未忍開

哭次申

錦衣玉貌過江人幾躡塵埃賸我親萬憾都移疽發背九幽更恐債纏身
羽毛自惜誰能識主角難確稍
未純此後溪橋候明月一披蕭卷一酸辛君瀾留時以蕭尺木書畫卷子見遺言後觀此卷如觀我也

哭顧石公

海內號酒狂尤以詩文顯嶷奇磊落氣一一在篇卷倖直靡所容冷氄
恣偃蹇亦復走遼邊偶與債帥善

歸來愈自放，世變納孤瓊。譏訶一世人，舉俗避白眼。吾獨愛石公，罵坐滋婉孌。酣嬉淋漓餘，角出輒飲滿。築居蓋山麓，清曠稱傲懶。龍潭古不波，小嶺包蜿蜒。花樹臨青葱，橋亭虹影斷。雜植明石斛，婆娑西域產。旁擅一洞天，風光屬領管。歲歲挑菜節，佳客穿戶限。或歌或聯吟，或罰爵無算。今春薦盤蔬，馬監羅羊臠。轟呼讀書堂，盛極一輩選。謂當吾未死，勝約歲必踐。近句爛几案，領首無可揀。荏苒越上巳，室邇人已遠。此士今則無，累歎腸百轉。江南盛名彥，大都習熟輒。惟君貶新法，倔強吐忠款。善敗寧逆覩，口噤不復辨。君有平生友，鄭卿最繾綣。耳熱廣坐間，稱君獎其短。吾意卒不易，據哀申饗饗。

九江江樓別益齋

蕩蕩長江貫酒卮，憑高送遠亦何爲。臥隄柳影一千尺，出屋檣桅三兩枝。挂眼青冥移雁鰲，撐腸祕怪鬥蛟螭。世間可了無餘語，掀盡濤聲祇自知。

七月十四夜結客十數輩汎東湖看月

千頃風湖放釣船，橫肱跣足對如仙。荷香鬱鬱鐙搖鏡，柳影層層月在天。自返故鄉無此樂，不知今夕是何年。去人留戀來人笑，謂子培提學將行愛著布政初至各有西山插鬢邊。

和伯弢酬李拔可新句

吏窮心亦窮，寤寐有秋風。爲吐思君句，亭亭物象空。綠輝生草木，白日在簾櫳。江海一相照，起予鳴砌蟲。
用前韻答劍丞偕梅癡恪士晚飲

鐙衢簫鼓聯不絕翠衫行歌有巧拙閉門祇惜金石聲古香氤氳散花滅盤中鵝肪青魚脣霜稔露韭相鮮新邀遮一醉吐險語賈島盧仝非世人

人日遣興

瓦溝殘雪明檐牙園林一例春氣加眼目晃漾筋力弛雜樹日出翻鷓鴣歲歲今辰挑菜節益山詩老相
婁遮顧石公潭汜深靚巒壑秀構架亭館籠晴霞摘蔬翦韭映鼎碗錯列炙雁堆蒸緞主人騁客轟百盞勢
若克敵金鼓搥呼聲動地屋瓦震旗幟輒亂西日斜乍肯受降到膝席抱頭竄避同鹿麕堂堂斯人竟脫
去城中好事今誰耶壁間詩句幾剝落藤蘿小徑空藏蛇當時坐客亦星散或役江海羈京華欲沿故事
攬風物出門誰詣回游車況復世難迫旦暮上下帆峒交紛拏瘡痍餓殍極千里蕩洗寧問壑與杷吾儕
追念飲文字承平遭際猶堪誇自摩鬢髮忍腹痛坐嗅牆梅三兩花

初春携家汎青溪

溪山佳友朋不厭尋逐數當其或違離夢想然疑作邈遁憤執袂倒腸百體躍反復採舊歷昭朗披新濯
積歲狎青溪風月對殘酌猥羈江海役繩縷繫兩脚晨霽春采動發興指東郭孺人藥爐閒攜盞到稚弱
片舸瑩波瀾柳芽煙漠漠鐵柵木闌干鶯燕相照灼戛舷飛笑語天物諸宿諾裊裊一線魂網縈結秀壑
鑑園雪氣乾髣髴株出嵯峨擁亭冷竹叢孤映殘梅柯香風四散滅鏡影閑婆娑等閒蜂趁衙寂無鳴鳥過
漫誕蘼蕪痕海縵江委佗屈曲窺鍾山木杪黏翠螺拾級坐虛閣手挽蒼蒼波茗椀徘徊地會照千梨渦

高空有夢還月白留行窩

迎東麗樓臺婦家所卜築維船攀欹岸羣稚奔快犢遮以迎笑兒牽引入深竹茲區信與曠巒岫有邊幅
鎮覺清氣肥寤歌在幽谷連牆十畝閒亦竊比湯沐癡兒誇立錐問舍愧碌碌鄭號偕隱禮卿蘇堪亦
買隙地旁側
為結廬
吟待溪聲續終期茅一把老死作鄰曲誰敢謂必然蛟蚪長眩目

病起玩月園亭感賦

羸骨瑩瑩夜吐鏗起披月色轉深廊花叢絡緯旋圍座石罅蝦蟆欲撼牀近死肺肝猶鬱勃作癡魂夢盡
荒唐初知毅豹關輕重仰睇青霄斗柄長

恪士新居茅亭

葦柳冥冥溪上亭來看雲氣白還青絃歌不到鳴蟬處酒舫時隨倦鳥停託世衣冠孤注盡流天鐘磬萬
山醒卜鄰換得漁竿手分我牆頭數點螢

遣懷

龍鍾老物一遷條拚與途人目笑渠縈夢夸蛾徒自苦舞筵傀儡定誰如戮民幾置風波外息壤親盟却
燼餘齷齪嶸崎無一可殘年飽飯斫枿欄

真長曉暎見過

黃雞啄影女牆隈醞釀晴秋繡石苔二客偶然看竹到一亭無恙據梧纔玄言擺落人間世往事淒迷溪

上杯各有風懷寫孤憤江山繇麗起騷才

秋集桃園新樹

桃塢舊繁榮千株競紅白暖此一溪春仕女錯履烏阿誰覲佳勝
礎營屋壁斬掘不留殘架構炫丹碧
脂黛朝鏡光稍亂雲霞色游舫指嗟喟鴉斂其翻秋來偶招尋
新樹敷燕席融融日氣高穿漏炙襟膈
怒吹煬竈堞衆客俱辟易息陰千斛船槳動波瀾隔徐傍鐙火窗爰攜晚風入顛倒拾匕箸謹啜嘅載汁
吾儕稱好事盡醉且今夕想見胡牀人二豪侍巾幘

墓上

萬山驅我前互穿嵐瘴窟纍纍見高墳寒草眠殘日隔歲闕瞻掃惟靈接荒忽石氣縈白青松枝長逾尺
有兒尙路人孫裔那忍述鷹雁摩霄飛舊是眼邊物鄰叟無恙在欲訊成哽噎

五月旣望抵姑蘇越二日伯弢招同鄭叔問郎中朱古微侍郎張次珊通參張伯琴太守吳漁川
黃小魯兩觀察飲集顧園

隔年零夢颺軒廊陳銳相呼更舉觴垂徑藤蘿含雨暗嘯牆梧檟壓雲涼劫餘風物爲收拾吳會詞流盡
老蒼閒向藥欄調孔翠紛紛燕雁已高翔

半山亭秋集

越磴穿陣到此堂黏天巖氣蓋青蒼蔽虧秋樹蟬吟去明滅頑山雁點藏照坐須眉千載下暖杯風日一

墩強閒閱世雲光裏賸有尋詩意思長

秋夜

置酒池臺花片飛藤牀臥對露霑衣萬方兵氣初秋夜一道星河舊釣磯草徑微鐙捕蟋蟀瓜棚涼月宿
姍蟻琴歌休與殘砧亂閩中小女子方奏歐琴天未懷人更不歸

亞蘧旋返京師有枉贈之作依韻奉和

照眼秋花豔放春搖搖裙屐暖蕭晨自知舞袖今無地微覺神州尙有人磊砢終扶松柏氣狂愚已負嘯
歌身緇塵晦日單車入刻骨新亭舊作鄰君舊隸江寧籍

傷鄒沅颿

沅颿汝豈佯狂死腰腹槩槩此士無增寫圖經萌國學自澆酒殘避塵汚小兒德祖寧爲伍大俠朱家欲
共呼後世重編獨行傳應憐一往落江湖

挽皮麓門同年

殘遺伏賈孰傳薪卓犖沈冥六籍親鈎黨姓名連甲乙今文家法愈光新累書不報吾滋疚後世相知子
有真抱古憂天供一暝茂陵遺草問家人

挽胡子威拔貢

胡氏諸昆盡釋經嶽雲虧蔽見晨星終成帶索尋三樂自許沙蟲有獨醒卜夏商歌出金石孫卿些賦別

門庭翻傳楚老微言外

謂王湘綺翁

嗚咽憑棺不忍聽

挽黃仲弢提學

儒服仍能貫九流扶桑逐隊作遨頭雍容尊俎光專對長養菁莪預大謀
欹枕那忘消反側蓋棺誰解殉幽憂相公夢繞甘棠地應歎才難涕不收

雪晴步後園

江南一冰海父老詫未有瓦溝十日雪炙日篆蝌蚪茲晨氣稍蘇晴色粘枯柳
飯了揩兩眼舉步踏瓊玖隔牆畫卦畦猶沒蕊與韭微綠坼白光摘筐掃無帚
向來蒙菜把愆數心語口擾擾啼飢禽下啄依依我肘我寧有餘粒活汝
韻林藪炊煙網山影巷吠續前後看作尋詩人茅茨出蓬首

雪夜倚樓看月上

凍雪光嵯峨一樓倚黃昏大月脫羣嶺白龍從飛翻奇彩漏闔闔銀浪莫尋源
城中萬井廬浸入琉璃盆居士支皮骨就此寒可捫四照古愁出大千吹醉魂
恹恹恍控鶴駕冉冉仙靈奔眴然親化字濁世誰復論

雪後溪上晴眺

昌黎詠苦寒南國今一遇備聞凍死骨衢巷儼墟墓皇穹示災變不忍測
其故頑雪闕久晴稍稍屋山露拄杖出門看瑟瑟沙岸步堅冰猶□深斜成樵
牧路無縫跳魚蝦何緣親鷗鷺野色乍升沈日脚天邊樹萬堞銜殘雲招魂
當歲暮餘對瘦玉峰斷句酸腸吐

晴晝對殘雪

殷勤陶酒杯寂寞揚雄宅
罌下雙鴿是我忘言客
風日初滿庭餘雪燦
珪璧披披桂葉翻
藹藹梅蕊墀
暖意移檐溜
明滅屐齒迹
從卜月印牀
撼夢啼號隔

鑑園尋劍泉不遇

一雪隔吟襟
雪盡訪園柳
車音落牆頭
踏徑吠蹲狗
樓欄影層層
伊人訣北走
歲窮犯危邦
飢驅亦何有
低徊枯卉叢
晴煙樓畦畝
苔茸黃猶病
梅萼紅欲剖
溪水寒噤人
殘冰齧
籬笱高風蕩
萬啼啄霞投
疊阜
肺腸染氛侵
空記洗杯酒
鴉窠與閱世
立對支離叟

復成橋晚眺

跨溪百尺橋於我成掌故
江南作客初嬉娛
費芒屨時時繫艇子
結侶橋上步披襟
飽看山數徧
水邊樹
月宵競浴涼
窺影同狐兔
衝颿嘯叢薄
踵有魍魅附
環笑雜哀呼
陶樂
薛次
申
攜妓路范生
堂
幕清景託興
申長句在苒山河改
勝流亦死去扶杖
饒歌前隔夢識其處
崩岸掠釣竿
依稀舊飛鷺
寒照懸心魂
送老
餘回顧

丁巳元旦雪晴

天光新雪屋
三白說年豐
已盡溪山氣
初高雁
驚風城陣寒
角動影事醉
吟空倚閣譁
兒女晴霞井口紅

觀恪士園亭

薄雪覆深晴流光與目成含春梅擅態動壁竹諧聲鷹翅驕竿末魚苗試水程一襟迎萬壑閒看夕嵐生
寄仁先戲問彙刊同人西湖紀遊詩

搖影湖山五六公一時得句顯鴻濛盪摩靈境須眉古灌漑禪機肺腑同以補畫圖呼主客敢災梨棗赤
英雄搜尋老味旌筇杖好事天曾役病翁

病山有天目紀游詩刊本

散步溪園

日長無客款柴門沾屣輕泥步北園錯落菜畦橫小水沈浮雪氣入晴痕片雲欲暖吟人屋遠樹知成歸
鳥村脈脈閒愁作閒味回頭簫鼓沸城根

獨游後湖啜茗閣子上

歲首雪罽晴須臾遊目誓造荒寒區臆決後湖阻裙屐奔拂寧柳鴉聲轟穿郭小車歇隄岸虛舟仰臥不
可呼但見狹流界數道乾死荇藻頽泥汗側足尋孺脚踏沮或俯而僂昂而趨水氣寫我作孤鷺瘦影明
滅浮叢蘆野橋脫板挂壞木試履戰軒奚僮扶瞻祠守者導登閣進茗廊廡拈微鬚

陶公祠後易為六君子祠

無賴風

光果誰主空向厲鬼相挪揄淩波塵襪久寂寞竦帶堞留畫圖層層翠竹起幽籟殘陽慘淡棲桑株獨
立放歌破蒼莽不問荷香圍酒壺

病山自滬居寫寄除夕詩句題其後

流離老骨問舖糟賣藥餘哀赴禿毫下道齊桓忘羿浞

詩中有稱羿浞事

史遷未解屈平騷

人日過倉園觀仇徠之同年新營初堂

勝日風溫梅蕊殷，照園新竹對閒閒。
會園尊俎聞歌處，更起樓臺插水灣。
抱柱小魚初可釣，覓巢舊燕誤飛還。
主人談舌疏名理，浸影茶甌一角山。

出太平門視次申墓歸途望孝陵

賽年鼓動心生哀，野祭攜具榼與壘。
出穿廢壘指壞郭，雪泥涸路吹黃埃。
稍見蓬門立婦孺，亦有樵牧行歌回。
驅車大隄爲下，此句下有脫字湖如長蛇山如馬。
俯尋田陌躍澗溝，依然鳴蟲絕四野。
撫汝抔土枯苔髮，客瘞尺碑記歲月。
血染蜀道猶兵戈，莫向夢中說歸骨。
去壓高雲縱復橫，孝陵左顧籠荆榛。
驢背古來龍虎氣，蕭蕭颺作髡枝晴。
死生興亡無可語，喚人空落乳鴉聲。

汪伯軒所藏翁師手札題其後

坐更人代萬靈馳，江介遺風隔夢絲。
恨未入山尋故相，築無等院看墓碑。
眼明零墨錯成行，怒馬縱橫老鶴翔。
一點禪心藏國史，欲移北斗接光芒。

挽沈友卿

經世高文照海濱，生還白下偶爲鄰。
能同茗酌參初祖，更辱詩編問戮民。
幽夢猶騰光怪氣，罪言忍負子遺身。
廢園顧影悲秋地，叢桂淹留失此人。

葛嶺憩初陽臺

搜奇徧湖山，葛嶺漏不數。挾輩穿桑林，棲鳥亦同舉。石徑吹秋香，人影溼微雨。向背列精廬，木杪浮島嶼。攀登獲壯觀，下唾十萬戶。遙岫圍長蛇，湖江互吞吐。飛揚鏡吹聲，葉底城郭古。曖曖初陽臺，仙人在何許。丹井污將竭，衆生誰活汝。一瞬小朝廷，草根蟋蟀語。

病山南歸，旋失其子，過滬相對，黯然無語，既還敝廬，念吾友生趣盡矣，欲招爲莫愁湖之游，收悲歡，忻聊寄此詩。

尋常寄興觸虛舟，過子何期對楚囚。於國於家成棄物，爲人爲鬼一吟樓。傳薪願緩須臾死，把袂猶堪汗漫游。我反稱天韓愈說，玄夫得及莫愁不。

善餘過話

頭顱影壁察霜髭，結習書淫不可醫。休校織兒南北史，一鐙留照許渾詩。君以宋本校刊許丁卯集

晚眺

尋仙竹杖擲埃塵，依舊鍾山作主賓。可憐橋畔波如鏡，不照佳人照偉人。復成橋上時有軍隊習操

晚步溪岸

照面門前水，歸逢減漲痕。波寒魚自定，風滿鵲來喧。束影新泥徑，邀晴老瓦盆。微傳籬落語，拾稻飼雞孫。杖外復成橋，煙痕斷未銷。闌干爲枕處，車馬去蕭蕭。枯柳親朋影，衰絃子午潮。招魂迷故步，山鬼入孤謠。

步月

禿樹垂垂立荒陬漠漠投增寒疎磬到生暈數峰浮鼠齧牆根石鳥殘溪上舟低吟微月裏成就一宵愁
冒鶴亭解甌海樵使入都過金陵詒以表章其地先哲諸撰箸碑刻賦此贈別

抱關錄錄更何求不狎魚龍狎海鷗乞食情懷天所鑒揚芬世業夢相謀英靈羅列成賓主文字流傳孰
輩儔遺燼江城逢又別看橫孤雁點神州

哀鄭叔問舍人

抱蜀人呼老畫師稽天大浸更安之偶喧都市韓康藥上接風騷賀鑄詞通德卜居增掌故南華玩世託
支離蓋棺殉以窮愁味忍向吳門表五噫君築室姑蘇通德里故有第五句

破山寺

虞山蜿蜒如臥蛇膚體青葵艸樹盛升降英靈秀南紀控湖供海專其勝迎旭竹篔緣陀陀好鳥揚音已
滿聽常建句中破山寺結構果然幽且夤巖分流幻蹟存不改禪房通曲徑有栝二株桂株一各越千
歲各瘦硬復繁古木陰廣殿柯葉交加晝疑瞑遊侶蹴踏五洲歸謂更入座氣與諸天定舊識老衲惜死
去住持月霞上人善講經殿戒律今世之高僧也未及說法演大乘當年故相作逐臣扶杖屢至親鐘磬收拾家國一團蒲非懺
非悟佛鏡映只餘題榜照煙嵐鸞鶴迴翔蛟蚪橫從來劫運銷靈窟繇繇神理初念印更逐黃蜂尋道場
樵路藥香無究竟

藏海寺覽尙湖拂水厓劍門諸勝

躋高面平湖，泱泱魚龍水。遠艇鷗點移，帆影殘霞裏。湖墻界畦田，麥苗烘蓼葦。畫史量邊幅，丹青浮一紙。寺臨拂水厓，長雷躍甕底。風倒瀑爭飛，四射萬流矢。其旁劍門椎，鋒鏑石齒齒。齒漫垂趾二分涎，肉亦虎咒。何年大力者，蜀棧負趨此。入堂爐香靜，收視味法喜。有僧參寥徒，雅詠壓案几。聊狀談詭觀，過與鳥翼比。

中秋夕看月

冷風改炎景，卉木凋繁枝。當夕流素月，燦燦盈階墀。羈鳥護故巢，鳴蟲揚其悲。病骸損氣力，穿牖披餘輝。湯餅應節候，復陳瓜果爲。起死保婦子，安問止泊期。皓首遘頽運，顧影戀須臾。歲時久止酒，自媚揮一卮。微醺循欄干，蒼然南斗垂。

病山同年和病中原作韻見示時值中秋於月下誦之復次韻却寄

涼宵大月溪山上，祇隔佳人共賞之。忽度鶴聲收滿袖，遙憐鵲影繞無枝。養疴壤榻鬼神下，送老殘編鐙火知。携酒煩招仙蜨至，丹初秋游西湖遇太常仙蜨與滙尹仁先各賦小詞紀之已忘魏首是何時。

起疴始觀愈園

閉置移溫涼，俯啄籠中雀。鄰園桂欲花，強步試腰脚。當門三兩株，藟小孕香薄。牆柳則扶疏，蠶絲列帷幕。新竹騰長蛇，出屋孰能縛。陟亭帶原野，煙嵐垂漠漠。溪色青琉璃，山光紫芍藥。夾日萬象翻，精眩營魄躍。北望載鬼車，長驅肆其虐。豺虎連輩羣，何地脫吞嚼。防師遮江岸，悲笳向我落。病夫一腐儒，憑檻還鑄錯。

胡翔東避暑牛首山寺還示所得詩因題贈

人海掉頭去尋僧牛首山酒腸滿石溜詩膽出天頑
瞰夢衆壑瘦懸吟清磬聞一琴聽猿鶴不忍負之還
仁先西湖寄東云重九前可相訪綴句奉報

不死貧重見初歸熟與親荷湖沾醉艇桂墅飲香人多難吟能救孤愁病愈真吾廬半規月留映笑啼新
長晝閒居

久以病爲業今如失業人拂廊迎蝶舞止屋作鳥鄰絲網迷晴葉鐘甌點細塵未堪携杖去聞角欲成呻
聞鳩

林巒曖曖帶寒晴出樹鳩來屋角鳴一片秋霄鷹隼影莫緣喚婦上高城

恪士病愈自滬至二首

相見都爲復活人亭亭皮骨雜埃塵與來照影青溪上添一漁竿釣錦鱗
徐翁竟返海棠巢重撫篁叢拂柳梢戀舊棲鳥如告語養生亭有蓋頭茅

次韻宗武秋夕書懷

江上聽潮非一朝驚蓬斷角共飄飄疏林鳥鵲銜晴出荒徑豺狼得食驕夜氣養燈違對菊愁絲織句欲
題蕉旄頭未落心俱死漫有寒盞百瓿饒

依韻和宗武見貺

老卻江湖落魄身長橋相望幾由旬早嗤瓿盎懸如縶終棄榘枿作薪人物眇然談麈隔山河改後漚

巾新閒宵苦竹聲堆屋吟雜秋蟲共笑人

次韻宗武園居雜興

臥負尋墩一往心長雲老雁又飛臨下簾自撥烹茶火搜篋曾無賣賦金明滅烽煙穿遠夢離披花草溼
低吟鐙前羈緒誰能理滿郭西風飄夜碁

九日對恪士茗飲

溪山寂寂過重九閉關箕踞兩病叟遠寺微傳鐘磬聲吟堂對茗相媚嫵階前稚菊怯未放屋上閒鳥晴
自舞鄰園桂枝雖爛漫可鄰避作風光土恪士下榻敝廬不居園宅憶昔登高海上樓龐眉野服從勝流嘯歌蕩漾蛟
蜃氣雲木參差鴻雁秋幾歲乖離負佳節涕淚沉傾者舊折壘止庵相國王萬國兵戈浩縱橫九霄氛禘
且蟠結吾儕呼吸敵瘡痍緩死何顏尸養拙猶聞殘侶宿焦巖波上藤蘿缺月銜擎杯莫戀臨無地須汝
開愁兼破睡仁先書告偕海上舊游三四人於焦山作重九隔日訪白下

月夜遣興並懷焦山游客

夜半寒光漏千里下浸樓欄溼案紙風枝分挂一絲愁吹落鄉縣呻吟裏空中澹澹木樨香露襲匡柴止
酒腸却付幽人借僧榻蟲語江聲低復昂

久晴逢雨

愆陽蘊沴疾疫不可禦萬方鋒鏑餘益連哀嘶苦穹執回斡一滴或活汝今晨交長陰木末蕭蕭雨

溼階芙蓉披潤砌，菊蕊吐佳聲。几杖前琴意，澹環堵散風塵。旌纛破塊滋，場圃冉冉林。烏還杳杳，海鴻舉。傷別損寤歌，延賞缺清醕。

和宗武曉起對菊

階前放菊小如錢，雨過晴初亦自研。欲挽蝶魂殉盆鉢，忽移雁唳滿山川。落餐空記行吟地，晚好私成共命年。退之有鮮鮮霜中菊既晚何用好之句公對南山寄籬下蛤蜊照酒更誰傳。

次韻宗武偕過仇徠之倉園觀菊

遮眼車塵鬢髮疏，携過園館接郊居。晚花自秀風霜外，奇服重逢夢寐餘。一水銜晴魚逐隊，萬方罷戰雁傳書。邊愁不到看山處，清景追摹落木初。

冬晴游胡氏愚園

離離苦竹夾寒塘，菊檻低噓石氣香。迤邐陂陀封敗葉，參差亭閣點微霜。十年夢隔承平宴，萬象晴翻嘯詠旁。澆茗祇成穿柳去，殘鴉殘客共斜陽。

始春初堂望鍾山餘雪

餘雪冠巖巒，高高水上看。笳音切雲起，馱影帶橋殘。釣穩魚痕長，晴完雁背寬。引春文石徑，梅氣自生寒。

鷄鳴寺倚樓作

晴磴輝初服，虛樓盪醉痕。劃洲如線水，衛郭落鐘村。逐鷺旗邊合，羣峰雪後尊。留窺窠底月，井口出啼魂。

正月十七日探梅俞園感逝成詠

紅豔豔初胎依然手植梅年年花滿眼湖海一歸來欄楯迷前賞風香寫獨哀魂兮尋月下應伴繞千回
翔冬示上元夜對月之作次韻奉酬

抱古向天語姚灣一士癡逢迎銜淚月飛出寫雲詩笛冷城頭客巢安葉底兒挂霄明寸夢過有羽衣知

雨花台登山

霽郭開吾意孤尋瘞血岡放春茸短短翻野吹茫茫石顆蛇遺卵濠園鼠養瘡難忘隨牧豎飛雨在殘陽

南城外劉氏廢園

度阡穿亂塚倒眼舊過園斥廢留枯樹追攀倚斷垣池魚吞石氣籬犬吠詩魂滿抱織兒恨依稀故國痕

莫愁湖看雨

休蹄浮磬野溼鬢落髹椽半暝湖吹雨一痕山臥煙亂愁鴻雁底舊句虎狼邊對茗魂相語葦坪換歲年

遊孝陵

穿郭趨斜徑晴雲片片逢春痕新草木巖氣隱蚪龍殘甃同遺壘孤亭到晚鐘古悲收載去仕女莫相從

同袁伯夔絜漪園觀梅

單車衝雨去花盛舊園池一徑曾扶醉三年得再窺香寒蜂避屐影好鵲存枝飄夢東風滿安知主客誰

鶴亭移監丹徒榷關來金陵邀酌水榭寫示離詠

抱關無一事坐領好江山歌誦歸能者英靈盡喚還古懷迷醉醒天運保癡頑偶過分魚炙傳詩溪水灣

吳慶坻

慶坻字子修浙江錢塘人光緒丙戌進士官湖南提學使

秦亭山下作

宴坐向林薄客懷殊悄然千山寒作雪一艇晚衝煙稔歲驩村叟幽棲緬昔賢葦花楓葉外詩思寄誰邊

雨中度百牢關

百牢關上逼青層七折危坡策蹇登雨氣東來接嶓冢江聲西走出嘉陵畫分秦蜀知天險細說山川有客能少小曾經今老矣恨無奇句狀峻嶒

余肇康

肇康字堯衢晚號倦知湖南長沙人光緒丙戌進士官江西按察使法部左參議有敏齋詩存
九日菊花未開止齋招同益吾祭酒仲芳中丞覲虞太守觴於葵園有作

葵園雅稱碩人邁九日相招喜再過包孕滿枝花不放矜嚴一飯客無多秋高更莫陳金鑑風定猶教想玉珂同向衡陽看歸雁銜盃休問夜如何

次均郭穀詒振墟見贈之作

幾年不見林宗面兩地情懷各感秋衆飲何須分醉醒著書強半在窮愁與君文字論三世顧我滄桑此一樓聞說江天波浪涵驚心楚尾逮吳頭

題郭涵齋黃山畫松二首錄一

黃山蒼翠出塵埃太守鋤雲種得來萬壘龍鱗齊赴腕訝君簾下有天台

岑詩簾下天台松

移居倦知廬澗園贈詩適涵齋招同澗園集壽會閣重爲文正作生日卽用其韻從輿中成二律

東同座諸君二首錄一

把酒一爲問天胡此醉時喜逢郭有道

謂涵齋

輒作魏無知

澗園令子經予招襄路政

不死何須藥偷生只贖詩祇今孰

園綺言采漢家芝

勤生從姪初度詩以示之

杜工部醉歌行爲從姪勤作四月二十三日爲勤姪生辰兒姪輩爭聯句祝之午牕無事因借

工部此詩質韻足成二十八字以助其興安見吾之姪勤不如杜之姪勤耶

喜爲阿勤作生日少陵於勤亦從姪老夫一笑借詩來會是排風有毛質

倦知廬晚坐

靜夜一燈支瓶花半褪時硯凹將墨補牕隙有星窺淪茗唇先潤眠書腕自欲聽兒讀文選山鬼不吾嗤
九月九日穀詒折簡招游天井山以腹疾不赴詩以謝之兼柬坐中諸君二首錄一
久厄河魚困莫支鞠窮麥麴窘良醫一盛旨酒雖然好褐父相嘲共睨之

謁座師楊雪漁先生文塋墓書痛

送我秋風去孤公卅七春白頭門下士青眼家中人痛忍十年淚師以戊申歸道山今年矣差完萬劫身死生都莫說儻亦念遺民

曹東寅學士廣權客寶應得喬侍御可聘縱權園遺址築室居之屬余爲作南園記甫脫稿唐涉

江同年晏來索題湖山招隱圖爲國初某目天先生集同時諸名流廣續畫成首幅卽侍御

子石林侍讀萊手筆自題云目天過訪草堂索畫因作寒梅老屋蓋卽縱權園也圖中有顧琴

畫於拓溪喬園尤爲縱權園確證東寅方以得名人故園爲快而余乃於數日間旣爲作記又題斯圖不期訢

合甯非奇遇涉江固不識東寅目天亦不知誰氏當貽書屬東寅就近探訪以期徵實亦亂離

中一韻事耳

不斷雲煙各有真一時老輩盡遺民就中炯炯天之目借問先生何許人
南園今已屬陳思我甫抽毫一記之名畫名山分管領又從君讀涉江詞

題杜茶村先生遺像

茶村詩聖五言長博帶峨冠變雅堂靜掩竹關酣睡足午天一夢到羲皇

問百詩稱變雅堂五律爲詩聖茶村爲竹關午睡則外齋之客

至不
敢叩

勝國黃岡一遺老蔣山鬱鬱寄孤骸孝陵風雨詩魂在可有梅村與牧齋

題明姜如農給諫塚 斲雕復樸遺硯爲劉君腴深善澤作

思宗不知人自知更失真等足亡其國何分君與臣易相已紛更戮忠尤大誤長城徒自壞坐不納諫故
寇警日以亟朝政日以非失地日有聞禱天空爾爲森森姜給事一除諱與忌首闢蜚語蜚二十有四氣
論劾錢天錫語侵周延儒格非鱗輒批辨姦心必誅雖言溫室樹要是史魚矢縱然不嘗省何致寘之死
午門一百杖已作楊左徒儻非賢弟塚疇以口溺蘇生未宣州戍死求敬亭葬耿耿愛君心國墟不敢忘
明人尙氣節愈杖而愈烈神物三百年撫之血猶熱當其落紙時淋漓可想見肝膽不可磨嗚呼視此硯

汪君鷗客

洛年

別廿餘年矣海上重逢出紙索詩爲拈四支韻得三截句

三十年來老畫師相逢留得舊鬚眉卽今漂泊干戈際不貌新知貌故知

回首黃樓宴符時武昌魚好共烹之梁髻墨妙成雙絕一幅丹青一幅詩

節庵最重君畫每出一頓必爲題一詩其上

恍到滄州認愷之又從輞墅識王維寥天別有汪倫在潭水桃花無盡期

逸社第七集乙庵以寒林坐臘圖屬題二首錄一

龍湫古木鬱雲蒸，趺坐如將白日昇。
萬籟寂時僧一個，千山絕處佛三乘。
談玄身擁皋比座，入定心危虎尾冰。
老學庵中漢家臘，金剛不壞總相仍。

太夷招飲海藏樓看櫻花有詩卽席次均奉酬二首錄一

扶疏繞屋樹交加，獨凭樓頭醉晚霞。
不許春城共欣賞，底須無處不飛花。

寐叟從禾中省墓回滬詩來存問次均奉答

十日一爲別，歸來復送春。
言從南邨宅，又汚去聲元規塵。
重我松楸感，望君雲海身。
空山獨不見，惆悵兩幽人。

題潛江李小峯自繪鶴山小隱圖

不纏十萬上揚州，獨訪滄州顧虎頭。
老去丹青自摹寫，空山與鶴共歸休。
牛背吟鞭不可蹤，漢書濁酒雅相從。
祇今豈復人間世，聊作游仙貌赤松。

楊錫侯同年寄示登天心閣詩八首，忽忽久未屬和，頃復來自長沙，縱談甚快，賦此餞別，卽作報章。

楊侯好遊老不疲，歲一過我海之涯。
六十不杖亦不危，拓落人事和天倪。
少年雅工文選辭，近乃逼真杜拾遺。
出示天心閣上詩，草堂秋興真吾師。
長鑱白木柄，手持狙公橡栗分。
餐之忠肝鐵石古，鑑龜至死不隨國。
變移藜藿自糝才，充飢買菜稍稍求。
刀錐三丈夫子，四女兒賃廡樂與糟糠妻。
一卷冰雪常自携，淵

淵聲出金石，絲子髮種種。連旅羈白日，杲杲黍離離。天風摧拉枯桑枝，春冰虎尾心憂危。君來磅礴輒解衣，猶是同儕計吏時。一笑揖我謂我癡，楚囚對泣空尔爲。有字可煮饔，可尸卽是西山蕨。與微萬事一任天鞭笞。

爲張詵齋兆禎題其自畫清湖吏隱畫溪把釣誓水停橈三圖錄一

竹外垂竿好，夕陽板輿親。捧看賢郎迢迢江水雙雙鯉，都爲姜詩上北堂。

寐叟展重九日病起以答寬仲同年詩來索和同巷悲秋依韻奉答以廣之

鄰翁隔離語，莫代菊花悲。儘有霜枝傲，猶當晚節支。書空休咄咄，不可自期期。相對竟誰瘦，草堂秋興時。

馮蒿庵中丞令姪漱桐孝廉折爲築世珍樓藏其所刻書徵題作七截句二章二首錄一

石渠天祿舊詞林，獨抱遺經淚滿襟。阿叔非癡癡是姪，祇今誰喻鑿楹心。

七夕與澹涵老人對月偶成柬寐叟及逸靜夫人

秋光銀燭漾，猩屏翁姥于竝一庭好。月莫如今夜，月雙星同照。老人星自嘲，獨行眉齊案。見後漢書獨行傳更

喜鄰翁齒亦齡。滬上寓公惟子與寐叟七旬偕老欲共神仙成眷屬，天河夜氣自惺惺。

沈曾桐

曾桐字子封又字同叔曾植弟光緒丙戌進士官廣東提學使

石遺室詩話同叔勤於瀏覽懶於握管朋好書札皆終歲不作答於權貴亦然乙盦常言其少日吟咏流美可人然余識之十餘年惟見其爲匄齋尙書題秦權一首而已

題端午橋尙書秦權搨本

量衡同一昉有虞王制尺步訟漢儒明堂月令本秦作權概二字乃揭蘓暴秦嚴厲尙有法岷山持論良非誣程書衡石斟若一何曾黔首真相愚尙書銀手有如斷此權珍重陳座隅摩挲俯仰想微軀均本國語關石多紛拏疇人西奔昔抱器制度通變譯鞅殊墩量磅計積累黍起算悉自具拉摸商權在握首英美奉爲科律羣步趨方今聖人下明詔修衡度量歸同途亂名改作在必禁貨幣物價誰能踰尙書秉鈞宰天下如是權矣寧區區

王樹枏

樹枏字晉卿直隸新城人光緒丙戌進士官甘肅新疆布政使有文莫室詩

石遺室詩話近來北方學者吾所知當以晉卿爲巨擘肆力散體文能爲南豐古體詩時時學

韓

山谷詩有蕨芽已作小兒拳之句時河內推官張閣方蔬食誦經見之曰此忍人也今內子亦頗有此好因廣山谷詩意嘲之

黃父異人世希有辟穀留侯亦無偶張泌食菜不食心其性好生能不苟君胡佞佛違食餐日日惟知佛張口朝烹豚耳膏滿銼莧夕炙羊蹄氣盈缶重水戕渴雁膾頭夾陸截飢狸噉其首瓜驢皮燕領供匕箸黍馬面熊躡雜芳糗糝白刃割菁醢諸葛金鑊淘葵羹王母初驚鮮芥半臂斷更見肥瓠大腹剖拈髓舐指靦不怪竟日屠刀常在手嗟君咒佛佛不許君請解齋我飲酒

秋園居

連日雨滂沱西風勢更頗人心皆向菊我意獨憐禾烏雀愁窺野魚龍問決河蒼生豈余責歎息老農過
褒斜道中

素昔好山游平地起華岱此行苦攀陟慣見頗不耐褒斜道最曲盤折縹雲外冷猿掛枯條駭豹竄叢卉驚心懾險隘猛牴增愕怪孟冬遠行役霍霍走煙靄長風落天末萬谷生竽籟清流尚可入淨碧遠縈帶巨石截奔瀾觸疊高翠客子照華髮清濺琅玕淚何當濯煩纓翛然遠塵壒

過七盤關

兩部山河壯重關草木分煖花迎蜀日寒樹失秦雲蒟葉山樵飯撞華浣女裙眼中風土異更怕子規聞

入子午谷

薄曉發石泉冬日含春暉行行入層巖草木青不腓夜來北風勁吹起雲千堆天女剪寒花撒手片片飛
漫天三日雪不辨山徑蹊攀藤陟崔巍下臨千丈溪麻鞵踢冰石性命懸微絲一谷通秦喉萬險無一夷
當關塞丸泥諸葛不敢窺老亮慎用兵善正不善奇天心久去漢空作鷓蚌持惜哉魏延策一失不可追

鷄頭關

寒風出陰崖吹我度鷄頭重關倚層雲下顧猿猱愁衆水匯一泉滾滾東南流漢中大如九萬舍隨沉浮
南瞻漢王城片瓦不可抔當時逐鹿人零落同山邱英雄一骸骨千載空悠悠

龍門關

兩日山中行複杳如平垣崎嶇百里餘巋然見龍門修棧踣蒼虺首尾雲中蟠北峰祖羣峭羅立高曾孫
陰柯舞魍魎蠱愁猱猿頑龍穴山腹穿破盤古根一水入無底哆口汨汨吞西出吐涎腥駛入長江奔
女媧補天能失手塞漏坤吾欲探其幽趨起喪精魂

望朱圉山過羲皇故里

伏羌之西朱圉山先儒傳注相流傳朱圉反在烏鼠下導出次序毋乃顛昔與陶君討山脈陶拙存陳子爲
說洮西偏陳子康中有一山類伏虎兩峰夾之雄且殷朱圉祝敵本同義卓尼字變音流遷土司取名實可

證有若豬野訛居延古來地輿失圖學禹貢誤說尤連篤行行廿重近城郭羲皇故里豐碑鐫曾聞羲都
在天水遺址又復留秦安世儒嗜古好附會名人名地爭依攀驅車訪古日已暮下馬四顧心茫焉

絕句二首

死求封禪有遺書，尸諫何殊衛史魚。
自古斯文無正筆，漫將難蜀議相如。
諫諍深文著美新，法言直刺莽君臣。
紫陽自負春秋筆，重使狂生議古人。

衍齋

斗大衍齋甕大城，宦心詩思兩淒清。
溼煙深院芭蕉夢，細雨空林鶻鷲聲。
蝸篆桁楊紋歷亂，草連廳壁綠縱橫。
訟庭寂寞渾無事，偷得閒身學養生。

咸陽

亞夫陂畔柳扶疎，白起祠前草欲蘇。
往事已隨風雨散，荒原多是帝王居。
眼迷百丈秦樓鳳，夢想千年渭水魚。
惟有緇塵消不得，年年吹客上征裾。

六盤山

漁漁皓皓河上冰，齒齒鑿鑿山中程。
塞風吹雲天氣冥，雪花如拳飛有聲。
我今匹馬隨西征，鐵絲插腰雙劍橫。
走七千里足未經，寒陰剝膚凍涕凝。
柴骨粟肌捫有稜，固原羣山如合屏。
夜入三關曉渡涇，六盤巖嶮不計層。
堅冰萬仞高峻嶒，懸崖纚纚垂千繩。
石奔磴滑聲硃硃，輪折僕痛馬不興。
鶴鷗泣血蛇涎腥，攪父愕顧愁攀登。
飢鷗啄人燐火青，往往鬼哭聞嚶嚶。
下山投宿隆德城，羌婦高髻神鬼寧。
言語啾雜聽熒熒，牛酪駝脯土釜蒸。
夜眠人馬栖一棚，店人語我拉雜聽。
去年回漢牙角爭，大腹決脫未理平。
蠢蠢竟起

潢池兵大軍西來苦供徵農輟馬穀田失耕狐窟于室人逃生我聞此語貨淚傾枕戈不寐心屏營起視
夜色荒鷄鳴

節園雜感

粵若稽古初人類本有限生生逮於今繁衍不可算茫茫五洲土人滿實爲患喧填塞蓋壤造物亦思變
或弊之疫癘或餓之旱或夷之外寇或賊之內亂天生殺人具火器愈變幻疇其主宰是人力恐難掉
勢如泉始達更若火方燿殺機起西方終乃徧震且吁嗟生不辰過此更可歎

宋育仁

育仁字芸子四川富順人光緒丙戌進士官郵傳部候補丞參有哀怨集

石遺室詩話君有在西山望京華詩云烽火望平蕪流亡滿路衢萬山雙鬢白四海一身孤閨
左興羣盜宮鄰讖五胡殿前鳴野雉屋上起城烏北海何時接東門忽已蕪雞聲啼越石鵲淚
感堯夫豈料新亭泣俄驚亢圖陸沉飛海水參伐動星墟鬼竟謀社人誰入郢都全燕三
日舉空莒一人無此水傷鳴犢何庭哭勃蘇風塵方傾洞階地尙泥塗未完之稿也

甲午感事

萬馬渡遼河三軍夜枕戈城亡諸將在律喪兩師和伏闕書何用憂時淚苦多節旄真脫盡歸雁望雲羅
不見榆關隘千營潰一驚潛師謀鄭管贈策失秦庭星火催和約樓船息戰聲如何聞越甲不恥向君鳴
萬里望君門論都已枉論餘腥先失水猿鶴自乘軒東海慚高蹈西鄰畏責言嘔心餘有血夜作海濤翻

庚子出都留別

銅仙辭月易潺湲曾指銅駝戒夜寒果見陸沉飛海水却看日近遠長安側身天地驚龍戰反掌風塵怨
烏翰坐聽宮槐悲落葉不堪此客獨南冠

西山化鶴復來歸城郭人民事事非日斷嵇琴成絕調袁許被禍日余奔西山聯軍入京始由西心游羿

殼願忘機請看國破家何在還望天高照肯微鐘鼓寂然誰問闕臺城空望紙鳶飛到京三日始得望端

乘輿所在詳
庚子國變記

黃塵九陌轉驚雷天馬如龍豈有媒獻賦十年猶漢戟訪碑重譯見秦灰青詞他日無家令黃襪當年識

彥回一繫驪駒辭帳飲別腸堪斷不勝杯九月既望去京時便宜坊已
開鄉人醴飲作餞辭不往也

無題

繡被重薰暗記芸守宮夜搗麝成塵低帷獨憶疑雙笑對鏡私憐是兩身試弄珠游到東海學吹簫去往

西秦明河直到秋深見忘却傷春過一春

瑯環深處有仙居闔苑何由附鶴書玦後又圓三五月中惟畫一雙魚寒鸚驚夢春猶喚煖麝留溫曉

尙餘獨愛夜吟風露冷只愁斜月半窗虛

鳳舊詩三十四首錄六

東人高閣自登樓庾亮平生俊不休棟折一言偏寤意有人廷尉望山頭

李合肥翁常熟兩相國師甲午之役合肥為朝上所排常

密查覆奏其心無他乃以大學士入閣辦事余自使問辭歸見常熟不禁傷瘁歎曰棟折榱崩言未既常

廷尉豈能廷尉望山頭遂作難兵事

廷尉豈能廷尉望山頭遂作難兵事

自許江陵業未終蓋棺功過論何從欲留強飯他年社早悟棲塵訪赤松

孫文恪尙書師公初柄政泊處兩宮危疑間遂引疾孝欽太

后再訓政欲復柄用卒告疾不起俄終

青蒲造膝淚空揮荆棘銅駝事已非到死無言看日影似聞白首怨同歸

許竹簣侍郎師己亥立儲為內禪各國暗持保護義乃因民

仇教發難圍使館以逼內禪欲宣戰召六部九卿集議御前上持不可顧問許景澄且揮淚引

其手伏殺機矣余往見師問狀師云見銅駝於荆棘耳且屬避去臨辭再語曰此勿向人道

開篋見君前日書新亭淚盡到今無可憐垂白相逢日幽憤猶聞怨少孤

袁爽秋太常卿

六官經緯落天西揮手春流散馬蹏果見神州飛海水遺經獨抱獨沾衣

劉培邨京卿首二句培邨贈余出洋八首中語

王文敏祭酒庚子之役君奉

命督內城守出示引周禮殺人

及一媿投井死時論謂其畏而死余獨謂謀人軍師敗而死之義也

秦樹聲

樹聲字右衡一字晦鳴河南固始人光緒丙戌進士官廣東提學使

和漚尹枉贈五古

三蟲告天歸亂笑飛度語吾君太行獲畢數在雕虎肝腎日淪剝蒜髮擢春縷夜氣何淒淒銀釭欲終古

葉在琦

在琦字肖韓號稚惜福建閩縣人光緒丙戌進士官監察御史有稚惜詩鈔

石遺室詩話肖韓詩力避流易所祈嚮在山谷后山筆意簡練惟結處往往工力不逮

道出普坪逆旅者弗至覓村店宿

石牀枕壁聽飛泉空山夜絃聲冷然麥飯未熟飢欲眠危坐咽氣疑學仙須臾屋瓦漏星斗明月窺牆照
我酒癩瓢哆口大如缶言斟酌之旨且有提壺勸客筭饌新如此一醉人情真我雖不飲愛酒人十年前
亦鷗夷身

林贊虞丈出守昭通之官過黔贈別三首

長孺忠鯁臣臥治典一郡帝重二千石擇賢出邦憲况軫邊氓窮宵衣廬清問烏蒙磽瘠區百產闕轉運
比年累歉收婦子乏餽餼流亡入鄰疆風雪挾敝緼頗聞今茲秋可無頷願恨况又五馬來襦袴振貧困
吏人畏直聲屏息戢豪健猱獮皆家人睢盱聽明訓政成召和甘寒暑混咨怨春風蘇枯壤吹萬有宏願
崇朝天下霖興雲自膚寸缺徒豈敢私頰首節旄建實事副大言乃不媿拜獻誰云儒術迂卑之勿高論
京洛涼風來階墀秀佳菊出門畏秋霖泥潦膠雙轂城南邸居日擁書坐齋屋豈識行路難終日跋巖谷
黔山無紆徐阜衆若窮蹙西行望溟雲亂峯更奇蟲盤盤關索嶺高揭據腰腹往來塵滿衿辛苦藹在足
境連無撤疆人半奢安族光陰問場市村寨覓簞宿久客慣荒程漸於風土熟此去秋漸深薄寒起林麓
呷酒可辟障郵筒旨可蓄曉發耐煖佳行裝換禪複起居望精調長涂頌載福

齟齬迎高軒客座親妙墨初知學波磔塗鴉常侍側甚荷容頑陋質許磨拭睽違重相見吹竽濫清職
學步瞠乎後蹒跚怯無力同時侍從班公書最傑特天然擅風華意不假雕刻比來愈高卓下筆成典式
臺端索靖碑論古詣精域喜聞前驕過寒廳覲顏色久別猶虛庸盛望媿難塞驪駒不可維送行已曠黑
探懷出絹素匆匆那敢迫請附書篋行期寄郵筒得郡齋知近山春秋好登陟使君今蘇黃摩崖待鶴瀆
辛卯臘謁王文成祠一登扶風山後未再至蓬史觀察以重游四絕相示依體答之
指麾吉贛下王師露布還朝無侈詞辦賊無功說心學魏公鼯睡豈良知

登盤山步入天城寺偕陸申甫徐計甫汪蘭楣同年

入山不見寺山徑隨松行邀我山中吟松風吹水聲我疑開山人無此種松手萬皺了無迹鬱鬱蒼虬走
虛空染繚綠巖色含深黝平生邱壑胸到此媿無有佳哉松蔭下石磴平如掌忽然兩磔硤陡失晴沙輓
似呼客下馬意易芒屨上精藍在林杪出沒經幾轉登高眺故國風物略能說皆言吾鄉山佳處相髣髴
故山謝逋客山好豈屬我真是挂衣冠隨地誅茅可相然謝未能此福歸山僧

風雨後復盛熱讀颯發有感篇次韻奉和珍五

憑仗風前扇手清那如蘋末送潮生空山衆竊疑聞道危枕愁眠故善驚若爲太虛洗溟滓可教健羽去
飛鳴野人自幸過新穫幾日村酤恣意傾

數日不晤有懷再疊奉柬

依山例得飲泉清雨定茶煙裊裊生小住已看生魄又畏炎先爲晚霞驚連年逃暑堪多感竟夕聞蛩底
善鳴等是深居希客至貯愁滿抱不曾傾

奉寄獻恭叔父

寒漸緩緩回春流閘河不任浮輕舟空齋臘去六十日短梅疎花爲客留梅花留客看春雪三月西湖有
此不浙中山水夙緣重官轍過處皆曾遊昔來趨庭不謁郡瀟灑題詩八詠樓今來下車諭父老鄰邑人
識新君候中年最樂奉親事況自官舍涓蘭脩愉愉門內滌膾器善氣已動輿人謳琦也弱歲從諸父僧

院燈火春徂秋棲鴉暮滿窗外樹斜月照見低枝樛依稀此景但疇昔輾轉人海嗟萍遊新歲嶺外有消息阿叔奉檄歸梧州仲兄忽別數月蹤跡尙滯藤溪頭惘然當別念家事未敢孟浪干時憂都門送人已屢屢居者不去寧無求頗思十畝有收穫勝似朝市爲身謀高堂康健慰遊子寧瞻邱費無歸休親慈自望可樹立力薄欲進途無由求才政亟汰冗長太倉鼠雀能勿羞還家溫清帥羣季何有鬱鬱思八騶
六月廿九日偕家頌垣編修陪何璧流觀察至城西甘檉諸鄉省蠶翌日歸憩長慶寺過午

深堂笛簾倦且休一女不織誰之憂白沙赤日江路靜溪叟訝見來颿逾殊知客至意不惡難得官府前無騶數行檉柳出籬落軋軋若有機聲柔邨人種樾已成樹道是故相甘棠留蠶忙鄉俗亦禁火競市餅餌無蒸漉年年蠶長食不足中婦獨爲求桑愁公言吾縣號蠶邑稻熟那及新絲收邇來田直動三倍郭外彌望桑區稠丁寧催繭有火候珍重支箔如安箒要知絲好看縲手鹵莽而穫耕夫羞官蠶爲若作師法浙粵異畛元連疇水鄉易潦歲比歉俾病之棘於何瘳可憐本富坐自棄菰莞苦自爭新洲羨君簿領獨殊衆富民佳耳非歆侯公行監稅更念此山郡寒窶須長裘歸循蔗町過蘭若午枕正借禪房幽僧園有桑雜蒨樹風致宛似官莊不更陪芟舍肯憚出父老甚喜公能遊

烏石山新樓雨中吟集用范石湖清心堂觀晚菊韻呈俶玉丈兼爲叔伊丈送行

山樓糾詩事難得吾髻到簷陰別一榻燒燭雨中照髻從人海歸看俗頭先掉維摩繕病室新爲聯床小故應與不淺並轡游未了茲吟算鄉物老輩尙妍巧可紆陶謝手聽鉢時一笑買魚雜蒨芡容易雙瓶倒

偶携孤句雋足遣千愁埽忽驚客旋去門外驪駒蹶

一 俶玉示牧謳和甘二集讀完仍次范韻奉謝靳示新製

丈人戰勝者木立是養到鬚眉倦江海歸向止水照滄桑眼前過何物更心掉春陵語深痛賊去賴城小
未如牧謳苦得退悲自了心長爲撫字安識拙與巧將官換一集展卷應可笑橫流知焉屆世事尙顛倒
相從願卜居自任茅茨埽時聞蘇門嘯清憂絕羣譟

舜卿吾甥瀕行出扇索詩賦此識別

長安能聚人親舊得相見翩然帆江海蹤跡但如燕奈何輕去鄉苦爲生事遣子來欲何營未至切吾念
大河冰已嚴北風捲飛霰南窗見晴旭病客下牀薦邇時寡歡悰握手一笑拈子今未立年已閱興替禪
藏山在屋裏此福故難擅向來好園林展轉若更傳吾生所更事莫大滄桑變如我判當休摺扶望時彥
都城高峨峨萬物湊京輦馳道非昔年帷裳少汗濺時花傾城姿妙在著僧院吾居城西偏獨與看花使
西山亦未遠咫尺接湖淀吾病誠未能子游豈遽倦佳時忽告別顧我復迴戀歸將客殊國學失志修繕
留汝竟無辭今別何當面再逢定秋實不但才華絢杜陵愛李潮意豈爲誇銜到家春夏交風信過芳棟
看詩應念別珍重及茲扇

張元奇

元奇字珍午一字君常號薑齋福建侯官人光緒丙戌進士官至奉天巡按使有知稼軒集

石遺室詩話君常少擅鄉曲之譽冠冕儕輩自通籍以迨入諫垣中間還鄉主講席與陳弢菴
開學鄭澹菴編修葉稚惺侍御諸人相倡和切劘幾疑詩能窮人出守巴陵正所謂得江山助
者移官遼左十數年來雖匆匆不廢唱渭城非復曩時旗亭畫壁之侶矣集中句如君房天下
妙言語大范胸中皆甲兵劫後瘡痍人望歲軍前笳吹氣如山暫借一龕高廟地略消萬里故
鄉情皆極自然

聞馮庵病寄此奉訊

相見不能數霜風忽淒厲聞君有所苦旅窗常晝閉嗟君老湖海豪宕氣蓋世晚落世網中承明思謁帝
得官如僦屋僅取風雨蔽詩卷高一尺浩若無涯際中多人未言百千萬妙諦亦復祧倉活人無鉅細
冰炭果何物足以置胸次無乃將奉檄

時新選博野縣知縣

憂時日橫涕南淀雨添肥西山秋疊翠且抽眼前身追

游願並轡

七月十五夜弢庵丈同又點泛月螺江各有詩來再疊前韻奉和

看月面山還面城城頭塔影雙金莖孤亭獨上秋宇霽明蟾怪我寒前盟此時螺渚在天上犯斗照見銀
植橫各携詩句餉良夜潛虬出水聽且驚雕鐫不憂造物忌蠶叢字裏爭純兵明朝蹤跡落人耳仙乎游
戲排方瀛繫繩難使白日駐澄膠幾見黃河清拍浮且復永茲夕隕顏同向尊前賴世間樂事孰多取君
遺其粕餐其英池泉一尺媿江瀨牽船何處容欹傾峽南峽北我曾到舉頭便欲馳遙情頗憶去年話滄
趣曉風斷渡稽江程安得弄舟狎鳧鴈打門重聽枕榔聲

和韻答肖韓

今日遠不如咸同奇聞驚倒百歲翁毒蛇猛獸吮人血坐擁山海方憂窮六爻失位多悔吝庚子以後占
尤凶舉棋無定彌可哂人士擾擾知焉從弛閑一派尙盧孟抱墜孤學矜天崇西鄰啓宇不斂手遼山坐
棄杏與松往時金田止燭沸後有文正前文忠如何接武百十輩摸索終在稠人中娶妻生子子娶婦我
未五十先衰庸早來補闕冀吾友勿使弋者思冥鴻死生事小豈足念正如雲縠過長空願與歲寒共形
影樂同翁翁憂忡忡

高嘯桐入都出迪臣太守孤山補梅圖屬題

詩人作郡有輝光記劇寒雲活古芳幕府賓僚知逸事湖山冰雪見收場春風繞樹栖魂魄夜雨枯棋剩
淚行我亦一麾思乞外不知飄絮落何方

嘯桐復以迪臣影片相贈感系一絕

道氣從知老益堅遺姿重覩倍悽然人間何世公歸去死後杭州更值錢

送濤園京兆提刑山右

淮陽美政吾能說晚復承明共朝列中歲相看白髮新各有心情皎冰雪嗟哉首善久不治泉幣日荒兵
備劣跨坊籠街誰則賢兩載自慙鯁在咽君來能獨舉其大急蒐軍實徒豪桀閉閣真教枹鼓稀伏蒲時
補省臺闕大材一身備文武隱患三輔銷萌藁走馬何傷張敞賢哦詩不拾昌黎屑豈知公言出綠衣前
後提刑如合轍橫汾雪涕不忍渡西去傷春聽鳴鳩憂讒何來弦上箭觀空但付劍頭映沈舟病木紛滿
前不論是非論巧拙頗聞遼瀋兵禍解開府陪京爭持節選官未厭強鄰心刊印空饒說士舌太行萬疊
插天高勸子驅車過九折但祝平反囹圄空不應悵悵河梁別

濤園將出都復拜粵臬之命次其留別韻爲贈

制誥新頒崇文院拜除旬月忽再見贊皇出鎮獻六箴盧毓公才經百鍊粵莽未清波艦來嘒帆海置要
安奠廟謨方深南顧憂選擇使子邦之彥居官何須棄妻孥忠事終可回宸眷祖道詩多酒不辭輦下故
人急開宴黃蕉丹荔近家鄉眼中翻爲此行羨我作朝官二十年驚庸不識乘輅傳他時乞郡落炎方請
君置我戎車殿詰兵弭亂事亦頗癡夢南柯何足戀昨者有詔寬獄市尙德緩刑霽雷電一朝鉗網掃無
餘坐聽歡聲騰赤縣嶺嶠萑苻號難治民玩法律俗詐變賢吏賢吏嗜殺人至今踊貴而屢賤君本白雲
舊曹司提點終還削瓜面海風連日漾行旌柳色游絲滿郊淀尊前未肯廢唱酬媿以野饌雜芳薦龍圖

故事有新詩歸裝不載端州硯

送周松孫出宰如皋二首錄一

腹中無城府而有千磊砢得酒輒傾吐機發不可待醉時多詆諆既醒當亦悔劍戟滿世途遇伏子其殆
此行親吏事再見知幾載稠中識次公江淮照文采良玉比君子肯使微瑕在干鏤鋒可寶蓋桂性休改
剛腸要有用善飲但樂豈君看阮步兵何如彭澤宰

留別老牆根舊宅

生世如短檠特留牆角迹去住亦偶然胡爲意不憚城西類野處地闊無巷陌花市接街頭山翠當門額
五更過駝羣鈴響連數百任嘲墟墓鄰勝傍王侯宅庭中故多樹藤花尤奕奕只慙漚漚疎生枯不自惜
天復欲徙之沅湘縱倦翮明朝彰德府後日信陽驛洞庭八百里盪胸豈云窄持此畀良友中有吾詩魄

碑借將入都
仍居此屋

漢陽寄葉十一

君方還闕我之官累歲參商一聚難多語早知非俊物相思何計覓清歡願居禁闥心長已自放江湖夢
漸安剩有巢痕望護惜紫藤花發幾人看

大風夜泊岳陽樓下

妾孳留滯漢江隈獨自登舟謁府來衆水交流人事急下弦無月雁聲哀見燈知與州城近擁被閒將世

局猜薄宦未消湖海氣更何懷抱不能開

十四夜雨後見月喜家人將至

拋却京華不自憐浮家楚澤且隨緣
夢縈青草湖邊路春盡黃梅雨裏天
坐擁山城長寂寂起看江月故娟娟
人間離合如圓缺便爲良宵一颯然

禱雨岳陽樓歸不成寐三更雨大作喜而賦此

子京作郡百廢舉我今不能至一雨皇天高高呼
不聞設壇爲位坎擊鼓衡永長沙浪拍城三府饑民如
蟻聚垸堤決盡廬舍沈亘數百里無乾土支祁旱魃爾何物
分據州邑肆侵侮湖民夙以水爲鄉知有龍神無田祖樓前
洶湧浪如山不及馬頭涓滴普晨興旭日挂扶桑千里無雲
見晴宇東海隨車願偶奢峴山張蓋象爭覩占星中夜急披衣
離畢滂沱月旣午四山銀箭貫雲飛便是家家續命縷不教人
說使君賢但乞天憫吾民苦

遲叔伊不至以詩來次均却寄

雄傑湖山古大州登樓一眺釋千憂
江湖夜靜時聞些庭草秋深不繫囚
見說嘉賓猶入幕可因安道竟回舟
壯懷隨處須馳放莫使金羈絡馬頭

秋日雜詩

九江奔赴腕底七澤縱橫眼前欲放筆
端奇特但覺煙波渺然掩鼻效洛生
詠抱膝爲梁父吟此事豈關

出處不道銷沈至今常爲高人懸榻不聞名士過江詩成與誰共賞聊供遮日糊窗衙兵借鋤種菜竈婢縛繩引瓜路藉破除官氣不知優耶劣耶路旁碑已作礪堂上牌徒代薪美政不值一噓自欺何苦欺人去日可惜可惜清歌柰何柰何鏡裏鬢絲已改坐看事業蹉跎

澹菴因叔伊不願內調寄詩請爲勸駕次韻奉和並寄叔伊

今人愛誦石遺詩詩筆縱橫近益奇一世才名空偃蹇百家學說待論思林花已悟飄茵旨劍氣甯忘出匣時衡岳至今留芋火爲君重叩嬾殘師

別洞庭

郡符不久握洞庭望猶迷留詩岳陽樓乞水武陵谿魚蝦賤若土餘糧畝常栖沿湖多新畚拒水憑垵堤亦或苦潰決一熟無饑黎諺云湖南天下足兵荒已過眼今歲歡鑿婉終身守樂土遑計官職低云何捨之去遠涉遼東西榆關俯渤海塞草青萋萋九月卽飛雪邊馬聲酸嘶朝廷固邊圉元戎新析圭重定漢官制蔚然生雲霓下收拳曲材謬與松栝躋竄身老蠻微尙有雲憶泥泯莽世事急解結無錐鱗棄繻語何壯只恐湖神詆

渡雙岔河

書生能事真堪嗤三日騎馬寒侵肌曉來霜華壓瓦白蜷伏入車如鸞癡大河前橫忽照眼怪石錯列留殘棋一石最巨屹然立旁羅數石形尤奇旋渦峻急挾碎石勢與馬足爭奔馳兩石中裂容一馬車過其

上危而敵人聲水聲難鼎沸數騎前導嗟已疲俯視馬足如篙槳左右撐拄無停時賦命窮薄歷諸險惡
溪毒水安敢辭僕夫語余此其一尚有十八河流歧

北夫餘永樂太王墓碑 有引

碑在輯安縣東五里石方形下豐上銳高二丈七寸文凡二千餘言用隸書周刻四面多叙征
服百殘新羅戰績蓋東晉時代物也

行邊日日窮幽探追搜山北踰山南賓僚好事並騎出羣山疊翠江拖藍城東一碑插霄漢年代事實誰
能談解鞍親爲剔苔蘚辨別句畫吾猶堪鄒牟開基著聖蹟傳世十七無媮媮永樂奮戈闢境土城郭禍
亂親平戡四鄰賓貢忽晏駕山陵鑄石留巉巖上書功德並年月下逮鹵獲女與男百殘新羅互叛服步
騎所向森鋌鏃中有一戰涉倭患東瀛古史資旁參國烟看烟定韓語約略戶版同鄰鄰平穰鴨盧猶足
考平穰作平穰
鴨綠作鴨盧近世紀述何其隍山麓傳有將軍墓古寢大隧深潭潭以碑證墓當合一地勢連及如斬
騶八分變楷入晉派惜闕名字徒疑含石高兩丈字兩寸四周鐫刻今猶慘歷年千百脫劫火墨花斑駁
生秋嵐陋邦莫道無可語韓陵獲觀吾心甘願假氈椎臥其下飽讀三日敬朝簪

天色沈陰乘馬過麻線溝大嶺欣然有作

山行最喜結層陰嵐影風絲欲染襟迎面一峯疑路斷打頭亂葉識秋深窮村偶落飛鴻爪遠道常存愛
馬心桑下忽忽無可戀手攀飛鞚過遙岑

挂牌嶺以西岸巒略奇至葡萄架嶺復皆亂石矣

東行已逾月日與山相見山亦無足奇延袤及數縣累積但頑石不爛亦不變重重互包裹中通僅一線有如尸位官粗野寡英彥縱具巖巖瞻終爲人所賤又如爛文字無處覓佳傳反覆千萬言坐使目力倦今日入懷境略爲出生面豁舒力士開慘淡媧皇鍊所惜過眼空飄瞥若飛電平生噉虛名嘉果有餘羨何年化亂石礙道折馬嘶夷險過亦忘行跡萬山徧

將至安東渡靉河原野平衍縱眺可喜山行一月幾不知世間有平地矣

複嶺連雲鳥不飛東來無際豁煙霏河魚正美冰花薄山繭初成柞葉稀中歲埋輪思自劾窮邊按部久忘歸揮鞭一縱平原眺海色隨風欲染衣

哭葉十一侍御

人間所得亦毫芒一瞑知難與世忘病榻馳書憂許事寢門爲位哭他鄉韋弦舍子將安佩形影從今只自傷四十九年窮不死用蘇句老來誰與說行藏

綁票行

國貧無幣代以票盜窮無票代以人東家大戶我金穴西家小兒我財神鬻匪呼所綁者爲財神迎神刀在手縛神馬後走有金送神歸無錢馘神首呼冤縣前槌大鼓兵胡如鼠盜如虎搖旂點兵捕盜來嗚呼盜去兵不

回

冤塚有序

甲辰日俄構兵關內商民七百餘人挾有俄國羌帖日軍疑爲俄諜同日坑死於康平縣署西牆外至今叢葬處夏不生草秋冬地成白色或以爲冤氣所結也

死不化秦坑灰生不作田島客七百餘人同日死白日無光血成碧范侯爲我指其處一蟲一沙一魂魄吁嗟乎戰禍滔天完卵難不疑俄奸卽日奸我來但隔一牆宿夜聞鬼語摧心肝

歲除日喜晤鄭蘇堪

到門示我入遼詩別後霜華各點髭墜地同時身易老余與蘇堪同庚申生回天無力路多歧看人羣逐中原鹿請子一爲當道熊知否平津開閣望驛車催送鄭當時

寄江杏村侍御歸里

驚聞朝事若轟雷屈軼虛生又一回但惜無人居帝側空留此疏震全台茅容有母真歸矣汲黯平生亦
戀哉五載逐臣頭已白也曾親捋虎鬚來

寄蘇堪天津

世事百艱險突出呼巨手成敗雖未知囊智已駭走入關將兼旬奮袂正抖擻敢爲天下先誰復一夫狂
元戎日憂國瘦損及踵肘百司羣延頸夜夜望北斗乍晴復見雪寒意警戶牖願將趙壁歸爲君勞春酒
寄題蘇堪海藏樓並送其還上海

大海納萬變談者窮於詞肯以詩人心波瀾生肝脾樓成睨八極出海朝蛟螭日暮取自悅春秋景益滋
元龍固奇士下床當臥誰海水飛刺天長鯨揚其鬣東北將沈陸國命如游絲高寒不易居渡海驚羣兒
籌邊豈無策正坐盈廷疑平生忠愛意一一據爲詩詩足掩君名偉抱誰能窺風雪催歲莫歸舟難再維
焦原我久履終恐爲虜嗤咄哉知稼軒乃有田舍思

廿八夜又雪枕上感作

燕臺慣蹴玉玲瓏瀋水年年舞朔風孤枕沈吟雲海夜半生流轉雪中身拋官爵忘殘臘夢逐征鴻入
遠空自向寒邊拓世界酌斟爲德睡爲功

夜讀稚情詩集愴然有述

穉情吾所畏中道竟摧折玉樹埋黃土萬事等一瞥遺詩如其人塵表見高潔燈前竟一卷齒頰生冰雪
我昔值承明窮巷稀車轍君獨於我厚謂我不苟悅我老飽京塵長身屹朝列廿年數離合酬和固不輟
最終丁未夏悽愴牆根別穉情丁未入都居
余老壻根舊宅再見知無期病榻但哽咽磬鉢已打破軀殼有生滅告我將

泥洹夢訣極勞結穉情病危寄余五古一首有蒲團四十秋磬鉢應打破便捐軀殼去欲去還悲那又答
余五律一首有夢從故人語事與壯心違此二詩集中皆不載想病亟時不留稿也

黃墟忍重過自傷形影子應慚丁敬禮定文成虛說閩詩日以昌拔幟互頡頏螺江獨深純謂發
庵陳鄭各

雄傑謂木庵石
遠太夷我情如永年所詣當精絕蟄伏居海濱發篋霏玉屑身世已遷謝文字猶芳冽詩魂如可

招私奠心香燕

渡庵丈來津留宿寓齋回京有贈次均奉酬

留榻猶堪待丈人，蘆簾棐几不生塵。
坐看海水飛如沸，起弄松風餉所親。
連夕縱談仍未厭，一家飄泊本無鄰。
昇平莫作河清俟，望斷堯民與舜民。

題汪鈍翁先生南歸離亭寒色圖詠長卷

堯峰狷潔復述邇，結廬讀書二十年。
中官京曹盛文譽，論交切劘皆時賢。
南歸孤棹犯風雪，贈行祖道飛

吟箋，崑山新城曠棣萼，清詞麗句差比肩。

徐健菴立齋王阮亭西樵皆有詩

龔

芝

程

周朱

亦

雄

傑

意

之所到無弗

宣十有五人，皆可攷儒林。文苑驚聯翩，華亭高叟兼。畫史苦將別，意收毫顛長。安塵土日擾，擾涉想煙水。

生暄妍，歸舟正及春風發。江南三月花連天，亭前楓柳弄寒色。合有倦翮栖林煙，故家題詠係文獻。此詩

此畫能無傳，西華食貧竟。酬負好事歸，壁猶能全題。襟會館誇得寶紙，尾賡續多名篇。傳觀病院不釋手。

此卷後歸忍庵前輩司直養病井上醫院曾出以示客因得一閱

開國文字無雕鐫，風雅道喪儔侶散。我今豈但歸無田。

周樹模

樹模字少樸，號沈觀，湖北天門人。光緒己丑進士官，至黑龍江巡撫。有集。

石遺室詩話沈觀詩舊有刻本兩冊，國變後不復行世。寓滬數年而所作日，工余所見殆百十

首今檢篋中不及十之二三

秋日同李伯虞侍郎左笏卿給事陳蘇生侍御仁先比部往太清觀尋菊不得遂至龍泉寺

年芳苦易歇人意殊未闌及秋問花事執手青林閒天高雲氣淨頓覺心眼寬南窪叢古寺佳樹接天壇
峨峨太清觀中有數畝園客來逢霜節落英常可餐去年種菊人今隨原草乾徑荒無一枝瓦盆堆廢欄
人花兩凋零觸境空長歎回車就僧話語笑驚阿蘭懸壁富名蹟擺落如龍鸞當時固有聞紙墨今尙完
名聲託文字歲久終缺殘鐘梵動潮風落葉已如彈使我結習除不逐時悲歡暫遊獲靜坐且就僧牀安
同樊山竹勿尋龍樹寺不得遂過龍泉寺小憩旣苾芻上人導往龍樹則樓宇蕩然惟雙槐雜立
榛莽中相與徘徊嗟歎而已樊山感而成詠予亦繼作

尋寺必以幽予意愛龍樹僕夫迷故蹊誤向龍泉去入門逢楚僧鄉土語絮絮吾生久流浪賴師知本處

爲言兼葭箬

張文襄公於龍樹寺出錢築屋名兼葭箬

東去不百步導我披草行棘鍼刺衣屨何所見樓閣山門一犬護殿圮

佛無靈終焉狐鼠據獨有兩槐龍倔強猶如故相視一轍然吾與爾同趣承平昔讌游攜酒來至屢追隨
抱冰翁更諷西樓句電火渺前塵春明夢已寤同來得二老各有傾廈懼彼屋何足愛昔人不可遇不遇
且奈何沈吟日西暮

題孫師鄭詩史閣圖

甲午春官試余忝同考末並房商城張翼之明珠矢共索懼失方聞士蘄有不刊作於時彼門中孫子最

嶽嶽榜唱文明堂聞之喜欲躍云此步江東衆中見鱗角匪惟制舉工實涉司農學末法逮中半意猶寶
傳鉢二十餘年事俯仰一夢覺神龍失淵湫歸鶴認城郭荆凡幾存亡箸書人如昨網羅迹熄餘風雅存
大略經生擅吟事咸同數鄭莫邱亭巢經巢取配詩史闡

題樊山所藏唐硯

樊山癖古過婉變開篋示我唐時硯黝澤宜入君子手清嚴不類孔壬面諦視非端亦非歛鵠眼無稱龍
尾賤背陰刻賜楊弘元三字眉標麟德殿唐尊道教由玄元乃出上方所寶資黃冠未識何緣更爲白傅

有左旁繆篆題香山香山昔爲祕書監殿前講論雜仙梵同時太清楊道士揮塵生風談不倦

自注唐文宗誕節詔

白居易與安國寺沙門義林太清宮道士楊弘元講論於麟德殿見三教論衡豈將此硯供獻酬樂與詩翁伴鉛槧下署觀者李贊皇節度衛國

官能詳吾聞贊皇不閱白公之文恐意轉胡乃於此細字書密行又聞贊皇蓄硯常數百不減愛石牛奇
章或重此爲天府物故以手跡留文房流傳遺寶樊山收是亦今之馮翊侯山行不虞魍魅奪雲起疑有
蛟龍湫我守寸田日無事久忘怨李與恩牛摩抄此硯三歎息古情勃鬱來心頭銅雀臺下泥高歡宮中
瓦香姜名字恣搗搗一鼎焉用辨賈岑王稱帝號由來假不知此說然不然一笑陶泓知我者

和樊山泊園看花韻

嬾娜新紅發故枝年芳未晚悵來遲記從栗里人歸後幾過桃花飯熟時楚客誅茅猶有宅松江賞雨可
無詩春雲勒住緋和紫泥飲拚爲十日期

和樊山與笏卿過泊園納涼韻

夜月無心問缺盈得清涼地可長生閱時喬木不知老依草夏蟲空自鳴留客茶瓜分野餉說詩蔬笋似僧清素心有待同晨夕莫惜南城往北城

早春和衆異

又當草長鶯飛日隔歲池臺尙我春已老未衰翻自喜相知最樂况方新嬉遊無分遭平世今昨俱非讎此身強說阿婆塗抹事花枝冷笑白頭人

涼夜

禿鬢修髯何許人壁燈明暗影隨身非仙已自經千劫聞道知猶隔幾塵夜靜忽驚飛雨過秋涼還與敵袍親魯齋學派遣山史世俗流傳恐不倫

寓居潛若宅中齋前老槐二株百年前物也日夕納涼其下遂爾成詠

兩槐森向人坐閱世代長婆娑送日月海田今幾桑餘此半畝陰清簟夏日涼時俗貴薄媚兀爾何其蒼與樹論年輩當我大父行附身纒醜瘤液漏如脂肪蠹蝕心半空蚍蜉撼不僵老氣致雷雨清風生坐旁中有白鬚翁踣踞一胡牀擁鼻作洛詠草際鳴寒蟹樹知我誰何亦豈解詩章我自愛佳蔭看月轉西廊和竹勿追涼十刹海歸飲泊園韻五首

逃暑百事廢亦復懶讀書懷哉城南叟時來共一壺本不爲盤殮况有酒與魚醉中故兀兀覺後亦遽遽

叔夜龍性人意苦當關呼如何不憚煩更駕窮途車

君出無他適肯來就我言籠詩常在袖相見或不冠自言老欲眠忘事如師丹此說吾未信文稿屋三間日鈔細字書腕脫爲後山頗似入塾童逃學來吾園

園樹密不剪池荷稀未開虛室無關鎖面面納輕颺水外魚出戲花邊蝶亂飛卽事足欣賞意行無町畦猶有癖未除幾堆石怪奇擬築看山樓攬翠天之西

我思淨業湖湖樓鬱岩嶢年年荷花時買酒醉晴郊紅粧隱翠蓋一水爲之招吾廬隔西涯曾不里許遙弄花半新人攀柳無舊條幸得二叟從及此綠未凋

君詩味古淡收我汗漫心真意披肺肝淺語轉覺深感慨徒爲爾昔固知有今吾輩行日中息影當以陰脚下有惠泉隨時可酌斟荷露相與烹芳氣彌予襟

六月七日同盧慎之郭嘯麓楊玉書王晦如閻慶皆十刹海看荷花

千年淨業湖湖水綠以藍前有西涯宅後有梧門龕南皮昔來游賢主留一酣橋東賦詩處碧柳仍毵毵風中萬柄荷紅粧倚鏡函士女騁姿媚屢停樓下驂衰翁亦好事求友得兩三沿湖看落日盡西山嵐頗憶少年時始著朝士衫北都富名勝往往恣幽探雙松訪慈仁萬柳尋城南無量淨業花尤予性所耽朝玩及日晡蓮實攜滿籃遠香銀錠橋念之有餘甘海水茲已淺湖路猶能語何限綺羅人冷笑霜雪髻隄旁張老室每聞過客談

張文襄故宅在湖之南

安得就菰中爲我留茅庵

詠泊園杜鵑花索海上諸老同賦

用望帝春心託杜鵑句爲韻

春去雨不休餘此花無恙白白更朱朱
淒然滿盆盎古魂不可招聞君增楚愴
肯受凡目憐坐覺空華妄
鶴林天下奇說舊語空壯老僧守枯株
鐵樹花無望

杜宇竟失王鷄雍時爲帝枝葉久衰微
暴興誰苗裔心催未歇芳目盡千秋涕
何來啼血鳥躑躅向庭際
鳥語我未通我語夢中寤
簾外堆落紅捧土手自瘞

老嬾斷百戀偏於花有因猩色三兩株
伴此槁木身衆芳各自萎一室仍我春
璀璨牆壁間映日特光新
蕃花越數年花亦如故人長感未可期
相守情彌親癖花人謂迂惟迂始得真

再拜向蜀魄悲憤臣甫心山榴少意思
唐突退之吟花鳥故一類其名傳至今
恨血結爲花一染一回深
俄然化素柰插遍吳女簪著意寫哀豔
悲來不可任仙藥杏難尋海桑森成林

迴舟向急流逢岸得止泊
蝥伏一畝宮怒虎老就縛
向來江海意收拾入籬落
更迭閱繁華是非了今昨
獨自理園荒一鋤良可託

出山山靈呵厚顏及芳杜歸爲種菜謀
折節師老圃瓶水面佛花自誓除綺語
胡爲牛腰束堆案高尺許
不忍於一花織詞費醜縷世尊但默然
饒舌終何補

陶公佳色菊鄭子露根蘭託物抒微尙
心有不能傳予亦孕奇意夢想方瞳仙
三山瑤草多欲往風引船
小牕囊駝坐眼望紅綠間佳植來海東
如將童女還作詩以當哭響應千山鷓

石遺社兄邀飲齋中卽事賦呈

端居常謝客亦未輒詣人詩翁招我飲命駕乃欣欣幽棲在何所繚曲東城根過巷車百轉誤打鄰家門
街童指謂客此屋侯官陳入門有花竹眼洗都邑塵架書與壁畫古色紛璘玢開篋示佛像以寸量金身
日本天文造刻鏤今猶新沐浴大海水陶鑄西方神此象爲君得定知僧有因石遺自謂爲僧蕭奴解烹炙鼎味
飲衆賓君故精百事尤不苟於文高氣睨後山意已雄七閩倡爲文酒會及此花發辰門外風虎怒主客
了不聞相對數甲子五百廿八春末座兩青鬢梁黃誇絕倫世無大峨仙豈別晁與秦儕之諸老中玉樹
參霜筠暖姝各自媚歡諛得其真忽發少年狂忘我鬢如銀

二月二十六日雪

得春喘始定見酒中則歡由來老人心喜暖而惡寒淒其三日風天色忽改觀草萌與木甲意外遭摧殘
蒼雀啁啾語相依如避丸頃刻春城花聚此雪一團屑玉作狡獪兒戲何無端炎涼見慣事心定井不瀾
冰炭無處著使我胸腹寬階前有紅藥所憂將護難絮絮語園丁寸萌要好徐待溫氣回眼飽花如盤

老境

老境如行路經過始自知一筇山曲處雙楫海枯時夜漏醒殘夢春花發故枝前塵從斷滅何有未來思

齋中臥雨

夢裏不知春去半畫簾香燼雨如秋煙村桃杏寒無語霧市蛟龍畫出遊囊括尙餘三寸舌花開已白五

分頭門前剝啄訊來客多是朝舊輩流

詠蘭五首示仁先以幽居在空谷爲韻

掃地置盤几得蘭室始幽風露入深根叢箭當春抽一華與一萼永日對冥搜芳溫襲孤抱清絕不可儔
窗外微雨歇光風汎和柔使我胸中春盎然眉際浮如何屈大夫只辨作離憂

瓶水日一易窗塵日一除古香掃不落共命百本書茲花孕芳菲抑亦書之餘馨烈天使然可佩如瓊瑤
引之共清坐不受當門鋤良由臭味合轉慮顏色疏十日謝賓客垂簾爾與余苟非塵外蹤焉得同燕居
楊子夢畫蘭清東鄢叟谷寫竹怪夷隘惠不恭各自見風概吾生有蘭癖與楊爲沆瀣嗟哉忘年友久已蛻
塵外鄉里縱可歸素心人安在老見滄桑事身墮微塵界晚芳足可惜聞根終恐壞海濱守一園手自翦
蕭艾

守靜縛兩腳盤辟十步中幽花如枯禪與人鼻孔同定中微妙香參玩焉可窮木犀示不隱根塵殊未空
何如塗六鑿窈冥天乃通此說然不然一叩南華翁

衆草久不芳叢蘭故成族寥寥字擢孤秀持用媚幽獨奇芬日在御形穢防汝黷有酒飲亡何離騷差可讀
出門見榛莽吾行苦却曲願得同心人攜手向巖谷待營九畹成還與收杞菊

秋齋雜詩同樊山作

西鄰有樊叟文爲天下雄雅音久不嗣獨振黃鐘宮袖出笥束詩開視驚猶龍曼衍呈百戲衆流合一宗

每讀輒叫絕磊塊消吾胸呼酒具薄飯鹽豉新開筓酬酢略客禮雜坐廁兒童雞黍有何味貴在真意濃
不謂避地人乃有田家風

一日成一詩一詩含一意予意不自明遑論俟百世願得微妙音標舉真實義何必師眩人犁耜聘神異
亦不墮禪悅飲水覓鹽味八音貴蘇諸六義歸諷刺欲令思無邪要在腳踏地秦炙與吾炙萬人同此嗜
蒙叟方外人洗洋乃自恣

新霜醞薄寒老鶴促宵警欲呼東籬魂共我秋屏影奈何孕隱秀不肯露芳穎內外互鞮閉堅密氣所秉
詭時安晚暮與俗別畦町警彼高蹈人豈樂奉朝請世間紫黃花開落但俄頃一覷破春妍回心向淒冷
遲花花不來躊躇令人瘦

短垣才過肩高竹青檀欒不中作圓器中作釣者竿西有少伯湖東有嚴子灘一裘與一笠可敵秋風寒
輿嶠淪北極鼈背杙不安東海失鰻魚蹠地生波瀾持竿思一往所嗟氣力孱無爲斬此竹留看貓頭班
余性故癖茶亦能名酒德杯勺久不勝舉匏常屬客醉人類有道神全若欺魄見怪見濕灰從渠作臆說
陳散原左勿竹天機深飲罷岸巾幘略無謬誤言常有溫睟色我對猶歡然何況其自得世俗誇鹽梅羣起誘
麴蘗苟非吸至精鼎食亦糟粕茗飲甚平平徒令嘲水厄

詠菊同仁先作

孤花不自名高人潤色之黯淡一籬間綿邈千載思可貴陶徵士非菊能爾奇菊詎不若人愛人兼及詩

識否作者意遊心黃與羲枕上過微雨八表雲下垂沈冥復沈冥正我醉眠時開眼忽見菊轉觸秋心悲
陳子氣金玉菊癖尤過我曩歲宣南居奇秀收最夥囊括十七八滿屋雲堆垛壁立萬古秋聊寄意磊砢
奈何落江湖徒手虛舟柁有來與同龕一器陳茗果兩心蕭淡味望氣失茶火忽聞北來花脫幘驚起坐
察葉以及根反覆不厭瑣商略種菊事一鋤猶可荷

立夏前一日笏卿約同樊山飲廣和居次日以詩來奉答一首

春去櫻筍來歲時劇草草賴得素心人千齡共懷抱持燭賞花遊人目楚三老市南舊酒店姓名熟備保
烹魚說陶菜今人多未曉可憎浣壁書蛇蚓互盤繞同光見翁常熟文 潘吳縣文 恭師 勤師懸肆書亦好近百不逮

前而乃自謂姣我寧無特操肯隨衆顛倒作字頗能敬論文伎元小鬢雪成何事海塵積難埽喜君相呼
食更以詩來鱗樹陰行且讀互答綿蠻鳥所思在螺蛤得味勝鹽醃君能數見招雖菜敢不飽

和樊山韻

夢後春明認舊都一杯相屬酒家壚適驚苦筍催歸老愁把新花對故吾擁腫有時爲伴侶癡聾自視已
翁姑浮雲世事誰能料但問鵝生四腿無

種竹

關地專一園林亭入管內花石稍停掠魚鳥且奔會無竹一大事寒碧繞肝肺城南篁篠多數本千錢費
園叟捆載來連車可百輩使我虛白室俄頃變鮮翠澆灌似撫嬰壅培如扶醉好事人謂迂不俗吾甚愛

枯瘦食薇身新居仗點綴碧蘆假節候未可共寒歲此君誓不渝沒齒常相對別院百株松支離庶與配

十月九日出都有作

鳴雞曉唱促南轅僕馬羞人噤不喧身外何曾攜一物眼中非復舊三門京師舊稱正陽崇文宣武爲三門今皆改作蓴羹已

自輸先見雍本今方拔意根桑下轉頭增戀惜北城松竹是吾園

李葆恂

葆恂字文石號猛菴奉天義州人官候補道

贈伯嚴吏部

相見遽言別思君廿載勞冥心更世變埋照益名高句健規雙井杯深藐二豪無言看鬢髮江海日滔滔

和伯嚴韻贈石遺

經學羣推馬鄭行禮堂傳寫好儲藏及身盛業千秋定知汝高名廿載強思入風雲詩律壯客游江漢鬢

毛蒼脩然自遠無人識脫穎何須喻處囊君新辭商業學堂監督

輓木庵先生呈石遺

伯也交余折輩行道山歸臥壑舟藏術推三統具懸解同治末葆恂年未冠侍芸敏師智効一官猶挽強謁先生於道山聽講律曆之學

晚爲博野縣令謝病歸昔老去酒懷常浩浩別時詩髻已蒼蒼聯珠集好應編定分付諸郎護錦囊
人謂仕宦如寸寸挽強弓

嚴復

復字又陵號幾道福建侯官人船政英文學生官學部候補丞參

哀晚翠

解后人天別都來幾晝昏渚蓮清道暑叢桂遠招魂投分欣傾蓋沈寃痛覆盆不成扶孱弱直是構怨恩
憶昨皇臨極般憂國運屯長吟懷牖戶痛哭爲黎元救溺情原切求賢詔屢敦明堂需杞梓列辟貢瓊璠
豈謂資羣策翻成罪莠言覺眞由近習禍已及親尊動魄移宮獄傷心養士恩歎應同董口人况異陳蕃
夫子南邦彥當時士論存一枝翹國秀三峽倒詞源每欲禽填海深憐蛋處禪奇材相搯拄高步各攀援
卿月輝三接皇風敞四門淒涼鳴晚鳩容易刈芳孫且靳東朝論誰揚太學旆血疑漂地軸精定叩天關
謠詠氛仍惡交親淚暗吞雨雲眞日暮憂患及乾坤莫更秦頭責休將衛舌捫草堂貲孰寄吾合老丘樊

閱邸抄作

自笑衰容異壯夫歲寒日暮且踟躕平生獻玉常遭別此日聞詔本不圖豈有文章資黼黻恥從前後說
王盧一流將盡猶容汝青眼高歌見兩徒

己未上巳福州西湖宛在堂禊集

邑中暫與澤中黔宛在堂前共盍簪欲紀勝遊須好句自憐宿疾廢高吟曠觀惟有千秋在把玩曾無一

响人太息東陽又黃土

謂沈灣園

朱紘誰爲撫牙琴

盡收山色與湖光何日堂堂有此堂宗派圖中人第幾湖心亭在水中中央雌雄不必分杭穎文獻從教數
李常甲子豈關吾輩事且將悽歎付流觴

寄伯嚴

已迴春雁數鱗魚目斷南雲少尺書可有園林供獨坐倘緣花月得相於江湖無地棲飢鳳朝暮何年了
衆狙說與閉門無已道去年詩句太勤渠

贈畏廬

左海畸人林畏廬早年補柳編西湖數莖白髮看沈陸無限青山入畫圖自有高文媿漢始更搜重譯續
虞初饒他短後成風俗佩玉居然利走趨

寄呂太微

爾泛樓船去使倭憐余臥病獨悲歌三年夢逐滄波遠萬里書傳涕淚多嬌女寧親聊慰藉才無主悔
蹉跎耦耕約共論文賞爲報流光似擲梭

王壽昌

壽昌字子仁福建侯官人官福建交涉司長

憶高子益

哀哀我子益永訣已三載初子凶問來殘喘委床第驚痛勢轉急兒女泣諫止自分難存活冥會或在邇
心枯氣亦平痼疾霍然起樽櫟多獲全桂蘭易遭毀忝顏仕爲祿辭使世所美子名漸罕說子言歷在耳
念昔同窗時忘形無比擬携手作歐遊相依過乙紀行役始仇離燕粵兩相歧中間復會合江臯共步履
板蕩居海上小聚差可喜無何子北行吾先歸故里豈知替天別無復親炙旨子去厭世亂何以慰後死
吾過今誰攻吾行今誰砥遺骸落京西墓艸正靡靡關山雖重疊神魂無阻理來歸何遲遲入夢吾其俟

輓幾道

佳章病裏正吟哦忽詫高風遂逝波咫尺鄉閭慳一面祇今門巷忍經過同窗前輩推殊絕海內名流損
已多泉下相逢濤園老應悲世事尙蹉跎

病起

病起風光勤領略樓欄倚遍復徘徊潮平帆影重重過雲歛山容面面開雙塔雁行爭堞出萬家鱗次渡

橋來舊遊轉望烟波處往事料量只自哀

滬上病居贈蟾月關

牕上粉衣如作媒吾衰年髻累疑猜世間翻覆知多少念舊屬君殊可哀

守歲 壬戌

老去情懷已索然又來海上過殘年虛牕探白尋常事不待今宵始廢眠

江瀚

瀚字叔海福建長汀人官開歸陳許道有慎所立齋稿北遊東遊等集

石遺室詩話君詩五言宗選體如登鑽天坡云拂衣白雲墮仰面青霄逼自夔門入巫峽云松
孤覺風高嶂密使晝昏雙飛橋云直教鴻濛濕豈顧山靈驚峽中云石束江作溝巖露天若綫
泊凌雲山下云矯首望峨眉冥茫若可求怨歌行云君心如流水一往無還期君心如明月自
有團圓時

登石景山同堯生侍御作

勞勞車馬黃塵陌惟有西山不厭看與客初來登石景去年曾此渡桑乾

客冬由此過潭河游潭柘戒壇

遙峯鳥道高秋

出廢院虬松白日寒宦豐碑隨處有西山各寺多明代諸瑤建可憐民力勝朝殫

題堯生石景山詩後

西郊嵐翠待高吟詩思曾看策蹇尋頓使山川發奇彩似聞鸞鶴有遺音三秋不盡登臨興五夜難忘諫
諍心抗疏餘閒還蠟屐衝寒更擬入雲深

贈喬二茂軒

伊昔遊京華年少志方銳事業期千秋意氣陵一世稽古推杜馬論交喜莊惠乙酉定交於伏魔寺在遠德日敦積

久心彌契士衡再入洛去華重下第既嗟文道希懷出復痛程伯翰劉逝聚散果誰期巴山還把袂我橫

博士經君攻道人制余主講東川之五年涪彭苦饑君自成都來籌荒政溫拯活鱗籍嘉招枉羔幣是冬余有湘水校經堂之聘共蹇嶽麓雲君因

北上紆道長沙更鼓吳江柵嗣復選返吳門鈞黨方屏營郎曹且留滯達官扇禍亂干戈歛相繼妄信郭京術翻

助天驕勢翠華遂播遷玉殿亦扃閉崎嶇難幸平萬方益凋敝翦燭話滄桑生逢猶攬涕若若江海空寂

寂天下計良時惜蹉跎虛名媿經濟相期五畝營灌田娛晚歲

四川營懷古

婦人獨具英雄志一時男兒無位置堂堂石柱秦將軍三百年來有生氣桃花馬上請纓時白桿兵威天

下知難得佳兒與佳婦扶風門第同維持巾幗將才古有幾列傳例初翹明史忠順夫人奚足論若安女

子差堪擬笑殺同名左寧南擁兵驕蹇能無慙

調陳梅生給諫

水閣花爭繞山塘酒任沽
場來飛動意能似昔年無

雜詩十二首錄五

凶德冠百代厥惟拿破翁
以彼狡譎性濟其才力雄風雷在掌握嗜欲將安窮壇坫盟屢渝號令辭偏工
驅民死鋒鏑坑與長平同哀哀二百萬曾不動其中殘暴古未有名譽一何隆
至今巴黎人爭頌巍巍功好尙有如此殺運何時終仁乎斯賓塞持論千秋公

莫親於冰炭莫憎於膠漆相反適相成水火效非一喜同而惡異無得只有失黨分保與公英政歐西軼
我願秉鈞者平心究治術一泯新舊見是非真理出毋爲坐失時固也聖所疾

昔日法強盛勢欲吞全歐普國一戰潰積骸若山邱賴有得費賜發憤針槍修嗟彼一銅工還能爲國謀
飽食如我輩無補良堪羞

豪傑營大業自與常人殊膠然守尺寸豈足言遠謨彼得起俄土時勢多艱虞內懼貴紳偏外防鄰國狙
排衆用走卒遠過猛相苻脫身遊歐洲工匠相與娛但期國富強不惜形焦枯輝輝史册上千秋仰令圖
孤松自堅貞百草空柔媚本無凌霄姿只合籬下寄吾敬哥侖布尋得美洲地吾愛李西蒲鑿河舟航利
方其事初行豈不叢譏議惟欲成大功禍患將焉避從古有心者移山亦覺易人定可勝天因循實自棄
愚公百世師用激懦夫志

有懷王益吾祭酒

白首皋比苦愛才，論文何日共銜杯。
在江陰提學署內寄園風雪葵園月，夜夜更番入夢來。

堯生以長歌送行短韻奉酬

乍見還相送，飄飄似燕鴻。
前年別於瀘州兩地別離同，白簡思桓典。
謂高激關侍御清尊悵孔融，攜將奇句

去海上攝青童。

五月廿七日出都

去去勿復道，風煙生暮愁。居然燕市酒，不異剡溪舟。三宿意空厚，五噫歌且休。算來廷試日，應早到蘇州。

及門諸子在，晉爲縣令者。共有餘人謀，於太原縣懸甕山下。爲余築室數楹，感而作此。

仕宦已三世，家計仍蕭然。故鄉歸未能，投老客幽燕。僅餘書萬卷，初無宅與田。俛仰心自適，富厚知無緣。

往歲游并門，淳俗喜未遷。偶憶道元注，晉祠獨留連。
唐叔虞祠始見於水經晉水注幽情發古柏，清夢落名泉。卜宅雖有

願，人事苦拘牽。乃有歐陽生，
太原縣知事歐陽英首爲五畝佃。頃復召同人，謀築屋數椽。濟濟諸茂宰，各各捐俸錢。

尅日卽鳩工，行見欄檻鮮。有臺可望月，有池可種蓮。讀書與飲酒，動靜無不便。老夫亦何幸，端賴門人賢。

高誼今世稀，慨然作茲篇。

程頌萬

頌萬字子大湖南寧鄉人官湖北候補知府

石遺室詩話子大驚才絕艷初刻楚望閣詩集專爲古樂府六朝以迨溫李昌谷不越湖外體格亂後續出鹿川田父集則生新雅健迥非凡手所能貌襲矣

春日示姪鼇

草堂臥病春自熹簾竹塢花嬌可憐雖無長公來着屐幸有小阮吟隨肩牆頭罌柳晚虹見籬落破筍朝雷顛十年欣汝得慰藉不逐春物耽時賢

題辟疆先生菊飲詩卷和韻

卷幔秋心黯草堂陶公閒醉阮公狂百年老去有詩卷九日歸來非故鄉霜澀擁簾嫌酒薄風強掃地遍年荒江山文藻都銷歇曾說豪情比孟嘗

題黃左臣秦虜拓本

漢江江水濃於酒武昌之魚貫之柳錄別惟應盡一乃祖龍天地休回首

和中實無題詩四百三十字五平五仄體用一送全韻

蘭皋三春遊蕊館十載夢高臺臨芳衢邃宇閉曲弄行雲鴛鴦樓映日翡翠棟珠櫳開流蘇寶鬢覆錦幃
羅襦千枝花繡纈五色纓青琴初調絃紫轡忽引韉吟儕紛招攜靚侶自伯仲才人羞邯鄲估客陋楚韞
窺筵花雙行佐饌酒幾甕衣香團爲雲燭爛散若霧懽迎接雙綰量淺笑一醜欣偕延年觴競食益智棧
持螯調須薑薦鯉雜以蕙盤呈駝峰肥盎貯鴨足髮唇分檳榔香手摘茉莉送迷藏尋無方拇戰屢不中
繁聲催鸞絃曼響逗烏晷前歌方闌珊後曲遞引控橫波彌愁憐笑語自謔詞千金憎雙瞼六博佐一哄
扶釵窺玲瓏解佩惜倥儻斑紅鵲逾哀褪粉蝶乍狂低眉思餘權賈眼遞隱衷鬢歎郎爲扶鏡暈婢可籠
簾垂空聽狸被窄亦裏鳳同心朝假寒半臂夜怯凍更闌噴鷄鳴日出妒燕閨花明牕無塵蘚補砌沒空
心經鸚鵡調肺熱荔有貢芳韶何迢迢墜想若曹曹鸞巾香留痕麝裊薄帶湮雙鸞嬌橫峨一水媚合頂
澆愁河無靈鑄恨嶺有隤三星殊迷離百兩忽頃綱飄零原無端豔羨一已衆絲牽靈蛛愁鼎爇睡鴨痛
題襟春迴波汲井夕沒凍長吟鴛鴦詩莫賦簡簡慟層層籠輕塵閉幕有積淤生含桃花窈葬受燕子贈
栽花今成谿采藥昔入澗千齡毋相忘一賦擬託諷無題空踟躕有淚莫慙恫

留居文正書院奉別鄧彌之先生

白香老人健如鶴講學金陵山水窟金陵山水如公詩龍蟠虎踞江之涓我帆東指三千里蛟龍攫食樓
船底翩然卻泛白門舟見公大笑掀髯留齋頭洗盞酌新醪詩聲怒撼窗間竹公詩灑氣橫江河俗夫企
踵行則頗我今屠龍二十載託公塵外憐文采曾公閣前宵擘觴簾櫳在水花在牀江皋樓船暮擊鼓師

友茫茫不能語東南嬰樂今幾賢
老人述作猶華顛山川文字莽寥廓
可堪賤子貧無藥鐘聲催出石頭
城別公復作三山行幾日征帆海邊樹
相思猶繫秦淮渡

秋月

新月似簾鉤關河怨早秋
人隨孤雁遠星雜亂螢流
樹影圍荒堞笳聲繞驛樓
絳衣胷羅徑臚簿況颼颼

莫愁湖同鄧二

十分天下色變作秣陵秋
一種垂楊恨無人似莫愁
共君邀笛步還上勝棋樓
繡滿荷花水盈盈女盪舟

西楚霸王墓

讀碑有李將軍從死附葬史軼無考

蘆樹大河明穹碑對穀城生
餘二十騎死愧八千兵
已背關中約難分俎上羹
窮局不可問有客似田橫

題吳楚兩生圖三首卽送武陵歐陽君重主事鎬衡陽曾子緝主事熙北征兼寄訊無錫楊仁山

主事楷圖中吳生者仁山楚生者君重兩生皆以諍倭款去王北洋幕府

北府譚兵有兩生
一生歸櫂大江行
天風吹夢因文字
海外無人識姓名
秋盡餉鴉湘女廟
春回騎虎闔廬城
登臨一例悲窮髮
知有揚雲憾不平

曾生先我去京華
寄語楊生贈莫邪
髣髴武昌城外柳
蘼殘極樂寺中花
早教纂述垂千載
擬合車書號一家
它日奇謀壓朋酒
好迴雙舞照琵琶

於今國士楚材多
握手相看且嘯歌
橫海鯨吞無黑子
洗天龍沫隘黃河
聊將圖畫存肝膽
便不文章亦

輾軻各抱茫茫家國計桃花不是避秦窩

冶春絕句

細雨如煙昨夜樓曉來殘夢在簾鉤小桃低亞闌干角燕子一雙人對愁

桃源洞

深閉巖扉別一天山中甲子記縣縣笑他海上童男女不種桃花祇種田

湖上草堂雜詩四首

湖上草堂天四垂紅闌白塔斷橋西銷魂畫出揚州郭小小金山短短隄
月觀風亭一倍新六龍迴憶翠華春隋家隄畔無情水流過紅橋不見人
廣陵城下又殘秋白袷青琴共一樓買取鱸魚渡江去暮帆紅樹出瓜洲
雷塘西遠玉鉤斜湖上空尋六代花兩兩鴛鴦忽飛去茜魂知傍秦娘家

東坡生日招鹿老璞元小亭叔輿楊喆甫小集峽園是日羅四峯來自鄂事冗不至因得顧印伯
武昌詩札鹿老有詩次韻

閉門縛帶誅園松詩腸偃仄酒所宮東風忽來窺世界暖氣似與人相通翛然五客闌愁至畫師不見羅
兩峯江波鱗騰日月異酒悲浩洶鬚眉濃去年今日祝蜀社故人書札來兵中慳晴淚眼動浴紙驅魔敵
酒無全功相看打疊具壺榼此會定哭蘇文忠巢元脩菜死羹莽蜀江蜜酒疇泥封

印伯後坡公一日生
去年在武昌石巢爲

祝蜀詩社有連句和坡公元脩采蜜酒歌韻詩二首矧茲生辰改二月共讀新歷祠坡翁吾徒得歸坡所福不爾兩足迷西東遠招坡靈此室荒涂大地橫兵蹤

次韻奉酬四峰爲阿康畫石巢讀書圖

窪尊吸江飲千石羅侯不冠鬢毛磔戲搏江月寫湖雲老變詩心忘畫格隔江招手一老願兵裏藏身足無屐送詩呼艇屢忘疲舊鄰明月橋南宅數窮邱壑共巢父亂後江山幾狂客賸有文詞照古今心地鮐鮐眼天窄手湍萬怪塵沙痕胸貫百家秦漢籍兩峯不作今四峯鬼趣圖成人割席劫餘畫我石巢圖七曜芝盆堆咫尺捧圖笑倒十七郎送酒殷勤更黃易四峯來舍作畫黃竺友以陳醴見貽移巢十日煙雨晦山襟怒開小桃碧飲食嶒嶸夢堪煮山河悠逸詩無迹刻卻羅浮四百峰君家酒隱歸安適相攜且就漢江賈商女隔鄰歌昔昔我方落魄驚聒絃不醉君前復何益時與塞向約放晴渡江邀君共飲

題錢次郇潛山新居次韻二首

舊部天山雪打圍新歸巴峽曉巖扉有天頌酒難爲幕無地逃飢可采薇雨後雄虹山起棟澗邊晴瀑水鳴機養堂愛日方添綫戲擇山花補蝶衣

因亂得閒親卷軸有歸無住負山川坐看天半龍藏雨眠及花時人禁煙飯顆交情追白甫里塵生事賴

朱然君方治礦務買鄰何日潛山外抵掌譚經對屋椽

錢仲仙熹平鏡歌去秋九月君去平江鏡失爲子姪貫三購得歸之十年前予題拓本今見於長沙神采班闌銘鑿精奇希世物也

金仙淚落嬰王小十二瑤樓半空倒專城一夜烏誼呼神物橫飛洞庭島天岳南行信有神家亡國破鏡
 仍存傳烽照徹二百里撲子面入湘春門賈人吉語烹平歲合速迴環巧鸞背我來開匣對淒然羿妃弦
 望無人記四十六文銘上方兩家丙午相頽頽旬公抱鏡化蜀碧獨汝引杯歌吉羊旬齋藏漢元興鏡銘七十六字與此鏡形
 體相類皆日丙午樓頭看鏡寥天碧持照燭樓江海泣荒村獨樹卷龍旗鏡出襄陽城南二里之獨樹村 破碎河山鏡
 漢鑄鏡尙火德也
 中立絳錦重奩閉影娥舊題瓊拓今摩挲同予禮器烹平字追憶承平得寶歌予藏舊拓禮器碑陰有烹平三年左馮翊池陽項伯
 飾來三行今惟旬齋藏本同有此十三字

日本刀歌爲錢碩人賦

蛟龍捧鑪帝袞炭神芒燭海橫天漢小烏鬼斬闋千年日本兩鍛師當宋淳祐時 髮切名工御所鍛日本復烏羽天皇聚工而躬與之鍛
 謂之御所鍛鬢切膝丸古寶刀名源氏所蓄 錢髻示我倭刀良鑰飾雲龍番錦袞青天古血不淒鏞擺弄神州吞日光黃生三
 尺詔四方風飄叱咤傾湖湘江山到手不可取天昇神柄終韜鎔贈刀誰贈繞朝策鼎沸中原持磔血髻
 同泉苑鷗鷯丸日本白河法皇幸神泉苑放鴉捕魚獲大刀名曰鷗丸 來踞金陵龍虎宅於戲寶刀雄德川誰歟奪之慶應年日本慶應
 四年傾覆幕府改元明治某勳位得此刀於德川氏今爲黃留守所得再歸碩人 四藻錦旗驂日月數戰武門歸政權天尊系擁三神器咫鏡曲
 瓊兼草薙日本神武紀年以前傳國寶器有八坂瓊曲玉八咫鏡神薙劍是爲三神器至今俱存 赤嵌碣石帶三韓禹磧茫茫刀畫地擘跋大河南
 北天舊邦文物凋金元七百年來奮刀筆鐵函井史悲腥羶驅使黃靈墮揚子西波漸進南條水大圓懸
 鷓鴣夫錐鑿竅混沌中央死鄂必隆刀天所亡溲河秦嶺走蒼皇黨人填海駢精衛國論移山鏟太行阿

誰七國窮奔訴歸遣韓盧逐鷺免肯催魏禪出金墉不見秦嬰擁車素通譯扶傾執主人荆揚鑄鼎感遺民拍脾快觀西羌製龍雀仍爲大夏珍南州瀕洞懷鄉久寶刀珍重錢髻守舟底爭看水怪驚松間慮作風霆吼開匣星瀾照洞庭扶桑刀派放圖經源平貞正今何在建武良工泣典型日本鍛師刀派極繁當宋元時有源氏平氏正宗貞宗之屬爲最著建武以後國工輩出今競西刀而良工欲泣矣錢髻學古多奇抱籌策風雲隘江表劍合延津自有神姦圖夏鼎誰爲寶五族昭蘇共一旗好云南北沒東西北魏語好南北沒東西言好男兒無長物也解刀留作相逢券捧出黃鬚帳下兒楚兩生行憶年少革面含權誰所料六一歌傳故實稀當時恐被童男笑物換星移朔閨更倚樓長嘯抗天聲抽刀莫斷東流水中有羈纒萬古情

九日過吳文節祠山堂寄懷節庵海上

窮髮簪萸見幾時憶陪雕俎落吳祠餘生賸作重陽客抵死功開一境詩國破有人懷汐社兵殘無菊問東籬江山直厭看吾輩故遣驚風拆酒旗

五言散文八十韻寄陳伯嚴

遜國驅流官乃復驅詩人詩狂入海市奇想包天吞大聲駭寰中蚤扶禍福根小眚惕日月夙窺生死門面血叫天閻人事難指陳道胡丘與軻世胡義與軒詩亡坐歎息鬼哭天經冤亟搏類上流子立陳散原散原夫何爲壁湫詩四藩匪惟藩所居直用囊乾坤人綱導一綫迫阨朝瞰繫君少壯歲雄文日孤鶩魁奇偃廬阜噴薄探江源朝通金馬籍暮棹徒駭津羣士挂世網小綴大乃奔南圖刷江湖一落二十年

好客懷孟嘗物昵漆園先德故忠睿天聰隔湖民懷哉衆壑流覲彼球世尊南學憬湖外先河導昆侖
師夷德不孤達道聖所存發蹤謗吐篋楚些蕪燕雲賓僚塞放逐吏議無周爰九虎視益耽欲攫父子魂
光名滿天下僅免鉗且髡當時國家事慟豈厄酒言輸人以社稷娥姁與金輪民性吁若水君知幾謂神
晴廬構西山曖曖乾蔭晨庭隨放鶴起洞與講鹿鄰身窮行不滓道墜肩以文元氣重戕賊文康無老親
歲宿廬述哀日登廬望春血淚浴艸木肥紅莽無垠君豈不定命氣阨無由伸俄驚天王狩坐致陸海翻
小人哆學道禍發天迴瞋戊戌與庚子頽網駭相因我弔懷沙賢益枉社稷臣懸旒恫國脈君抱逾孤踰
十年江南家而我屢造關柳塘亂魚鴨瓜圃眠雞豚小亭書曝檐矮廊花接茵下榻無北南傾談羅酒罇
吟屨攬時出樓船剪江分訪舊紆歇浦思鄉過蠡溢脫置中道遁理釣滄浪緝萬物並爾假惟詩造玄真
當其涉而冥倏忽澗且淪如電迸樹出如雷隱山嶙如大呼陷陣如狂歡墮巾如兩三重花如千億萬身
撼之爲長城攻之爲奇軍天骨旣老硬無皮膚可斲物情盡鈎剔無幽恠可捫尺幅不裁縮千里猶奔渾
人鏗古人舊詩軼古人新散原胡構此坐昔黨錮論心靈日灌辟包唐宋明元身命勇一擲治詩專策勳
突出江右豪荆涪抗其傳復官不詣闕戴笠還江村里人哄路政不辨石與琨喜君脫屣不爾徒自煩
孤鶴啄一物蒼蠅起羣喧天傾蒿作柱海變桑爲田灰寮與壺嶠先生安取焉憶昔靄園讌詞流歌吹繁
光緒乙巳秋君來武昌議
路政有靄園詩事一卷逮茲窮髮居地維忽已掀十日煨並驅義和不能陸察蹄禹蹟荒昧目秦赭殷
強起語猿鼎沸江云云與君抱六籍豈遂坑與焚君詩萬萬古藏山多有聞返棹哀崧壘攜壺鍾阜曛

大江流吾詩爲子侑六句臨文不可諱矧際時艱屯青溪擁精廬白首偕細君磊砢古文詞蟬媿賢子孫
相期菊觴晉共訪桃源秦

和夏萸恂寒香集韻

鏡臨衣桁迴身便袖拗花枝出手難從古佳人難再得昨宵高處不勝寒愁邊酒甕如山立別後簾波當
海看鸚鵡多言門未閉枉儂風露護眠飡

題胡漱堂侍御思敬廬山歸隱圖二首

名集爭如謝晞髮世情遺似貫酸齋匡山瀑布落千尺寫入君詩無好懷

落花門巷養堂深去住澄觀二老心莫謂廬山高不見一人高許萬峰陰文信國和胡德昭詩有廬山方許一人高之句

竹醉日四十九歲冰厂次庚戌詩韻見贈奉酬

無生今日定何辰怪爾圓通負淨因山上有山成一聚个邊添个得閒身坊花隔雨遲杯約鄰突占風落
視塵方暑莫論魚味美是非驚共兩毛新

同伯嚴恪士三潭泛月觀荷作歌

湖光一片竹膜紙但畫荷花不畫水羿妃捉袂隨人行影觸三潭老龍起天公卷卻半湖畫藏在濛濛六
橋裏盡驅煙月到湖心迴眸湧見雙亭子樹色界橋橋裏煙中央四角爭迴旋萬花捧月月不墮幾人行
上花之顛山屏盡敞天如睡九曲闌干溼空翠不妨何處冷鐘聲吹到船唇壓船背靈祠鎖樹鳥飛南指

點先朝退省庵懸知海上又烽火警照浮波人兩三
卍字方亭數穹石攔波戴月如人立今宵人世更無
花今夕人天惟見月可憐月色比花明未抵湖光爭
月白雲水輕還鷗鷺身乾坤盡變芙蓉色厭亂湖
山共一游歸篷風露皓盈頭人生只合西湖死何必
騎鯨訪十洲

遲明看荷呈恪士

水窗蒼鏡照湖天一倍生香破早眠芳豔半沈孤
塢外好花開及五更前風涼點髻商移榻月曉隨
心促放船儻許移山借蚊力南屏應變鹿川田

長句贈何磐叟張螻窟

詩孫別號磐叟
實三近字螻窟

十日畫水五日石昔人嫌遲我嫌疾同光畫手今幾人
何郎七十張六十磐叟不惜畫霽以贖所親螻窟
乃珍祕落筆無古人申江富兒走相索往往不識張侯
門磐叟一諾三十春畫成贈我以澀論白題畫述
戴文節語
相攜示螻窟待爾搜天真天晶日迥巖樹背疊嶂層巒
吐松氣有如九溪十八澗中行鳥道盤紆一人細
草竹迷漫青可捻牆舍高低白能記雄鬱平參王麓臺
妙密深詮戴醇士螻窟近圖吾所造桐月吟秋有
字題樹色蒼涼攔北斗經聲髣髴來東寺龜石磊磊扶
近人籬篠叢叢欲穿袂混茫元氣如可接島佛敲
門廢吟事兩家畫史併一談北派南宗數真諦張爲
諾畫猶未爲起共磐叟鳴相宜吳淞之水不可剪越
州之山不得移惟湘二難吾所師何止十日一水五日
一石爲能奇君不見八大山人二鳥筆又不見昌

黎譬人雙鳥詩

丁惠康

惠康字叔正廣東豐順人邑諸生官分部主事

石遺室詩話叔正爲兩生撫部令子標格直是晉宋間人詩文雖未大成而絕無一毫塵俗氣
卒年未四十此集因遺稿無多甄錄從寬

侯官嚴幼陵觀察示余舊作二篇多推言新理遞嬗之故與所譯天演論多有合者反覆把翫有
感于心率賦一章簡幼陵

莊生論名理亡羊以路歧殊途不同歸諸子競紛馳陶唐日已遠述者無宣尼混沌竅未鑿坐使氓蚩蚩
陳編獵糟粕挾策空嚶呻聞道乃大笑高論請卑之邯鄲恥學步嫫母仇西施替人喪迷方龍川歎風痺
詎解古賢聖集益何常師天子嗟失官所守在四夷妙理無隱爾天壤光昭垂達人貴先覺後獲務爾思
寶藏燦琳琅空返慙波斯觥觥嚴夫子神解超一時近嗟大道喪遠懷古人悲發憤寔宿慧寢饋修新知
猶恐衆人醉盡爲鋪糟醜鈎沈託毫素索隱窮攀追幾經梳且櫛一掃糠與糝康衢啓邁軫腐臭化神奇
震盪充九垓日月曜兩儀君山論子雲必傳信無疑猶怪太玄經警牙將誰欺三摹參九據其神乃支離
法言更模倣覆瓿自坭忸終焉繡鞶帨羊質蒙虎皮視君標絕諦大放瑰瑋辭豈不走且僵微言諒非私

今生晚聞道久矣坐井窺始讀天演論口沫而手抵孺子喜可教終聆述懷詩感君無盡意諷詠入肝脾
精進雖未能黽勉不知疲長轡騁修途常慮迫奄噉成佛終恐後祝君爲起衰安得同人掩袂涕漣瀾

聞膠州近事有感 并序

昔伊川被髮辛有慨言滄海橫流王尼滋懼小雅失而四夷侵春秋亡則亂臣恣內治不修迺
搆外侮至今爲梗誰生厲階頃歲兵蕪瘡痍未復饑饉四野災沴薦臻當臥薪嘗膽之時爲恆
舞酣歌之事中外營競上下交征繁樂及時六月暫息國債未了而雀賀燕居張幕安赴遠警
偶報則風聲鶴唳草木皆兵紀綱已頽憑陵益甚動連雞之羣飛進肥羊而待割諸姬有蠶食
之哀梁亡極魚爛之慘而帷幄密勿情存苟安朝議迺罷李綱中興方資秦檜此宮之奇所以
號呼賈長沙所爲痛哭者也海島五百特困田橫燕雲十六忽成戎索黔黎遂湮於異類鄒魯
遽剪爲龍荒種族岌乎覆亡忽焉嗟乎黍離麥秀愴歎殷郊匪風下泉顧瞻周道聞鼓鞀而思
將帥歌板蕩而念鎬京小雅之作其哀以思乎而少陵北征之詠自愍流離子山江南之哀終
嗟喪亂已

蹙國日百里匡時徒萬言山河蒙恥事江海幾人存罷黜傷元老憂危感至尊書生亦何補流涕泣王孫
莽蒼天仍醉民勞汔未康中原還逐鹿歧路泣亡羊衰楚欣在隰若華嗟已黃微生亦安有永夕此徬徨

詠史

去國會聞避債臺白雲黃竹亦哀哀遙知六合承風日儘有周王八駿來

東張堅伯孝廉

有恨在花前春歸不解憐居人仍客子故國又新年涕淚傳杯酒歌愁雜管絃舊時停轡地芳草總芊芊

感事

攬轡四方虞蹙蹙無君三月乃皇皇自將豪氣吞湖海亦有幽愁託沉湘屈子行吟賈傅哭仲尼憂世接輿狂甘陵黨部人爭笑史籍他年識范滂

簡李任邱

中年百感傷哀樂一自工愁嬾屬文瑤札明璫哀窈窕春蘭秋菊惜芳芬交河遠夢經年別荀令餘香日夕薰安得維摩散花室試將緣覺發聲聞

日本京橋冶春詞

省識尊前舊舞腰烟花約略憶南朝庾郎詞賦飄零甚虛對東風弄玉簫
曲曲屏風燭影深三挑微與託琴心文君未解相如渴枉費長門買賦金
心字羅衣繡兩重小蘋初見意惺忪一春夢雨無消息沉醉東風唱懊儂
相見時難別更難雲英夢冷意闌珊飛花沾絮空惆悵輸與檀郎畫裏看
悵望秋河倚玉簫紅樓雨冷夢迢迢相看無語空相憶腸斷垂楊上下橋

衣香鬢影太匆匆十里鶯花最惱公莫待他年重迴首落紅成陣怨東風

迴風辭留別日本諸寓公

日暮思君苦未來飛紅狼籍舊亭臺沉沉遠夢迷千劫慘慘新詞賦八哀心比枯桐疑半死淚如殘蠟漸成灰玉關人老愁何極窈窕春星望幾回

此去風雲方百變側身天地更何之行吟芳草無邊路倚徧銀瓶繫所思最有溫柔馨一握是它幽怨亂千絲轆轤永夕煩懷抱詎獨西風黯別離

手按殘紅不忍看輕寒無賴倚闌干陰晴未定天如醉疾疾迷方淚易彈舊恨尊前歌昔昔新愁簾外雨潺潺傷心思婦遼西夢冷怯空閨人未還

艱難行路黯魂銷帝遣巫陽賦大招愁雨愁風才易盡傷春傷別意無聊相看鏡匣驚銷瘦暗繫香囊慰寂寥獨自思量自凝竚碧城十二總迢迢

堪定詞

蒜髮飄蕭百不堪年來風物憶江南青溪曲曲經行地冶葉倡條一味憨

江海橫流幾輩存春來猶自倒金罇蘭陵舊住青楊巷無那花時獨掩門 答客問二首
款款尋春總悔遲不堪攀弄晚芳時金墉舊日經栽柳披拂長條淚暗垂 過萬柳堂

朱樓閣道立飛仙策馬城南尺五天慚愧長安倦羈旅花時猶遇李龜年 贈歌者李耶

夢回雞塞念家山一晌貪歡自等閑誰分文人感哀豔年年清淚溼青衫讀李後主詞有作

望帝千年慘不歸珊瑚環珮是耶非金魚玉盃無消息慟哭遺民說閔妃爲江陰夏潤枝編修題高麗閔

妃小像

披髮帶索行趁趕有人流涕哀江南眼前所見皆餘子大宙之亂何時戡書感

六朝門望最清華品曲彈棋自一家絕是承平好公子劇憐生不屬乾嘉遇宛平徐研甫學使于滬上憐
悴特甚詩以傷之

回風落日過斜橋側帽垂鞭酒半消聽得捲簾呼小字不知誰是董嬌嬈過斜橋作

低徊宛轉極綢繆的皜明珠費暗投閑向滄江一回首有人腸斷望江樓別香港時情事如此

蛾冠短後學從軍麟閣思誇第一勳今日跟蹤持手版定知嬾作嚇蠻文晤陳諫堉

關盡荒天更九州從今海水不西流牂牁道陳方物爭向扶餘拜小侯夢中書所見

初抵日本旅寓感懷

浪悔年年作壯遊客懷無著等虛舟雞鳴犬吠猶吾土海碧天青此倚樓故國別來無好夢殊鄉何事獨
悲秋登高枉說猶能賦浩蕩離愁不可收

暗雨蕭疎澹夕陰高樓含霧遠山沉一春爛熳櫻花候萬里羈孤客子心入洛士龍成獨往過江王導悵
登臨迴廊徙倚懷鄉國錦瑟華年感到今

迢遞瓊樓最上層，高寒猶自擁吳綾。
嚴更坎坎叢祠鼓，警夢飄飄候館鐙。
略與驅愁酬酹，故將片念著曹騰。
聞風縹馬平生歎，啼髮陽阿媿未能。

病中偶成

生翠綠影如潮啼，鴉傷春慘不驕。
別有曼聲盪孤緒，鄰家幽咽賣餚簫。
寒戀鴛衾睡起遲，暗將幽怨度芳時。
無言悄立西窗下，宛轉春愁燕子知。
白袷衣單寒惻惻，青衫影淚痕閒時。
半讀傷心史，虛負春韶懶出門。
夢聞歸雁倍思家，怯怯空牀日又斜。
前夜明香今夜雨，悶燒銀燭對殘花。
逃名未得暫逃虛，散髮斜簪諷道書。
不信吾廬在人境，萬花如海閉門居。
絲竹中年除跌宕，儒冠半世與銷磨。
逢人自道幽憂子，畢竟文章涕淚多。
不成苦病不成愁，盡日懨懨臥小樓。
搔首向天作何語，暗憐匝月未梳頭。
小極無慘據隱囊，細聽簷溜響虛廊。
一春消受閑滋味，輸與鶯鶯燕燕忙。
明明如月何時掇，孌孌餘音似可聞。
長訝雙魚斷消息，去天一握有孤雲。
強持尊酒鬪年華，瘦損腰肢病漸加。
一樣飄零傷小劫，燈前細雨落簷花。
遙天海遠悵沉淪，上界仙都帝所尊。
我欲乘風凌萬里，一朝金闕謁修門。
天上人間窮幻想，敬塵微積沸流波。
新蟾脈脈關心事，一度團圓萬劫過。

儻竟飄然蛻此身人天親愛總塵塵憑誰強別分恩怨學道三年媿未真
爲有真情工慨歎刪除綺語變風騷芬芳自媚垂垂歇騎省年來感二毛

本事詩卻寄羅癭兼約塾菴同作

策策蠻靴簇簇衫上弦新月正初三當窗嬌鳥曾通語臥梅烏龍隱妬顏短翼差池勞燕燕羈懷長是緒
繚繚最憐昨夜斑駁逝小閣熏鑪永夕閒
猶自衣香染未銷離鸞別鳳怨迢迢空持羅帶成凝竚難把真珠慰寂寥盡道過江看衛玠那堪禁戀憶
南朝舟中悵望知何似腸斷津沽上下橋
來是珊瑚去遂行虛辭陳謝若爲情書空盡日相思字生小嬌郎未有名子夜前溪歌宛轉秋河別院悵
平明相逢未必還相識佇苦停辛枉此生
似水流年去不回工愁善病益相催人非薄倖徒乖阻天遣多情少別裁墜粉啼紅何限恨研丹擘石不
成灰蓬萊清淺三山遠庾信當年只費才

石遺老人久病不見作此代柬

苦念空齋老病夫近來詩思定何如斜街古屋飛花滿蕭寺華年把琖虛說法安心知有術偷閑作計未
全疏憑誰細話溫存味燈火相親讀道書

石遺老人答以新詩覺前意有未盡重申一首

君爲秋士悲多感我久春明意未舒
獨夜悽惶竅蚯蚓盈襟塵淚泣枯魚
繩床經案原非病藥碗齋糜奈已墮
萬事不如麻木好可能言說亦刪除

伯葭爲余篆印不失古意遂以長歌報之

程君用刀實用筆如劍切泥錐畫沙
自言雕琢得天巧時流醉呼金石家
運斤煉鍛各殊術藝而進道聖所嘉
當其凝神與古會漢碑秦碣生光華
懸鍼垂露體態異銀鈎鐵畫無疵瑕
書六義本精密持較不使毫釐差
都人踏破鐵門限徵求陳請如趨衙
巧爲拙奴於古語逐臭好異君其嗟
竭來市井競姿媚古法新法紛騰擎
增刀減筆隨意造謹嚴盡失歸浮夸
漢章元紐不汝爾大書深刻甯非耶
近者更有東來法自矜鬼斧仍奇袞
都居流別都不講頗覺字勢成旁斜
別裁僞體定有待詎容鼓瑟喧胡笳
壯夫願勿薄小技鏤刻肝腎非揄揶
時當從君問奇字載酒略略同侯芭

寓齋鼓琴涉意成詠

逸豫謝塵事廓落渺餘懽絲桐張
高秋繞指鳴哀彈急絃無懦響寡
和含悽酸詠歎復沉吟不覺夜向闌
先民曠憂患所託匪一端當歌發
愾嘆聞樂集汎瀾詎徒伊鬱感知
音良獨難賢聖不可作愴悅摧心肝
朱絃何疏越一唱遺三歎審音在
識微鄭衛遂以判遐心原太始常
恐宮羽換昌黎昔致慨無由見真濫
及茲千載遙累黍卽可按成虧亦
已悟張弛聊把玩繕性得和平抱
膝寄蕭散沉思獨爾爲庶用明冲澹
飄飄鬱歸思晨風懷北林佳人殊
未來何以重南金清商厲孤響搖
落謝芳心不畏霜雪盛所悲歲序侵

白駒皎空谷，季女飢山南。邈矣廣陵散，悠悠哉梁甫。吟玄賞諒非，昔无悶貴自。今揮手息羣，動在抱何欽。欽解慍天下，理鳴堂單父。治吹萬變時，雍宮聲滿天地音。起本人心鏗鏘寓精意，以此默有懷夜寐。承所示大音，本希聲古調。宵復冀如何，操縵者飛揚輕。自恣靖節實超然，識趣標孤寄。索居寡學道，高隱事求志。儻可畢憂虞，在御從此始。

贈程伯葭南歸毗陵

誰歟行者車，輾輾鴻冥高。飛避繳矰使，我心悲嗟良。朋掉頭乃似遊方僧，丁三先生亦何能。年年傲骨空峻嶒，君來相附如癡蠅。坐此流俗紛噴憎，竭來長安萬馬騰。赫赫羣彥爭，薛滕君獨胡爲氣。填膺灌夫默，默自引繩五侯招。邀故不饜似此功業，何由稱懸知天幸。非所承，尊羹方欲從。季鷹風花轉瞬如飄燈，南山之蛟寒可嘗。它時儻復懷觚稜。

晉陵程伯葭屬題黃鶴山樵溪亭觀瀑圖

程侯示我古畫軸，叔明高步何堂堂。吳興本自好山水，放筆幾欲凌穹蒼。畫師駢歎鬼夜笑，剗奪造化無留藏。眉書圖贈孟高士，經君題品誰能當。是時炎曦正烜赫，披拂戶牖延清涼。老松矗立四五幹，溪石齒齒流洋洋。中間瀑布爭噴薄，懸崖峭壁森兩旁。茆齋幽人獨偃坐，溪山對賞疑相忘。知其胸次絕高迥，煙雲供養非荒唐。五百年來無此作，倪迂舊說吾尤詳。豎儒耳食恣剽竊，擬王右丞擬董北苑紛低昂。至人無心詎踐迹，偶爾發興垂縑緝。揮毫瀟洒自快意，焉與俗子供張皇。市兒估客尤可笑，遠爲朽骨揚芬芳。高騰

聲價糅真贋坐圖巨富傾慳囊近聞購山樵畫山樵有知應齒冷通靈遂使走且僵嗟余好遊實天性筋骨驚弱疲津梁寶藏垂囊意色惡費中人產殊徬徨讀書品畫亦不易臥遊清願烏從償還君此本三歎息惜無奇語如元揚

友人書訊近狀作此答之

因君厚愛翻成媿而我何能爾許奇白眼加人來俗子黑頭虛夢笑癡兒抗懷政作千秋想入世曾無一事宜常恐後生描畫盡豈知窮老苦吟詩

過醉酬余雨韭

相從咀嚼恣清狂添酒迴燈累舉觴不信閑愁曾撥遣翻憐小極轉恹惶曹騰未覺能隨俗酩酊從教笑作僮忽憶詩人杜陵老弟昆永結太淒涼

悽惋詞

悽惋真到極心煩意未通衫輕天水碧酒灑石榴紅剪髮初團月熏香故惹風思君在何許花底覓秦宮
悽惋真到極香塵逐井泥歡來歌赤鳳悵逝怨斑駁錦字何由達瑤緘信懶題王孫儻相憶迢遞盼秋期
悽惋真到極東流誓不迴本期鸞作御翻令鳩爲媒濺淚聽金縷含哀望玉臺楊花自飄蕩幽意未成灰
悽惋真到極屈人望大隄明蟾弦上下勞燕影東西歌扇空年少旂亭悵字題無繆正何似差擬老雞棲
悽惋真到極花時只獨遊飄鐙迷蔣巷疎雨隔樊樓隱約調箏柱依稀響玉鈎沉沉增百感何以慰離憂

留別吳君遂刑部

百無聊賴過零丁遙睇中原一髮青
避地詩人哀故國渡江名士泣新亭
山河運歇英才盡鼙鼓聲沈戰血腥
鶉首賜秦天亦醉祇憐羈客獨長醒

答鶴柴

十日相逢驚太瘦紛紛車蓋等閒看
高天厚地孟東野索句閉門陳後山
倚撫文章遭鬼笑商量齏臼到儒酸
老夫便欲長焚硯政恐磨人未應閒

丁未南旋悵然有作

過客光陰取次銷遂初無計老漁樵
遠游稅駕成羈旅上界清都迥寂寥
百輩詞流花事盡十年哀樂夢痕消
黑頭有愧梁江總空令還家對海潮

六和塔觀潮步歸成吟

神王吾生得幾回奔騰萬馬蹙江開
是何意態聞噫氣叱咤風雲響怒雷
射弩三千猶昨日觀濤七發可無才
獨憐垂老天邊客躑躅江頭首重回

游南高峯烟霞洞遇信上人因題

浮空積翠真靈窟拊掌軒眉數勝游
安得如師行萬里閒來天外一昂頭
邨墟歷落炊烟暝飛鶴盤旋廢塔投
老我儻能容嘯傲茅菴佳處乞相留

烟霞洞題贈閩僧學信

信公結志抗煙霞一臥荒山老歲華
獨賞坡仙舊游處逃禪湖海便爲家
誰將韻事傳煨芋時見飛禽蹴落花
我欲相從殊未了愧師調水淪新茶

秋垌試馬路出東華小酌惺忪經行上館悵然有作

慘綠年華瑟瑟秋薰香傳粉護衣
籌馳思悵望經年別入夢迷離
滯舊游天壤王郎徒有恨南朝帝子詎
無愁尋常蹋地都生憶愛好憐才不自由

晚眺天橋行吟而返卽書送荷菴南游

風物昌昌滿大堤官街萬綠柳初齊
禿襟小袖人調馬利屣輕衫客鬪雞
狹巷相逢承色笑津橋小立惜分携
春來略有遊興路入南園不忍題

贈趙芷蓀侍御還湘潭

久覺中朝諫草稀一聞鳴鳳想風期
文章本自驚人事男子特爲天下奇
不耐一官成遠志卽今吾道果何之
百年作計堂堂甚故國平居暗淚垂

和何穆恣韻

白髮稍侵感向晨眉頭久分未能伸
謝公小字名爲客江總驚心本恨人
拚取一生送杯酒劇憐十丈染緇塵
嗟余此去城南路寂寞題詩自餞春

有憶四首 甲辰客滬作

的皜明鏡漾漾搖萬花如海酒如潮畫屏今夕多無寐斜倚瓊筵品玉簫
宛轉前溪子夜歌明珠瑟瑟奈愁何商量解佩分香事一握蛟綃淚已多
大宙人才費校量南癩北俊各專長拈花微笑吾何敢悟到無花味亦香
慧根了了恩仇外愛力團團哀樂中欲識此心無所住長天縹渺一征鴻

江亭席上與石遺亢虎白葭經畦同作

精藍舊事傳江總座上詩人是古靈半日浮生餘覺夢十年小劫有孤亭無多名士垂垂老如此長條故
故青最是道心無住着芳英滿甸眼曾經

丙午首夏遇伯葭京師契闊數年握手甚樂時康齋紫藤盛開花下攝像媵之以詩

三年不見勞思子差喜花開又一逢何處買山容我住幾時攜手與君同媿無勳業千年事聊寄閒情一
剝中苦念浮生作何嚼蚊蛇逐逐可憐風

吳保初

保初字彥復安徽廬江人蔭生官刑部主事有北山樓集

讀陳石遺詩集遂和其論詩原韻

客邸鎮無聊向人借書看遊興久已闌吟侶亦漸罕暮携陳子詩兀兀誦至且珠玉隨風翻咳唾落天半
詠懷追步兵者酒過中散雲夢偶相值江湖遊汗漫師門君所思世途吾已憚雖有鴻羽儀不及羊頭爛
澤畔放臣吟樓頭思婦歎詞妥極艱辛語妙益悽惋始覺涪翁豪不遜臨川鍛吾師擅風雅薪傳火未斷
救衰雖已遲振靡或未晏誰爲壓卷篇有人唱之渙

答石遺

鯁生百不肖惟哭肖吾師哭肖詩不肖吾師夙知之

子夜讀曲

天香空中聞幽夢花前覺何處是天涯人在紅欄角
三五復二九明月窺窗牖霜露霑人衣慎莫憑欄久
摘花倩郎簪墜露霑裙溼莫使負芳心墜歡難再拾
瑤台風露多休怨嫦娥妬月下可重逢容狀難如故
猗猗蘭蕙花依依鳳城柳花開柳絮飛腸斷一攜手

前席

勞生催短景門巷晝陰陰香草紛萎節靈修點素襟烹泉然楚竹鼓瑟叩湘靈前席何勞問神州陸漸沉

飲酒

屈宋留辭賦楊朱泣路歧荒唐思楚夢窈窕望雲旗江漢春歸早瀟湘雁到遲眼看人盡醉安用獨醒爲

潘飛聲

飛聲字蘭史廣東番禺人

石遺室詩話蘭史有羅浮遊記一卷附詩十餘首可與易實甫羅浮紀遊詩競秀如宿白鶴觀
有云颯颯長松林天地忽然碧又月來百花醒雲睡萬壑寂安夢酣青山定光出千尺胡蝶洞
有云夢中下一蝶馱魂上松關仙人如春烟窈窕雙翠鬢華首臺有云一橋雨花任流水竭來
塵海原非根洗衲石有云山花猶早春雲水已秋色落我無塵衣寸寸作秋碧又白雪散平林
綠天若初夕寫得羅浮二山上下純綠分霞嶺望上界三峯有云鐵橋高高架雲壑振衣千仞
如行空松崖馴伏百啞虎藤杖幻化雙銅龍飛雲崢嶸出天外上界尙有三高峰帝恐飛雲日
飛盡天門豁露人可蹤特驅三峰作屏幃隱現霞彩升於東懸知太華尙夜碧粵山兀立千芙
蓉南荒南盡復何有但見一氣趨空濛黃龍洞觀瀑有云黃龍不見飛白龍作勢未許煙霞封
遠迸千疊萬疊石倒挂十株百株松又天風更助之而態松濤怒捲趨西峯皆清響可聽

羅浮紀遊

羅浮大雲海洞陰多野雲雲水日相滌仙山古無塵

橋雲

雲濤天半飛月乃出石罅萬壑蕩空明仙山古無夜

洗月洞

李詳

李詳字審言江蘇興化人諸生

追悼王壽萱錫祺

連楹廣榭債家眠嚴道銅山罷鑄錢窮丐先靈求一死魂歸故里定何年乙科豈復關周禮丙舍惟應傍

酒泉誰使平生抱鉛槧誤將束髮到華顛

君於戊子科失解好以誤用周禮詰同里儂者遂致離隙又一生不嗜穀食以酒爲命

見陶齋藏石記印本感賦

槐影扶疎紅紙廊冶城東畔又滄桑摩挲石墨人空老憶到金陵便斷腸

脫略曾非禮數苛上宮有女妬修蛾漢陽金集儒書客那得揚雄手載多

觥觥含憲出重閭傳命居然奉勅尊輕薄子玄猶並世可憐不返蜀川魂

肺病數日不出效海藏體

一徑雜風雨閉門春草深鳥飛雲意靜地僻足音沈未覺妨吾適時能致獨吟日衰頻對鏡已分二毛侵
繆莖風先生病愈見過

飛輪電掣蹶黃埃曾向維摩問疾來嗜好不離文字外儒門終先去法門開

哆口疎眉兀老蒼傾談能使寸心降遺山可有劉京叔百斛龍文耐獨扛

寄吳董卿南昌乞任注后山詩並從程鹿庵先生寫瀛洲道古錄

詞人蕭灑作鹽官坐嘯清陰送晚寒不是馬曹君勿厭西山拄笏且時看

瀛洲道古金風舊正字詩篇天社傳寫副王綸應自有買書坊曲莫論錢

題海藏樓詩新刊本

漢廷老吏道園詩楊載行閒老健兒輸與海藏成一體敢將山撼說偏師黨魁名字他年記清議平生執

友知氣盡景皇弓劍墮攀髯無分到彤墀

讀石遺室詩話有作

偶聞北海知劉備惜未任華遇少陵儂薄自迷三里霧煩歎誰辦一杵冰游吳物論惟輕宋趙秋谷游吳門事阮吾山

謂所指者西岐耳朝魯宗盟竟長滕心折長蘆吾已久別材非學最難憑

謝徐積餘觀察贈葉綠髮侍講新刊藏書紀事詩

蒙雅製出吳縑卷廣靈鶴校亦佳江建縑刻本僅六卷今多一卷部第亦有移易堪笑乞書叩門難得主人諧

也園吏部署僑居翰目承家好不殊夢影前塵原未誤隨齋批注太模糊是書第七卷內程木庵引前塵夢影錄程振甲一條江建綱批
注程字木庵好收藏金石案木庵名洪溥伏處不出入贊為翰林院孔目蔣生沐所稱為翰目者是也
甲字也園乾隆中進士官吏部主事為木庵之父判然兩人鞠裳據江說疑二為一非是積翁與葉君交
說告之以鄙

余館安慶存古學堂由沈子培吳棣軒兩提學招往辛亥八月以後留書三篋橫遭剽掠余寓書

滬上皖同鄉會移問皖督作何賠償積餘觀察見余書單因以鈔本葉氏語石及閩秀詞鈔汲

古閣本南北史補余所失與積翁甫論錢警石程木庵故事即踵而行之亦余兩人近日之佳

話也感念今昔紀以此詩

九年飽飲建業水舒州一行老無耻竟拋書卷付豺狼廣揭零丁跡都市往歲屬兒為我求幾為皖鬼沈
江流辛亥冬月大兒王祐帶舊僕往皖覓書由太古輪船移入划艇幾墮於水 阿父累汝汝收淚存古本與今為讎沈吳致我非相斬劫後時
 承故人問金投虛牝寂無聲甑墮中途嬾成愠書丐平生天幸多補亡贈副為摩挲眼明宛似歸窮子招
 下無庸效景撻南陵舊是好事者此誼公然向傾寫贈書不藉虛山攜識面曾非木庵寡密勸路作春明
 坊誰知僦宅託君旁我居西海君東海但覺煙霧生茫茫橫叨日餽甘嘲哂插架駢羅如束筍不將勺貳
 薄陳湯尙遲數詣酬劉尹故舊如君好事稀執云此道至今微范雲詩思舊昔云 清常不作生存哭蒙叟
 休將別淚揮余與皖人書中有毋令牧齋揮已竭之淚清常作生存之哭云云

鄭蘇堪孝胥貽海藏樓詩賦謝

一世風流魏晉人副禮翁言君如魏晉人與王幼退並舉誅茅穿徑自藏身山河已改將焉託皮骨猶存莫論貧東閣吏羞

丞相薛南宗詩並考功陳君與伯殿吏部屹爲二宗如禪家之有能秀李邕求識行能遂浩蕩閒鷗想漸馴

劉氏寓齋雜詩

坊曲春明署客居輪囷雲物映空虛青氈舊物王恭簾繆叟南陵許借書謂菴風老人積餘觀察

海內能文姚叔子尺書見慰到南村豈知嚴駕陶元亮一賦飢驅便出門姚叔節自京師大校詩書敘舊昨由里中寄到

獅子林荒貶直售愚園談宴接風流平泉拙政靈巖館幾輩辭榮反故邱劉君葆良招集愚園觀諸君畫家慶圖坐有陸叟恢談獅子林

貶直出售因言海昌相國拙政園未嘗爲一日之娛余云平泉草木靈巖山館率皆如此陸君歎息頷之

答沈子培先生曾植

北面淵源蚤服膺頓聞清吹嘯孫登連蜷霓猶堪讀升降雄風敢再陵肯報瓊瑤償瓦石漫從滄潦達

淄澠選樓家世康王學自愧蹉跎病未能君以熟精文選及世說學相推

車過崑山憶徐遜庵先生嘉

賤顧詩成雕鏤新冷官橫舍履綦頻龍鍾病臥山陽叟不見亭林拜墓人老友山陽徐先生嘉以二十年前精力賤亭林詩甫刊成即選授

崑山校官每過千墩必謁亭林墓以申祇敬今先生病風歸里已六七年與余不相見久矣

以吳野人集贈蘇堪

年少涉世患論詩識常變譬如良家子束髮經百戰雖歷雁門躋終膺宿將選奈何深居士蔑此若郵傳

樹蘭失芬芳刻楮強矜炫我言豈堪信人心不同面海上友蘇堪往復頗稱善君詩旨深宵精金在百鍊
眞辛訴應泣清漪石可見霸城對銅狄摩挲辱深眷重九計就君隱囊聊息偃天氣尙暄妍來雁款歸燕
蹉跎又此時鬢鬢着霜霰作健君猶能歎老我久倦袖中陋軒詩卓然淮海彥變徵協宮商廣駕驅組練
贈君閩中豪庶薄吳趨眩此卽廣陵濤不慮曲江澱石梁餘勁在千古爭一箭君如許鄙言垂和挹芳綯

寄吳溫叟陳宜甫義京師

老隨時物變舊故日置懷昔如蛩駉依今作參辰乖南中氣尙溫落葉已盈階想彼京師人重棉踏霜街
舉舉樹齒牙悠悠外形骸豈忘孤臂攘慮爲衆口排西山簞空稜塵眼試一措羔羊間腥羶可復思吳膾
歲暮憶嚴裝期與二子偕足音悅流人履綦遲荒齋各循鬢髮看相訊體中佳庶幾澣黃塵依然樂吾儕

爲聚卿題劉翰怡所藏翁覃谿自書分撰提要手彙

大輿二妙朱翁河與翁河蚤逝覃谿雄校書中祕照黎火謁者海內搜陳農當時最目悉條上珠盤自泣
藏蛟宮一千餘種出手寫摩挲巖電開方瞳忽從南海落吳會翩引翼雙飛龍舉似六冊益未備干莫
出匣光熊熊補天鍊石吾豈敢要以一罇填青銅蘇齋老人喚不起平章文字猶從容南江惜抱存別錄
餘姚邵二雲桐城姚姚惜
抱分撰提要皆已刊行惜未著此彫鐫工何不摹印餉時輩筆墨妙追奇蹤眼見突兀柱君屋卿月掩
映雲腫臃幸茲尤物今得所賀君酌以波黎鍾

題冒鶴亭廣生新刊二黃先生詩卽以寄冒

永嘉二黃擅甌海恰似客兒與阿連池塘春草有神助夢中得句誇人前區區不盈冊番紙玉凋蘭萃隨

風煙縵庵通書在庚子先師總帳期猶懸余昔以漱蘭先生誄寄鮮庵解薦蘇竹頌鄂渚未泛滄浪船寅

仲駿約余赴鄂以有館辭之蔘綏遺文落落吾手點勘頗亦窮丹鉛陳善餘受陶齋惜編定仲駿箋綏閣遺集屬余校勘

集內皆附有特勒夫子波福字正後粗覺心安便原稿闕特勤經某改勤為勒題李文石明湖外泛圖白

見顏翰匡繆正俗其改福為福知其不後世誰知子建定今人但識橫山編本非長物輕割棄奪簞寧計

安也又改為福小波應作坡余俱改正王恭錢張陳張黃樓藏本在何處冥契神理猶繇繇冒君盛蒙國士譽何不最錄窮彫鐫廣搜博采都一

集魚兔既得忘蹄筌他時二黃齊二陸吾衰庶及觀其全

挽莫仲武先生 編孫

呬叟能書付此翁墮官莫救數奇窮篆存箋異摹唐本子偃先生唐本說文木部死合揚州署寓公四老

當年今折一已西五月愚園宴集湘綺雌風駭濁不應雄苦無閭扁鑽中貴賸忤新寧語最工君昔對劉

道惜無京師貴人書故至今未得一差忠誠怒劾之請以同知降補奉旨革職

和公約紀江北災

世亂民可死子遺天不恤淮海遭剽掠旱蝗並時出可憐與鹽交餓者若蟻蝨昔陳慷慨言千戶拯其一

棺櫓繼以葦村空盡虛室城中擅膏腴城外半羸疾官振自有限誰能紀其實我友目擊之哀恫若親睺

賣兒與貼婦其事豈虛述及今麥已登捐瘠猶未畢孰推己飢心噓枯引諸膝況復羣盜起搜牢勇呼叱

截船日亭午掠奪及衷袒恐後淮揚間終古迫憂慄梁生誕斯土我亦鄉里匹長謠和勞歌慨歎淚綠筆
加稅理既同救災德宜卒莫將泉下人扣之伏斧礪

謝馮先生蒿庵類藁之贈

明昌大定文章世和璧珊瑚間木難喜見當年吟諷句丹陽山色上征鞍丹陽山色來上征鞍公律賦中語

伯嚴吏部移歸金陵計已安處矣寄此奉問

咫尺青溪好放船鍾山常在畫簾前縱無好事能攜酒應有窮交數乞錢王氣久隨兵火盡雄文幸藉弱

豪宣許為亡妻墓志陶詩弱豪多所宜月明樓上頻西望想見詩人喜靜便杜詩長吟阻靜便

藝風先生病愈見過

哆口疎眉兀老蒼用宋人借韻法傾談能使寸心降遺山絕勝劉京叔百斛龍文可獨扛

至閬北訪葉鞠翁未值即寄文臺至蘇乞序腰以二詩

喜無長柄問胡盧老惜雕蟲付白鬚欲乞范陽張壯武高名先為序三都常怪左太沖以三都賦質於強茂先張謂二京可三宜以經高

名之士點定茂先獨非高名邪當時物望且
在士安之右又能文章何不序之此疑竇也

金香嚴先生為余畫望廬圖作此奉謝

自抱沈憂已八年帷屏無狀寫餘妍詩人為繪黃門句逝者真當苦相篇夢蹴東西衢術誤歲更寒燠日

星懸與君除服同孫楚欲博人憐轉自憐

周夢坡慶雲屬詠理安寺經塔

理安住處剝靈圖高映錢唐明聖湖報母深恩容佛說釋藏有佛說父母恩難報經倚天負揭仗神扶王延壽魯靈光殿賦神靈扶其
棟宇杜少陵九成宮詩立神扶棟梁即用王賦志廣游覽書金管人羨登臨濯玉壺風峪刻經那可比勝
負揭二字出李充翰林論及世說新語巧藝篇
將造像記區鋪北朝唐人造像以一區一鋪計者

奉懷滬上諸友絕句二十七首錄二

臂痛未復戚戚憂生感舊懷人用代簡翰

崔魏斯文接老蒼孔門用賦晚升堂涪翁近掉邢居實劉樸生以嘔血死每對西風一斷腸金壇馮蕩叟贈聯製

序盛相假借故以杜老壯游子雲法言中語自況

亂頭麤服體中佳家學能承簡學齋不作秋衾銅葦夢探山翠薜瀆青鞵蘄水陳仁先曾壽君為秋舫先生曾孫昔識君於鄭海藏許

今年答余詩以敝郡汪容甫相易容甫余所私淑踵武則不敢也

二劉詩張侯師著申叔師培

青谿舊屋劉孟瞻四葉孫子俱翩翩昔將青藜配紅豆劉氏門聯紅豆三傳儒林趾美青藜四照寶樹張聯芳余謂張侯君家且四傳矣張侯笑稱不敢

侯晚起能爭前強死遠追二王子文考子安張侯以壬寅八月墮江死金華銀樸傷湛淵觀濤不反記八月張侯尸起於魚山之北當漢唐

高處披髮上訴倉琅天衰宗一綫託申叔絕足奔放孤騰騫盛名顯晦若兒戲擾擾風霧空中懸伯松不

免巧為奏子雲劇美猶窮玄安生沖遠甘北面儒生歷此真堪憐逝者既逝骨已朽生者痛惜羈幽燕我

欲生招入恒開袂以燼火湔清泉諸生執經侍講席繇龜瓠首相周旋恨無竹實致此鳳空令逐肉如鳥
鳶願渠箸書善養性毋以嘲謗凋天年張侯有集尙局繇申叔流布窮垓埏秋窗月落百慮絕微蟲曳響
淒鳴絃悒悒二劉寫余抱詩成閣筆停宵眠吁嗟我無愛憎念不見劉柳溫石皆見昌黎篇余愛申叔故
重傷之而是
非之公不能由余而諱昌黎永貞行之言劉柳寄盧同詩之云水南水
北兩山人即溫造石洪也俱不免有微詞後人以爲情好不終誤矣

梁 莢

莢字公約江蘇江都人有端虛堂稿

石遺室詩話梁君詩極似明末清初江湖諸老語近人則胡詩廬可相伯仲句如憂時滿紙淚
孤坐四圍山老輩疏狂塵事外遠人去住歲寒時清陰酬我兼春閨古樹如人謝剪裁皆有意
味

江南贈郭大楚生

累月住江表山川知汝狂艱難同一客吟咏漫多傷寄廡無長物當春傳急觴未妨趁烟月談笑接滄浪
論年應弟汝覓食眇愁予各守悛悛鄙毋慚鬱鬱居買鄰客近我覽揆及春初時楚生正
三十初度來日鶯花盛開

顏且樂胥

截句題畫菊

吾鄉城北此最盛南來三見秋花黃對君高格可無酒今夜月明知有霜

顧石公丈招飲卽席贈貢子賓

顧榮宅邊春已蘇主人張筵馳軍符屋底昂藏多酒徒大甕翻倒如江湖酒闌座客稍稍去君猶遶柱三
踟蹰狂語槎枒出肝肺攜金結客胡爲乎典衣賣劍勸行沽且復聽我譌烏烏人生快事無時無一醉出
門皆坦途掉頭春月桂林角山盪水屋供行樂君且倚馬竟此爵與君醉死填谿壑

九日與劉龍慧登北固山

客感蕭寥桑百觴青山多處作重陽秋風西上江聲闊皓月東來海氣蒼暮色漸深人強醉世情如夢豈
能狂十年始遂登臨願耐可黃花著意黃

寒夜早眠江守侷數數見訪劇談詩以謝之

各以飢驅送白日遲遲午夜始相過籠頭絮帽冷欲涕脫手新詩君且譌暫就殘燈商世夢不知寒月轉
庭柯我眠君去不走送覺來茶聲如沸波

乙巳冬月十五日與里人集馬伯良齋中甚歡返甯遂病作此記之

故鄉酒夢惺忪別值得江城臥病思老輩疏狂塵事外遠人去住歲寒時春萌好植深深地臘鼓何嫌故
故遲入座談奇許同調况邀明月滿瓊卮

歲暮雜憶

虹橋明月明如水，寒夜清光落更遲。獨有閉門老太史，殘燈衰髻苦吟詩。臧貽孫

絕愛詩人馬伯良，賣田沽酒爲春忙。我來不見詩徵閣，收拾叢殘慎弄藏。馬伯良家藏前明遺老詩甚多

絕世風流陳大燈，消磨英氣久無棱。孤居不厭城西僻，細數牟尼到上乘。陳孝起

六月返里宿府中學與陳休庵夜話

午夜祝融初弛轡，水螢熠熠上人衣。三年意外得相聚，一棹江南且緩歸。樹木新陰滿，生意茶瓜情話共。忘機倚欄，獨自看星斗，心契寥天迥入微。

長安索米故人多，九夏思鄉意若何。憐爾飲冰愁內熱，肯來散髮共狂歌。湖邨水郭元人寄，木葉涼蟬幾度過。明發驅車在天際，二分清夢付蹉跎。

爲梁節齋先生畫菊題句

獵獵西風兩鬢霜，相逢江上又重陽。論文坐覺鍾山逸，補國應知涑水狂。溫公有誓其狂直庶有補於國家語病免卽今能浪迹，秋高憑遠幾迴腸。年來未算支離甚，共把黃花照酒觴。

游焦山與柳子詒徵聯句

方舟凌曉發，巨浸浮遠天。崩岸收帆險，奇松倒影圓。六時喧梵唄，一榻散茶烟。小憩祛塵慮，詒禪關。造自然。蕙

縱觀殊未已，英一徑接諸天。浪嶺山趺透，雲垂佛頂圓。詒厓碑捫斷，字番舶島孤。烟便欲誅茅，住高蹤偶孝然英。

游虞山贈劉龍慧

一山涌萬綠，蜿蜒適蕭林。霏裏亂蟬炎，歛換死爽磴。道走磕磕橫，枝拂輿幌轉。折出蒼冥坦，懷俯萬象危。厓忽中裂，厓厓豁高腋。天閭鬱沈沈，此地特明昶。安得十萬劍，隨處破塵網。迴風激奔泉，襟袖生鼓盪。悄立森秋寒，觸境造深想。竹輿乘天風，下如馬脫鞅。迴首青芙蓉，步滑不敢仰。吁嗟攀附勞，失勢落千丈。劉子嶽寄人，耽吟世無兩。寸心有巖壑，畏熱恒怏怏。羈此乃逾歲，對山得真賞。山奇詩亦奇，窈窕並可獎。

和陳散原先生韻

愛住青溪曲，當年此買鄰。烽烟罅江國，花月度蕭辰。舊雨飄如夢，春風豈厭貧。鍾山久相遲，同作荷樵人。

吳江道中和侯葆三

吳江城外柳，作花垂虹橋。半遇侯芭相逢，但道酒初熟。夜話應知月，可賒十畝園林新學子。謂任一家書

史舊生涯謂金李侯暉君更餉鱸魚膾，歸夢遲遲滯客槎。

偕季棠弟及次兒孝詠登靈巖絕頂歸舟賦此

小市閑閑春較長，呶啞柔橈過橫塘。青山負塔隨溪轉，碧樹辭花著水香。絕頂琴聲來縹渺，五湖帆影點青蒼。歸途情話月初上，爛醉猶能舉十觴。謂季棠

題顧黃門遠研拓本

儒通天地人萬象恣歎推希馮挺異姿小年獨著學約禮先博文竟委識量卓玄象搜微尙洞冥窮眇邈
著書數百卷立言斷堅確餘技擅丹青聊復事追琢此研媵昏且瑯闢完太璞匆匆幾乘海片石珍如珏
家世守清芬千載猶超踔

贈許南友丈

老去人事忤所樂在天倪平生濟勝具浪擲江海涓男兒生世間窮達任所之勿勿墮塵夢湖山清且悲
便欲齊百物干戈胡爾爲鼎絨棄如脫書畫抵夕炊皜皜揚州鶴三匝何無依詩酒渾漫與自署民中者
我少去鄉國覓舍泣路歧因人鬢垂白曳尾入塗泥每誦容夫文忍辱猶自烹丈是吾叔行良訓時相規
南中共遊讌旦晚念仁恭丈爲天所放相羊謝豹鞮執一乃驅萬守庸乃黜奇行道有真諦與世無町畦
我亦猷囂雜緣督以自期據懷意無盡非敢論狂癡

庚申三月三日程窳堪招同陳散原胡蘧盦冒疚齋蒼崖和尚集秦淮舟中仇贅叟復攜歌者至
談讌甚懽蒼崖作圖紀之

約也菰廬人不縈纓組夢傭書趨高牙食力等抱甕此中有程子藁竹見鳴鳳小別轉蕭索白雪據筵弄
三月秦淮水碧若玻璃凍打漿招勝侶須麈各殊衆非復永和年禊飲有餘恫一舟出林隙款關聽柔喑
婉婉來玉人言笑贅叟共此樂久銷歇煙柳多倥偬火速寫成圖老僧意良重酒闌冒生去淮市鞞塵鞞

一痕蒼翠中離心查鶴送

范當世

當世初名鑄字肯堂江蘇南通州人諸生有范伯子詩集

石遺室詩話伯子識一時名公鉅卿頗夥徒以久不第抑鬱牢愁詩境幾於荆天棘地不啻東野之詩囚也工力甚深下語不肯猶人讀之往往使人不懽茲錄其尤爲真摯者若干首

贈顧滌香

三十爲詩顧工部登壇才氣並諸昆太行南下青歸袖淮水東流綠到門愛日林亭長護草好風裾佩結
蘭蓀人間此會真希有珍重瑤篇異候論

送周彥升之山東戎幕

君有遠行二千里山橫海舶總艱難何曾帷幄須奇策使汝氊裘犯苦寒羞鳥戶蟲生計在伏龍雖鳳歲
時寬諸公相見鈴轅下莫作山中處士看

湖北通志局聞妻喪於時方脩列女志稍整齊而後行悲哭之餘猶繙故紙停筆寫哀遂成四絕

錄一

迢迢江漢淚滂沱秉燭脩書且奈何讀罷五千縑嬾傳可知男子負心多

大橋墓下

草草征夫往月歸今來墓下一沾衣百年土穴何須共三載秋墳且女違樹木有生還自長草根無淚不能肥泱泱河水東城暮佇與何人守落暉

感春三首

退之巖巖作餘事有春不賞悲春氣杜甫遭春必賞春句間定作傷心人我與春情亦何澹臥病頽然一無感不有當門數樹花春光來去焉知覽桃正花時已半僵梨花皎白精神強花枝盡吐葉不吐哀哉幾日俱淪喪民生各有眼前樂驩然一覩輕侯王吾雖賤士骨不醜攬鏡自照殊堂堂割居天地弗盈晦撫有嘉木非成行對此驩娛竟摧死能無激烈動肝腸

天風澹澹王母居東方豎子吹笙竽河水洋洋河伯驅西門令尹長嗟吁空愁妄歎吾何有渺渺仙槎弗可圖平生至精所牢結但覺朋友同肌膚張藉彫零馬周死新悲舊恨紛來紆當時二公弗徒愛鍼砭苦語無時無君歸黃土亦何恨留我風塵願恐虛細想微軀有何戀故人臨沒還踟躕蟲書蟻篆無人見羊角扶搖又可圖

大弟郵詩漢江口小弟書詞怨兄走驩然白下秋情來爭論歸期畏我後爾曹弗似當年欣故交淪落傷我心獨可囊金買歌棹浮載兄弟同哀吟哀吟可樂不可多八月金盡當如何九月還家典裘服十月離

散歸江河平生要汝文字好到今已悔嗟蹉跎翩翩二子穠華質刪削剝落成枯柯方知蓄意與春左那得憐花不受瘥

南康城下作

雪裏乘舟出江渚維舟忽被南風阻日日登高望北風北風夜至狂無主似挾全湖撲我舟更吹山石當空舞微命區區在布衾浮漂覆壓皆由汝連宵達晝無人聲臥中已失南康城眯眼驚窺斷纜處惟餘廢塔猶崢嶸老僕顛躓強爲飯慰我風微得遠行嗟爾何曾當大險一風十日天無情吾有光明十捆燭甕有殘醪鉢有肉新硯能容一斗墨兔毫蠻紙堆盈篋爲吾徧塞窗中明早晚澄清煮糜粥吾欲偷閒疾著書誰能更待山中屋

雜感二十八首廬陵道中作時點臨川詩至第八卷卽用其每詩之題句以窮吾興端錄一

黃菊有至性天桃有至情綿綿各自活藹藹爲天榮野人實枯槁菊以歸泉明焉知五柳下夢與桃花榮一讀閒情賦哀來不可平

入灘河易舟聞舟人言往月安福使人迎探狀慙恐彌甚心神益焦輒復爲詩十九韻

順康元老家乾嘉大儒系道咸名公孫同光詩人子藹藹敦詩媛持以配當世當時卻不言咄哉吳刺史持我烟霧中德我亦已詭令今尙在途吾獨望公耳金陵逢諸昆玉樹得相倚依依訂後期期在月建子豈知歲寒累隔月不能指紛如敗葉多掃去復填委江流入大湖湖窮見灘水一月四易舟偃蹇莫能駛

已聞安福君迎探日有使人生重然諾大諾矧可爾感此宵寐淹對燭彌慙已韓公詩萬篇翺也數十紙培塿附泰山不爾將安特伐肝取新作急索勿令徒持爲到門獻薄咎庶能理

驟煖出眺還復同外舅登閣次韻一篇

南方天氣多炎蒸蟄幾日薰風生春乘夏氣一何銳昨日枯柳今朝榮竟把紗羅易裘服灑然出眺心神清此邦山色亦佳絕往往峭拔無低平城根滅沒不可見微見粉堞當疏林有亭翼然欲飛去陡絕不知誰所營丈人官此亦良得但祝老母娛千齡南楚北燕吾涉過茫茫獨嘯誰同聲三十已防浮譽起四十欲將高隱成隱卒不成譽亦少每年還爲饑驅行無官弗求有弗棄從人覓食徒荆榛冀州食糲亦云泰一旦自休仍割情天津城上春如海仙李枝頭溜好鶯怪底白鷗性殊潔不能浩蕩姑銜冰爰居卻有避風智精衛難將滄海平瓠子名爲封禪瑞柏梁又主鉤陳兵天心茫昧豈能測三公弼亮知權衡嗟我與公但相照宵來璧月如華燈肥甘大肉豈足惜名子快婿齊稱觥

余與晉卿往來數月既盡讀其詩歌駢文墨子之屬最後又得讀其古文益服其無所不能攜至保定視吾師吾師歎嗟焉七月余將南還晉卿別以詩和之得三十四韻

北方舊聞天下雄涉河一覽嗟哉空平歷萬村草樹寡水居不釣山無茸我聞千里到此息狂言誕語凌諸公吳公授我秀才藝云此屬者邦之蒙觀吾井者樂吾樂對此不得方南東我誠斯言踞坐視初睨忽眩驚我瞳卽換心腸測羣腑千靈百怪爭鴻濛顧謂吳公曷嬉我公笑謂我非我功保陽魁人曰王氏酣

經饌籍光熊熊要遮出刃擬其腹乞膏溉此荒田中彼號願承一手烈能關造化開神工君今所詫固可偉三年以昔皆常僮顧謂在階速具酒卽看二子尊前融維時浴佛後一日吳公席上來匆匆明朝就語信都院爲莊爲詭十九同示以卷詩最初詠雕愁刻鬼如頽翁琢成小文出幽怪蘭根僻夜鳴何蟲我聞經師日在矩十步以外非所攻咄哉章縫雜奇服顧此稷壤憂心冲險人如雷那可測震出平地千家聾高雲沸沸盡龍氣俾蜃對嘘天不靈蜃墮其樓閉海市夜走海底龍王宮老龍但言我無術汝弗幻者焉得窮此間神物或如蚓此物受戒新出籠五千大藏用故少吾族得之經綸豐汝惟海產夜郎腹乃今但可潛其蹤嗚呼王君我與汝今此鬪角猶雌風尹邢娟娟女兒相我亦悔過私捫胸大道榛蕪要徒衆聖人孤獨賢人叢長離一飛幾千載孔雀翼翼啼蒼穹泰山東面障東海太行擁背排雲峯黃河如溝不足悼南箕北斗夜夜通會當與君戲原野暫別幾日胡殷衷將酒酌君問君意吾欲千年於此終

天津問津書院薑塢先生主講於此者八年外舅重遊其地感欲爲詩乃約當世同用山谷武昌

松風閣韻

有文支挂山與川恍人有脊屋有椽我立此語非徒然眼下現有二千年遠矣周孔隔地天手語目聽交鳴絃五德替代如奔泉掃去碌碌留聖賢此事擔當在几筵耿耿一髮天宇懸丈人家世留青氈文字碧水流潺湲從來不與時媚妍薑塢先生此粥饘百年喬木參風烟公來再飲唐山泉龍堂蛟室來眼前吾今只可爛漫眠夢裏不須書繞纏醒亦毋爲世教擊眼見地場天回旋

和叔節次韻陳后山秋懷十首

迢迢君子心雞鳴在風雨曾參不殺人愛感投其杼杯樽一以醴萬事何足數發興青林間風雲鬱高怒
年大亦爲蔽汝寧知吾荒嬉娛雜人事日月從奔忙學亦如遊子終年不反鄉歎心那可得祕之但無忘
儒家舍伊尹萬古無人耕不信泥塗辱堪爲文字榮園東數十步連隴蒼烟深俯仰一身在依然名利心
潭潭大府居榆桂分數院貴賤三五人各自把書卷讀書卽有心問我亦何願我乃稍自讎與世固無怨
仕宦如相公始能不爲祿故鄉未得歸亦自懷松菊朝來談海人險怪不可觸身將安所逃幸不爲魚肉
餓生亦何事忽在烏驪方胡兒挾彈過笑我儒衣裳歸來對妻子歎息須眉黃塵沙日裏面頭上亦已霜
文統萬萬年欺人弗可道一炬盡灰之方知孔顏槁及我猶徘徊頭白歸於掃公等美少年胡然自顛倒
人逐陰陽生萬事苦樂半迄無十分娛吾寧忽焉換亦有老成人悽悽約同伴依依復幾何芳草可同玩
冀州亦何事棄官老不歸甘心鬱奇藻短章亦嬾爲言懷張夫子襄陽習家池寧知餓而徙如今知貨誰
我思渡頭翁宜爲眼中仙百錢坐而得更賣南溪蓮往反日三四憐我屢又穿江湖白莽莽扁舟豈無緣

贈王賓基篤基兩生

我之徒曰李剛已頗揖梅曾拜韓李我有兩子罕最佳汜濫周秦漢諸子亦若我壻陳師曾卽角聲名挂
人齒茲皆足以娛吾年老死蓬蒿弗恨矣何哉訪舊來汝門見汝兄弟竟如此詩有不煩繩削成胸襟所
懷益奇詭莫我歲晚窮途聞昊天哀憐用相侈百夫之特千人英看我從頭下鞭箠汝賓生是穠華才屈

宋班張惟汝使弗於郡國擅風流要向明堂歌喜起汝甯得氣滋滋多已有清言發如水此宜拓地成河
江眼底一泓烏足喜噫乎得師良獨難古有高才化爲俚我之得汝魚水論汝亦應將風虎比記取人間
又一時不信吾門僅三士

與內子登狼山遊讌極樂內子先有詩而余次其韻

世態更改年復年山色向人無變遷所以古之倦遊者往往歸結青山緣嗟我蓬飄二十載今來共爾東
南天越從戊子作重九十年不履茲山巔春初與人觀野燒賓從雜選如流川此間豈容爾我迹輾轉期
待秧分田山空人靜雜花發攀登一覽心懽然平時未知缺幾許及此方覺吾猶全身之得閒賤亦好饑
飽在後何須錢惟以佳人古難得同時郭李云如仙白頭相守亦相喻此樂未被旁人先三千大千泡影
置當時如來豈不賢四十年閒阨窮漢惜無此趣能少延如今與爾共生滅在家何取忘家禪一日看山
未云少百方清興來連連浮雲已向空中失落日猶在天邊懸臨門一照長江水人與山容皆靜娟

看保安沙還至上海和敬如見懷

爲別四五日六日甫至止一日山中臥一日走江汜兩日風雨中水深沒車軌去其往還日實祇四日耳
何張於吾人良非等閑比新權人故羣磊磊正可喜雖然相從樂豈不念吾子人聞子名者循例欲誇譽
論子口則箝不論腹有痞沉思世賢萬取足一知己盡人而費辭是亦可以已飲河期滿腹不得盡河水
寧獨吾道然子意亦如此取子之赤心照地立人紀得時亘光芒不得伏而死空空是非間卽是安定理

緣子詩念吾還辭以喻指

與義門論詩文久之書二絕句錄一

最有空詞定樂哀網羅故實定非才請看鐙雨檐花句便值高歌餓死來

人日和杜公追酬高蜀州詩用其體韻

人間何日不興作何代無人怨淪落把手杜公人日篇感激淒傷淚如昨遙遙大歷千年來人代相看已
寥廓寧我獨無經世才知君亦乏匡時略常將短札記經過更把長篇娛寂寞言懷稷契悲唐虞坐想驂
騑憶鸚鵡如今似我更無論漢中昭州無一存劉表能談周禮樂趙佗不問漢乾坤朔風慄慄重陰覆西
海滔滔萬溜奔天意寧嗟腐敗士舊遊欲斷公侯門可憐世季生無賴要使饑驅道不尊尺水漣漪復何
有涸餘常此役驚魂

臨睡感題杜集

了知身世風馳過無奈當日似年事至終須一笑遣吟成翻藉百憂煎思君往矣真同物問我誰歟待
後賢病體不勝爐火澹仍能辛苦課宵眠

過焦山內人扶病眺望

斜陽冉冉天光好積水洋洋樹色酣欲問山靈此何世尙將晴翠撲江南
臨江病眺莫傷懷不死終能爾我來放意存茲一片石世間何物是樓臺

三君子篇有序

余爲六君子篇示諸生孟生知余篇終所云亦詭詞乃執揚雄傳來問曰雄澹泊如此然則其爲文章亦自適而已而班固推雄之意以爲欲求文章成名於後世雄豈猶不忍於後世之名乎余折之曰此不可以如斯頓悟也夫子曰弗乎弗乎君子疾沒世而名不稱焉吾道不行矣吾何以自見於後世哉夫子豈猶不忍於後世之名而云此者乃其所以發憤著書之由且維持萬世之天下俾不入於二氏之教者亦卽在此矣人之以文章自適而從容樂道一無所爲而爲之者豈其新學而遂能然耶高明之人不難於倦世至於捐其所謂富貴利達者以就於茲事而非若有千聖百王之揖讓於前千齡萬代之人之承望於後則又孰肯老死於此而不悔者哉故自孟子而來至於今凡不愧爲聖哲之書者其後大帥皆不能自己而其始也亦莫不欣動於夫子之言此其所以爲萬世師也吾懼孟生之味道未深而頗已輕世流弊滋大復作詩令誦之因篇末數語命曰三君子篇

老氏結巨網釋迦懸利鈎紛紜下人海垂餌當亂流以彼溷中趣兼之性命浮何患英雄人不來流上頭
流頭大魚上形瑰果如牛變化直飛去二老胡不收乃知青雲上招手有孔邱借問孔夫子何術招此儔
彼無異端在一語教人愁氣盡卽無我長生言不離輪回不可得寂滅終恥羞蓋棺萬物盡惟獨斯文留
沈雄乃不死精力斯當勦此道一深入機來難自由胸中沃至味玉瓊盛黃流貪噴怨慟怖一一皆謬悠

乃知師恩重聳我出我幽與我一世間福祿諸天侔假非玉書聖不忍寧肇修萬年弗可揭一揭乾坤休
老聃樹桃李獨秀惟莊周此人澹無欲永可泥塗龜一朝感鷓鴣欲作逍遙游公然脫彼網吾學同喜憂
靈均亦在楚孟子還居鄒當日三君子朝朝閱九州

姚永概

永概字叔節安徽桐城人光緒戊子解元有慎宜軒詩

由九江至孤塘行廬山麓四十里村景佳絕

異書欲就輿中讀卻喜光山復掩之石聳半天流爽氣日高諸有忽成奇喬松白鶴誰堪撫絕澗青虹却
倒垂太白去今已千載屏風張疊似當時

九江中秋

佳節登臨古所歡憑欄孤客且盤桓去年那識今年事山月不如江月寬燈火幾家聞鼓吹樓臺何處不
清寒遙知此際高堂上把酒應憐行路難

肯堂用大人韻作詩示予因及予與吳仲懿江陰之舊遊而以身強爲可寶次韻奉酬

生於吳楚愛幽并五嶽填胸不可平少壯漸過添老態江湖行徧減山情高吟斗室春回座臘雨連宵冷

入城彭蠡縱陽二千里茫茫帆楫又東征

通州水心亭

野水隔城市人來須小航亭臺初不見但有千垂楊道人拂巾出高冠危且方不語自微笑聽客高踞牀
玉蘭常塔植醜翻新開房淹留午到夕茶筴繼壺觴新月始有棱光輝猶未長迴轆盪小槩撥刺驚鳧翔
却顧所來逕暝色含煙黃

書梅宛陵集後

梅集六十卷買自武昌市刻者明嘉靖宋君巡按史屬工宣城令字大殊可喜惟其訛謬多又闕數十紙
借得道光本彌月事校理所闕抄使完其訛難訂矣我思文字貴在切時與己要使真面目留與千秋視
時爲何等時士爲何等士當其入微妙不在文字裏閱歷助胸襟天姿加踐履四事不關詩詩固待此美
俗士動誇古終身寄人里一體效一家自矜工莫比乞人衣百寶寶也殊足恥揚眉譏杜韓况說宋諸子
告以先生詩笑口或大哆孰知六一翁低首直到趾古貨真難賣病在古入髓東坡尙嫌酸餘賢可知爾
械之笥篋中我歡獨在此

書鄭子尹詩後

生平怕讀鄭莫詩字字酸入心肝脾部亭尙可老巢醅愁絕篇篇母氏思乃知文字到妙處性情學力分
張麾無情終是土木偶無學未免成僮兒昔者吾友江潛之文令人快猶卑卑惟酸方許語刻骨此言真

實不余欺學詩半生偶自喜持以較古多然疑世士得名殊妄耳那曉三百風詩遺

送孫純齋赴潛山二首

往時襍被入舒潛景物逢秋潤可沾矮柏著丹遮屋角修篁引翠到山尖別來泉石應如故此去風光想

更添爲問窖麻春竹地可能容我突常黔

通伯及余三數姻友
有造紙廠在水吼嶺

君行便道游山谷谷裏今無百丈松丹嶂舊藏禪祖骨白雲時起漢家封巖題剝蝕文能讀法字蕭條佛
缺供惟有石牛堪負重八風不動自從容

練潭道上書感

棠梨花密杏花疎物色風光慰病軀官道著泥晴尙滑春山藏靄淡如無種桑日望當攀采佩玉知難利
走趨驚撫頭顱空老大竿船真欲泛松湖

題沈乙庵方伯寒林坐臘圖後自書病僧篇

萬本蕭慘人跡絕春氣潛藏根似鐵枯莎敷座洞門深寂滅更無言可說僧病非身亦非心異香成穗繞
雙林却憐八表同昏際願放光明破闇陰

用山谷遊王舍人園韻題天柱閣

築閣行省司地直龍山陽天晴西北望嶽色不可藏自古賢政策在暇不在忙沈公有道氣官居等寶坊
論徵古典籍坐集儒衣裳時流老成淚或慙燕寢香去年江淮饑稻黍不芬芳庫藏又久空安得化金方

貸粟監河侯救此災剝床憂多公膳減孤負數百觴世方競炎熱誰解心清涼赫然聲利場照以明月光
橫流波浩浩正色天蒼蒼潛霍有佳境中開天地房宛委古藏書待公與意量其男多朴野爭席魚相忘
其女半高髻未知時世粧公令四境安容我接輿狂

題子善秋景

柳老西風作意驕孤蟬獨自抱疎條不知更有春來否到眼秋光太寂寥

偶題

西風吹雨似輕埃零落殘芳尙亂開秋蝶向花無意興繞叢三匝却飛迴

偶懷梁節庵胡漱唐

上書不報拂衣去絕類西京梅子真最痛篇終陳苦語異時逆耳更無人

方伯豈仲斐招遊天壇觀古柏作歌

天壇鎖鑰放三日士女長安空巷出琉璃廠內鞭影驕正陽門外車聲疾方生邀客及衰朽微醺莫放斜
陽失未到先驚勢駿雄入門已覺情蕭瑟繞壇一碧皆種柏羅列駢生成秩秩元耶明耶世不知百株千
株數難悉陰森奪日色淒涼慘淡生風寒凜慄怪根直下渴重泉霜皮縹裂蟠修綽真宜虎豹據爲宮恐
有狐狸擾作室旁幹猶承累葉露中枝折爲前宵颺無情樹木尙如此繫日長繩知乏術祈年殿上望西
山金碧依然暮靄間王氣已隨龍虎盡夕陽祇見雁鳥還往聖千秋垂教澤嚴祀昊天威百辟彼蒼視聽

悉依民精意分明存簡冊大道原爲天下公此心不隔耶回釋齋宮肅穆水環垣想見千官助駿奔中夜
燔燎半空赤連營宿衛萬夫屯五千運過蒼天死更聞開作公園矣吁嗟乎倚天拔地之古柏願與游人
重愛惜

王毓菁

毓菁字貢南福建閩縣人光緒戊子舉人官山東知縣

苔

幾日春陰闕小庭踏莎人去雨冥冥天涯芳草斜陽外別是銷魂一種青

和饒威柳枝詞

誰種公園此樹新恨眉醉眼怯風塵使君繫馬莫輕折留取明年高過人
曉風殘月倦聞歌閱盡天涯逐客多日莫津橋斜照裏更無言語但婆娑

又

別後長條幾度新舊游臺榭已生塵明湖千古銷魂地只有漁洋是主人

公園坐雨示寄公

樓台四顧柳成圍縱有青山識面稀絕好夕陽偏遇雨無多風絮欲沾衣簾櫳坐隱人誰見袍笏登場事
總非庭沼依然棲鶴地可憐鵝鴨不能飛

鄭祖庚

祖庚字星帆福建口口人光緒戊子舉人

懷石遺師

山小臨倉稻不肥野窮多兇蕨薇稀皆山樓外春歸久案雀池花客未歸

費念慈

念慈字屺懷號西蠡江蘇武進人光緒己丑進士官翰林院編修有歸牧集

次公索題文待詔書列仙傳卷和松禪夫子韻

紫笋朱櫻懷夏社黃雞白酒醉秋天雲壺老去窻公病昔夢惺忪碎不圓
卷爲願若波故物乙未夏與若波結畫社於怡園若波殞此事

遂已窻公歸欲重結舊社會病而止

蠅頭妙楷技偏長三百年來篋笥藏一代論書有唐法前無希哲後香光嘗論有明一代之書自宋仲溫以晉法倡遂止知叢帖無碑版

書所謂晉法亦叢帖中書耳能有唐法者惟待詔一人而已

春風野服瀾樵蘇一卷吟行拄杖扶開徧寒香三百樹舊山樓上俗塵無

詒亭師以次韻山舟先生手書詩扇見示奉和四首用原韻

謫居猶得住吳閭聖德如天日月光避俗許尋猿鶴侶忘機喜狎鸞鷗行短檠依照觚稜夢險韻橫馳翰

墨場公與巾山丈倡酬疊韻至五十餘首未已萬笏凌雲好山色歲寒松柏自孤芳

中酒無慚聖者徒盟言息壤未模糊藏書萬卷逾桂客康熙雍正間浙西多藏書吳檀客兆騫拜經廬所收尤富桂客錢塘人與公同里種橘千

頭富木奴銜石未填滄海恨揮戈誰挽夕陽徂北窗高臥南榮曝桐帽櫻鞵號老夫

得屯通彙復丁年會繼頻羅盛事偏梁詩為重宴鹿鳴紀恩之作漢代自能容汲黯名山從此屬焦先江湖滿地漁翁

貴桃李成蹊聖火傳我愧罪言曾十上甲午乙未間詔許諸臣言事先後疏凡十餘上以與台省聯銜幾被嚴譴亦將乞郢擬僧虔萬歲通天帖有王僧虔乞郢中

座上常多北海賓蕭閒塵尾謝浮榮新編待寫歸田錄故事會聞折檻旌早歲題名偕季重扇為審齋丈所贈文與公

同甲子今時結鞶有王生張布衣永亭先生年七十餘隱於藥肆熟精液幽聲舐字傳疑久應許侯芭箸

鄉舉議平拙作金文徵存舉例通釋三種方錄稿就公正定

鮑亭先生出示文休承刻宋四家書標題亦署停雲館法帖後有華復初跋云蔡蘇黃米四家計

九帖蓋停雲帖祖刻也後其家漸益至數卷故以此石先後歸余家刻入綠筠窩帖中云云後又有嘉靖十八年己亥錫山華氏綠筠窩臧石一行各家皆未著錄攷停雲帖刻始嘉靖十六年至三十九年而成則此刻當在十六年前也爲題三絕於後

燈前側影麝煤香照我雙瞳爛爛光擬向潭州問希白風流千載玉蘭堂

近見宋拓僧希白潭帖乃知文氏父子刀法所自出蓋全仿希白也

文家遺刻此權輿妙腕章

文簡劉若總不如會見仙人吹玉笛十年夢憶董侯書

卷中所刻坡翁長宜董侯帖其真跡乙酉秋見於京

師廠肆後爲一貴人購去至今在心目間也

吳公

荷屋中丞帖鏡只餘卷七八卷十

舊箸叢殘甚惠子目搜羅甚富

新編采獲多一卷停雲徵故實

標題爲補綠雲窩

鄧尉探梅圖卷吳丈脩閑屬題

圖爲道光庚寅陳芝楣梁謹林程春海同遊之作程序伯爲圖林文忠題首吳丈得于潮州

菖蒲潭西冷香五千樹萬樹梅花開招邀勝侶愜元賞座中賓主皆仙才是時湖山正全盛倡酬詩海傾金壘深山大澤發光怪眼底禍起紅塵胎黑蜾空吹海立黃狐吐火鳴篝隕猓磨牙豕人立關河蕭瑟江南哀聖赫斯怒奮厥武鷹揚將率多奇環橫腰大弓射明月脫手飛旛奔驚雷將軍仗節壯士死僅乃戰克名城恢翦除榛莽到林麓醞酒重上姑蘇臺斯時此卷落何處蠻煙瘴雨侵煤京潮州太守古循吏一檄能走鱷與鮎政平訟理民氣樂搜奇獲向文書堆家山在眼嗟久客忽憶三徑埋蒿萊壓裝重比鬱林石鱸魚正美歸去來脩閑堂前盛賓客論文話舊相追陪石泉潑乳試苦茗地爐煖火開新醅公武

圖書几上列天隨杞菊階前栽人生百年貴行樂忘憂惟有常銜杯桑田滄海幾遷貿麻姑三見生黃埃
嗚呼和靖不可作謂林文忠公使我瞻望心徘徊零丁一島棄甌脫泥沙萬斛輸邊財鮮卑重譯語格磔侏离

短後聲喧脰奇鷓九頭當戶叫社鼠五技憑城猜景教流行大道晦佞盧左上羣經災浮雲掃空燭龍曜
堯天舜日照九垓江湖一臥幾裘篋鍵開且復甘驚駘春風人日一壺酒草堂久閑滋莓苔山僧報我雪
成海款扉一紙勞相催朝來折簡與君約擊舟同訪山之隈

吳丈又出棣華先生詩卷索題時久晴望雨甚切

一冬苦無雪赤日照屋檐憂時願豐歲望澤愁窮閭頗聽老農說絮語如病痞汲深井泉渾突冷米價添
草枯賣却牛水涸拾得鮎東家羊兆卜西隣雞骨占偶見飛霰集旋吐驕陽暹待茲土膏動所恐良苗穢
我聞一長歎忽忽意不忤故人誦清芬一卷珍匹縑示我樂府吟敬獲先德規傷時兼憫俗大言何炎炎
情深語多諷意重律更嚴安得輜軒采用作美疢砭昨夜春風來濛濛雨廉纖好作三日霖猶及四野霑
歡呼滿閭巷作苦勤黎黔吾儕樂康衢飲酒亦不嫌寒香一萬樹開徧東西崦相約扁舟遊聊復險韻拈
屐齒判高下詩心鬥又尖胸撐漢柏古口讀郗鐘箝重結山水緣况有翰墨兼飄然意獨往已在前村帘

爲鶴逸題畫

臨查二瞻王石谷
寫贈宜在辛冊子

栖鴉點墨柳絲黃瑟瑟寒流瀉石梁帆影在天秋在樹至今離恨滿斜陽次石谷韻
淡月微茫蘆荻秋風流回首未全休重溫二百年前夢爲寫當時送客舟次在辛韻

小橋流水樹灣環歸牧江村且閉關攜得漁莊煙雨卷阿儂合住米家山乙未南歸得宋人左建畫江村歸牧圖自題所居曰歸牧近又

得石谷漁莊煙雨卷題詩者六十家多勝朝遺老康熙丙辰爲東令先生作在此庚戌後六年也

片帆直下北江濱四見龍孫長綠筠欲築一菴題海岳滿船虹月臥遊人和張文貞韻 庵圖卷香光故物今在余家

潦水落盡寒潭清滿紙散作秋濤聲蕭蕭屑屑聽不得對此蒼茫生古情次二 詹韻

獨闢南宗生面開淋漓元氣鬱風雷披圖欲傲培風閣曾見江南半幅來江南半幅王廉生前輩所藏往於京師見之

疎樹平橋水一灣幾人肯向此中閑輸他閱盡興亡局惟有溪南數點山

野岸煙銷山態出空江月上雁聲來舊遊忽憶龍潭泊一樹寒香破曉開

老鶴橫空有奇翼長松拔地如高人不知此境在何處題作先生自寫真

重九侍松禪師劍門登高三十二韻

重陽苦風雨難得今歲晴凌晨出北郭天高日初晶小子撰杖履山靜復輿輕款扉過趙叟次公一笑掀

髻迎圖書敞小樓花竹當前楹古墨爛在几照我雙臚明是日觀禮器碑隔麻拓蘭亭蘇文忠小楷金剛經三宋拓本酌礪煮鳳團飽

飢烹魚羹西風昨夜來策策秋葉鳴霜氣滿巖壑紫翠紛縱橫頗聞田家言秀野搖香秔愛此雲子白念

彼魴尾賴扶筇入深谷梵闕輝丹甍苔壁畫蠅蟪松梢竄麗黽采藥僧未歸隔屋聞棋聲老人健腰腳縱

步葉家坪鬱鬱青松阡戮魄埋忠貞謁羅忠宣公墓重修卞壺墓遐想仲路纓肅拜重躋仰對此羞嫫媿攝衣賈

餘勇峯勢羅嶒嶸劍門鬱盤折直上捫長庚石面小斧劈崖腹孤藤撐憑高一縱眺極目凌滄瀛桑田拾

螺蚌惡浪愁鯨下有靡蕪泉泉水冽且清可憐紅豆花不見啼春鶯栖塵與過駟珍此物世名嚴家有
祠宇傍巖結柴菊鈴隱槿籬瓜蔓垂松棚芙蓉濯娟娟臨水生遠情小憩返舊居茅舍炊煙生疎鐘響
林薄新月銜高城裁牋博莞爾野性慙麴糶

徐仁鑄

仁鑄字研父號縵情直隸宛平人光緒己丑進士官湖南學政有涵齋遺稿

石遺室詩話研父屢掌文衡有句云亦復披肝獻山璞有時張目失輿薪但期衡雀平如燕只
恐山雞舞似鳳其慎重可以想見

季秋之月藝甫從弟以事南歸由潞河送之津沽誌別

三首
錄一

聞道江南便展顏人生那不念鄉關方期滄海從君去又被神風引我還莊鳥新吟空按節奮然舊本倘
窺班虎邱峰影蛟橋月祇合權時付小山

仲秋之月攜家渡海至杭州旬留匝月而歸進大沽口有作

重來風物已非秋滄海浮家亦浪游但識神山濃似黛誰知世路曲如鈎河流浩蕩搖詩筆雪影翻飛亂
酒籌西北高雲勞客望長途無恙黑貂裘

馬頭旅夜聽鷓鴣聲

雙槩衝煙憶聖湖，風霜直北又長驅。
錦筵闌後魂猶醉，海舶歸來膽亦麤。
不盡關山增壘塊，無多村落半屠沽。
銷除么鳳雛鶯曲，卻向郵亭聽鷓鴣。

發寶雞遇雨

漸向蠶叢關驛程，憑山一角便爲城。
千峯峭竦呈諸相，一水分流得數名。
漢碣唐碑餘剝蝕，桑經酈注驗從橫。
茫茫弔古陳倉道，但見寒煙挾雨行。

自朝天鐘至廣元兩首

蜀道行將半，千巖萬壑承風高。
開跌蕩霧重失峻嶒，入峽河如綫。
懸厓路似繩，攀帷試長嘯，疑有谷神磨。
分野當天漏瀟瀟，送客途訪碑緣未了。
擊缶韻將孤廣元志縣之北方音雜秦晉音南則皆蜀音也關隘直侯國，江山道子圖困。

皇澤寺

靈異徒聞出漑龍，金輪往燄已無蹤。
文人遊戲何堪怒，卻道風雷避筆鋒。

送險亭

驛路初過送險亭，萬山朗豁見空青。
原田如罽波如折，一帶人家樹作屏。

李業墓

近代詩鈔

徐仁鑄

蘭橈膏焚李巨游肯教石闕翳荒邱可鄰蛙怒么謦甚亦復心知殺士羞

抵寶雞

山程從此盡浩蕩見中原尚有釣臺迹全消獵火痕渭汧通兩派隴蜀扼重門鸞鷲鋪張後秦祠一例存

游涪溪二首

路轉雲深處荒臺枕碧湘江山開百粵文字屬中唐影落斜陽紫名題臥石蒼風流呼漱玉提筆妙能狂
流涕中興業艱難一遇之紀遊聊有託作頌更何時鞞鼓家山夢蓀荃澤國思鏡厓今照客猶未鬢成絲

述懷

頗志萬方略而抱千古悲凝情叩丹府俯仰將安爲江湖搖落處誅蕩高莫窺墮地得此生追懷涕如糜
欲從世尊法解釋諸苦危一髮鈞所繫片雲雨之基悠悠塵世名耿耿罔極思歌成孰告哀中夜三歎欷

江標

標字建霞號師許江蘇元和人光緒己丑翰林

和順德李侍郎師和林金石詩原十四首今錄十一

正是開元全盛時可汗猶子語堪思陰陽氣隔異君長此是皇家得體辭闕特勤碑

剝落殘碑認短銘，舍人書體出天廷。吾從字畫徵旁刻，大泰山銘小孝經。苾伽可汗碑

大字先題登里囉，可汗名字曰毗伽。半從佛法治天下，莫怪年來景教多。九姓回鶻可汗碑

幣施十五萬餘千，餘字一本作六造此與元闕子年。題字猶書臣學士，至元鈔楮已雲烟。許有壬勅建興元闕記

梵書火刻是何時，碑是劉公記。去思曾拓中州伊闕石，一般唐突古時碑。和林兵馬劉公去思碑此碑半刻梵書皆掩原文上

脫脫已罷嚙嚙卒，誰是平章至。正秋一記不傳名，姓在朔方賸有斷碑留。大司農保釐朔方殘石記

誰書總管收糧記，字字分明市糶篇。碑末附書新造字，順宗皇帝妥懽年。嶺北省右丞郎中收糧記

安陽五刻殘，張壽漢石零星世。尙珍不意元朝存，碎礫亦從百字認殘鱗。淵潛勝槩殘碑

不花札木各題字，嶺北和甯省。路碑欲檢史書徵，姓氏文經三寫校誰知。嶺北省和寧路題名二碑

青塚年年塞草青，漢家遺碣尙亭亭。紙灰吹起西風急，來讀徐郎百字銘。漢塚石

和林耆老各題名，四世同居好弟兄。至正四年春二月，大書合擬古田荆。四世同居立石

題孫子瀟先生雙紅豆圖卷子應師鄭同年之屬

嘉道風流在目前，一函贏得百詩篇。人間儘有雙紅豆，誰向東風祝妙年。
不讀天真集外詩，那憑遺事說相思。錦暉玉局多流轉，難得文孫好護持。

題卞玉京楹帖二絕

想見衫舒釧重時，玉窓香繭界烏絲。獨愁一事梅村誤，不譽能書祇譽詩。

舉舉師師姓氏迷飛瓊仙迹近無稽蠶眠小字珊瑚押莫誤楊家妹子題

題玉京畫幀

愛讀琴河感舊詩楓林霜信嘆來遲秋風紅豆相思種定爲蕭郎寫折枝

題藕香館遺詩

碧浪湖頭雪藕香藕香香上碧霞裳誰知中有詩魂弱水珮風吹月自涼 女郎遺言 葬碧浪湖畔

左家小女卻名嬌手寫宮詞記勝朝吾有翁山詩百首已遲開卷赴靈若 翁山崇禎宮詞百六十首手稿字是蠅頭

慘澹遺銘屬大師一家况自寫哀詞笑余亦有垂髻女只解方言不解詩 長女瑛十歲能記誦歐洲文字而不知詩

曾廣鈞

廣鈞字重伯號觥菴湖南湘鄉人光緒己丑進士官廣西知府有環天室詩集

石遺室詩話湖外詩古體必漢魏六朝近體非盛唐則溫李王壬叟所爲以湘綺自號而呼重

伯爲聖童也然重伯閱書多取材富近體時溢出爲排比鋪張不徒高言復古句如酒入愁腸

惟化淚詩多譏刺不須刪已悲落拓閒清晝更著思量移夕暉宅臨巴水憐才子村赴荆門產

美人又作宋人語矣

譚提督桂林有格林礮四尊從余假礮兵百人牛莊之敗譚君殉焉百人者生還二十六人其中傷重仍死者七人傷輕殘廢者四人慘極哀之

將軍殉國兵殉主楚人忠義懷千古不教兩足捷如風坐法誰憐草同腐兵頭老鐵爾何酷殺敵不成身
覺鼓豈無諸葛製連珠亦有將軍號強弩馬陵道上死龐涓六陌山頭喪周處小雅羣材腦沙漠殘兵廿
六血杵槓榮哀異路悲猿鶴勇怯殊形分虎鼠何日修門禮國殤祠堂肅穆神靈雨

和侍郎伯次韻富王壬丈

八年去國身包膽四十專城頰有鬚北府羣公餘執事南牙五院重司徒洗兵海島詞人憾立馬吳峰索
虜圖大鐵圍山今舉步詹詹叢語笑寬夫

十三商國覈連筋尺一縱橫意豈真桃樹綏山疑役鬼桑林經首欲通神六經以外非無學九海區中別
有人往復貽書釋諸子徵求西說證奇新

重遊金山

挺秀江南第一山孤雲回首夢魂閒紫髯道士不相識黃鶴仙人時往還去日林亭鶯燕換舊題苔蘚
鵠班冥冥帆影煙江闊勝跡歸心去住難

重展晉陽君阡蓮塘

塚墓荒郊今幾載卽論重到也三年絕無魂夢來相顧如此韶光獨惘然神女生來原是寄侍兒猶有淚

如泉從知世上紛羅綺不耐追思未是緣

讀公羊絕句

災迺一時爲害事異爲巧歷所難推五行河洛同茲理但告天倪不可思
徧刺諸侯責備賢一空凡聖掃羣仙不徒五霸爲羞道大抵三王未泊然
父老政權呼子代齊曹仍叔致三譏西宮南內傷秋草探雀沙邱更可悲
社稷邱民較重輕或逃丹穴避蒼生要知舜禹尋常事說在能推譏世卿
不及有虞勞聖喟何論秦氏與中央初枕只可拈堯舜非以勳華盡廣長

次韻冒鶴庭贈陳叔伊因題陳著元詩紀事後

置酒新亭便可悲如山褫筆未能奇見君旁礪傲新界告我踞觚捐故楚士蒼涼窮北望閩山秀絕最
南枝論詩常恨無周譜喜得因君獲導師

在武昌花園山粵漢鐵路諸公張雨三祖同席沅生匯湘易實甫順鼎寓焉余九日十一詣之排

日置酒賦詩以採菊東籬下悠然見南山爲韵余分韵得悠字諸公咸爲短篇余獨以爲收還
此路非獨關東南衰盛實黃種存亡所係其間始謀終事遠慮毅力皆少保南皮公一人之力
方事之殷變幻危險首尾五年文電數百萬言惟余知之最詳不可無大篇紀之乃以一百二
十韵獻南皮專言此路之重欣收復之美云

常武惟江漢封圻位上游山川會神奧襟帶極雄逾救趙車依輔平吳劍決疣越裝通翠瑋蜀艦下熊罴
國史縱橫事星辰戰鬪秋楊胡蔚遺烈羅塔嶠前修耕戰功雖盛工商蘊未搜巨靈慳關扇大壑尙藏舟
地勝資人傑時危賴壯猷堯心念丹浦軒略在青邱篤降南皮老來分北顧憂同天古臬理維嶽昔樊侯
鳴鳥耆逾劬駟踪幼不儔鳳瀾文氣力鯨海句雕鏤問鼎探婪尾觀鄉占榜頭蘭成先貫蝨伊尹卽函牛
万象幽宜贊三才祕可抽龍威森卷軸虎氣必颯颯藉甚輶軒語爭傳輻輳謀文昌逼華蓋井鉞照奎婁
始建參墟節窅然汾水游國承小匡後政以大艱投鵬路排雲氣鸞聲戾越陬海山足官府牖戶徹繆綢
南極星垂架中衡地束球鯤身蟠落深鰲背浸閭浮紅是甘英海赤爲鄒衍洲未陪天乙會不隸媼王疇
夷狄褒稱子荆揚舉以州紀雲吾欲問盛水彼疑倖建德何鄉國華嚴是處漚未焚書足用不死藥能求
坐井知慙謂爲邦庶有瘳膠雍思鑄育原隰尙咨諏往者高盧族來尋下國仇篁移順化植櫛伐富良莠
古義憂多壘明公耻納溝漕通陽朔運劍及鎮南樓破竹收狼望歸禾餌馬留前軍銅面狄別將鐵頭劉
猿鳥疑籌筆風雷挾蒯緜電傳宣泰捷雪到淀園讎進討方增竈渝平已款酋有人持玉斧豈計缺金甌
申儆聞長算庚夷利置郵將令僉楚士遠踐近畿絲輪轉論工速康莊計廣由千衝燕暢轂五檠漢梁軌
積此功名盛兼之決策優城沂惟艾獵傳楚用浮丘移我姬公袞來輕叔子裘廬江右長薄雲夢左靈湫
芳艸金爲埒桃花火作毳機輪卽銜際鑪炭代鞭鞞過隙無由擬遺光不可收布茲疆理利毋致圃池羞
吳客乘驄馬曹人刺秃鷲蝮腸如木石鳩舌啞啾啾巴郡蛇吞象周南鵠讓鳩雖持鐵如意徒飾鈿篋篋

但慕桃萊利而忘桑梓麻佳兵餽借寇同室轉操矛金定蘭臺漆銀煎葑屋油招狼臥河豫徵蠟入燕幽
破甑無全瓦餘波有毒流更窮南紀轍欲肆北盟蒐辛有言將驗垣平詐已售危於不絕髮慘甚待割瘡
舉國會無覺羣公睡正替爲蛇寧可腊飲鳩豈能嘔孤識聞投袂先登獨取豎湛盧悲去國泗鼎痛辭周
瘡口援深熱剛腸耐挫揉豫章期絕蘖董澤每抽葦建鼓求唐子衣袈戒漏艘丁零徵矢楛甲觀誓環榴
獵者方捕虎懷人乃教猱棘懷偏蜜口籩面劇貓柔惡蔓圖難翦寒松蹇獨脩明於魏照乘斷比越純鈎
起艸霜添鬢書筠電在眸授殘胠十腕走檄羽千獼楚賜防人鑄齊響畏客偷比肩仍戀煽比利時國王
吝不願中國
贖回反踵亦呻吟美利堅廷臣雖尤
贖而運疑首鼠刻篆刑猶吝投瓊久未酬狙腸時喜怒雞肋屢躊躇使承奇畫氈
庭妙酢醜騰蘭祈食夢伐木慮愆餽既恐商於給兼防別國咻平城謀甚祕智井語殊度嘉樹仍尋傳駢
弓不忘觥龜青終返祜狐白未須昧鈎拒神擲洵飛箝息競絳漫愁蕉下鹿真見棘端猴太史書秦缶使
君完趙璆軒珠仍在握繡質已還疆急貸監河水來添計海籌燕支旋悔失碧眼盡含愁出險無忘莒翹
關幸賴鄰邦人大和會士女遍吟謳樂甚魚游濮歡如鳥脫鞵差無孟氏罪庶免許人尤二廣蒐荆乘孤
雲指蜀輜道心乘六辯元氣御雙蚪閣道橫穹背中樞扼地喉若敖開筭路保傳統梁騶申息依公夷江
湖得子牟紫衣明好惡赤鳥遂躋樞牧馬懷微管馴龍想叔鬯菁茅終可致瑤艸不須擾學海先行潦爲
山始一坏百爲今異古萬里亞通歐時卉正黃菊我心盟白鷗登臨陪武帳椎醴競詩鬪鞶帶銘於始筌
簧視不媮抗軍心惕若戰勝意夷猶解阜歌能贊修和訓可紬會當勤十駕何止頌三休簿領森成束風

謠儼已哀願公宜此酒教澤永悠悠

顧瑗

瑗字亞蘧河南祥符人光緒己丑進士官翰林院編修有西征集

平陰

在今孟津縣東

北來鐵騎勢縱橫汝輩倉皇競出迎解作禪文能免死故應無恨爾朱榮
瑤光寺裏春無色朝士三千委逝波奪壻好憑魚鱉勢城中高髻漫峨峨

晚行硤石

岡巒合沓天容低落日闌淡荆山西客心爭路不知倦百轉千迴行忽迷陰森窟窟險始入突兀鳥道高
旋躋乍如枯坐墮智井倏然沖舉凌危梯飛泉淅淅落幽澗春冰軋融回谿山深地僻無燈火誰能執
炬來然犀盤旋直上漏圓隙明月正晃青玻璃征夫隱約辨轍迹前途雖遠何敢稽車輪曳踵起碎石馬
蹄奮力翻新泥遙聞隔浦吠羣犬忽驚午夜蹄荒雞猝投野店乞漿水充腸不暇求鹽齋寄語路旁宦遊
子無爲奔走常栖栖

華州道中

近代詩鈔

曾廣鈞 顧瑗

客從華州來二華全在目太華峭若鋒少華秀如玉兩山上出撐蒼冥終南匍匐來相迎山岳亦知雄主意先開此地爲長城長城築罷祖龍死劉項分爭異軍起唐家一擲失山東直到昭宣禍不止齊雲樓上春無色如此江山坐亡國先生大笑忽墮驢名士逢人自捫蝨

謝楨庭惠新疆梨

釘座風流品最超宿醒斗覺損今朝怪來瓊液寒如水中有天山雪未銷

楊鍾羲

鍾羲字子勤漢軍人光緒己丑進士官江甯府知府有聖遺詩集

長至後一日作用身雲長至詩韻

連天晦昧雨如絲閉戶心情足自怡野史事徵施北研遺民詩詠戴南枝日長添線閒方覺夜話圍爐睡故遲遮眼官書兼坐客冬烘較勝去年時

次遜翁病夜詩韻

臥病漳濱感滯淹安排几硯總清嚴黃門舊話歸心賦樂府新聲刮骨鹽竟醉寒宵憐薄酒留香斗室下重簾唐花已逗春消息轉恐春愁夜夜添

再疊病夜詩韻呈身雲

檢點朝衫臘淚痕夜闌秉燭定驚魂
孤離事異劉元海締構人懷赤老溫
周鄭並書原變例荆凡相較竟誰存
褰裳願造蒼生福兩泣天書下九閭

身雲疊病夜詩韻見惠再賦一律

時移休覓刻舟痕地迴頻傷望遠魂
羽寒林成久次隻雞近局得重溫
田無下溼甯堪老集有東維已不存
舊所撰述皆散佚文字銷沈著舊盡孤懸
北斗是天閭

江東二首和身雲五疊前韻

鍾阜千年有斷痕西風白下最銷魂
抗顏蘇峻戈相向寢疾桓元席未溫
東里沙蟲三百在北山松桂幾株存
兵塵浩浩天方醉獨自深居閉九閭

三年撫字歲空淹不用升沈更訪嚴
參佐士誠原菜葉世家行密本魚鹽
鳴騶爭擁航頭路歸燕難尋巷口簾
皂蓋青旗終入洛可堪蛇足又重添

追昔遊詩

秋風淒斷女嬃礁卅載高堂擇堦心
買楫榕城隨篋舫當書槐市辦耆簪
灘名黯淡橫身過劍合延平著意尋
長夜亂離都不見松楸今已作龍吟

題龔伯新楚金爰拓本

卻掃新來號景迂，兩龔好古劇勤劬。楚人已自悲三戶，漢業終當復五銖。砥鼎淮南無聖藥，或以爲淮南王藥金

鋤隴上有遺珠。

多壽州農人所得

留題展翫多師友。

孫文正文王

獨惜湯休是謫觚。敏皆有遺識

臘日集身雲齋中賦呈

佛粥常年石鼎開，聯吟北郭客仍來。飄風壓瓦初無怨，落日揮戈竟不回。天外冥鴻雲路闊，山頭凍雀紇千哀。八王自召金墉禍，誰是琅邪再造才。

金雁

金雁江頭路，悲歌蜀道難。隨人憐杜佑，夏問嘗與陶仲書引唐鑑語爲喻，未省也。並命誤裴寬。寬兄弟最友愛。月冷鶻啼苦，囊空鶴料寒。少陵老賓客，把劍涕汎瀾。

晉祠

詩本携吳郡，頽雲黯晉祠。劉樊同羽化，盱眙得佳兒。白燕言將驗，語見拾遺記蒼鵝兆已危。西亭文醺日，鶴淚詎堪思。

節庵見示答瞻園籀園以梅花詩訊病五首依韻奉和

羅浮夢冷客歸遲，老幹懸厓有古姿。自是空山多雨雪，寒花開過沒人知。幾年病足臥袁安，相約看花共倚闌。坐與水仙成伴侶，無人更道北枝寒。百年雨露委陳根，流水飛鷗過別村。輸與湖西梅處士，萬花如海不開門。

殘英獨自戀寒柯，爭奈東風跋扈何。不用空林感搖落，玉津花事已蹉跎。

鳳麓看花已隔年，寒春與君同遊。蕭然土鏗冷炊煙，梅花村外梅千樹。惟有茶村識此賢，茶村墓在梅花村，余手植千株。

君曾往遊

送孝筮歸衡山

海角因依數過存，還鄉先我遂鵬騫。幾家多難仍相保，並世論交少舊言。五柳歸時春酒熟，萬山深處草

堂尊。君所居爲萬山草堂。先朝白髮爲郎久，風範猶應照里門。

題胡漱唐侍御匡廬歸隱圖用身雲韻

代謝真成觸物非，回天終竟寸誠微。不亡差有堂堂在，遠引原殊悻悻歸。誰挽落堂升若木，長將諫筮當

山薇。淵明故里知鄰近，漱唐新昌人，淵明家宜豐，今新昌地。斂翮閒看衆鳥飛。

揖廬亭上醉陶然，星飯歸宗近十年。甲辰從陶忠敏公遊廬山十日。□□□□□□□□兩賢同異各風煙，漱唐曾嚴時危

洛蜀都無幸，心遠義皇別。有天試倚危欄望，江海雲帆欲濟恐無船。

次身雲二簡詩韻

尊酒論文不鄙予，每從平議識南車。案頭新著分甘話，公新得一孫。鏡右猶看夾注書。人物竝時商治虎，傭奴

暴富笑徐魚。他年小集編河嶽，詩品差堪比脊虛。

中秋對月和身雲

何事新陽改故陰，延秋賞月舊時心。桂香四出霏黃雪，竹影橫陳踏碎金。中夜清輝當戶正，隔年酒病怯杯深。西風吹換人間世，怨曲嬌娥不自今。

寄懷孝筮

心隨雁影去，衡湘宵寐崎嶇。一草堂琴罷，夜聞松子落沙寒。秋老木奴香鮑生，河側乾猶立。周宅漳南約，未忘百末釀成三畝定。就君同醉野油囊。

題他塔刺文貞公遺墨

此才老邊微資，放在中書引虎期。相衛屠鯨志未舒，北門虛鎖鑰西域送氈車。柳栗巖苔影相逢，每歎吁

光緒甲午先皇帝以北門鎖鑰付公倚治兵事東朝弗善也出亡烏里雅蘇臺後遂以授非人爲易代張本君夢我一枝柳栗扶上巖苔意園送公西行詞語

讀海藏樓雜詩口占

怨齋病無人，陶齋病無我不死。世所非隨人計，亦左繩絕必有處。積薪誰厝火，甘操同室戈。坐視烏輪墮

喬石林米紫來十三人合作山水卷

大科南北筆峻嶒，餘卜清蒼盡上乘。三百年來幾興廢，春游零落米家燈。琉璃河水大房山，穩住江東久未還。底事南人輕北去，料應天上憶人間。

朝叟勞山歸去來圖

勞勞亭送勞翁行臺城，條見煙塵生勞翁。去作勞山客，一髮中原淚霑臆。小雅盡廢四夷侵，何處優游踏

泉石憂危回首西園宴國亡多制先集霰河邊殺邏鱗角飛林際春中再相見鄒魯何堪話海濱弟子忠魯今無人披圖我亦偷生者長愧青齊有醉民

彊村六十生日

伏奉青蒲炯目光玉音問答惜剛腸橋山賸有攀天夢春廡曾無過嶺裝射策它年重文介孫文介慎行殿試卷藏平津館彊村癸未卷近亦自內閣取出遺名終古在吳羌詞人最數費洲壽不礙秋濤殷臥牀

樊山詩來次韻寄懷

依舊宮雲照北池垂楊全折雨中枝秋衾永夕餘塵夢長帽經年念鬢絲語默都爲重繭縛唱酬喜見六蟲詩桐江不負臨歧諾孤月心明世豈知

溼柴土銼澹炊煙風厲山中尙紀年惡木重陰工蔽日靈芝幾輩已生天丁酉同在春明者盛王誅茅自兩祭酒梧生近亦易名有臨江宅垂囊歸携灞岸篇酒量未隨詩思減爲公轟飲寫觥船

幼農乞題宋芝桐畫

袍澤雄風去不還終南太華尙孱顏如何俊及當時客學作江南平遠山寶華庵前草不春見山亭外柳爲薪十年何事無今古重對評碑讀畫人

散原至自鄧尉集庸庵許卽事有作

繁霜殺草風拔木冰河凍塞雪壓屋窮陰凜冽連冬春尙有寒花在空谷顧影枯槎不向人冷抱冬心媚

幽獨看花歸詫閉門客袖裏新詩憂冰玉三丈驚聞定國碑萬笏爲話天平麓花近樓中花事遲草春
淺逗微綠新焙之茶久窸酒有韻可鬪畫可讀新建功名亦儒者時命一偕天地肅直將憂樂媿希文不
必神仙豔梅福展圖同深望古心登高漫極傷春日六載春游莽蕭瑟幾人海角空躑躅張鯨突鳳凰
死山崩川竭不周觸巨浸行看赤縣沈初陽誰起咸池浴十日陰寒一日晴惜花安得天心復酒罷月上
客無言坐聽茶鼎松風謖

讀良麓近著

酒痕廿載留衫袖冰雪重携對玉缸每怪歐公愛蘇帖文章誰到李盱江
摩天巨刃竟安施物態閒觀入小詩多少微禽變淮海舊巢燕羽不差池

午日卽事

冷雨疎雲逗電光雷聲請客事荒唐歲頭定武求真本躡足淮陰有假王後乘蹒跚從短李上尊激灑負
淮張壺盧依樣當門挂驚破詩人午夢長

雜詩和乙庵

枯骨憐公路毬場失建封咎人誠不暇書事敢從同寥落英雄記創夷大小空纓冠無限意常在閉門中
何處無芳草青門盛禊除名聯山客癭坐有帝師疏野服仍秦製新亭是晉餘一從江海別不奉子公書
共有偷生恥從無越畔思壯甘文字賤老畏姓名知埋骨終憐弟溫經自課兒飲泉蔭松柏何事更然疑

近海衣頻換高垣室易陰亡書頻入夢生客怕論心語少神猶躁曠多道未深前賢詩滿眼並欲廢清吟
省事門稀出先衰齒半殲路生常辨樹車小不遮簾束笥書遲蒼租菱價每添鈔詩嚴夜課初不間霜炎
中表同生日耆年重古稀搏風虛一奮坐雨話忘歸白陸參同異鍾胡較瘦肥五銖終可復元二極兵饑
童顏羣客醉王面一錢酬不厭都陽謔翻忘趙武偷嚴梯登已慣檣酒近堪求大似山經贊優游在始鳩
聖水朝京路龐公上家人車迴驚廿載篙臥已千春出谷多新羽潛淵感舊鱗鴛鴦橋上看何日碾隨輪
前在金陵積餘以定林訪碑圖屬題久置案頭遭亂失去頃以第二圖見眎賦此志慨

平生所負多蹉跎到文字一爨墮萬劫此卷亦其類遵明妮古心故物惜徑棄題躩還舊觀泉石負素志
回首崇陵初儒行無邪誠積學書滿家閨秀詞盈笥俊遊數定林尋碑貌輕騎作者梁沈鄭晚及朱雲吏
吾亭名見山鍾阜對蒼翠足力自不勝高處未曾至民視與民聽板詔託經義條見曹部空客座失假寐
追摹成今手皋緩志余媿龜堂膽輪困詩篇時見意元豐事已往乾道官偶寄荆舒當誰懲苗劉等兒戲
片段愷之廚零落遺山記併入懷舊念一灑神州淚風雅世豈同窮老心不二異哉王氏臘乃有堵陽季
宣德御筆雙獮

隔花吠月成詩案得食依人亦物情轉眼君臣同傳舍豈惟袁粲有門生
近人有犬馬侍郎士芥狀元之
體感而題此非敢唐突桃花俊
也物

贈翰怡

近代詩鈔 楊鍾震

早歲交期託盛王南來知己數吳羌風標突過劉疏雨志節還師董漏霜吟簞詩肩山字瘦談深書味酒
波涼雪橋敢詡容齋筆苦爲流傳未可忘

方爾咸

爾咸字澤山江蘇江都人光緒己丑解元

題晚翠軒集

賈誼無年世所哀功名未了罪先開甯因痛哭逢天怒但使工文亦禍胎紙上猶看秋氣滿夢中尙見鬼
雄來是非身後何須說還取詩篇惜霸才
雲中被髮訴天關記爾衣裳涕淚痕一劫龍蛇成野戰無聊蠛蠓話生存青春短短餘香草白日輝輝照
覆盆空仗李生傳鐵笛開天遺事不堪論

沈宗畸

宗畸字太侔廣東番禺人光緒己丑舉人

將入都門留別南中諸友

廿載春華等逝波，青山青史也蹉跎。
黃花病雨如人瘦，落葉敲門少客過。
閱盡炎涼翻見道，懺餘哀樂怕聞歌。
年來交共黃金盡，偈仄風塵奈若何。
離亭風笛起相思，潦倒心情濁酒卮。
貴賤死生廷尉句，東西南北彥昇兒。
忍飢獨索長安米，錄別還添本事詩。
誰似六朝山色好，依依青眼送斑騅。

力鈞

鈞字軒舉，永福人。光緒己丑舉人，官商部郎中。

春日

水天雪地不知春，辟債無臺此卜隣。
舊窰花寒常斷火，虛堂書積早封塵。
瘡夷滿目誰醫國，荒僻逃生莫療貧。
自笑萬金揮手盡，行年六十又依人。

次石遺先生韵送其南旋

故里田廬各一邱，蒔花種稻自分頭。
亂離憂患居難定，衰老文章力更遒。
行色不孤書滿載，歸期屢改雨勾留。
晉安風雅今誰主，待向陶江築選樓。

石遺有約重來治小學再疊前韻

商量復古續吾邱媿不如君况白頭聲韻久
琴詩律細籀倉旁涉筆鋒逾玄亭載酒車常滿
太學傳經館
可留有約明年東海去會當同上說文樓

石遺先生辟兵陶江歲莫寄詩次韻奉答四首

望斷楞巖巖下村多君爲我理荒園應芟草樹開三徑可認桃花映此門
久客欲歸難決計老來惟別最
銷魂未知白也詩無敵誰與論文共酒尊

陳家村又葉家村野老猶呼李垞園里社飲賓多父執先疇服穡記師門
園本鄉賢陳蘭晚先生公產池邊坐數魚吹

沫花外行知蝶斷魂舍已芸人謂鸞房營田事君莫笑頗思銅鏡換金尊

玉屏山下水環村四十年前此灌園無主落花常滿地成圍老樹尙當門
白雲親舍兒時淚春草池塘客

子魂居陶江時余尙未喪弟閱盡長安似棋局算來還是布衣尊

上下斜街共一村東園載酒醉西園尋芳覽勝常聯騎破曉衝寒擅入門
再過亭臺新易主歸來環佩執

招魂斜街爲君悼亡地今年春意萌芽早獨坐花前不舉尊

陳元凱

元凱字陀龕福建閩縣人光緒己丑舉人官廣東知縣

犯曉郊行

街燈數點帶殘星路入郊坵漸嚮明轉早潮回喧野渡老晴霜曉豁秋旻林間炊影俄連屋城裏人家正
六更失笑衰慵偏作健向來合眼已鷄鳴

屨齋歸有日矣錄示寄內二詩率賦長句卽以送別

玉璫絨札趣歸程陌上花開緩緩行壓篋唯攜南浦錄題詩應滿越王城鷗波門外天猶遠梅子黃時雨
易成北固青山足偕隱更須幾屨了平生

池上雜詩

龔生青雲士故家見眉目頗聞遺產盡八口但脫粟治生良不任仰屋視喬木唯餘數幅畫餓死不肯鬻
天寒惜翠袖相對倚修竹憂來能傷人骨瘦剩一握空復憶年時匏壺白勝玉
家犬不吠客客至無送迎獨有林夫子勤來如有程循我池上廊游魚識履聲淥波照鬚鬢疑在鏡中行
平生千首詩喜作秋蟲鳴肝肺瀉冰雪詩本如人清對之媿塵溷滄浪思濯纓
吾宗有二妙與我頗親暱賤貧昔所同各自努力履也似小康彌亦足自食顧我猶蹉跎相如但四壁
比聞棄筆硯併命事貨殖多才自善賈往往中以億坐言起以行謀定戰則克倘能執左券其富可敵國
僕病謝未能望氣夜莫識

彌也老善病已不似少壯畏寒能自持當暑亦挾纊孟秋氣候惡涼燠倏異狀扁舟忽乘興身自狎風浪
羣盜方如毛窺人夜相向昨知歸安穩布帆喜無恙送迎有官吏水陸盛供帳兵衛煩護行招呼賴諸將
殷憂空爾爲吉人自天相逢剩一笑歸裝且爲餉風味固依然椒香和齏醬

異苔本同岑芳草不五步買鄰必十萬況在同巷住吾家老正字索句自閉戶時時得請益示我以先路
惜無任滯才無由作詩註何郎吾比鄰詩亦有家數常時頗疏闊近似我肯願詩成亦倡和辨論及章句
平生師友誼曠世幸一遇陳芳古詩國風雅有掌故儻話城南坊詩人此流寓

和元彊夜歸之作次其韻

笳吹平明殺五更元戎宴罷正歸城猶多院紙資官妓肯爲樹酤乞步兵功德道場新鬼淚平安街帖主
人情灞陵醉尉尋常事莫倚清狂更夜行

家太傅寄宣和臨古十三家影本移贈悅明承賦詩依韻畱之

何郎萬卷書能讀詩亦如人有邊幅能書擅畫更餘事磊砢胸中羅五嶽宣和天子丹青筆寶笈石渠闕
清穆誰調幻藥拓影本紙上光芒猶煜煜我初得此惜無用持易君詩勝百軸知君翫畫不釋手我亦愛
詩日三復君書更肖瘦金體刻意三分疑入木吾家太傅亦瘦硬正爾迷離逢撲朔乞君爲作詩龕圖寫
我堂前附高足

舊移雙松今秋忽殞其一詩以悼之

我家城南坊花樹頗蔭藹只欠青松枝風來作濤籟舊嘗種數株經歲無一在復然移雙栽嬌稚視兒輩
護根一尺土春鍤慎捆載移之池上園日夕自灌溉成陰知幾時吾老恐不逮十年一彈指汝亦竟長大
一株高出牆屹立欲張蓋一株臥池面偃蹇有餘態天親與無着宛若兄弟愛便應同後彫伴我隱人外
如何今年秋霖雨屢爲害雖逃斧斤刑終飽螻蟻啄一枯一倖活孤立孰匹對體羸更似我終恐天所廢
始知歲寒姿不慣城市內已矣復何言貪天豈可再

沈翊清

翊清字丹曾福建侯官人光緒己丑舉人官陸軍部候補丞參

奉贈西鄉元帥從道并送檜原陳政北行時將之楨木閱操

九州若戶庭四海皆兄弟矧我同洲人風氣先秦啓久聞東國鄰才俊羣濟濟航西鄉公起家承載繁
實言起生番出師重撫旆吾祖適巡防握手臺陽邸兵衛方森嚴轅門樹幢檠公命撤健兒媿談清見底
琅璫瘴癘地水惡士多瘠軍旅易歌壺戈船代急遞西鄉君欲得本國消其豆本同根唇齒詎異體上書
告先皇臣甘任羣詆在魏不在吳觀覺休目眯先祖疏言此大罷兵臣甘受謗日本辱移節旋三江納言
俞九陞老臣謀國心病楊時揮涕典學犴遺箴噬臍防角觝乞念輔車依庶幾甲兵洗先祖薨於光緒五
年遺疏言日本不

可輕 廿年反掌間書生狂管蠡嗚語忘溫公秉鉞憑元禮無謂國無人遺言洞根柢我來觀軍容離宮設
饗醴識面願荊州儀型樂愷悌感君念故人魚麗歌鯉鱧上野拜阿兄瞻仰奠清醴上野公園拜公兄龍
西鄉隆盛先生像

摺檜原君舊學情范滂曾同在何子
我宮詹幕下相見復別離去索長安米時將從西德三
郎公使至北京勗我富國謨藥石甘如薺

訂觀印刷局印票
謂中國必開銀行孫周本同年拜母及娣娣况茲三世交登堂宜首諧攜手上河梁彷彿餞於禰北風方

戒寒河流時彌彌對挽羨鹿車行憶襯香緹檜原夫人
亦同至華蘭芷有同心騷情逗沅澧顧君十月留直託輶軒

篋我行櫛木場秋草莎階媿遠眺宇都宮隴坂平如坻馳馬疾追風馬斷橋濟以櫪
舟隊有造
舟爲梁法拓茲眼界

寬滌我肥腸啓憶在閩海時漆膠無觸抵把臂更何時尊酒下春鮓

梁啟超

啟超字卓如號任公廣東新會人光緒己丑舉人官民國法部總長

石遺室詩話任公有遊臺詩一卷多悽惋語七言如尊前相見難嗔笑華表歸來有是非曹社
鬼謀殊未已楚人天授欲何如最是夕陽無限好殘紅蒼莽接中原君家可有千年鶴細話堯
年積雪時我本哀時最蕭瑟更逢庾信一沾巾五言如此日足可惜來日更大難人生幾清明
明且成古歡客館傳新火家山界晚晴事去勞精衛年深失湛盧薜蘿哀楚鬼禾黍泣殷頑零

落中州集蒼茫野史亭一夢風吹海無言月過庭

庚戌歲暮感懷

歲云暮矣夜冥冥自照寒燈問影形萬種恨埋無量劫有情天老一周星催人鬢雪搖搖白撩夢家山歷歷青今古茲晨同一慨祇應長醉不成醒

鼎湖雞犬不能仙一慟龍髯歲再遷禹域大同勞昨夢堯臺深恨闕重泉斧聲燭影由來事馬角烏頭不計年忍望海西長白路崇陵草勁雪漫天

夢短雞鳴第一聲明朝冠蓋盛春明家家柏葉宜春酒處處駝蹄七寶羹聞道天門開跌蕩儘容卿輩答昇平官家閒事誰能管萬一黃河意外清

故園歲暮足悲風吹入千門萬戶中是處無衣搜杼柚幾人鬻子算租庸近聞誅斂空羅雀儻肯哀鳴念澤鴻金穴如山非國富流民休亦怨天公

風雨吾廬舊嘯歌故人天末意如何急難風義今人少傷世文章古恨多力盡當年從爛石淚還天上莫成河由來力命相回薄山鬼何從覓薜蘿

入骨酸風盡日吹那堪念亂更傷離九洲無地容伸脚一盞和花且祭詩運化細推知有味癡頑未賣漫從時勞人歌哭爲昏曉明鏡明朝知我誰

奉懷南海先生星加坡兼請東渡

共有千秋萬古情爲誰歲歲客邊城
讒言苦妒齊三士世務寧勞魯兩生
漢月依微連海氣蠻花悱惻吐
冬榮相逢莫話中原事恐負當年約耦耕

不道桃源許再來舊時魚鳥費疑猜
風吹弱水蓬萊近春逐先生杖屨回
萬事忘懷惟酒可十年有約及

櫻開

先生以己亥二月去日本有詩云櫻花開罷我來遲
我去時花滿枝半歲看花住三島盈盈春色最相思

何時一舸能相卽已別沈槍掃綠苔

謝揆東惠寄唐人寫維摩經二首

雷音居士不宿飽日抱唐人手寫經
因想上方香積國飯餘毛孔出芳馨

燉煌石室森寶書隨風散墮天一隅
故人多情遠相餉吉光夜夜生吾廬

臘不盡二日遣懷

淚眼看雲又一年倚樓何事不淒然
獨無兄弟將誰懟長負君親只自憐
天遠一身成老大酒醒滿目是

山川傷離念遠何時已捧土區區塞逝川

元日放晴二日雨三日陰霾

入春三日覺春深隔日春如判古今
容我曹騰行坐臥從渠翻覆雨陰晴
擁爐永夕成微醉袖手看雲得

短吟落盡檐花無一語百年誰識此時心

庚戌秋冬間因若海納交於趙堯生侍御
從問詩古文辭書訊往復所以進之者良厚
顧羈海外

迄未識面輒爲長謠以寄遐憶

道術無古今致用乃爲貴交親無新舊相尙在風義我以古人心納交當世士夙慕蜀多才捧手得數子

直節劉子政粹德楊伯起

裴村叔嚳
兩京卿

其人與其言磊磊在青史蚤年所往還尤敬延陵季諸郎盡麟鳳

我逾昆季

吳季清先生及德嗣
鍊樵仲瑩子發兄弟

料簡心相宗礪索象數旨執御沔無成哭寢但頽泚

吾嘗與季清先生同
治佛學與鍊樵同治

數旣旣周孝侯剛果通大理官跡徧三川氣骨橫一世此並趙侯友夙昔不我棄趙侯雲中鶴軒軒抗高

志名節樹藩籬藝林厚根柢峨眉從西來去天尺有咫終古孕冰雪元精逼象緯御風問真源獨往恣所

止八十四盤陂陂陂印屐齒盪胸極雄深卽境領新異所以其文行邈與俗殊致開元及元和去今各千

禩君獨遵何轍接彼將墜紀詩撼少陵律筆摩昌黎壘擇言轉氣盛刊華得神擬浩浩揚天風郁郁斐蘭

芷幽幽繚洞壑漠漠弄洲沚詆蕩天門開恢詭屢市起迅健駿下坂澹宕魚戲水有時一篇中攝受萬態

備探源析正變證詣愜醇肆自從同光來斯道久陵替豈期萬人海復聽九臯唳固知言皆宜要在中有

待文章雖小道可以覘識器釋褐及中年簪筆作諫議上策皆賈晁陳義必收贄遙遙千聖心落落天下

計昔昔勤論思字字迸血淚亦知逆耳言夙干道家忌黎元正倒懸斧鑕安得避回天精衛瘡逐惡鷹鷂

鷲諫草留御牀直聲在天地

君所上封事
什九留中

自我出國門交舊半棄置湊聽得雲天懷想空夢寐何期絕塵

姿盼睽及下駟羣動蟄三冬尺素枉千里我學病馳騫所養失端委皇皇求助友懇懇得礪砥商量到剗

分往復累百紙吁嗟末俗心相應以矯僞豈聞傾蓋交乃辱百朋賜天步正艱難民生日憔悴銜石念海

枯入淵援日墜吾徒乘願來爲此一大事君其體堅貞走也將執轡燕市風蕭蕭須浦月瀰瀰相望不相

卽歌答雜商徵閒居潘安仁就我方謀醉聊因天末風一訊君子意

感秋雜詩

窮秋已多悲散擲况逾半
擎雨萬荷枯戰風千葉亂
塊然一室外凜凜星物換
豈不懷壯往碧海槎久斷
抱膝誦惜誓看雲獨長歎

平居所隱憂乃今真見之
廣庭一葉下萬方颯同悲
一葉豈足道所畏霜露滋
鷓鴣雞與蟋蟀囂爾何爲
傷序亮可羞乘時還自危
誰信堯時鶴一鳴清淚垂

八月十八潮壯觀天下無
用蘇句武漢首難
正八月十八夕也積此千載憤
一發讐萬夫豈無錢王弩欲射
未忍殊哀彼鷗夷魂
睚眦存古愚報楚志易得存
吳計恐麤即此滌澳濁爲功
良不誣習坎幸知止庶毋魚鼈俱

園中萬樹葉葉作窳號
辭柯碎琅玕走瓦騰波濤
終已乏根蒂所歷常苦高
川原缺無垠大江橫滔滔
飄飄豈終極摧墮委所遭
萌春實匪易買秋毋乃勞
感此撫長條旦昏增怛怛

門前一泓水赤岸通銀河
昨夜西風動颯颯揚其波
似聞有伏龍鱗甲寒相摩
茲水清且淺騰上欲如何
重陽雖報晴胸中滿風雨
彊懽尋野寺叢菊媚淒旅
吹帽髮已羞餐英心逾苦
郵鴻沒天際相視不得語
歸來還獨醉殘夢入鼙鼓

寄趙堯生侍御以詩代書

山中趙邪卿起居復何似
去秋書千言短李爲我致
坐客睹欲斂我怒幾色市
比復憑羅隱寄五十六字

把之不忍釋旬浹同臥起稽答信死罪慚報亦有以昔歲黃巾沸偶式鄭公里豈期薑桂性遽攫魑魅忌
青天大白日橫注射工矢公憤塞京國豈直我髮指執義別有人我僅押紙尾怪君聽之過喋喋每掛齒
謬引汾陽郭遠拯夜郎李我不任受故欲報斯輒止復次我所歷不足告君子自我別君歸嚶嚶不自撥
思奮軀塵微以救國卵累無端立人朝月躔迅逾紀君思如我慧豈堪習爲吏自然柄入鑿窘苦磨旋蝮
默數一年來至竟所得幾口空瘡罪言骨反銷積毀君昔東入海勸我任慎趾戒我坐垂堂歷歷語在耳
由今以思之智什我豈翹坐是欲有陳操筆則顛泚今我竟自拔遂我初服矣所欲語君者百請述一二
一自繫匏解故業日以理避人恆兼旬深蟄西山陟冬秀餐雪檜秋艷摘霜柿曾踏居庸月眼界空夙滓
曾飲玉泉水冽芳沁瘴脾自其放游外則溺於文事乙乙蠶吐絲泊泊蠟泣淚日率數千言今略就千紙
持之以入市所易未甚菲苟能長如茲餒凍已可抵君常憂我貧聞此當一喜去春花生日吾女旣燕爾
其婿夙嗜學幸不橘化枳兩小今隨我述作亦斐疊君詩遠垂問紉愛豈獨彼諸交舊蹤跡君倘願聞只
羅瘦跌宕姿視昔且倍蓰山水詩酒花名優與名士作史更制禮應接無停晷百凡皆芳潔一事略可鄙
索笑北枝梅楚壁久如屨曾蟄蟄更密足已絕塵軌田居詩十首一首千金值而豐其貲歲猶調饑寒
舉義弗仕眼中古之人惟此君而已彩筆江家郎翊在官我肩比金玉競自保不與俗波靡近更常爲詩
就我相龔砥君久不見之見應刮目視三子君所篤交我今最摯徵陳宇林宰黃孝黃哲黃維梁衆舊社君同氣
而亦皆好我襟抱互弗闕更二陳駿庵石遺一林廬老宿衆所企吾閒一詣之則以一詩贊其在海上者安仁

潘者 嘻顛頽顧未累口腹而或損猛志孝侯周孝懷特可哀悲風生陟岵君曾否聞知備禮致弔誅此君孝而愚長者宜督譬凡茲所舉似君或諗之備欲慰君索居詞費茲毋避大地正喋血毒螫且潛沸一髮之國命懷懷馭朽轡吾曹此餘生孰審天所置戀舊與傷離適見不達耳以君所養醇厚宜夙了此旨故山兩年間何藉以適已篋中新詩稿曾添幾尺咫其他藏山業幾種竟端委酒量進抑退抑遵昔不徙或言比持戒我意告者詭豈其若是忍辜此鄂筒美所常與釣游得幾園與綺門下之俊物又見幾駮駢健腳想如昨較我步更駛義眉在戶牖賈勇否再擬瑣瑣此問訊一一待蜀使今我寄此詩賸以歐戰史去臘青始殺敵帝頗自熹下酒代班籍將勿笑遼豕尤有亞匏集或嗜若膾載謂有清一代三百年無此我見本井蛙君視謂然否我操茲豚蹄責報乃無底第一卽責君索我詩癩瘡首尾塗乙之益我學根柢次則昔癸丑禊集西郊汙至者若而人詩亦雜瑾玳丐君補題圖賢者宜樂是復次責詩卷手寫字櫛比凡近所爲詩不問近古體多多斯益善來添吾弗恥最後有所請申之以長跪老父君夙敬生日今在邇行將歸稱觴乞寵以巨製烏私此區區君義當不諉浮雲西南行望中蜀山紫懸想詩到時春已滿杖履努力善眠食開抱受蕃社桃漲江趁來疇待剖雙鯉歲乙卯人日啓超拜手啓

徐珂

珂字仲可浙江錢塘人光緒己丑舉人官內閣中書有小自立齋文真如室詩純飛館詞

石遺室詩話仲可句只記得非鶴我安訪有梅山不孤無中閉目千般有閒裏尋詩一晌忙貧
賤安得大自在神仙只有長相思皆好

高雲鄉移家廢園訪之

喜從冷淡覓生涯來訪城南處士家無主園林還著我有情天地忽飛花據梧高詠風猶峭班草閒談日
易斜待結巖阿偕隱約由來痼疾在煙霞

晚游蘇州西園

清游彌日愴忘歸更出城闌看落暉天地不情楠有瘦園林無恙柳成圍好音娛客一鶯囀暝色戀人雙
蝶飛卻恨草堂資未辦何時借得釣魚磯

乞汪社耆作畫

頻年旅食窮海隅塵囂蔽目溪山無欲煩佳手爲塗抹使得置身於畫圖十日一水五日石君爲能事吾
爲娛何時入林共把臂臥游同夢還西湖

陳石遺先生北遊奉呈

江上秋風感別離自憐貧賤識公遲得聞緒論吾猶幸未喪斯文道在茲濟勝還憑舊腰脚味腴益見美
鬚眉蕭然獨往尋詩境定在山顛與水涯

先生自序詩集有得自
放於山顛水涯等語

自題孤山尋詩圖

閒來何所事湖上學騎驢非鶴我安訪有梅山不孤澄心雲影澹拂面雪花麤簔笠容誰傲清狂尙故吾

和紫垣

腸斷西湖本事詩微波三折爲通辭重逢花月銷魂地莫忘烟雲過眼時一醉無名春假借十年如夢病
支離醲醑開未憑君問賸水殘山卻付誰

寄宗篤庵

客裏逢秋倍黯然屋梁月色夜如年新知更記文中子舊夢難忘沈下賢世亂有薇希采斲行蹤看竹與
留連春回定有還鄉夢同泛西湖雪後船

題李雨橋鶴樓吟望圖

晴川芳草皆詩材健步登臨良快哉眼中此樓自突兀天外一鶴方徘徊悠悠白雲古今盡滔滔大江朝
暮來題詩君可擬崔顥奈我才盡傾空壘

送春

枝頭啼鳥欲無語樓外斜陽相與閒坐閱堂堂春去盡更無關鎖是河山

閩人張宗揚以所作詩爲予書便面作此贈之

眼中突兀見斯人濁世能扶大雅輪藝苑指揮三絕手名山珍重百年身易牙調味猶餘事

宗揚給事於
陳石遺先生

家且善
治饌 滿腹儲書未算貧持較新詩何所似晚霞一色耀南園

答宗揚

相思相望海東邊快靚雲章第一篇亂世尙容吾輩樂因君益企主人賢
早從燕市知名籍得侍騷壇比
謫仙大塊文章眼前足淞濱花柳發韶年

己未閏七夕周夢坡招同朱古微潘蘭史白也詩王蓴農於嘉興烟雨樓作南湖秋禊續圖予爲
題此

西風涼沁脾吾儕例宜秋秋懷正嵯峨突兀見此樓飲禊承嘉招雲水得洗眸叩舷恣歌嘯來泛沙棠舟
今雨復舊雨暢此烟波游行樂及時耳天地誠浮漚酒酣頗自念與世同沈浮垂竿守釣磯乘桴凌滄洲
二者皆不得得醉他焉求清談盡一日且避尊空憂還濯纓上塵茲湖真清流登樓覽遐闊期脫世網囚
重念今何時逝川同悠悠江山方變衰勝蹟斯幸留日暮天茫茫有酒難被愁覆杯視河漢南北終阻修
歡會冀今續微笑語斗牛安得兩忘機一如浩蕩鷗

題丁竹舟松生兩丈風木齋圖

七十二峯多雲嵐路轉三十六精藍樊榭嘉接交蘆庵幽人尋幽來停驂伊誰結縛椽兩三非關面壁同
瞿曇刻木定有香花參猶憶饅蘭供旨甘西谿西卽南陔南雙丁高名衆所諳燠荒和樂醴復醴而爲孺
慕辛酸馮夷消息不可探庭無靜柯悲何堪皋魚垂老髮鬢鬢老屋三間書一函圖畫傳之爲美談一

灣流水清潭潭十年老梅香謙醜有時對酒不忍酣遙望白雲歸層巖

陳詩

詩字子言安徽廬江人有尊瓠室詩

石遺室詩話子言生平無他嗜好惟斂精力於詩攢眉苦吟殆賈島周朴之流亞也見人意極親暱而口吃不能出一辭所知無不愛好之者俞觚菴與交尤摯提學甘肅獨邀作萬里遊窮邊唱和古今亦罕有其匹矣

乙巳冬日與伯嚴先生飲酒壚卽送歸秣陵

夫子猶龍耳豪情問酒壚尊前集風雨詩思隘江湖神物豈終晦俊游驚易徂乘潮挂帆去極目渺愁吾
吳雁舟太守游扶桑歸過滬晤談賦贈

瀛洲花發曉氤氳且權歸橈述舊聞一綫春江詞客淚萬山寒草故人墳陶潛酌酒時多難蘇晉談禪氣

軼羣振羽天風夢鸞鶴懸知楚道有奇文

太守曾官黔之思州

三月二十二日與文公達游龍華寺時積雨甫霽殘桃落英悵然有賦

滬濱城南沙路微餘春一徑鬪芳菲愁霖淺霧過寒食羸馬單車叩竹扉芳序暗更元足惜幽禽閒道不

如歸凭闌相視忘言說塔影摩空萬慮非

丙午伏日朱彊邨先生重往湖上過余述前游賦詩紀之兼以送別

彊叟古逸人脫簪謝塵慮曠然高世懷耽此泉石趣冷風和征櫂冉冉長河注乍瞻西子顏方春亟奔赴
孤山梅已闌惟留放鶴處三宿衡陽菴躊躇不能去湖水日當門湛滌照庭樹山王不可接樂土猶吾故
奇峯環四圍明霞互軒翥松菴日夕佳蒼翠紛如雨睠此人外游靈境誰能據歸來日閉門沈酣恣暇豫
新蟬鳴樹巔早荷苗溽暑呼童理帆楫欲去還相顧詔余紀勝游惡詩媿多誤

九月二十日與諸名士小集某氏園是日到者六人爲朱古微侍郎夏劍成觀察夏穗卿刺史狄

南士主政麥蛻菴孝廉文公達秀才未至者三人則鄭蘇堪京卿李孟符水部狄楚青大令也
慨日月之不淹哀人生之多艱驚蓬迸飛撫序滋戚成長歌五十韻紀之

丙午歲置閏霜風早淒厲重九逾一旬疎花尙清麗羈泊蓴鱸鄉荏苒閱年歲慨此時序速期會謀一醉
萬感集俄頃秋思貯肝肺滄墟多寓公枯菴匪一致麟鳳在郊藪光采動一世球星不成列列宿限其次
折簡相招邀先日循成例煮酒向園亭羹膾謀精緻主賓恰十人團坐或無礙到者迺六七疎闊有餘地
行觴互盡酬飲食事固細穗翁語萬端談詭辯才利哲理析微芒玄言出無滯東坡或說鬼山經喜謔怪
雄談久不聞豪飲猶無異云將撥櫂去泗水見敷治彊叟扶病過驟寒酒爲盞藹藹君子風淵淵抱深思
手持玉黍律閒譜泰始事審音當代無夢窗直並旆蛻菴河汾儔禮樂嘗述記終期致太平高文等彝器

公達鸞鶴姿名父風未替修學頗自力往往與古會縑袍不掩髡亦有西華淚南士尙宿諾朋從屢託庇
廣著釋氏言三乘洞幽祕劍成秣陵來跋涉自云憊江湖多阻深陰陽條向背詞源三峽傾吐語有至味
西日下絕壁杯盤易狼戾不至者三人一一識其字海藏忍酒悲蕭寥憩人外貽詩帶清角恍聽元鶴喚
海藏先生遺紀綱以詩至有莫怪酒場常斂避酒悲終覺太無端句楚青與郢雲大有經世志馳驅歧路間淹速各殊勢羣公抱至道歌詠
迺餘技賤子百無長默與懷葛契平生不治生恥隨人作計顧名輒自奮閉戶游於藝孤吟動寥廓俗耳
笑且詈卓哉延陵公謂吳北山先生拔我於衆棄輕航別淮水八荒驚埃蔽頽陽澹神州川嶽懼崩壞俛仰斯世
間頓有無窮意歡會不可常百憂化爲涕長歌以紀之儻或垂千禩佛曰文字緣應有如是義

送沈子培提學之扶桑

元幹新持節相如亦部民征塗睇顏色大宙轉風輪皇難此應熄壯懷聊一伸褰芳趾遙躅歸釣楚江濱

廬江亦故楚地

哭五弟子脩詩

君名於勤幼孤敏慧冠輩行年十五去游金陵天津水師學校學駕駛爲海琛通濟等艦從官

游擢至二副

下艦從官秩視守備

攝行大副事狎玩風濤如履衽席南窮閩越北極燕遼時海疆多故王

旅不振君怒然憂之居恆負大志思得一效故善英文能英俄語嘗過旅順默察山川險要大

出金與俄人士游讌甚歡有俄女慕其豪儻至欲嫁之君謝已娶迺止壬寅爲直隸秦王島警

員不憚勤瘁時出徼行周知民間情僞欲以仁化俗有訴者則立於庭數語輒判曲直去嘗誦
莊生語曰剖斗折衡而民不爭其寄意如此癸卯冬日俄肇釁爲我故也大府以君才密令入
旅順矚俄人虛實君受命不告家徼服遽行崎嶇兵間凡所聞見輒密署衣帛遣從者歸報大
府知俄大言不足畏迺意親日遂成率然之勢甲辰四月君始開關歸乘小舟出青泥窪中
俄礮舟覆以善泗得免旣歸轉陸軍官屬所與處者皆錄錄無短長日邑邑不樂長官某故同
鄉里以君才氣過人不能曲意承旨與他人伍微言中傷之及宇內清泰其功竟不錄君迺去
之山左泗州楊中丞有人倫鑒任官惟材以攝沂州安東衛都司司警政益明察秋毫以仁化
俗數百里間聞其風者咸流連慨慕呼以陳青天云君嘗笑曰爲好官固不難但人自不肯爲
耳居安東甫逾年君亦勞瘁死矣余昆弟多而愛君特甚迺竟先我死而不得行其志故述其
行事哭之以詩

江風寒激蕩萬木競辭枝感汝同根生頻年相睽離鴻雁有哀音書來含涕洟書中亦何有泉路頓相違
淚傾東海波魂結泰山祠憶昔處貧賤糠覈甘如飴獨抱貞諒懷世路陟嶮巖任俠慕古人宿諾常不欺
溷迹塵土中卓犖邁等夷條然遺駿骨負我黃髮期欲述平生事哀來難爲辭

男兒志國殤結髮事戎行昆明逢水嬉努力習餘艘輕身狎波濤迅若驚鳥翔擊刺亦邁羣文史還琅琅
游心與古俱穰苴獨相望南閩北度遼擊楫歌慨慷秋蓬無繫援詎能凌風翔沈沒百僚底去作千夫防

一官向何許飲馬長城窟寒泉風蕭蕭水清始見濁余時賦北征聊慰汝笈獨敵裘日無濫勤瘁化其俗
明鏡照不疲春和散寒谷剖斗而折衡仁聲貯人腹感激千載期肯隨世逐逐

窮冬門蠻觸宇內忽佳兵義聲沸天地曠日詎寒盟銜命入巖疆變服輕死生潛登子反牀伺隙餽其情
九書歷歸報間春草青微軀浴鯨濤海若亦不驚慘澹爲國謀馳驅功無成寄言縱橫客莫謂秦無人
數奇古所歎噲伍亦堪傷清時旣不逢讒人復高張去去勿復道驅車東海旁秋風揚旌旂兆人謀和康
熄彼鼠雀爭平成虞芮疆子產曰惠人朱邑治桐鄉積瘁易凋年神理應不亡銜哀紀私乘遙昇阿咸藏

憶外家

烈烈孱魂化水仙

孫氏姨字中表舒城孫明緒咸豐辛酉五月粵賊普曾某擾安慶過境肆掠攜一妹投河死姨性剛烈臨難猶罵賊不絕云

枕流園榭亦蕭然

枕流園在

廬江北郭余外高祖金水村先生智別業也嘉道間臺榭花木極一時之盛其木有幽燕之胡桃閩越之橄欖佳實薦新遠近珍異焉咸豐兵燹悉摧爲薪園近歸曹氏矣

水邨處士家風在

池上至今開白蓮

鄭蘇龕先生海藏樓落成登望有賦

黯雲凝不流積雨挂天縫晨興適郊野泥沒愁屐重林迴沙路曲詔客鳥聲闕危樓踔層雲森肅迴殊衆
鄭公康世人道應億則中連邇時不與皇路引歸輅高騫真逸陶尙友於陵仲遐追人外蹤花竹恣清供
憑闌萬象列脫帽敝塵夢因知澤畔感未忘重華勸微吟送百年孤居鬱隆棟隨會若可追鳴秋吾作誦

八月晦日海藏樓夜坐奉和海藏先生

飯罷趨月臺是夜晦無月繁星綴虛幌涼露沁華髮曠觀萬慮淨百里洞荒忽遠火散歸人驚
龍沸林樹如從輞川遊清詠竹里發息居屏聲聞孤心湛禪窟

庚戌早春雪後游鑑園經濠堂舊址賦呈吳鑑隱丈兼懷鄭海藏先生潘陽

秦淮佳麗地絃管風未歇翁詩并刀快剪此鷗鷺城樓樹出嵯峨鍾阜秀可挹長廊靜藤蘿嘉樹紛以積

虹橋夾清波園南曰大中橋北曰復成橋雪色在檐隙爲言汎酒舫曾繫欄干側春水日方生盛游儻可及園畔爲濠

堂濠堂爲海藏先生舊宅嘉名結胸臆堂中有人豪鵬奮遼天翻經行惜頽址爰志林棲迹願言終買鄰沿溪多舊

識

陳伯嚴先生招同吳癭廬師游鷄鳴寺卽送癭師之津門

暝色浮寒水高墉帶遠岑倚樓春悄悄遮隸樹森森癭師時攜彭媽內史至同登豁蒙樓樓在鷄鳴寺內寺卽蕭梁同泰寺舊址可望鷄鳴隸故名節物

規微異風規若可尋覃懷謝公語歧路益難任

十月五日陳石遺先生招飲上斜街賃宅同集者楊昀谷趙堯生胡漱唐王書衡林畏廬冒鈍窟

馬通伯姚叔節吳北山師暨余共十一人旣歸賦詩代簡

日晡適城南奔驥如突鶻斜街在釜底人家蟲而凸流風踰百年佳趣尙林樾俠君秀野堂今日石遺室

清流日駢羅韻事未衰歇珍錯出閩海鄉味煮石髮雋有江瑤鮮甘眞海月匹談諧萃古權勃窣入理窟

朶頤旣腹果出門愁日沒比舍有癭藤彊叟舊所宅朱彊邨先生嘗賃居查浦舊宅卽在東鄰賃者今爲誰叩門懼遭叱霜

天柱歸策墜緒聊一撫

二月十一日同朱彊邨侍郎俞觚齋提學林夷俶夏映齋二觀察文公達大令鄧尉探梅賦詩紀游

鄧尉之梅天下絕但愁風雨花時節辛亥仲春驚蟄時初七日有友映齋告余以春及同舟命展得數公私

喜六逸備其列胥門裁過橫塘來木瀆光福遽造極孤篷愁暮雨淙淙野鳥呼情山歷歷事當快意喜心

勝腰脚頓健不虞蹶寒塘照影立斯臾夾道千花拂人幘聖皇錫名香雪海山坳叢梅舊無匹連岡帶隴

日以繁洞庭嘉植伴盧橘傳聞青梅入市初十千相載千艘集吾曹適興飽看花剪伐不臻忘帝力太湖

晴漲遠連天花氣如雲蕩石壁夕陽歸路虎山橋消受春風同坐月清談韻事試述往郁家墓址留遺蹟

山中天壽迎恩寺內有東晉青州刺史郁泰玄墓吳人呼爲玄墓勝游回首付酣歌屹立空山餘古柏司徒廟內有漢時古柏四株高數

之中有二株尤奇特一作扭絲形一已空心爲雷劈爲二臥地上其牛橫生孫枝又丈餘矣

三月三十日華陰道中送春

河流已束潼關隘雲影遙遮嶽帝祠婀娜東風數株柳華陰道上送春時

聞乙竄先生徙宅賦此奉簡

眼中江柳盡成圍徙宅荒原葉亂飛咄咄百憂無可說栖栖一老竟何歸行歌心地瑩禪窟坐雨林塘夢釣磯曾向皖城祀余闕叢祠寒草已全非

歲暮讀石遺室詩話奉寄

松舒夜叉臂楓蘊陸渾火奇哉先生詩妙論至繁夥低徊太山詠寂寞秀野坐有酒可澆愁當年曾著我
浮雲一飄散偃蹇各坎珂冰雪燕寺花風雨五湖舸微聞選佛場色相音聲寄歲晚忽懷歸遮夢山堆塚
小池功德水清淨玉色瑳醇醇穆說醴翳禪參籜孤吟賈浪仙一龜思證果

狄葆賢

葆賢字楚青江蘇溧陽人

滬濱感事詩

江干何處立斜暉碧草清陰與夢違燕子不知巡警例隨風猶得自由飛
碧天露下悄無聲銀電依微恰四更惟惜空江好烟景舊時明月照銅人
危樓大有滄桑意占斷斜陽脈脈紅流水孤村何處是古槐馳道辨西東

王國維

國維字靜安浙江海甯人

欲覓

欲覓吾心已自難更從何處把心安詩緣病輟彌無賴憂與生來詎有端起看月中霜萬瓦臥聞風裏竹
千竿滄浪亭北君遷樹何限棲鴉噪暮寒

將理歸裝得馬湘蘭畫幅喜而賦此

舊苑風流獨擅場土苴當日睨侯王書生歸舸真奇絕載得金陵馬四孃

小石叢蘭別樣清朱絲細字亦精神君家宰相成何事羞殺千秋馮玉英

馮玉英善繪事其遺墨流傳人間者世人醜之往往改其名爲

馮玉英云

邵曾鑑

曾鑑字心炯江蘇寶山人廩生有艾廬遺稿

紀夢

丈夫失意守兒女閉門獨醉亦豪舉醉中直上排天閭俯視紅塵盡飢鼠已死成都賣卜人可餘吳市吹簫侶瘴風陡作天冥冥彷彿見之山鬼聚路旁獨體滿口泥泥口仰天不能語吁嗟乎人生鬱鬱徒自苦

縱得王侯亦塵土，重瞳尙難殺。亭長猿臂，何能爭萬戶。應悔當年不醉埋，早把功名讓羣豎。我今嘔酒傾，酒腸獨立蒼茫一澆汝。金烏忽躍魍魎逃，萬里江天淨如組。過江來弔逐客靈，怨魄愁魂相對舞。芙蓉裳，蘭佩是耶非。美人娟娟隔秋浦，美人何爲隔秋浦。我欲從之采芳杜，携手太白樓樓外。一輪古灑淚，劉伶墳墳前。一鋪腐明月，誰家飛羽觴。黃土無人滴，村酤彼哉行。樂尙如此，我輩工愁復何補。上帝于今亦衰老，眞宰欲訴不得訴。耳邊時聞狺狺怒，夢墮打門風似虎。

人日辭家

應督學使者王祭酒師之招住南菁書院

草草新年酒茸茸，敝布裘打門風色緊。捲地雪花適生計，窮詩料浮名賺別愁。病妻先我醉，不忍送孤舟。江陰瀕返孫師鄭，唐蔚芝偕諸同學設餞別後賦。

鳳泊鸞飄不世儔，東南靈氣幾人收。狂言滿座青山笑，別酒如淮白紵愁。萬一蒼生須我輩，從來江左足風流。百年未絕乾嘉韻，盛會高文感此游。

吾園寄懷張芝舫

自送張郎宦汴陽，鱸魚滋味覺荒涼。枯荷衰柳無佳思，濁酒昏燈有別腸。詩擬香山新樂府，夢來雪苑舊河梁。吾儕究竟生何用，眼底乾坤刺背芒。

夢先君子撻

十載我蒿痛，須臾杖楚恩。親憂終莫解，餘事更何論。負負在人世，依依空墓門。夢回盈枕淚，悽絕一鐙昏。

立秋夜與沈萃梧話月吾園

時命動相左獨於秋易逢雲暹將到雁露警試言蟲

芝舫宜
汴將歸

涼夢不堪接素心於此同漫生搖落感孤月

稱疏桐

吳鼎雲

鼎雲字曾圃安徽合肥人有蘿月軒詩

莫愁湖櫂歌同錢樸儒洪聲如作

云汪湖水漾微波漾得愁來可奈何游女不知愁緒苦隔花猶唱采蓮歌
可憐兒女貌如花不及英雄氣似霞獨怪王侯綠底事並依湖上美人家

題烏江霸王廟

叱咤暗鳴蔑等倫英雄到死亦嶙峋丈夫不學伍員輩偷渡江關作乞人

感事

河山搖落此何堪明月窺簾尙自愁誰使楚王輕問鼎似聞燕國已無函入朝那便來河北失計無端下
僕南中夜有人方起舞未應成敗逐時譚

作家書感少女裏

欲作家書下筆遲老懷難遣夜燈時也知早慧終成歿其奈深憐易觸悲大地沈淒曾有汝小魂嬌怯去
依誰分明面目猶堪憶欲不思時轉益思

文廷式

廷式字芸閣江西萍鄉人光緒庚寅進士官至翰林院侍讀學士有雲起軒詩錄

贈盛伯希祭酒

鬱華閣裏警秋聲道在忘身况強名十葉承華真帝胄五經通貫老儒生如聞撫劍憂邊塞復此銜杯樂
聖明未敢勸君焚芰製伯希詩有此生終老芰荷衣之句寂寥太學想陽城

自七月至十月有感而作四首

誰言國弱更佳兵其奈狂王憤已盈鐵騎晨衝丹鳳闕金輿宵狩白羊城何人能屆橫流溢今日真憐大
廈傾無分麻屨迎道左收京猶望李西平

北狩烽烟越幾時西行旗鼓更堪悲朝廷衮職尊藍面河朔軍符授赤眉目斷汾河惟雁到心驚滄海有
龍移孤城淚灑荒江畔忍痛新裁變雅詩

峭瀾形勢本天然，王氣銷沈九百年。但使東南漕底柱，漫愁烽火徹甘泉。羽觴露浥瑤池讌，仙掌晴開玉井蓮。回首烏龍江上月，秋風清淚泣銅仙。

燕秦莽莽舊山河，到此誰揮落日戈。未必平原頭可篋，更無延廣劍橫磨。漫天風雪堯年冷，誤國衣冠宋鵲多。陳陶詩禁掖衣冠加宋鵲前後沈楊寧得料，霜晨攬鏡未蹉跎。

月

藏珠通內憶當年，風露青冥忽上仙。重詠景陽宮井句，菱乾月蝕弔嬋娟。李義山景陽宮井雙桐詩秋港菱花乾玉盤明月蝕

辛丑元日試筆二首

謫籍栖遲久，積波感慨頻。新年增白髮，故國滿青燐。星朗空江夕，花穠小檻春。迂生謀已拙，闕管驗鈞陳。誰解橫刀出，真成下殿趨。亡秦三戶在，哀郢兩門蕪。日月迴元運，風雲感聖謨。幾時哀痛詔，寰海慶昭蘇。

山居六十四韻用九佳全韻增八九字

息影巖阿足蕭閒，事事皆橐天符柱。史膠日命靈媧籬，援春栽槿郊扉晝。閉柴野游來廣莫，代謝紀無懷。瀟灑華陽帽，優游闕里鞵。碁圖重布子，劍解與添差。溪集商同趁，湜居客並佳。拾岡哀橡媪，搴浦挑蓮娃。醜凸深凹畫，朝榮夕悴芟。繞庭滋石蔓，支牖斲風檉。嵐峯常峭荒，園戶半闔宗。生蒿避莧夾，植柳兼樓。哀壑形摩豁，飛泉勢鬱礧。溪暉搖颯，豔淵曲溼。深瀼地僻防，摩瘴風淫慎。瘡孩巾車尋，窈窕虛室納。威巖栖峻捫，羅徑循流泛。荻箨凝陰羣，象肅吹籟八音。齋應律牛鳴，冒知更鶴頰。鞋龜供特健，藥鹿繫放生。牌

植翳恆困雉黏堯競綴蝸樹雞增夙饌運一作花脯薦清齋杯喜枏瘳列瓔將蒜殼排榮膺宏景賚貧減庚

郎鮭楓槭思朋友饗瓜餉等儗霜清蟬嘒嘒月黑狗哇喋酒甕生新潤琴牀積舊蠹囊盛雲裏覓過水

潛潛草彩遙相接林光淨若措漁師爭蹈獺庖子欲羹豺機汲輪回瀑村謠答遠颺閒情調燕雀徹物富

螺廬跌宕從巖隱彎環步短街杖藜初嬰鏗躡履尙徘徊二句一作坐來能鬼錢行處尙徘徊鬼錢並上聲遠樹低如善文莎細

似緒松高疑倚岱橘老漫逾淮萬竹青竿亞雙檉紫穗挨橐深南越桂蟻聚北宮槐學種莊生瓠還移孔

墓楮齊民曾講習老圃信癡洼仰面看飛鳥停車軾怒蛙振奇搜越絕談詭誌齊諧汲黯狂猶昔劉伶醉

可埋華胥前聖國阿閼化人階頭頸周秦籍心嫌鄭衛哇雅言稽郭璞字解徇徐錯楊子玄傷巧相如賦

類俳劬宵燐火耀鳴晦翰音啗整軼標細帶繙經剝翠釵凌空揚鷺羽蕩潤邁凡騶倦几拋書卷栖塵滿

箭靛藩維苞枿黠旄節信音乖漕粟資連舶傳烽走快輦幽浪更反側胡梵漸離瓠颯怒號無竅瀾狂浩

莫涯求砂虛抱朴聞唱感洪崖素髮俄垂頰朱門肯乞膜翛然煮白石寧要佩青編轉晷時光迅繁翼歲

暮篔折梅聊酌醕煨芋自然黠撫枰音磬延譔笑投壺止罰唾五窮仍樂道一旦敢行怪柏茗澆殘夢蘄香

養病眩朗吟招隱賦金石願誰借風裡見貫休詩唯喋見寒山詩鞋頰見相鶴經罽磔見海賦濞濞見江賦此數字韻書並不載今以意增用又元徽之店臥聞幕中諸公徽

樂會飲詩有三省詎行怪詞天卸是尚語怪字尚字今韻書亦不載

山居雜詩三首 甲辰

雪山筍裏勤求藥祇樹園中廣施金獨有淨名無一語天風吹座落花深

石澗纔局三尺瀑巖梯高縑萬年藤窺窓欲下猿偷果過澗仍回鶴啄冰
山谷老人親種樹碧池處士舊憑闌斜陽不改青山色寄語時賢鄭重看

王以愨

以愨字夢湘號古傷湖南武陵人光緒庚寅進士官江西知府有騷塢詩存初續集

王新建紀功碑

開先訪斷碣紀功有成逆藩昔跳梁公撫南贛城投袂躡其尾一掃南州清再戰宮亭湖十日屠長鯨
奇功出不世五岳齊崢嶸我來重徘徊弔古悲朱明燕賊犯順初一隅螳臂撐赴訴大寧衛瀚雪欺長兄
伏兵塞上起倏擁寧王行事成天下分不成同就烹茲言誓天日帶礪非所榮竟藉兵力強帝業開燕京
謂宜安樂共胡乃猜忌并背盟既孤恩峻責尤寡情王也臥南土竄伏如鼯鼯宗藩敢再希矧建天子旌
宸濠實王裔蓄怒知不平心覬祖武繩運值皇綱傾燕且求入衛吳淖陰結盟武廟方游畋羅織紛縱橫
水溢必有源木生必有萌起兵清君側靖亂爲先聲一麾盪江湖風鶴燕臺驚胡乃掠安慶下策師英鯨
維公粹心學誓師一書生掃穴鐘簾寧獻俘檻車盛不聞五等褒遽煩六師征千鈞渺一髮羣蠅競營營
藉非豎貂援詎免皇顏爭見幾一不先誅戮隨韓彭嗚呼有明世濟惡浮秦嬴武旣禽色荒濠亦鷗鼻鳴

祖訓先啓之僭亂紛宗訪天命苟在躬煦鑄皆人英高煦公雖削大憝虎口徒手櫻事久名始彰無乃天
鑒誠勒碑意良苦聖武昭寰瀛嘉靖何足述罪尤商紂盈頌有嘉靖我邦國語高高廬阜雲明社倏已更
吾師五柳陶一笑飛鴻輕時以爲世廟之祥

自廬山西赴九江

亂峯無際鬱岩嶢一塔天池獨見招丹碧高低村外樹笙簫鳴咽澗邊橋東林鐘送穿雲履南菊花迎載
酒瓢落帽佳晨好歸去快聽五老奏仙韶

登五老第一峯

振衣三唱白雲謠杳杳霜厓踏雁毛五岳中間此天柱長庚去後幾詩豪天開吳楚東南界風送江湖日
夜濤昨跨漢陽峯頂鶴今來未敢賦登高

復答冬丈聊廣其意

落落莫莫劉伯倫悠悠忽忽嵇叔夜古之人與真我師公胡爲者仰天咤萬古無情倉造字一國皆狂孔
觀蜡斥鷃方嗤大鵬展道途爭笑越人射君廚顧及古鉤黨金張許史世姻婭身依權門勢已赫命註箕
宮罪誰赦有耳休矜巢父洗有口休從灌夫罵世事紛紜虎鼠鬪微驅倏忽鼃鼃化誓將谷口學驅犢不
然秋田看行稼枯碑埋雲剔蘚讀斷崖障月穿蘿迓北窗自信臥羲皇東山寧妨論王霸嗚呼阮乎多事
蠟遊屐向平何日完婚嫁飯蔬沒齒公倘嗤催租有吏吾還怕

宿馬祖禪林有述

孤宦誰爲淹終朝簡書役靈巖入我夢駕言適城北稍稍越沙浦悠悠度阡陌豈不懷安居登臨意難釋
眞子結庵地濂溪有遊跡攬勝偕僧難問途及樵客崇岡來若迎複嶺去如積面湖水東注到寺日西夕
山果寒益丹潤草萋愈碧風生臥虎洞露漬調猿石高歌振雲塔矯首望江舶敢忘腰脚勞聊慰烟霞癖
一臥俯松頂再來紀寺額秋聲警無寐夜氣清有獲心隨去國遠老覺看山迫明朝誦移文高邱萬重隔

漳河

西陵奏樂戀餘香寂莫銅臺日月長七十二墳沙草合不知何處憶君王
炎鼎三分未易兼鄴宮已徧竹枝鹽容容莽懿甯堪數惜爾譙東漢孝廉

博浪

海飛山走博浪椎斧鉞能逃事亦奇幸免紫陽書作盜佗年身是帝王師

宋城感懷二首

烏鵲何心慕鳳皇青陵臺上月如霜人天別有分鴛網萬柳西風淚萬行
蕙叢身後聘柔之元相悲懷只自知千古銷魂定婚店宋城東去日斜時

登太華鎮萬壽閣

憑虛百尺倚清酣秋入宏農萬象涵天外長河流渭水雲端二華接終南微茫秦樹歸飛翼迤邐周原遠

客驂欲訪碑亭無覓處四山嵐翠滿松龕

六盤山

積雪瞻太華油雲攬東岱今過六盤山益信天狡獪高高隴坂雲橫分雍梁界一支走北地羣山互齧戴
梯空安可窮毋乃厚坤隘七月陰崖寒風雨白日晦千盤作螺旋百轉出鳥背登高望西極川原盡破碎
一身裹雲氣焉能辨涇汭元昊昔盜兵藏鴿逞機械宋師實不競赤手搏蜂蠆惜哉一韓名何救好水敗
元老聖朝出軍威震無外一清關隴塵再盪祁連穢茲山屢駐節煙嵐壯旌旆事往哲人萎攀柳尙遺愛
淒其隴頭水邈矣風雲會驅馬拜蕭寺松風漱寒籟元宮亦成塵惟有名山在

趙熙

熙字堯生號香宋四川榮縣人光緒庚寅進士官御史

石遺室詩話堯生詩才敏捷下筆百十韻或數十首立就造詣在唐宋之間所作不下二三千
首每首必有精卓不猶人語余嘗以爲能兼其鄉人文與可唐子西韓子蒼所長而隨手棄斥
多不存稿今相去萬里音問數年不達搜集只得此數矣

同人舊慈仁寺看松

近代詩鈔 王以愨 趙熙

一幅春雲蒼翠姿，或云生自六朝時。人情好事誰能據，天外蟠空勢自奇。古佛與人爭歲月，老龍出水作之而尊前。九日渾如昨，蕭瑟前身問畫師。前年重九曾同石遺翁一遊

天寧寺荒臺登高和石遺叟

古人不盡當時意，歷歷登高總自悲。爲客經秋仍往節，去年看雪正峨眉。光明厓作重九功名歲晚非天子，法喜

宵寒共石遺。我室惟法喜坡公句也。余今年六月事。塢影山光黃葉外，因君迴首菊花期。

八里莊摩訶菴登高

樹邊人語見村莊，酒旆風微葉漸黃。小坐一餐如旅客，出城八里屬良鄉。寺經劫火猶留塔，秋老山容漸有霜。不負騎驢尋野色，寒花十日古重陽。

峨眉山紀游小詩

藥池仙綠草萋萋，澹罷香痕翠鳥啼。一去藐姑人不見，海棠紅遍寺門西。
何處香龕寄此身，枯槎如石已成塵。當時便化陳留樹，亦是空山幾百春。
子半天心坐夜看，西風吹月挂林端。白雲一片忽飛去，七十二峯秋雨寒。
白雪陰岡自歲時，西來猿鳥颯寒枝。石泉流出東山雨，此意分明識左思。
石芋炊香拊瓦盆，庵荒日落檢殘尊。孤僧懶性能題句，山閣鐙寒虎扣門。

天地開時便此泉，一泓還在佛生前。夢中無路荊州去，夜月蒼龍獨矯然。玉液泉

莫將混沌比希夷，鑿徧雲根石不知。一笑人間驢背失，與參泉味在山時。

希夷石

瓶中芍藥

玉琢芳華照硯池，瑤臺新迓藐姑姿。醉來香露濃於酒，春入仙雲化一枝。如此紅顏非上苑，頗慚清福占西施。簾間日與風人對，可有心情憶餅師。

榆錢

春風何苦戲貧家，重疊空階似落花。小樣故應天上種，何人私向杖頭誇。圓於荷葉驚春水，鑄就僧年老鬢華。莫爲綠陰嫌掃地，王門消息不如它。

柳花

薄命東風只自嗟，年年飛絮滿天涯。馬頭春色人千里，笛外萍蹤水一窪。吟入謝娘空作雪，逐來張儉久無家。人生祇有秦關遠，豈獨飄零是柳花。

昀谷太守之蜀作下里詞送別石遺老人命錄存之別爲補綴如左

石遺老子天下絕，談詩愛山無世情。大好金華讀書處，伯玉聞風心到錦官城。

送客魂銷下里詞，故人楊子最能詩。遲君一縱巴山棹，細雨迎秋唱竹枝。是日立秋。

心感中年別故交，一官如芥共堂坳。西行却有高僧意，萬水千山自打包。十載東方鬢已新，散原無閣築延真。扁舟此日還爲客，滿眼江湖綠戀人。

身外殘書塞兩扉一舟搖入海天微輕裝穩壓彭蠡碧頭白匡山話早歸
日照香爐生紫煙知君於此漱瑤泉醉中一浣銀河筆大瀑如龍落九天
老愛山房聽雨眠送君心已到開先此中禪味分明在落月東林去眇然
一月出山天色晴中秋夜泊九江城思君不見桂花發水上之官明月生

路轉樊山樹樹秋維舟漢口又沙頭彝陵訪過歐陽跡一路猿聲送峽州

西陵水色勝新朝莫黃牛上峽難人在空舡歌一曲雁聲遙應第三灘

新灘三灘皆時新崩也在空舡上

小泊香溪到玉虛洞中垂乳是仙居祇緣心上明妃在水味濃香滿漢書

屈原廟前楓葉紅歸州平明打鼓上巴東秋風亭下香火絕手板無人謁寇公

巫山峽裏玉清冷人在冰壺一色青水響猿啼神女怨雲晴雨淡楚王靈

巫山窈窕復玲瓏墨作圍屏玉作峯一鏡桃花低綠水瑤姬寫影在當中

縹緲巫山十二峯晴峯奇秀雨峯濃美人峯更薰香立如此巫山愁煞儂

一舸瞿塘日易西峽門鹽甲與天齊千秋杜甫吟能健白帝城高接瀼溪

漢主征吳此路迴連營一蹶使人哀三分不續高光業八陣遙當滄瀨堆

雲安縣前江水春桓侯廟裏賽江濱盈盈石上浣衣女何處凌波無洛神

燕龕峽轉漸安流南浦人煙出萬州風使南賓三日到翠屏山向白公樓

南賓古忠州治翠屏山有陸官公墓在禹廟後隔江卽香山樓

也

平都古寺風冷冷山木入天揚翠旂仙人一去鹿無迹日斜山鬼下空庭
平都山即今酆都山也爲王方平陰長生飛昇之所宋時白鹿

猶存見東坡詩

黃草峽晴魚翠飛漁人支網石梁歸山花紅入半江水溪女采香歌翠微

水折山紆一道青春來巴峽滿啼鴛王維此地曾經泊際曉吟花憶上京

巴山行近子規啼巴水三迴折向西巴墓墓隨荒草合李嚴城枕石峯低

浮圖大勢壯江州二水朝天抱郭流斜日隔江尋禹廟塗山淡煙籠樹醉夷樓

天晴三日出渝關千里龍泉始見山日與稻田高下轉人疑桑墅有無閒
周副使導蜀人種桑期十年增入歲三千萬金

行盡青山見錦城菊花天氣雨初晴沿溝半日藍輿響大野青浮一掌平

一擔行囊半擔書爭看太守到成都知公事崔承樛首問青城次桂湖

九天開出一成都華屋笙簫溢四隅半壁由來天府重獨憐劉禪是人奴

張儀樓接文翁室逸少馳心廣異聞試到琴臺花一笑當鑪仍有卓文君

少城花木似公園冬日紅梅夏日蓮莫向武擔尋石鏡摩訶池水亦桑田

自古成都四大寺北門昭覺樹參天老僧會得涪翁語花氣薰人欲破禪
寺僧娶妻生子更主婦姪以從事發到官自稱無後爲大也

春水依人萬里橋枇杷門巷倚晴泉井泉染得花淺色便恐桃花是薛濤

角巾閒訪二仙庵，
斐冕交情問古柑。
不爲遨頭向花市，
古來名士愛城南。
城南水竹最清暉，
處處叢祠白鷺飛。
前歲梅花三度宿，
令人心淡不能歸。
青羊一帶野人家，
稚女茅擔學煮茶。
龍竹綠於諸葛廟，
海棠紅絕放翁花。
周子能官愛草堂，
臘中題壁贊公房。
兩年不見頭增白，
每對梅花憶故鄉。
萬事由天守一迂，
春來花鳥覓邨沽。
閒行泥飲遭田父，
爲道耕田識字夫。
老愛耕田訪桂湖，
升庵遺跡重新都。
桂香濃到中秋夜，
歷歷湖邊坐酒徒。
便道尋秋灌口涼，
淘沙作堰歲功長。
伏龍觀裏江聲發，
玉壘天晴一望鄉。
天師古洞豔山名，
第一江源了上清。
仙跡試尋銀杏古，
白雲紅葉畫青城。
錦城東下路蕭然，
九眼橋南綠接天。
兩岸漸多黃竹子，
女兒耕得華陽田。
江口彭山百里程，
鷺鷥飛處問灘名。
水天一色玻璃碧，
風蕩漁磯作玉聲。
眉州紗縠拜蘇祠，
紅映荷花看打碑。
蠖叟詩一雨中巖山盡，
活綠波浮動一蟆頤。
平羌風草媚於蘭，
綠淨無人守釣竿。
一邏龍泓山似玉，
玉人臨鏡掃眉看。
漁歌裊裊荔枝樓，
漢代犍爲定此州。
人愛陸家官味好，
江心一點畫烏尤。
太夷甚稱放翁嘉州詩
烏尤山是古離堆，
沫水沙明一鏡開。
竹外三泝九秋色，
勸君莫掉酒船迴。
船頭掠水亂鷹飛，
古佛凌雲坐翠微。
人說海師遺蛻在，
樹頭依約一僧歸。
像高三丈

高望山前宿雨收夕陽如畫滿城頭雁聲搖曳江天遠人在西南第一樓石湖語
斑竹灣頭客散遲小船炊火集漁師西行是入峨眉路一角籬花露酒旗
觀音一石水爭波此地銅河入雅河石外豁然平野綠桃花源裏得春多
傍竹人家盡種蔬石邊蠻洞是秦餘蕭然一灞鄉風異男自耕山女讀書
五里沙源盡虎頭水鄉一族占林邱棗林桑墅看逾好風物依依似鄭州
青衣渡口飯蘇稽竹繞行人百鳥啼何處藐姑臨水立仙山青出玉城西
符文一水似江鄉麥草青青菜子黃老忤陳登求下策峨眉山下問山莊
南安四徼近烏蠻地勢東來半山兩日行程香來到山城過雨百花開
余家榮縣水田西春至秧痕一剪齊故老若詢游宦味祇應留舌示山妻
山妻一歲隔幽明少婦嬌兒白髮兄君儻到門應憶我孤雲落日話京城
古洞青陽九夏幽昔年携史洞中游故人若聽重陽雨野寺丹黃樹葉秋
秋雨重陽最憶君兩家風土各知聞何堪八載長安住水驛山程夢子雲
故人王相臨邊久莫爲浮雲嘆此身坐與岷峨爲地主當年揚馬是州民
雪山西望苦邊籌落日何人不旅愁臨別慰君還一笑詩人謫宦比黃州
三生有約來時路一一親題送子雲西向定將人日報草堂花發最思君

交君始
癸卯

水驛山程約略齊併應漁具手中携閒吟爲伴陳無已一夜鄉心繞蜀西

精忠柏歌

程侯寶護精忠柏此柏蟠根浙江臬實維風波亭故址大宋乾坤一刀血岳忠武死柏卽死柏死非死事
奇絕立二十尺圍四尺亘七百年化爲石人今見柏見忠武咸豐中斷爲九節賊以兵火斫燒之此身可
碎不可滅海外何人睨其一脫帽苔肩禮忠烈手挽蛟龍出亞洲氣貫中華地心熱程侯拊柏呼向天岳
墳正點棲霞穴理移八節植廟庭鏗闕周之建隆碣二三人外衆不聞侯藏其功心似鐵從來哀莫大心
死慘哉中原岌分裂柏在天地無朽理忠武英靈望來哲作歌拊柏質程侯匪飾湖山風雨浙

白葭居士屬題精忠柏斷片圖時壬子九月古重陽

去年我賦精忠柏別後中華變民國孤山大起風雨亭岳廟年深壁穿穴程侯好事囊無錢柏在庭中如
斷壁手持一片寶諸室血點苔花浸湖碧我知君非作清供下比淮山一品石梅檀承坐井華香意取忠
魂奉朝夕菊花黃兮楓葉赤我今歸向巴江驛西湖淨綠如一夢此柏森然在心魄披圖惘惘題質君好
記秋心樓上客

白葭圖題辭

白葭心在葭深處夢中亦向蘆花住江色空明兩岸秋一舸中流點沙鷺廓然天地此高臥別有仙心會
詩趣風流妙簡孟光筆伯鸞小影毫端遇大勢江南煙水鄉恍見吳淞數株樹今年八月出京口片帆直

剪焦山渡綠波紅日黃葉樓金碧圖中印瓜步明朝又蹋江聲去上峽黃牛算朝暮隨風落葉不歸根南
北風波四無路此生那有漁師分曬網花閒作家務如君此圖信清絕左右奩裝排畫具天然衰師秀無
匹平陽屢索西湖句女公子責詩甚勤畫中祇少一樵青詩夢期君證禪悟

題鄭先生海藏樓

側身天地一高樓蕩蕩煙痕積九州黃鵠方圓窳世界金九日月鑄詩愁憑欄中有無窮事異代人悲百
尺秋若待桑田可留命古今疑見海西流

得石遺文集快紀

造物於君怪多取驚看文亦不猶人率然出口得生氣聖處如詩見道真百鍊千將成此筆一泓秋水淨
無塵美人千里思明月知是前身是後身

夜中讀石遺集時三更後矣

卷袖掀髯宛見君妙如吾意欲云云魯連黠性翻黃鶴弘景秋心入白雲小賦豈堪皇甫序生天真見辨
才文牀頭怒聒朝炊斷使我寒燈展夜分

喜得石遺書文集到後十日

此卽龍威所出書居然譚苑有醜齏真禪味自南宗得斷獄情知老吏無徑欲黃金爲買島却慚青眼到
韓駒惠詩敘過以子蒼相况子蒼所居去余家裁百里因公言遂覓陵陽集今猶不得勸君別集收刀筆撒作人閒萬智珠來札宣心寫妙構入無倫竊計生平存稿

必多凡關國聞者於交舊中存其詩者存其人者或一時一地偶微生趣者綜刻之嫌少耳不嫌多也至論學談藝尤一集中堅片楮不容刪錄

調畏廬

柏槻雄文

石遺論定

石谷圖十年風味識林逋堂堂老子還稱霸王霸也見

石遺書

歲歲添丁直跨盧何福藍田將玉

種近鋤明月買花無如公不負陰行善擘取榴房得蚌珠

書竟有餘幅漫系一絕

小詩分錄無阿買

林羅處不分錄上

驛使逢春寄太丘一紙爲君添夜話百花生日發榮州

嘉定太守招飲凌雲山

山盡大江開孤城水上來扁舟漢嘉守載酒凌雲臺萬隼當秋擊飛龍與岸回西風渡殘照黃葉下離堆

爾雅臺

漢代遺經重荒臺絕島懸空山寒抱日老樹氣全天蜀學無今古文翁有歲年江花紅照石一碣長苔錢

嘉定舟中

一塔出嘉州銅江水合流好山似神女明鏡照烏尤渡遠人爭市天空雁入秋扁舟漁唱晚萬葉夕陽樓

冷然臺

萬山青作大圍屏兩道江聲入座聽太古乾坤開浩蕩浮圖鼓角震空冥是會老子婆娑處不盡巴城氣

象靈生憶李嚴談地勢園花風起送微馨

十日留宜園賦贈勁風主人

如此江山入酒杯，萬花高下涌樓台。人間節是三春好，天外峯隨二水來。隔嶺亂松吹虎嘯，捎雲大竹養龍材。憑軒一吐全城氣，浩浩神州四望開。

璇碧軒

乳竇尋秋穎，惠山一堂松。蓋古漪瀾歸，程已度沙千。刼野約仍通，竹數竿花片魚天紅。雨活苔碯鶴步綠，陰寒月華激激生。員嶠夜幻滄冥萬里看。

秋心樓坐雨卽題黃鶴山樵畫卷

白袈道人湖上居，暇日曾編桑苧書。開門綠淨不可唾，一片秋心生太虛。今年却犯燕山暑，飽吃長安軟紅土。要我南尋湖上山，押解湖樓看飛雨。老親稚子各欣然，有女能操異國弦。我識孟光元善畫，倩寫湖中大雨天。白袈笑指蘇堤綠畫裏，何如樹間屋老來。相約作漁翁，且題黃鶴山樵幅。

秋心樓夜飲醉贈程公子併質白袈翁一笑

人情勸加餐，我以醉爲樂。酒中得勁敵，十歲見頭角。性喜觀日出，向母扶羅幕。五更起望海，紅氣半天灼。湖中刺小船，劃冰聲霍霍。人扶則怒噴，獨力絕依託。掄指奏風琴，裊裊西洲樂。西溪萬竹綠，茅宇蒼林整。游心欲去飛，不住雲將躍。其餘湖上山，尺寸能摸索。心持六分醉，貌極十分酌。伴狂恣其天，濃笑一家愕。是皆食牛氣，乳虎疇能絡。情知讀書強，如飲不示弱。乃公乃不飲，飲不過三爵。所媿爲人父，當面辟杯勺。

何哉窮好事寸念結民瘼子身千劬愁剛腸不容惡劍是三寸舌挂齒厲千鎊罵世腐如鼠自立實如鶴
對客不問姓性又疾奕博獨喜聞霹靂大與天公錯悠悠人世心安得不柄擊西湖一亭長袈裟兩芒屨
吁嗟此奢願老至求禪閣來日事大難將身何處著放頭交一枕聊可羲皇約斜日鳳林鐘涼几方舒脚
請爲醉後歌我歌子其罟自我客湖樓山清水寥廓無事止飲酒到口杯難奪未死先學死一醉入冥漠
欲譏君善睡我亦睡相若年今未五十百事懶不作昔昔鑽故紙所得亦糟粕舍酒復何適雖困不爲虐
嘗云日廢書令我枯腸涸得書而失酒自待良已薄鴟夷與滑稽此是平生略君今有麟子麟德異鶩略
進業須及時事事令共恪古來傷仲永我病彼當藥燈前大雪雨天外銀河落狂吟永今夕鄰鷄聞膈膊
勤望仲謀興匪作唐兒諛詩成恕我醉明日有餘作

憑石遺寄海藏樓

前歲曾吟鄭君里櫻花紅白閉禪關悠悠世事憑翻覆落落詩流倦往還誰識心雄萬夫上無窮事在一
樓閒未來天地從君卜大海潮頭壁立山

附壬子三月訪海藏作

所居相距五千步獨自尋君獨自還一院春風乾淨土櫻花紅處似僧關

懷畏廬叟

養生餘事託荆關亂後今知鬢盡斑一飽一飢留命在古心古貌立人間遺民汐社僧陳鄭列國虞初鑄

馬班四海不知埋骨地祝公娛老八閩山

傳聞有歸計

得瘦公書識京華故人消息喜極志感

鏡下欣如聚故人經年南北斷知聞苦吟健飯陳無已行乞枯僧揚子雲惟汝梁鴻妻共廡有人王霸子
成羣謂畏獨憐老跨畊牛者強唱農歌媚細君細乎小乎請定此字僕不敢誣鰥也

寄瘦公

請報迦音示虎兒舊年門下客今衰窮無別事惟耽酒老卜他生再贊詩野史荒涼翻蠹簡楚人醒醉惱
漁師君如歸作羅浮主記與梅花報我知五句翻者翻案也

上任父

無名死近不材身一髮餘生賜老民寡識送將禰處士反騷留得楚靈均眼中南海應無恙鄒下平陽計
適人地獄故應求我佛出墻紅杏一番春

鰥廣爲農戲寄

老去多牛號乃公全家力作畝南東半生識字千天怒八口占星盼歲豐留命桑田休問海傳香麥隴自
聞風杏花菖葉陂如鏡椎髻相看一笑中

得懶公書知楊昫叟近狀百感作寄

並無歸路到禪關獨影栖栖燕市閒講肆爲生通馬隊歲寒留約斷巴山佳兒已解應官未舊侶同嗟得

食艱莫唱秋墳聊近酒老來還泊落星灣

延真閣得詩應報我一長書也

得翊雲書寄上叔海先生

生平小傳是劬儒公子於今亦老夫千里月明除夕望一家喜氣大梁無我歸故里如羈客人指中華賸酒徒幸入青山無片屋免教賣婦貼官租

國民供億之苦財政貴人不知也

寄懷蒲伯英長安

內美修能君也獨相思薊北復江南天將無意置鄉國吾自一丘終雪龕老母白頭應健飯新花碧玉卜

宜男潑眉山半君家地采藥何年築小庵

潑眉山漢蒲公采藥處有屋杉中極雅葺之彌雅

上石遺叟

我自入山無出理計難相見只相思長安如日夢不到前歲傳書今始知數畝陶江應有宅一貧匡鼎坐談詩因風夜下啼鵲拜并訊人閒老帝師

讀石遺室詩話記慨

故人各各風前葉秋盡東西南北飛今日長安餘幾箇前朝大夢已全非一鐙說法懸孤月五夜招魂向四圍當作楞嚴千偈讀老無他路別何歸

山行雜詩

芳洲一水淨無塵何處桃花不是春滿地夕陽歸路盡此中宜有避秦人

萬道楊林水一渠勝峰橋接廣成居野人不識天皇事一卷農桑是道書
山上蘇亭望轉遙市聲濃處雨痕消碧瀾寸寸皆秋浦何處青林是板橋
石徑穿雲見佛關蒲公採藥幾時還經年不斷樹根雨說有蒼龍在石間
三藏東歸立此堂渺無人處夜泉香老僧愛客呼新汲明月隨人度石梁
波上漁商集晚汀人傳地道接南溟山鐘夜火凌雲寺九子煙中一點青
一角青山似玉壺半崖臨樹好僧居客來爲揭西庵字句曲仙人此著書
烏尤雨過水鱗鱗紅葉無風只似春晝出襄陽歸意冷一船山影坐詩人
果師卓錫留經院小座烹茶石氣濃夜久不知明月上萬杉泉韻下中峰
錢郎好客還多病手卷吟花日閉門憔悴一官風味好數株紅樹古鄉村
漢嘉城角妙清秋紅樹三杈畫一樓向晚自尋江上望依稀山色似榮州
藥池山淥草萋萋澣罷香痕翠鳥啼一去藐姑人不見海棠紅徧寺門西

遊峨眉詩四首

蒲公菴

依稀雲外寺紅葉是誰家聞說蒲公裔沿邨種朮花亂杉如古畫萬壑起明霞虎跡逢人問山樓響法華

中峰寺

果師行道處秋晚寺門清松影前朝綠鐘聲片月明當年碧山坐一念白雲生聽到中峰偈蒼龍夜有聲
采藥池

漢武尋仙藥冷冷水一池巖生五色蘚石長千年芝秋穡遺殘徑山臺隱斷碑人言龍女過清夜玉簫吹
九老僧

炯公昔聞道行止白雲深生計儲山果秋光抱石林夫君挹前秀古洞坐雲陰無事攜鋤好栽花是佛心
松梢亭雨中作

細雨繁香草似蘭四圍青土與蒼官傷心杜宇催春去亘古髯龍叫夜寒八口難謀一席地橫風吹墮遠
遊冠如今月不關圓缺何事方諸淚不乾

過涵秋館感賦

一屋千山復萬山長聞魯甸與恩安老年性愛三巴好此地風來六月寒每挈諸孫常永日坐聆流水獨
憑欄如今亭館無人在須作松陰古社看

峨眉山行雜詩

野水數株樹寺門相對閒斷碑無歲月古鎮集峰巒僧計存蔬圃纒聲響佛壇晚風吹落葉鄰叟話天寒
天外一峰開金銀晃法臺崖經大斧劈雲涌怒濤來秋盡花猶發山青玉作胎洪荒留海色左股折蓬萊
開關夜不盡蒼蒼華藏秋中天一明月萬古此高樓呼吸通星界華夷判地球雪山五萬里闌外是神州

江船聽夜雨清味此心存况復臨蕭寺能無近酒尊一官無妙轍萬事愛山村待夢和雲臥秋心自覺溫
正陽門外送陶老

雞聲速客聚清晨作別今朝事已真此地爲君成灞水離心四角長車輪

車前紀別

寸步是天涯當前漢口車命窮輕旅食日落夢京華出郭山隨客逢君菊尙花一官如燕子江海不成家
別後歸途口占

送君去者自厓返殘雪癭庵落葉多垂老倍知官味苦閉門歸奈歲寒何客中對酒誰親故山色催人辦
笠簔愁絕北風吹袂冷故人今夜渡黃河

十六夜憶無竟

思君何日到羅浮屈指看山下鄂州戀別嬌兒增涕淚苦吟寒夜憤衣裘愁來中酒看明月江上生潮趁
白鷗可憶安仁留斷句金焦兩點在船頭

十八夜月中有懷

計程今夜江聲裏日落愁心滿客船遠道眠餐應好在故人哀樂各中年五更殘夢燕山外一枕聽潮歇
浦前南北相望天萬里老逢歲暮計蒼然

王乃徵

乃徵字聘三又稱病山四川中江人光緒庚寅進士官至貴州布政使有嵩洛吟草天目紀遊草等集

遊嵩山道中雜詩

野性頻年官裏鋼遊心一夜客中生呼僮爲蠟登山屐未到看山已眼明
小國當年稱鄭固聯崗疊阜衛周遭古人設險今人笑半羈飛車過虎牢
斗大山城水國同官衙如艇碧嶺中三更破夢藕花雨六月生寒楊柳風
驅車十二轅轅道馬爲飢嘶僕慍含自入崎嶇還自慰人間捷徑有終南
太室峰西少室旁溪泉流韻草花香蘼蕪蒨蒨停輿處欲繼盧鴻作草堂
投宿少林荒寺裏達摩面壁至今傳亭亭石影二千載當日工夫祇九年
天半蓮花少室峰蒼崖路斷碧雲封山靈不耐紅塵客祇有樵蹤與虎蹤

嵩陽觀漢柏

嵩洛精靈幾千載剪柯拂棘吐嵯峨人間斤斧虛剗削天上風雷與盪摩未異散材辭匠石稍留香葉映

巖阿少陵無事憂傾廈萬古空山孰與多

渡洛水

立馬灘頭晚渡空孤城西峙亂流東八荒雲淨暮天碧身在河聲嶽色中
千年此地兵爭局久付悠悠洛水聲今日八方無險易欲攜鴻藻賦東京

伊闕佛龕

兩山東伊流奇功自神禹崎嶇百丈崖闕作雙闕俯後世務荒誕斤鑿思踵武玲瓏萬竅穴邃密千堂廡
恆河沙數佛一一靈光吐就中傳三龕傾想遍寰宇是時夏氣清孤嵐洗新雨飛流泉百道石罅排若弩
淪泉試吳桐清韻日亭午摩挲殘碣字慷慨獨思古元魏昔未造貴賤憂俘虜靈佑乞偶像金錢糜山隴
謀國術不臧癡愚計何補我疑西方教真諦非斯取涓涓生昔哀悠悠觸今慄披襟向晚歸涼風射輕縷

百泉

南人說江南春水如煙碧北士詡百泉江南無此敵我來費平章從容與拮據方塘不百畝萬竅宣地脈
一鑑直窺底奄有衆象積樓臺四森列樹影倒成壁無風生漪瀾不雨疑浙瀝一寸二寸魚遊暖萬隊
翠苻浴微波掀舞虬髯磔日落四山暮澹澹沒飛翻稍聞石溜清俯視星點白少焉月東上殊光射的皪
珠琲十萬斛縠紋幾千尺炫晃驚鶻棲空明盪蟾魄湧金與歎玉泉上兩亭名擬似容未覈平生幽賞意探勝
恣遊屐匡廬及羅浮以泉名藉藉豈期殊異境到此若創獲美物在天地信匪繩一格超然悟真諦聽爾

勞揀擇流連炎暑消信宿心顏擇作詩補唐賢

唐人前無百泉詩

待證後遊客

偕伯巖同年夜話愈園水閣和樊丈暑夜原韻

衆炎欺客得涼宵盡敞軒窗筆罷搖鍾阜收雲遲墮月青溪迴檻暗通潮細香生竹因風覺遠影燒燈映水飄話久累歎還共寂萬方何限室翹翹

返自金陵途中寄別伯巖

與君三歲間一歲恆一聚聚頻歡意增競進愁亦與君固善驅愁外豫中憤沮行似陶彭澤心軫懷沙侶我生困塵鞅百感不可抒俯仰絜夙抱豈在異出處矧乃櫟社木誤欲被斤斧持柄以入鑿安得物無忤大化馳洪波萬態異三五指馬匪定名正色孰爲覩而我篤於時衆迎守孤距雖未病已違何有於世補以此淪君憂轉益厚君許迢迢飛蓬車惴惴衝飄羽投足方趨起顧影成遑阻惟君析其疑迎刃截衆縷誦我芍藥詩期我松桂隲爲我決卜居申我盟寒暑亭亭青谿畔邂逅朝川墅

君新築宅青溪上

淹留逾信宿跌宕忘賓主感君繹微義勉旃循咫尺武行役報主恩歸聽畫船雨

遊石孟潭宿王舜齋茂才家二首

石孟潭不見志乘餘杭魯純白始稱之遊者踵至實勝境也茂才先世避宋秦檜之禍卜居於此今七百年矣地名王家村

風磴路盤紆山深萬綠腴人因泉架屋天琢石爲孟茗水分流出桃源勝此無吾宗避秦至久絕問津徒

觀雲海口占

浩瀚玉波瀾光明錦綴聯鋪成純白地覆以葦藍天無處著塵滓因風俄化遷眼中俱幻相彈指又桑田
由天目返行臨安道中作

茗溪衆水歸浮玉羣山祖水行山曲環山賓水乃主我從水源處送山入平楚筍篴五十里剝目扶肝腑
茲邦靈秀色久入畫師譜昔時存目想今乃接眉嫵娟娟千芙蓉出水新萼吐初無奇崛狀徐以微意剖
渾厚實清雄蒼潤益醇古疊起不厭密有罅巧能補譬如羣賢才藹藹蘭臺聚又如屬車士森肅振行伍
尋常一兩峰高調已誇詡偉哉造化工廣庭奏萬舞吾家虞山翁巨幘世爭覩當其擲筆時我知仍色沮
况乃霜葉新丹霞燒壁鴟倘入徐熙手更宜妙毫楮天際幻陰晴鴻濛雲欲雨尤惜無小米作圖詫寰宇
侵晨飯僧房迤邐過亭午一遣萬恨目此焉博凝佇不倦仍不飢如鑿瓊林俎屢緩輿夫行切切戒邪誑
餘杭宿魯純伯家

流水魯橋東幽棲一畝宮到門桑落後看雨稻香中蝦蟇移舟近魚山著屐通由來逃海士肆志有家風
答散原寄訊遊天目作

名山闕精靈畏入奇士目不爾被剝剔災且及草木昨者一孤往馬首亂雲簇力破天人慳始飲雨中綠
銳欲發所藏才薄力况獨追歎失印須歸來數頓足陳子詩已至瓌意訊前躅扣端抉元窆索隱擒魁宿
紙上寸犀然炳於照天燭寥寥百餘字氣奪千丈瀑諒哉山之智避爾一管竹往有岱秦約蹉跎失追逐

栖霞與惠泉畫餅不果腹都非人事咎冥冥有環矚顧幸匪及我於黨若昵蜀茲遊藉自詡成事不錄錄

嚮醫篇

宣尼述南言作醫次於巫紫陽微剖分謂視羣伎殊持擬良相後希文志益迂自茲震且士未始相邪揄
要之一伎耳理精術易疏軒岐導源流周秦始有書自漢迄李唐振耀春華敷高者入神化次亦垂範模
方由師口傳藥自醫手儲五季經喪亂宋術微以孤淵源漸圯塞醫藥遂分途設科與置局君相良勤劬
邇來五百歲斯道益榛蕪良醫如晨星古籍鮮耕畝至今千金子託命歐西儒中西得失辨未易語諸塗
我法既不競何怪人誤趨予生匪此業慨然思古初事親始弋獵問途無扁盧就之二十載醜啜糟是舖
竄居江海上抱寂稍爬梳時或有微契不能以詞據小試輒博效親故乃交譽真際吾自知溢美良不虞
遽許活人術勉以供世需方今醇化絕毒癘彌扶輿无量衆生病癖痲莫能蘇儉世鳴一藝亦已愧非夫
昔者入神詣其授由紫虛不然長桑君遇之客舍居違此而計獲無匪蠹簡餘未足師韓康恐辱君平徒
徘徊遲又久口諾足趨趨幡然計忽改自解亦自誣藉詞徇衆請良有切身圖宣統乙卯春門首懸一壺
夜來感異夢起告東海子（曾致于侍郎借時辰表啓云夜來司命見夢以昔嘗戲我俾登臚仕終作箕
人今謀償我凡我所臨病家爲遣神巫先驅袪除不祥任我以平庸淺陋之術治人困篤垂危之疾信手
拈藥無不立奏奇功沉疴若失積數月所得酬金當能自置一表卽以原物還公）

封 底